



UNIVERSITY OF CHICAGO
LIBRARY
1944
UNIVERSITY OF CHICAGO
LIBRARY

in
quid
pinc
sua

Co. T 45

D
L
L
AU
Pe
P
D
P
CU
Ty

DE ARTE
RHETORICA
LIBRI QUINQUE,

Lectissimis veterum


AUCTORUM ÆTATIS AURÆ,
Perpetuisquē Exemplis illustrati;

AUCTORE

P. DOMINICO
DE COLONIA

Societatis JESU
PRESBYTERO.

CUM PERMISSU SUPERIORUM.



SANDOMIÆ

Typis S. R. M^{ts} & Rei Publicæ,

Anno Domini 1780.

A

Ph

tori
mis
font
Qui
Her
pla
sum
legi
rea
vete
nost
ram
de su
urba
gucu
Adm

A U C T O R

LECTORI.

*Præceptis paucis brevibusque, exemplis
verò benè multis constat hæc Ars Rhetorica: Præcepta hausimus ex vetustissimis Græcorum Latinorumque Rhetorum fontibus; Aristotelem dico, Ciceronem, Quintilianum, Demetrium, Phalereum, Hermogenem, atque Longinum. Exempla, que lectissima sunt perpetuaque, summò studiò singularique diligentia selegimus ferè ex elegantissimis ætatis aureæ Scriptoribus. Atquè hoc exquisitè veterum exemplorum delectu copiâquè, nostrum hunc qualemcumque laborem speramus posse commendari, si cætera omnia desunt; illumquè etiam potioribus & urbanis hominibus nec inutilem, nec injucundum, hoc saltem nomine, fore confidimus.*

NOI

A 2

NOI RIFORMATORI Dello Studio di Padova.

A Vendo veduto per la Fede di revisione, & approvazione del P. F. Tommaso Maria Gennari Inquisitore, nel Libro intitolato: *De Arte Rhetorica Libri quinque. Auctore P. Dominico Decoloxia Societatis JESU*, non esservi cosa alcuna contro la Santa Fede Cattolica, e parimente per attestato del Segretario nostro, niente contro Principi, e buoni costumi, concediamo licenza, che possa essere stampato, osservando gli ordini in materia di Stampe e presentando le solite Copie alle Pubbliche Librerie di Venezia, e di Padova.

Dat: li 10. Febbraro 1731. M. V.

(Carlo Ruzini Kav: Proc: Rif.
(Zan Piero Pasqualigo Rif.

Agostino Gadaldini Segro.

ELE.

E
I
QU
Tal
ma
ve
Cer
he
Pel
Imp
re
Sed
Non
li
Vid
Fabu
veru
pen
la ad
sequ
Si
(a)
lentu



E L E M E N T A R H E T O R I C Æ.

C A P U T P R I M U M

De Fabula.

Quid est Fabula? (gens,
R. Est Oratio falsa veritatem effin-
Talis est apud Horatium (a) elegantissi-
ma illa Fabella equi, hominis opem ad-
versus cervum implorantis:

Cervus equū, pugna melior, cōmunibus
herbis

Pellebat; donec minor incertamine lon-
Imploravit opes hominis, frænumquē
recepit. (fit ab hoste,

Sed postquam victor (b) violens disces-
Non equitem dorso, non frænum depu-
lit ore.

Vide, quā solerter Horatius sub illis
Fabulæ involueris, & quasi integumentis,
verum ac rectum nos doceat; & nos re-
pentē à levi illa in speciem narratiuncu-
la ad veritatem traducat, tribus illis, qui
sequuntur versibus: (metallis

Sic qui pauperiem veritus, potiore

As

Li-

(a) Epist. 10. Lib: 1. (b) Violens pro vio-
lentus, vox parum usitata.

Libertate caret, Dominum vehet improbus, atq; (uti.

Serviet æternum, quia parvò nesciet

§. I. *De variis Fabularum generibus.*

Quot sunt genera Fabularum?

R. Tria numerantur ab Aphthonio, & à Theone Sophista, qui Rhetoricas exercitationes, seu progymnasmata (sic enim appellant) Tyronibus admodum utilia, nobis scripto reliquere. Tria igitur statuunt genera Fabularum. Aliæ sunt Rationales, aliæ Morales, aliæ Mixtæ.

§. II. *De Fabula rationali, sive Parabola.*

Quid est Fabula Rationalis, seu Parabola?

R. Fabulæ Rationales sunt illæ, quibus ad mores instruendos, fingimus ab homine dictum, vel factum quidpiam, quod tamen re ipsa neq; dictum fuit, neq; factum, sed tamen dici, vel fieri omnino potuit. Hujusmodi sunt Divinæ illæ Parabolæ de Virginibus decem, de Divite & Inope, de Filio Prodigio, aliæque, quibus Christus Dominus Apostolos, & circumfusam plebem ad omnem virtutem erudiebat: (a) *Sine Parabolis non loquebatur eis, inquit Sacra Pagina; tum, ut se ad rudem populi captum accommodaret,*

(a) *Matth: 13.*

daret, tum etiam inprimis, ut ferviret
 Palestinarum moribus, ac consuetudini,
 apud quos nimirum hujusmodi Parabolæ
 majorem in modum erant usitatæ, &
 unde in reliquis Orientis partes dima-
 narunt.

Rationales id genus Fabulas, seu Pa-
 rabolas circiter duodecim habes in au-
 reo Phædri libello. Exemplum esto
 hæc, quam hic offero.

Æsopus & petulans.

(a) Æsopo quidam petulans lapidem im-
 pegerat. (illi dedit.

Tanto: (b) inquit, melior; affem deinde
 Sic profecutus: pius non habeo meher-
 cle, (tibi.

Sed unde accipere possis, monstrabo
 Venit ecce dives, & potēs: huic similiter
 Impinge lapidem, & dignum accipies
 premium,

Persuasus ille fecit, quod monitus fuit,
 Sed spes fefellit impudentem audaciam;
 Compensatus namque pœnas persolvit
 cruce.

§. III. De Fabula Morali, sive Apologo.

Quid est Fabula Moralis, seu Apologus?

R. Est illa, quæ belluarum mores,
 & indolem exprimit ad mores hominū

A4

in-

(a) Lib: 3. Pab: 5. (b) Inquit Æsopus.

Elementa

A informandos. Morales hujusmodi Fabulæ dicuntur *Æsopicae*; non quod *Æsopum* auctorem habeant, ut vulgus existimat, cum longissimè ante *Æsopi* tempora (a) ab *Homero*, (b) & *Hesiodo* fuerint usurpatæ; sed quòd valdè fuerint in deliciis *Æsopo*, qui illas admodum ingeniosè tractavit. Interdum etiam non solum feræ, sed arbores quoque, & plantæ, mallei, incudes, aliæque res hujusmodi, loquentes inducuntur. Exquissimum Fabulæ *Moralis* exemplum habes in hoc *Phædri* Apologo:

Rana rupta & Bos.

Inops, potentem dum vult imitari, perit.

In prato quodam *Rana* conspexit bovem, Et tacta invidiâ tantæ magnitudinis, *Rugosam* inflavit pellem; tum natos suos Interrogavit, an bove esset latior? Illi negarunt, rursus intendit cutem Majore nisu; & simili quæsit modò, Quis major esset? illi dixerunt; bovem. Novissimè indignata, dum vult validiùs Inflare sese, rupto jacuit corpore.

Quantoq; valeat hic Apologus ad nostros mores emendandos, satis liquet ex primo versículo:

(a) *Æsopus* floruit annò 185. à *Roma* condita. (b) *Homerus* Poëtarum Græcorum Princeps vixit mille circiter annis ante *Christum*.

Inops, potentem dum vult imitari, perit.

Quapropter vir antiquis comparandus Julius Cæsar Scaliger ait in sua Poëtica, Apologum sic appellari quasi *apologos logon* quasi si aliud, palam, & apertè dicat, aliud clam innuat, doceatquè, quemadmodum Allegoria.

Quid interest inter Apologum, & parabolam?

R. Hoc interest quòd Apologus earum rerum, quæ fieri omnino nequeunt, neque enim bellæ loqui possunt; Parabola verò est earum rerum quæ, si re ipsa non sunt, esse certè quidem potuerunt.

§ IV. *De Fabula Mixta.*

Quid est Fabula Mixta?

R. Est ea, quæ ex Rationalis, & Moralis admixtione componitur, seu in qua homines cum brutis sermocinari finguntur. Eximium Fabulæ Mixtæ exemplum reperies apud Justinum Historiarum lib: XLIII. cap: IV. Hanc opportunè adhibuit Regulus quidam ad concitandos veterum Gallorum animos contra Massilienses, qui ex Asia nuper in Ligurum regionem advecti, lociq; amicitate capti, condendæ urbis locum ab incolis precario impetraverant.

Canis, & Pastor. Fabula Mixta.

Canis aliquando partu gravida locum à Pastore

re precario petiit, in quo pareret: quò obtentò, iteratò petiit, ut sibi educare eodem in loco catulos liceret. Ad extremum adultis catulis, fulta domesticò præsidio proprietatem loci sibi vendicavit. Non aliter Massilienses, qui nunc inquilini videntur, quandoque Dominos regionum futuros.

Quantum porrò valuerit hæc Fabula, continuo subjungit Justinus: His inquit, incitatus Rex insidias Massiliensibus struxit.

§. V. De legibus, & artificio Fabulæ.

Quænam est prima, ac præcipua Fabulæ lex?
 R. Prima hæc est lex, ut Fabula quælibet adjunctam habeat interpretationem, qua moralis illius sensus breviter explicetur: quam interpretationem quasi Fabulæ animam ausim appellare. Hæc interpretatio, si ponatur post Fabulam, vocatur Apomythion, sive Affabulatio, si verò ponatur initio, vocatur Promythion, quasi Præfabulatio, si ita loqui fas esset. Cæterum initione ponas, an sine, non refert maximopere.

Quænam est altera lex Fabulæ?

R. Secunda lex hæc est, ut Fabulæ narratio sit perspicua, probabilis, brevis, & jucunda. Verùm de illis quatuor narrationibus cum fabulosæ, tum Historicæ virtutibus, itemque de figuris, quibus

utraq;

utraq; potest illuminari, capite subsequenti dicturi sumus.

Q. Quomodonā probabilis reddi potest. utroque similis Fabula, quæ nimirum ficta semper res est, & commentitia, ac persæpe etiam incredibilis, fideiq; prorsus absona, quales sunt Apologi, qui belluis humanum sermonem affingunt?

R. Fabulæ quantumvis fictitiæ, quandam tamen inesse probabilitatem, ac verisimilitudinem, si sua cuilibet animanti servetur indoles, ac suum ingenium: si Vulpem facias versipellem & subdolam; Lupum rapacem & truculentum; Agnum mitem & simplicem; ac cæteræ demum belluæ germanis propriisq; suis coloribus depingantur. Hinc sapientes monet Horatius in arte Pœtæ mendacia ad veritatem accedere omnino debere:

Ficta voluptatis causâ sint proxima veris.

Et alio loco ejusdem Pœticiæ:

Atq; ita mentitur, si veris falsa remiscet.

Primo nè medium, medio nè discreper imum.

§. VI. De utilitate Fabulæ.

Q. Uenam est utilitas Fabulæ?

R. Mirabiles quosdam usus habet Fabula, si in loco, ac tempore adhibeatur, ut par est. Primò enim mirum in modum

dum valet ad exhilarandos, recreandosq; auditorum animos, & ad conciliandam attentionem, quæ delectationi solet esse conjuncta. Hac arte sibi paravit olim attentionem summus Orator Demosthenes; cum enim, licet de rebus gravissimis agens, fastidiosè tamen, & oscitanter audiretur ab Atheniensibus, hac elegantissimi Fabella repente illorum aures, & animos ad audiendum convertit.

Asini umbra, Fabula.

Adolescens æstivo tempore Athenis Megaram profecturus, asinum conduxit; cumq; effervescente jam meridie, solis ardor coepisset esse vehementior, vitandi caloris causâ, sub asini ventrem se conjecit, ut umbram inde captaret. (a) Agaso, qui locauerat asinum, hinc hominem serio proturbare, asserens se nihil nisi asinum, non vero asini umbram locasse: alter contra affirmare, se cum asino pariter illius umbram conduxisse: Cum autem vidisset Demosthenes captos hac Fabula Judices risu corruere, ac penè emori discessum repente paravit; vel parare se finxit: sed rogantibus enixè Atheniensibus, ut Fabulæ, quod reliquum erat, perficeret. Itane verò, mutata voce inquit,

(b) de asini umbra audire vultis, de rebus

(a) Italicè: Mulattiere, Vetturale.

(b) Plutarchus in vita Demosthenis.

gravibus, & feris non vultis? & illos hęc artifició ab oſcitantia, trœdiq; ad ſummam quandam audiendi alacritatem traxit.

Quenam eſt altera utilitas Fabulæ?

R. Fabula non ſolum valet ad delectandum, ſed, quod caput eſt, facit etiam in primis ad docendum, ad movendum, & ad corruptos hominum mores commendandos. Hic etenim eſt, quemadmodum Philoſophiæ, ſic etiam Fabulæ laudabilis ſcopus, ut utraq; mortales ad honeſtatis, ac virtutis ſtudium à vitiõrũ fœditate traducat. Sed Philoſophus, & Fabulator diverſis itinẽribus eodem contendunt. Philoſophus objurgat vitia palam, & apertè, ſine ambagibus & integumentis, unde offenſi perſepe improbrũ animi ſalutare monitum aſpernantur ac reſpuunt, caſtigatiq; remordent, ut inquit Juvenalis.

At Pœta vitium impugnat quaſi aliud agens, ac veluti (a) per cuniculos, & monitorũ aſteritatem, Fabularum condimento mitigat, ut nempe captus, ac delinquitus innoxie voluptatis illecebris animus ſalutarem medicinam libenter admittat, ut ſapienter monet Lucretius lib: 3. & 4.

(a) Ital: *Per via di Mine.*

Ac veluti pueris absinthia terra (b) me-
dentes (circum

Cum dare conantur, prius oras pocula
Contingunt mellis dulci, flavoq; liquore,
Ut puerorū ætas improvida ludificerur;
Labrorum tenuis; interea perpetet amarū
Absinthii laticē, deceptaq; non capiatur,
Sed potius tali factō recreata valefeat.

Quid enim aptius v. gr: ad inanium
promissorum tumorem sine cuiusquam
offensione castigandum, quā hęc lepi-
dissima Phædri de monte parturiente
Fabella? (c)

Mons Parturiens.

Mons parturibat, gemitus immanes eīēs;
Eratq; in terris maxima expectatio;
At ille murem peperit. Hoc scriptum
est tibi,

Qui magna cum minaris, extricas nihil.
Quod etiam ingeniose alludit Horatius
in arte Pœtica:

Quid dignum tanto feret hic promissor
hiatu? (mus.

Parturient montes; nascetur ridiculus

Ad hanc Fabulæ utilitatem pertinet et-
iam, quod ait idē Horatius in Sat: 1.1.1.
Tantalus à labris fitiens fugientia captat

Flu.

(b) Id est, medici.

(c) Lib: 4.

Flumina. Quid rides? mutato nomine,
de te. Fabula narratur.

Quo veterum exemplo probari potest, Fabulam ad docendos animos & affectus concitandos utilem esse?

R. Exemplo Menenii Agrippæ, qui plebem Romanam, quæ graviter offensa in montem Aventinum aliquando secesserat, ad Patrum auctoritatem, concordiamq; revocavit narratiuncula Apologi de membris humanis adversus stomachum conspirantibus; & quod nec legum, nec magistratus auctoritas potuerat, id fictitiæ narrationis bladimento perfecit. Apologum sic narrat T. Livius Lib: 2.

Venter, & reliqua humani corporis membra Apologus.

Tempore, quo in homine, non ut nunc, omnia in unum consentiebant, sed singulis membris suum cuiq; consilium, suus sermo fuerat, indignatus reliquas partes, suâ cura, suo labore, ac ministerio ventri omnia quæri, ventrem in medio quietum nihil aliud, quam datis voluptatibus frui (a) conspirasse indè, nè manus ad os cibum ferrent, nec os acciperet datum, nec dentes conficerent. Hac ira dum ventrem fame domare vellent, ipsa unâ membra, totûq;

GOT.

(a) Supple aiebat, vel narrobat.

corpus ad extremam tabem venisse; inde apparuisse, ventris quoq; haud segnè ministerium esse; nec magis ali, quàm alere, eum reddentè in omnes corporis partes hunc, quo vivimus, vigemusq; divisum pariter in venas, maturè confectò cibo, sanguinem. Comparando hinc, quàm intestina corporis seditio similis esset iræ plebis in Patres; flexit mentes hominum.

C A P U T II.

De Narratione.

Quid est Narratio?

R. Est rei gestæ vel quasi gestæ expositio. Dicitur rei gestæ, vel quasi gestæ ut nempe Narrationem tum historicam, tum Fabulosam complectatur hæc nostra definitio.

§. I. De virtutibus Narrationis.

Quænam sunt virtutes Narrationis?

R. Quatuor à Tullio recensentur: perspicuitas, probabilitas, brevitatis, & suavitatis.

Quomodo perspicua fiet Narratio?

R. Fiet perspicua. 1. Si temporum servetur ordo. adeò, ut quod primum gestum est, primum etiàm referatur
2. Si verbis propriis, & usitatis utamur.
3. Si res non interruptè narretur.
4. Deniq; si diligenter vitetur omnis verborum ambiguitas, qualis esset ita.

v. gr:

v. gr. *Ajunt Regem (a) Pyrrhum Romanos vicisse. Quis enim inde victor, quis victus intelligi possit?*

Quantum porro eniti, ac contendere debeat Orator, ut perspicue narret, & aperte, faciliè intelligere poteris ex aureo illo Fabii Quintiliani præcepto: *Prima sit Orationis virtus perspicuitas. Quod spectat etiam, quod eodem capite inculcat idem Fabius; Dilucida, & negligenter quoq; audienti aperta sit..... ut in animum, tanquam sol in oculos, etiamsi non intendatur, incurrat. Quare non ut intelligere possit auditor, sed nè omnino possit non intelligere, curandum:*

Quodsi obscuritatis vitio laboret Narratio, jure, ac merito cadet in illius auctorem, quod de obscurissimo quodam Scriptore jactatum est à nobilissimo (b) Poëta.

Quid juvat obscuris involvere scripta latebris,

Nè pateant animi sensa? tacere potes.

Cedo ex veteribus Exemplum aliquod Narrationis perspicuæ?

R. Inhar omnium esse potest laudatissimum

(a) *Pyrrhus fuit Epirotarum Rex fortissimus, qui contra Romanos pro Tarentinis sex annos bellum gessit. (b) Scævola Sammarthano.*

simum illud Epigramma (c) Ausonii de
Venere armata & de Pallade.

In Venerem armatam.

(Pallas,

Armatâ vidit Venerem (d) Lacedæmone
Nunc certemus; ait, Judice vel Paride
Cui Venus - Armatam cur me, temera-
ria. temnis,

Quæ, quo te vici tempore, Inermis eram?

Quomodo fiet probabilis narratio?

R. 1. Si is, qui narrat, sit notæ pro-
bitatis, & fidei.

2. Si rei gestæ seriem exponat sine
furo; qua simplicitate nimirum atq; can-
dore plus multo va ebit ad persuadendū,
quàm alii calamistris, lenociniis, & hy-
perbole.

3. Si nihil afferat fidei absouum, &
quod abhorreat à communi hominū sen-
su; quia ut rectè admonet Horatius in
arte Pœtica.

(dulci odi,

Quodcumq; ostendis mihi sic, incre-
dibilem si fortè rei veræ, sed incredibili,
fidem facere velis, usurpare poteris sa-
piens illud eujusdam Veteris dictum:
Multa esse vera, quæ tamen non sint verifi-
cabilia;

(c) Ausonius egregius Rhetor & Pœta, præ-
ceptor Imperatoris Gratiani, fuit Consul An-
no 379. (d) Lacedæmonii Venerem armatam
colebant.

milia; & probabile omnino esse, quamplurima contra probabilitatem contingere.

4. Leniq; si clarè, apertèq; exponas rerum circumstantias, & adjuncta personarum, locorum, ac temporum; unde vel maximè pendet facti probabilitas. Ita Cicero in mirabili illa Narratione Miloniana, probabile reddit a circumstantiis personarum, quod narrat de insidiis Miloni à Clodio paratis. *Cur igitur, inquit, victus est Clodius? Quia non semper viator à latrone, nonnunquam etiam latro à viatore occiditur: quia quamquam paratus in imperatos Clodius, tamen mulier inciderat in viros.*

Quid factio est opus, ut brevis sit Narratio? R. Brevis erit, si narrandi initium altiùs non repetas. & ab ova, ut ajunt; quemadmodum ineptus ille, quem ridet Horatius.

Qui gemino bellū Troianum orditur ab ovo.

Sed si inde sumas exordium unde necesse est. 2. Si non inutiles, putidasque circumstantias quæ nihil faciunt ad rem, in Narrationem tuam infarcias. Quid enim opus est dicere; v. gr. *In portum veni, navem paratam aspexi, de pretio conveni, sublatae sunt anchoræ, è portu solvi?* Satis erat dixisse: *è portu solvi.*

Vide

Vide tamen etiam, atq; etiam, nè nimia brevitatis obscuritatem afferat orationi; ut observat Fabius. *Vitanda, inquit illa Sallustiana brevitatis, & abruptum orationis genus.* Et alio loco: *Narratio, inquit, præcisa, non tam Narratio vocari potest, quàm confusio.* Audi rursus Horatium nosstrum:

— Brevis esse laboro.

Obscurus fio.

Qua ratione suavis reddetur Narratio?
 R. Suavis erit. 1. Si utamur verbis leniter & numerosè sonantibus. 2. Si ita collocentur verba, ut nec hiulus, nec asper sit illorum concursus. 3. Si quæ narramus, sint magna nova, & inexpectata. 4. Si adhibeantur certæ quædam narrandi formulæ Tullio perfamiliares; eum, v. gr. pro tempore præterito præsens usurpatur, item cum plures infinitivi subaudito verbo junguntur, ut eum ait *Rex primò nihil metuere, nihil suspicari, dies unus. & ater intercedere.* Ita etiam Cæsar lib: 1. de Bello Gallico: *Divitiocus multis cum lacrymis Cæsarem complexus obsecrare capit, ne quid gravius in fratrem statuerit: Scire se illa esse vera nec quemquam ex eo plus quàm se doloris capere.* Supple, dixit: Ita Virgilius in mirificis hisce versibus Lib: *Ancidos.*

At Danaum Proceres, Agamemnoniæq;
Phalanges (umbras,

Ut videre virum, fulgentiaq; arma per
Ingenti trepidare metu; pars vertere
terga. (lere vocem

Ceu quondam petiere rates: pars tol-
Exiguam: incæptus clamor fruſtratur
hiantes.

5. Deniq; ſuavis erit Narratio, ſi di-
verſis figuris illuminetur, & ſi habeat ad-
mirationes, & ſpectationes, ſuſpenſiones,
exitus inopinatos, & interpoſitos motus
animorum, dolorem, lætitiã, metum,
cupiditatem.

Harum omnium rerum admirabile
quoddam exemplum habes in jucundiſ-
ſima illa Narratione de Dionyſio Syra-
cuſarum Tyranno, & de Damocle quodã
illius Paſito, in quam intueri lætis non
poterunt Tyrones, ut ſuaviter, & feſtively
narrare diſcant.

*Dionyſius Syracuſarum Tyrannus, &
Damocles.*

Jucundæ Narrationis Exemplum
ex Tuſcul: lib: 5.

Cum quidam ex ejus aſſentatoribus Damo-
cles commemoraret in ſermone copias ejus,
opes, majeſtatem, dominatus rerum abundan-
tiam, magnificentiam ædium regiarum, nega-
retq;

retq; unquam beatiorem quemquam fuisse. Visne igitur, inquit, Damocle, quoniam hæc te vita delectat, ipse eandem degustare, & fortunam experiri meam? Cùm se ille cupere dixisset, collocari iussit hominem in aureo lecto, strato pulcherrimo, (a) textili stragulo, magnificis operibus picto, (b) abacosq; complures ornauit argento, auroq; cætrato. Tum ad mensam eximia formâ pueros delectos iussit consistere, eosq; nutum ejus intuentes diligenter ministrare. Aderant unguenta, coronæ; incendebantur odores; mensæ conquistissimis epulis extruebantur, fortunatus sibi Damocles videbatur. In hoc medio apparatu fulgentem gladium è (c) lacunari, seta equina aptum demitti iussit, ut impendat illius beati cervicibus. Itaq; nec pulchros illos ministratores aspiciebat, nec plenum artis argentum, nec manum porrigebat ad mensam: jam ipsæ defluebant coronæ: deniq; exoravit Tyrannū, ut abire liceret, quòd jam beatus nollet esse. Satisne videtur delectasse Dionysius, nihil ei esse beatum, cui semper aliquis terror impendeat?

Ad hanc suavissimam Narrationem alludit Horatius, cùm ait Odarum lib: 3.

Diāriētus enī cui super impia

Cervi-

(a) Ital: Con arazzi ricamati à superbissimi lanori. (b) Cr. denze. (c) Ital. soffita.

Cervice pendet, non Siculæ dapes

Dulcem elaborabunt saporem.

Non avium, citharæq; cantus

Somnum reducent. &c.

§. II. De Schematis, seu Figuris, quibus illuminari potest Narratio.

Quid est Figura?

R. Figura, seu Schema est ornamentum quoddam orationis, seu loquendi modus illustrior, & à communi consuetudine remotus, ejusmodi sunt hæc Ciceronis verba: *O Dii immo tales ubinam gentium sumus! . . . O scelus, o portentum in ultimas terras amandandum.* Itemq; illa Virgilii verba in *Ecloga II.*

Ah Corydon, Corydon, quæ te demencia cepit?

Vel cum idem Virgilius *Æneid: VI.* Sibyllam ita loquentem inducit.

—Bella, horrida bella, (cerno,
Et multo Tibrim spumantem sanguine

Quis enim non videt, hæc orationis lumina, & illas dicendi quasi faces in quotidiano communiq; sermone adhiberi nequaquam solere?

Quibus potissimum Figuris erit illuminanda narratio, ut sit suavis?

R. Præcipuæ Narrationis Figure sunt Hypotyposis, Sensusio, sive Sufsentati, Excla.

Exclamatio, Communicatio, & Sermo-
cinatio, sive Dialogismus.

Quid est Hypotyposis?

Est figura, quâ aliquid tam vivis
spirantibusq; ut ita loquar, coloribus
pingitur, atq; narratur, ut non tam au-
diri, vel legi, quàm spectari. & oculis
quasi subijci videatur. Ita Cicero V. in
supplicium narrat per Hypotyposim: *Cæ-
debatur virgîs in medio foro Messanæ (a)
Civis Romanus; cùm interea nulla alia vox
istius miseri, inter do orem, crepitumq; plaga-
rum audiebatur, nisi hæc: Civis Romanus sum.*

Sic etiam Virgilius narrator, & rerum
imitator planè mirificus Didonis, & Æ-
neæ venationem describens, rem quasi
sub oculos ponit his versibus egregiis.

— Ostrôque insignis, & aurô

Stat sonipes, ac fræna ferox spumantia
mandit,

Idemq; Pœta libro quinto, Entelli, &
Daretis pugnam pænè sub aspectum
ita subijcit:

Hæc fatus (b) duplicem ex humeris eje-
cit amictum,

Et magnos membrorum artus, magna
ossa, (c) lacertosque

Exuit,

(a) In Sicilia vulgò Messina. (b) Entel-
lus. (c) Versus hypermeter.

Exiit, atq; ingens mediâ consistit *Arenâ*.

Côstitit extêplo indigitos arrecto uterq;

Brachiaq; ad superas interritus extulit
 auras

Præcipitemq; Daren ardens agit æquo-
 re toto.

(*sinistrâ.*)

Nunc dextrâ ingeminans ictus, nunc ille

Nec mora, nec requies; quàm multa gran-
 dine nimbi

Culminibus crepitant, sic densis ictibus
 Heros

(*Dareta*)

Creber utraque manu pulsat, versatque

Ast illum fidei æquales genua ægra tra-
 hentem,

(*cruorem*)

Jactantemq; utroq; caput. crassamque

Ore rejectantem, missosque in sanguine
 dentes

(*Ducunt ad naves.*)

Quid est Suspensio?

R. Suspensio, seu Sufsentatio, est Fi-

gura, quâ Orator ad conciliandam at-

tentionem, & ad excitandos, atq; arri-

gandos auditorum animos, illos tenet a-

liquamdiu suspensos, & incertos, quid di-

sturus sit. Ita Tullius contra Verrem:

Etiamnum mihi expedire videmini iudices,

quid deinde factum sit . . . Expedate facinor-

quàm vultis improbum, vincam tamen expe-

ditionē vestrū.

Quid est Exclamatio?

B

R. Est

R. Est vocis elatio, sive contentio, qua interjecta, vel adhibita, vel subaudita, vehementiorem animi motum significamus, & rei magnitudinem exprimimus. Ita Tullius, post narratum indignissimū illud Gavii, licet Civis Romani, supplicium, de quo paulò supra, in has doloris, & indignationis voces subito eumpit: (a) O nomen dulce libertatis! O jus eximium nostræ civitatis! O lex Porcia, legesq; Sempronie, o graviter desiderata, & aliquando reddita plebi Romanæ Tribunitia potestas! buccine tandem omnia reciderunt, ut civis Romanus in Provincia populi R. in Oppido Fœderatorum, ab eo, qui beneficio populi R. fessus, & serues haberet, deligatus in foro virgis caderetur? Quid cum ignes, ardentessq; laminae, ceteriq; cruciatus admovebantur? si te iustus acerba imperatio, & vox miserabilis non inbibebat, nec civium quidem Romanorum, qui tum aderant, fletu & gemitu maximo commovebare? In crucem tu agere ausus es quemquam, qui se civem Romanum esse diceret?

Eodem planè modo Æneas apud Virgilium lib: 2. equi Trojani fatalem ingressum primò narrat:

Dividimur, & mœnia pandimus

Ac.

in Verrem.

Accingunt omnes operi, pedibusq; ro-
tarum

Subjiciunt lapsus, & rupea vincula collo
Intendunt. Scedit fatalis machina muros
Fœta armis: circum pueri, innuptæque
puellæ (gere gaudent.

Sacra canunt, funemque manu contin-
Illa subit, mediæq; minans illabitur urbi
Deinde per summum dolorem repentè sic
exclamat:

O patria, o divum domus Ilium, & in-
clyta belle

Mœnia Dardanidum! quater ipso in li-
mine portæ

Substitit, atq; utero sonit m quater ar-
ma dedere. (rore,

Instamus tamen immemores, cæciq; su-
Et monârũ infelix sacrata sistimus arce.

Quid est Communicatio?

x. Est figura, quâ Orator causæ suæ
confidens deliberat cum iis ipsis, apud
quos, vel contra quos dicturus sit, vel
etiam quid ipsimet in simili causa essent
acturi. Ita Cicero per summam fiduciam
videtur consilia sua communicare cum
adversario suo Verre, illumq; quasi con-
sulare in hunc modum: *Situ apud Persas,
aut in extrema India deprebensus Verres, ad
supplicium ducerere, quid aliud clamitaret,*

rifi te civem esse Romanum? (a) Et si tibi igno-
to apud ignotos, apud Barbaros, apud homi-
nes in extremis, atq; utrimis gentibus positos,
nobile, Et illustre apud omnes nomen tuæ civi-
tatis profuisset; ille, quisquis erat, quem tu
in crucem rapiebas, qui tibi esset ignotus, cum
Civem se Romanum esse diceret, apud te Præ-
torem, si non effugium, nè moram quidem mor-
tis mentione, atq; usurpatione civitatis assequi
potuit! (logismus?)

Quid deniq; est Sermocinatio, seu Dia-
ry. Est Figura, quâ duo, vel plures ho-
mines inducuntur loquentes, aut secû ipsi,
aut cum aliis. Lepidum illius exemplû
habes in hac pereleganti Narratione Ci-
ceroniana libri primi Tusculanarum qua-
estionum.

Diogenes, Et amici, Narratio per
Dialogismum.

Cum ab amicis rogaretur Diogenes, ubi
vellet inhumari. Projicite me, inquit,
inhumatû. Tum amici, Volueribusne &
feris? Minimè verò, inquit, sed bacillum
prope me, quo abigam, ponitote. Qui
poteris? illi; non enim senties. Quid
igitur mihi ferarum laniatus oberit nihil
sentienti?

Nec

(a) Una hac voce D. Paulus Civis Romanus
cruciatus Et mortem vitavit. Act: 22.

Nec minus festivam videbitur, quod hic subjicio, aliud exemplum ex eodem Tull: l. 2. de Orat:

Scipio (a) Nasica, & Ennius Pœta. Scipio Nasica cum ad Pœtam Ennium venisset, eiq; in ostio quærenti Ennium, ancilla dixisset: domi non esse, Nasica sensit illam domini jussu dixisse, & illum intus esse. Paucis post diebus cum ad Nasicam venisset Ennius, & eum à janua quæreret, exclamat Nasica: se domi non esse. Tum Ennius: Quid? ego non cognosco vocem, inquit, tuam? Hic Nasica: Homo es imprudens: ego cum te quærerem, ancillæ tuæ credidi, te domi non esse: tu mihi non credis ipsi?

§. III. *Varia Narrationum genera, & selecta illarum exempla.*

Quotuplex est Narrationis genus?

R. Triplex, alia est enim narratio Pœtica, alia Historica, alia Civilis, & Oratoria. Narratio Pœtica rem fictam exponit; Historica rem gestam; Civilis, & Oratoria, rem exponit; quæ in controversiam adducitur.

(genera?)

Quid differt inter hæc tria Narrationum

R. Hoc potissimum interest, quod Hi-

B3

stori-

(a) Erat cognomen Scipionis illius, qui etiam Corculum vocabatur ob summam prudentiam.

Historicus, & Orator ordinem temporis, & rei gestæ seriem in narrando sequantur, & seruent; contra quam facit Pœta, qui e iam à fine, aut à medio, rem solet ordiri, quomodo Virgilius ab anno septimo excidii Troiani suam Æneidem auspiciatur; ut liquet ex hisce Didonis verbis ad Æneam, ad calcem libri primi:

— Nam te jam septima portat
Omnibus errantē terris, & fluctibus æstas.

2. Hoc interest, quod Historicus veritatem confectetur, Orator verisimilitudinem; Pœta verò commentitiis etiam fabulis veritatem aspergat.

3. Deniq; hoc interest, quod Historica Narratio sit fermè simplex, brevis, ac nuda: Oratoria sit ornatior, & fusior; Pœtica verò ornamentis abundet: & omnibus artis coloribus picta sit, atq; polita.

Affer, ex veteribus illustre quodpiam exemplum Narrationis Pœticæ?

R. Instar omnium est Ovidiana illa Narratio de Dædalo, & de infelici Icaro, in qua omnes, quas diximus, virtutes, dotesq; optimo jure miraberis.

Dædalus, & Icarus. Narratio Pœtica.
Metamorph: L. 8.

(a) Dædalus interea Creten longumq;
perofus

Exilium, tactusq; (b) loci natalis amore,
Clausus erat pelago. Terras licet, in-
quit, & undas

(illac,
Obstruat, at cœlum certè patet; ibimus
Omnia possideat, nō possidet aëra Minos,
Dixit & ignotas animi dimittit in artes,
Naturamq; novat: nam ponit in ordine
pennas,

(quente,
A minima cœptas, longam breviorē se-
Ut clivo crevisse putes: sic rustica quon-
dam

(nis.
Fistula disparibus paulatim surgit ave-
Tum lino medias. & ceris alligat imas.
Atq; ita compositas parvo curvamine
flectit.

Ut veras imitetur aves. Puer Icarus unā
Stabat, & ignarus sua se tractare pericla.
Ore renidenti, modo quas vaga moverat
aura,

(ceram
Captabat plumas, flavam modo pollice
Mollibat. lusuque suo mirabile patris
Impediebat opus. Postquam manus ultri-
ma cœpto

(alas
Imposita est, geminas opifex libavit in

B4

Ipsē

(a) Dædalus in labyrinthum, cujus auctor
fuerat, conjectus fuit à Minos, ab Theseum
ejus consilio servatum. (b) Patrie, At'

Ipsè suum corpus, motaq; pependit in
aura, (curras,

Infruit & natum; medioque ut limite

Icare, ait, moneo: nè, si demissior ibis,

Unda gravet pennas; si celsior, ignis adu-
rat. (Bootem

Inter utrumq; vola: nec te spectare (a)

Aut (b) Helicem jubeo, strictumq;, (c)

Orionis ense. (volandi

Me duce carpe viam, pariter præcepta

Tradit, & ignotas humeris accomodat
alas. (seniles,

Inter opus monitusque genæ maduère

Et patriæ tremuère manus, dedit oseula
nato (levatus

Non iterum repetenda suo; pennisque

Antevolat, comitiq; timet (velut ales,
ab alto (nido)

Quæ teneram prolem produxit in aëra

Hortaturq; sequi; damnosaq; erudit artes

Et movet ipse suas, & nati respicit alas.

Cum puer audaci cœpit gaudere volatu,

Deseruitq; Ducem, Cœliq; cupidine tacto

Altiùs egit iter. Rapidi vicinia solis

Mollit odoratas pennarum vincula ceras.

Tabue.

(a) Signum septentrionale. (b) Ursam ma-
jorem. (c) Sidus quod pingitur cum ense
stricto,

Tabuerant cæræ; nudos quatit ille lacer-
tos, (pit auras

(a) Remigioq; carens non ullas perci-
Oraq; cæruleâ patrium clamantia nomen
Excipiuntur aquâ, quæ (b) nomen traxit
ab illo. (dixit.

At pater infelix, nec jam pater, Icare,
Icare, dixit, ubi es? qua te regione re-
quiram?

Icare, dicebat, pennas aspexit in undis;
Devovitq; suas artes, corpusq; sepulchrô
Coadidit, & tellus à nomine dicta sepulti
est.

*C*Edo vetus quoddam exemplum Narratio-
nis Historicæ?

R. Habes in veteribus Historiæ Roma-
næ Scriptoribus Narrationes benè mul-
tas tam singulari opera, artificioq; ela-
boratas, ut nihil supra; in T. Livio 1.
Sabinarum raptum; 2. Horatiorum, &
Curatiorum pugnam; 3. Lucretiæ mor-
tem, exactos à Bruto Tarquines,
interemptosq; à patre proprios filios; 4.
Audax Mucii Scævolæ facinus adversus
Regem Porſenam; 5. Varios Coriolani
eventus; 6. Pugnâ Cannensem; 7. Han-
nibalis cum Scipione congressum Ephesi

B5

apud

(a) *Alis*, quibus quasi remigabat. (b) *Icariū*
mare vocatur.

apud Antiochum Regem; 8. Supra cætera verò omnia, mirificum illud ejusdem Hannibalis iter in Italiam, per Hispaniam, per Pyrenæos, per Gallias, per Alpes, & Appenninum; quod exquisitissimū quoddam artis opus existimo.

Habes præterea in Salustio pugnam adversus Catilinam; in Q. Curtio Tyri obsidionem, singularem Abdalonymi eventum, Alexandri Magni mortem, conflagrationem, & Reginae Sisygambis dolorem, & interitum, &c.

Verùm sat esto ex omnibus illis Narrationibus unam, aut alteram hoc loco commemorare. Tu ex duabus illis discere omnes.

Horatorum pugna cum Curiatis

Narratio Historica. Ex Livii Hist: l. 1.

Datur signum, infestisq; armis, velut acies, terni juvenes magnorum exercituum animos gerentes concurrunt. Nec his, nec illis periculum suum, sed publicum imperium, servitiumq; obversatur animo; futuraq; ea deinde patriæ fortuna, quam ipsi fecissent. Ut primo statim concursum increpuere arma, micantesque fulsere gladii, horror ingens spectantes perstringit, & neutro inclinata spe, corpebat vox, spiritusq;.

Consertis deinde manibus cum jam nõ motus tantum corporum, agitatioq; anceps telorum, armorumq; , sed vulnera quoq; , & sanguis spectaculo esset, duo Romani super alium alius, vulneratis tribus Albanis, expirantes corruerunt. Ad quorum casum cum clamasset præ gaudio Albanus exercitus, Romanas legiones jam spes tota nondum tamen cura deseruerat, exanimis vices unius, quem tres Curiatii circumsteterant. Forte is integer fuit, ut universis solus nequaquam par, sic adversus singulos ferox. Ergo ut segregaret pugnam eorum, cepisset fugam, ita ratus secuturos, ut quemq; affectum vulnere corpus sineret. Jam aliquantum spatii ex eo loco, ubi pugnatum est, aufugerat: cum respiciens videt magnis intervallis sequentes; unum haud procul ab sese abesse, in eum magno impetu redit, & dum Albanus exercitus inclamat Curiatiis, ut opem se aut fratri jã Horatius cæso hoste victor secundam pugnam petebat. Tunc clamore, qualis ex insperato faventium solet, Romani adjuvant militem suum, & ille defungi prælio festinat. Prius itaq; quàm alter, qui nec procul aberat, consequi posset, & alterum Curiatium conficit.

Jamq;

Jamq; æquato Marte singuli supererant, sed nec spe, nec viribus pares: *¶ a* Alterum intactum ferro corpus, & geminata victoria ferocem in certamen tertium dabant: Alter fessum vulnere fessū cursu trahens corpus, victusq; fratrum ante se strage, victori objicitur hosti: nec illud prælium fuit. Romanus exultans, duos, inquit fratrum Manibus dedi; tertium eausā belli hujusce, ut Romanus Albano imperet, dabo. Malè sustinenti arma, gladium supernè jugulo desigit, jacentē spoliat. Romani ovantes, ac gratulantes Honoratum accipiunt, eo majore cum gaudio, quo propius metus rei fuerat.

¶ b Abdolonymus ex Olitore Rex Sidoniorum factus ab Alexandro Magno.

Ex Lib. IV. Q. Curtii.

Erant *¶ c* Hephæstioni hospites clari inter suos juvenes, qui facta ipsius potestate regnandi, negaverunt quemquam patrio more in id fastigium recipi; nisi regia stirpe ortum. Admiratus Hephæstion magnitudinem animi spernentis, quod

alii

¶ a Hæc est recta syntaxis: Corpus intactū ferro, & victoria geminata dabant alterū ferocem in certamen tertium. *¶ b* Alii Abdolominum dicunt. *¶ c* Erat is apud Alexandrum gratiosissimus.

alii per ferrum, ignesq; peterent. Vos quidem macti virtute, inquit, estote, qui primi intellexistis, quanto majus esset regnum fastidire, quam accipere. Certum date aliquem regis stirpis, qui meminerit à vobis acceptum habere se regnum. At illi cum multos imminere tantæ spei cernerent, singulis hæc amicos Alexandri, ob nimiam regni cupiditatem, adulantibus statuunt neminem esse potiorum, quam Abdalonymum quendam, longa quidem cognatione stirpi regis annexum, sed ob inopiam suburbanum hortum exigua colentem stipe. Causa ei paupertatis, sicut plerisque; probitas erat. Intentusq; operi diu non strepitum armorum qui totam Asiam concusserat, non exaudiebat.

Subito deinde, de quibus ante dictum est, cum regis vestris insignibus hortum intrant; quem fortè steriles herbas eligens Abdalonymus repurgabat. Tunc rege eo salutato, alter ex his, Habitus inquit, si, quem cernis in meis manibus, cum isto squallore permutandus tibi est. Abluc corpus illuvie, æternisque sordibus squalidum: Cape regis animum, & in eam fortunam, quæ dignus es, istam continentiam profer. Et cum in regali so-

lio

(a) Ita genuina lectio.

lio residebis, vitæ, necisq; omnium civium Dominus, cave obliviscaris hujus status, in quo accipis regnum; imo Hercule propter quem.

Somnio similis res Abdolonymo videbatur, interdum fatisne sani essent qui tam protervè sibi illuderent, percontabatur? Sed ut cunctanti squallor ablutus est, & injecta vestis purpurea, auroq; distincta & fides à jurantibus facta; serio jà rex, iisdem comitantibus in regiam pervenit. Fama, ut solet, strenuè tota urbe discurrit. Aliorum studium, aliorum indignatio eminebat. Dicitissimus quisq; humilitatè, inopiamq; ejus apud amicos Alexandri criminabatur. Admitti eum rex protinè jussit; diurne contemplatus. Corporis, inquit, habitus famæ generis non repugnat: sed libet scire, inopiam, qua patientia tuleris. Tum ille, Utinam, inquit, eodem animo regnum pati possim! Hæ manus suffecerunt desiderio meo: nihil habenti nihil desuit. Magnæ indolis speciem ex hoc sermone Abdalonymi cœpit.

*C*Edo denique Exemplum Narrationis Oratoricæ?

R. Laudatur ab omnibus, & inprimis à Quintiliano celebris illa miloniana narratio, qua Cicero suspicionem infidiarum

à Mi-

à Milone in Clodium tam callidè tamq;
ingeniosè detorquet. Sic autem rem
aggreditur.

Narratio Miloniana.

Milo autem, cum in Senatu fuisset, eo die, quo Senatus dimissus est, domum venit, calceos, & vestimenta mutavit, paulisper, dum se uxor- (ut sit) comparat, commoratus est. Deinde profectus est id temporis, cum jam Clodius, siquidem eo die Romam venturus erat, redire potuisset. Obviam sit ei Clodius expeditus in equo, nullâ rhedâ, nullis impedimentis, nullis Græcis comitibus ut solebat; sinè uxore, quod nunquam fere, cum (a) hic infidiator, qui iter illud ad cœdem faciendam apparasset, cum uxore veheretur in rheda, (b) peculatus, vulgi magno impedimento ac muliebri, & delicato ancillarum puerorumq; comitatu.

Fit obviam Clodio ante fundum ejus, hora serè undecima, aut non multo secus. Statim complures cum telis in hunc faciunt de loco superiori impetum: adversi rhedarium occidunt. Cum autem hic de rheda, rejectâ penulâ, desiluisset, seque acri animô defenderet; illi qui erant cum

Clo-

(a) Milo ironice, (b) Penula, seu pallio obvolutus.

Clodio, gladiis eductis, partim recurrere ad rhedam, ut à tergo Milonem adorirentur; partim, quod hunc jam interfecti putarent, cœtere incipiunt ejus servos, qui post ex quibus qui animò fideli in domini erant, & præsentes fuerunt, partim occisi sunt, partim, cum ad rhedam pugnari viderent, & domino succurrere prohiberentur. Milonemq; occisum etià ex ipso Clodio audirent, & ita esse putarent, fecerunt id servi Milonis & dicam enim non derivandi criminis causa, sed ut factum est, & neq; imperante, neq; sciente, neq; præsente domino, quod suos quisq; servos in tali re facere voluisset.

Hæc, sicut exposui, ita gesta sunt, iudices: insidiator superatus; vi victa vis, vel potius oppressa virtute audacia est.

Miloniana illa Narratione nihilo inferiori existimo hanc alterâ narratione lepidiſſimam, qua Tullius ostendit in l. 3 de Officiis, quàm sint perfidi, improbiq; qui aliud agunt, aliud simulant

Malus Pythii cujusdam dolus.

Narratio Oratoria.

C. Canius, eques Romanus nec infaceto, & satis literatus, cum se Syracusas otian-di, ut ipse dicere solebat, non negotiandi causâ contulisset, dicebat se hortulos a-
liquos

liquos velle emere, quo invitare amicos, & ubi se oblectare sine interpellatoribus posset. Quod cum percubisset, Pythius ei quidam, qui argentariam faceret Syracusis, venales se quidem hortos non habere, sed licere uti Canio, si vellet, uti suis, & simul ad cœnam hominem invitavit, in hortos in posterum diem. Cum ille promisisset, tum Pythius, qui esset, ut argentarius, apud omnes ordines gratiosus, piscatores ad se convocavit, & ab his petiit, ut ante suos hortulos postridie piscarentur, dixitq; quid eos facere vellet.

Ad Cœnam tempore venit Canius, o-
pipare à Pythio apparatus convivium,
cymbarum ante oculos multitudo: pro se
quinq; quod ceperat, afferebat: ante pedes
Pythii pisces abjiciebantur.

Tum Canius, Quæso, inquit; quid est
hoc Pythi? tantumne piscium? tantumne
cymbarum? & ille, Quid mirum? inquit,
hoc loco est, Syracusis quidquid est pi-
scium. Hic aquatio: hac villa ita
carere non possunt.

Incensus Canius cupiditate contendit à
Pythio, ut venderet. Gravate ille primo,
quid

quid multa? impetrat, emit homo cupidus, & locuples tanti, quanti Pythius voluit, & emit instructos: nomina facit; negotium conficit.

Invitat Canius postridie familiares suos. Venit ipse maturè, scalmum nullum videt, quærit ex proximo vicino, num feræ quædam piscatorum essent. quod eos nullos videret, nullæ quod sciam inquit ille: sed hic piscari nulli solent. Itaque heri mirabar, quid accidisset. Stomachari Canius. Sed quid faceret? Nondum enim hæc Aquilius Collega & familiaris meus protulerat de dolo malo formulas.... Ergo & Pythius, & omnes aliud agentes, aliud simulantes, improbi, & malitiosi sunt.

C A P U T III.

§. I. De Chria.

*Q*uid est Chria?

R. Est brevis commemoratio facti, vel dicti cujuscumque utilis, & memoria digni: unde etiam Chria suum nomen invenit à Græco vocabulo Chreia, quod usum, utilitatem, commodum significat.

Quotu-

hæc Aquilius præstans jurisconsultus: prætor fuerat arte Ciceronem.

hæc Sunt qui scribant Chreia, sed male.

Quotuplex est *Chriarum* genus?

R. Triplex: *Aliæ* versantur in verbis, *aliæ* in actione; *aliæ* in utroq; consistunt. Seu, ut vulgus Rhetorum loqui solet, *aliæ* sunt *Verbales*, *aliæ Activæ*, *aliæ Mixtæ*.

Quid est *Chria Verbalis*?

Ea est, quæ explicat verba graviter ab aliquo. & sententiosè prolata; qualis est v. gr: Virgilii versus. (a)

Discite justitiam moniti, & non temnere Divos.

Vel hoc effatum Senecæ: *Nulla est honesta avaritia, nisi temporis*; itemq; hi Horatii versus: (b)

Fallida mors æquo pulsat pede pauperum tabe nas,

Regumquè turres

Aut deniq; sapientissima illa Juvenalis sententia. (c) *potè sano.*

Orandum est, ut sit mens sana in corpore sano.

Quid est *Chria Activa*?

R. Ea est, quæ memorabile aliquod factum exponit. & exornat, ut: Sapiens Pythagoras interrogatus aliquando quam longa esset hominum vita, sese paulisper conspiciendum exhibuit; tū si bitò ex spectantium oculis evolavit; ut nimirum celeri illa fuga, caducæ, & fugacis mortalium

(a) *Æneid: 6.* (b) *Odorum l. 1.*

lium vitæ brevitatem designaret.

Sic etiam Cotys Thraciæ Rex, cum quidam pardalim, seu pantheram, ferocissimum animal, illi donò misisset; ipse vicissim iconem misit, ne verbum quidē addens: sed malam bestiam sic malè pensando, re ipsa hominem prudenter admonuit, par pari, ut est veteri proverbio, esse omnino referendum.

Memorable quoq; in primis, & omnibus notum, quod referunt Livius, & Florus de duobus Tarquiniis patre, & filio. Cum enim sextus Tarquinius Tarquiniū supe bi Regis ultimi Romanorum filius, acceptam à Patre contumeliam, & injuriā simulans, ad *2a* Gabios transfugisset, breviq; ad summam apud illos, regiq; pænè paræ potestatem pervenisset, misit clanculum unum è suis, sciscitatum à patre, quidnam *demum* *facere* vellet, Rex ad hæc nihil voce respondit, sed veluti deliberabundus in hortum adiū transiit, sequente filii nuntio. Ibi inambulans tacitus eminentia papaverum capita baculo decussit, & per hæc ambages filium admonuit, primores civitatis esse interficiendos. Quod cum à filio non ita mul-

2a Gabii Volseorum urbs, IX. millia passuum ab urbe Roma distant.

tò post variis artibus factum esset, brevi,
& consilio, & præsidio orbata civitas, fuit
in Tarquinii potestatem nullo labore re-
ducta.

Rem sic narrat Ovidius nativo quodam,
ut solet, simpliciq; candore, libro secun-
do de Fastis.

Ultima Tarquinius Romanæ gentis ha-
Regna, vir injustus; fortis ad arma tamē,
Ceperat hic alias: alias everterat urbes,
Et Gabios turpi fecerat arte suos.

Namq; trium minimus proles manifesta
superbi

In medios hostes nocte silente venit.
Nudarunt gladios: occidite, dixit, in-
ermem.

Hoc cupiunt fratres, Tarquiniusq; pater,
Qui mea crudeli laceravit verbera terga.
Dicere ut hoc posset. verbera passus erat,
Luna fuit, spectant juvenem, gladiosq;
recondunt,

Tergaq; deducta veste notata vident.
Flent quoq; & ut secum tueatur bella
precantur.

Callidus ignavis annuit ille viris,
Jamq; potens misso genitorem appellat
amico

Perdendi Gabios quod sibi monstret iter.
Hortus adoratis suberat cultissimus herbis,

Septus

Septus humum rivo lene fosantis aquæ;
Illie Tarquinius mandata latentia nati
Accipit; & virga lilia summa metit.
Nuntius ut rediit, decussaq; lilia dixit,
Filius, agnosco iussa parentis: ait.
Nec mora, principibus cæsis ex urbe
Gabina

Traduntur ducibus moenia nuda suis.

Quid est Chria mixta?

R. Est ea, quæ factum aliquod sermo-
ni conjunctum exponit. Exempla si
quæris, aliquot selecta damus.

Exempla Chriæ mixtæ I.

Marmoream statuam cum aliquando vi-
disset in foro Diogenes Philosophus, ad illam
supplex accessit, & manum illi quasi ad si-
pem diu multumq; porrexit. Mirantibus
valde amicis, & interrogantibus, quid por-
ro faceret, respondit, *Ad repulsam me expe-
rior.*

II. Exemplum.

Idem Diogenes cum aliquando confertis-
simam populi turbam sese e theatro effun-
dentem vidisset, adversus illam solus in-
gredi totis viribus cæpi, & objurgantibus
respondit: *Hoc in omni vita facere studeo.*

III. Exemplum.

Miles Spartanus intempesta nocte tu-
mulum præteriens, cum horrible quoddam
spectrum

spectrum vidisset. Arictâ lanceâ, in illud
audacter irruit, ita verbis compellans:
Quò me fugis anima bis moritura? Hoc sin-
gulari factò docemur Fauborum terricula,
còmenta, & inania larva um, ac lemuru
ludibria à cordatis, fortibusq; omnino
rideri.

Quot sunt Chriæ partes, seu Capita?
R. Chriæ sive verbalis sive Activa,
sive Mixta, continetur partibus octo, in-
quit Aphthonius in *Progymnasmatibus*. Sunt
autem partes illæ: Encomium, Paraphra-
sis, Causa, Contrarium, Simile, Exem-
plum, Testimonium veterum & Epilogo.
Sive ut tritâ illâ usitatâq; formulâ po-
tius utamur; Chriæ tractanda est,

1. A. Laudativo.
2. A. Paraphrastico.
3. A. Causa.
4. A. Contrario.
5. A. Simili.
6. Ab. exemplo.
7. A. Testimonio veterum.
8. A. brevi Epilogo.

Quæ singula Capita sigillatim enuclea-
re necesse est.

Quid sibi vult à laudativo?

R. Significat, in ipso Chriæ initio lau-
dandum esse dicti, vel facti auctorem; ut

scilicet, ex auctoris laudatione major illius seu dictis, seu factis auctoritas, ac veluti pondus accedat.

Quid sibi vult à Paraphrastico?

R. Idem prorsus ac si diceres, *Ab expositione dicti, vel facti; de quo agitur.* Paraphrasis enim, ut vox Græca satis indicat, est liberior, ac copiosior rei explanatio.

Quid est à Causa?

R. Indicat, diligenter investigandam esse, & afferendam causam illius seu dicti, seu facti, quod pertractandum. & amplificandum suscepimus v. gr: Christiæ verbalis argumentum esto hæc sapiens sententia: *Ferenda sunt amicorum vitia; erit in promptu hæc causa iustissima, quod scilicet vitii sine, nemo nascitur; optimus ille est, qui minimis urgetur, ut ait Horatius.*

Quid est à Contrario?

R. Admonet, sententiam nostram ex contrariarum rerum conflictione esse confirmandam, v. gr. postquam probaveris dulce, ac decorum esse pro patria mori, dices è contrario rem esse turpissimam, ac propudiosam, si miles pro patria pugnans, inhonesta mortis formidine, terga fugæ convertat. Item postquam ostenderit, otium, & desidiè omnium vitiorum

tiorum fontem, ac fomitem esse, dices è contrario laborem, & vigilias esse firmissimum murum integritatis, innocentiaq; præsidium.

Quid est à simili?

R. Monet, propositam sententiã apta quapiam similitudine exornandam, ac illustrandam esse. Ita si laborem, & diligentiam cõmendare velis, dices cū Tullio. *Ut ad cursum equus, ad arandum bos, ad indagandum canis: sic homo ad intelligendum, & agendum natus est.*

Quid vocas ab Exemplo?

R. Hujusce vocis sensus est, rem, quã pertractamus, illustris cujuspiam exempli appositione confirmandã esse. Sit tibi v. gr. amplificandum illud: *Dulce, & decorum est pro patria mori*, afferes exemplū Codri (a) Atheniensium Regis, de quo cecinit Horatius ode 14. lib: 3. *Codrus pro patria non timidus mori*, vel afferre poteris exemplum Decii Consulis Romani, qui se velato capite, certisq; verbis pro patriæ salute ultro devovit.

Quid à Testimonio veterum?

R. Ostendit, nostram sententiam veterum

C

rum

(a) *Codrus ultimus Atheniensium Rex se ipsum neci obtulit pro patriæ salute in bello contra Dorienses.*

rum authorum verbis, ac testimoniò cõ-
probandam esse. Sit hoc argumentũ vg.
*Injurias esse condonandas potiùs, quàm ulci-
scendas, usurpabis aureum illud Taciti*
verbum: *Multa contemptu curantur;* vel
hanc ejusdem sententiam homine Chri-
stiano dignissimam: *Convicia spreta exo-
lescent.*

Quid demum sibi vult à brevi Epilogo?

R. Indicat, apta quadam, & rotunda
verborum conclusione comprehendenda
esse, quæcumq; fusius dicta sunt. Est e-
nim Epilogus, brevis & artificiosa clau-
sula, qua colligimus in pauca, quæ fusius
commemorata fuere.

Sed quoniam, ut initiò diximus, per
præcepta longum est iter, per exempla
verò expeditum, & facile, idcirco operæ
pretium est aliquod Christiæ exemplum
hoc loco subjicere.

§. II. *Christiæ verbalis in hanc Virgiliti
sententiam Æneid 10.*

.... Breve, & irreparabile tempus
Omnibus est vitæ

A Laudativo.

CUM optimo cuiq; Pœtæ propositum
illud fuerit semper, ut misceat utile
dulci, hoc est, ut delectando doceat, & do-
cen-

cendo delectet; neminem tamen adhuc legi Pœtam hac in re Pœtarum Principi Virgilio comparandum. Ille enim non solum cæteros omnes ante se & post se Græcos, Latinosq; Pœtas facile vincit elegantia, suavitate, judiciô, splendore, numerô delectuq; verborum; non solum hoc habet, ut illius versibus perfectis ingenio, elaboratis industriâ nihil addi possit, nihil detrahi, nihil mutari, verissimèq; de illo dictum olim fuerit, Musas, & Apollinem non aliter in suo choro loqui, Jovemq; ipsum, si sit Pœta, non alio modo locuturum; verum etiam, quod caput est, sententiarum gravitate, & frugiferorum, quibus abundat, præceptorum sapientiâ, hoc affectus est, ut optimus vitæ, virtutisq; Magister jure merito possit à nobis appellari.

Inter cætera verò documenta, ad vitâ instituendam, & ad mores informandos idonea, quibus aspersum est passim divinum illius Pœma saluberrimum in primis est, atq; laudabile, quod ait Æneidos libro decimo de brevitate temporis, fluctaq;, & caduca mortalium vita.

----- Breve, & irreparabile tempus
Omnibus est vitæ.

A Ps-

Ita est profectò, tam exiguum, tamq; ar-
ctum vivendi curriculum nobis à natura
circumscriptum est, ut vix benè lucem
ingressis, sit de hujus mortalis mundi sta-
tione decedendum, & vita cū morte cōmu-
tāda. Nihil, nisi temporis punctū quoddī,
est caduca hæc, quā tantopere deperimus,
vita, minimūq; est ac pænè nullum in-
tervallum illud, quod ortum inter, & oc-
casum nostrum interjacet. Fugit retrò
levis hora, truditur dies die, præcipiti
casu fugaces anni sese mutuo pellunt, &
adolescenciæ senectus, senectuti mors ob-
repat improvisa semper, & inopinata,
quodq; gravius est, cum semel effluxit bre-
vissimum hoc vitæ tempus, tam irropa-
rabilis est illius lapsus, ut nulla deinde
possit ratione revocari.

A Causa.

Neq; verò est, cur adeo parvam tempo-
ris usuram nobis ad vivendum concessam
jure merito conqueramur. Præterquam
enim quod vita si scias uti, satis longa
est, præterea ea certa, stabiliq; lege na-
tos nos esse scimus, ut deniq; moriamur.
Quis enim tam vecors esse potest, qu
nesciat hanc esse tristissimā peccati mer-
cedem, pœnamq; justissimam, hanc est
mor-

mortalium conditionem ac sortem, humana omnia caduca esse, & fluxa atq; mobilia, nihil, quod ortum fit, sempiternum esse posse, definitum esse cuilibet certum quoddam, breveq; temporis spatium ad felicem in Cœlo vitam promerendam? Cumq; olim amplioribus terminis circūscripta esset nostra hæc mortalis vita, & in sæcula benè multa propagaretur, eam nostris flagitiis, sceleribusq; breviorē effecimus; *Remoti q; prius tarda necessitas lethi corripuit gradum.*

A Contrario.

Contra verò cum semel post miseræ hujusce vitæ decursum terreni corporis contigione solutus erit noster animus, cum demum inter felices spiritus ævò sempiternò perfruemur in Cœlo, nulla jam amplius pertimescenda nobis neq; vicissitudo rerum, neq; conversio temporum, nec ætatum commutatio, nullus jam erit neq; horarum lapsus, nec fluxus dierum; nec annorum sibimet mutuò succedentiū cursus. Sed eodem semper hærentes, & felicitatis & temporis vestigio, stabili, certaq; beatitate, æternis sæculorum ætatibus cum DEO ipso potiemur.

A Simili.

O nos igitur male cautos! o! nunquam

fatis deplorandam sortem nostram! si æterna hæc solidaq; obliterati, nihil; nisi umbras imaginesq; consecretur. Si enim ex veritate magis, quàm ex opinione res velimus æstimare, quid demum aliud est fragilis hæc, fugaxq; vita, nisi levis quidam fumus, qui puncto temporis evanescit? nisi præceps torrens, qui cum vano strepitu celeriter effluit? nisi flosculus brevi marcescens, qui mane oritur, vespere floret, & nocte cadit? nisi umbra quædã, & larva inanis, quæ nostras effugit manus.

Par levibus ventis, volueriq; simillima somno; (a)

Ab Exemplo.

Testes hoc loco posse appellare ab omni memoria Christianos illos Herodês, virosq; sapientissimos, qui mirificam fugacis vitæ brevitatem tot laboribus, tot vigiliis, tot indefessis curis redemptam cõpensârunt. Testes appellare possem tot virgines, tot viros principes, tot nobiles adolescentes, qui fragilem hanc rerum humanarum mobilitatem, atq; inconstantiam pertasi, quæcunq; apud cæcos mortales prima putantur, pro nihilo duxere & voluptatum illecebras, ac perniciofa rerum caducarum blandimenta generosa quadam alacritate conculcârunt.

(a) *Aneid* 1,

ATe-

Hoc
Paulu
ipfu
dum
Breve
mens
cæt h

(a)
sup
Et a
mu
Hoc
elega

prot
A
Qui
ri

Cum
irre
gite
foco
tas
fos;
curi
frau

A Testimonio Veterum.

Hoc inculcare Corinthiis voluit Divus Paulus, cum dixit: *Tempus breve est.* Hoc ipsum nos admonet summus ille vir Job, dum afflatus Divino Spiritu, sic loquitur: *Breves dies hominis sunt.* Hæc eadem erat mens vel ipsi quoq; Horatio, profano licet homini, cum amicum sapienter sic admonet:

(a) Omnem crede diem tibi diluxisse supremum.

Et alio loco: *Quid brevi fortes jaculamur ævo multa:*

Hoc deniq; sentiebat Phædrus, cum in elegantibus suis fabulis hanc verissimam protulit vocem:

Abiturus illuc, quo priores abierunt. Quid mente cæca miserum torques spiritum?

A brevi Epilogo.

Cum igitur adeò breve tempus sit, adeòq; irreparabile, relinquitur id unum, ut cogitemus etiam atq; etiam nihil esse loci socordiae, neq; segnitiae; nobis inter tantas angustias nequaquam licere esse otiosos; miseros esse, qui se, per sumam incuriam, re una omnium pretiosissima defraudari pariuntur. Restat deniq; id unum,

C4

ut

(a) Epist. lib. 1.

ut cum celeritate temporis, utendi celeritate certemus, & tanquam ex torrente quodam, qui rapidè dilabitur, celeriter hauriamus.

§. III. *Argumenta Chriarum verbalium ex Horatio.*

1. **O**Mnes eodem cogimur. 2. Vivitur parvò benè. 3. Levius fit patientiâ, quidquid corrigere est nefas. 4. Magnas inter opes inops. *De avaro.* 5. Ira furor brevis est. 6. Multa senem circumveniunt incommoda. 7. Fortes creantur fortibus. 8. Omnem crede diem tibi diluxisse supremum. 9. Quanto quisq; sibi plura negaverit, à Diis plura feret.

Ex Virgilio.

10. Quid non mortalia pectora cogis auri sacra fames;
 11. Facilis descensus Averni.
 12. Labor omnia vincit.

Ex Ovidio.

13. Principiis obata, sero medicina parata.
 14. Otia si tollas, perière Capidinis ar-
 15. ----- Diciq; Beatus. (tur.
 Ante obitum nemo, supremaq; funera debet.

16. ----- Paupertatemq; ferendo.
 Efficere levem.

17. Livor, iners vitium, mores nò exit
 in aros. *Ex*

Ex Juvenali.

18. Fronti nulla fides. 19. Crescit amor
nummi, quantum ipsa pecunia crescit.
20. Nemo repentè fit turpissimus. 21.
Res est sacra miser. 22. Nobilitas so-
la est, atq; unica virtus.

Ex Seneca.

23. Totâ vitâ discendum est mori. 24.
Etiam sine magistro vitia discuntur. 25.
Qui genus jactat suum, aliena laudat. 26.
Sequitur superbos ultor à tergo DEUS.

Ex Persio.

27. O! curas hominum, o! quantum est
in rebus inane! 28. Virtutem videant,
intabescantq; delicta. De sceleratis.

Ex Martiali.

29. Extra fortunam est, quidquid donatur
egenis.

Quas dederis, solas semper habebis opes:

30. Non est, crede mihi, sapientis, di-
cere, vivam:

Sera nimis vita est crastina: vive hodie.

Ex Terrentio.

31. Crescit in adversis virtus.

Hæc igitur, aut alia id genus argu-
menta pertractare si velis, facies sedulo,
quod supra dictum est.

1. Laudabis breviter authorem senten-
tiæ.

tiæ. 2. Planius, & copiosius explicabis sententiam, illamq; variis verborum coloribus pictam in bono, ut ajunt, lumine collocabis. 3. Afferes causam aliquam, quam ob rem res ita se habeat. 4. Ex contrariorum conflictione, & quasi concursu illam confirmabis. 5. Illustrabis eam similitudine, quæ in rem aptissime quadrat. 6. Probabis illam singulari quodam exemplò. 7. Veteris authoris testimoniò, & autoritate illam confirmabis. 8. Deniq; ex omnibus hisce capitibus rem ita se habere concludes.

Quomodo tractanda est Chria activa?

Eadem prorsus ratione, qua Chria verbalis. Eadem enim est utriusq; ars. eademq; planè regulæ. Itaq; actum ageremus, si de Chria activa separatim, ac seorsim tractarem.

Idem planè dicito de Chria mixta.

C A P U T IV.

De Amplificatione.

Quid est Amplificatio?

3. Ineptè prorsus, ac ridiculè facere mihi videntur, qui perperam interpretantes Isocratis (a) verba, Amplificationem cum vulgo

(a) Isocrates pater eloquentiæ dictus à Tullio, vixit annos centum. II.

vulgo ita definiunt: Amplificatio, inquit, est oratio, quæ ex parvis magna facit; seu quæ res exiguas verbis exaggerat, & in majus attollit. Puerilis inquam, & præstigiatoræ, ac Sophistæ potius quam Oratore digna mihi semper visa fuit hæc vulgaris definitio, quæ res mendaciò, fallacibusq; figmentis supra meritum velit augeri. Ut enim facetè agebat Sparthanorum Rex Agefilaus: Ego pessimum eum futorem arbitror semper, qui magnos calceos pedibus parvis inducat.

Nos igitur cum Tullio sic Amplificationem commodius longè definimus: *Amplificatio est gravior quædam affirmatio quæ motu animorum conciliat in dicendo fidem.* Quia vero subobscura cuiuspiam sortè videri posset hæc definitio: & quia vis, & facultas Oratoris potissimum in amplificando consistit; idcirco definitionem illam, & totam amplificandi artem planius, & apertius explicare operæ pretium existimamus.

Quid igitur sibi volunt hæc verba: Gravior quædam affirmatio?

R. Gravissima illa affirmatio, de qua hic agitur, nihil aliud est, quam vehementius quoddam, copiosiusq; dicendi genus, quò rei vel dignitatem, & amplitudinè, vel indignitatem, & atrocitatem, ponde-

re verborum, & enumeratione circumstantiarum ita demonstramus, ut non animos, auresq; pratervolet, ut ferme sit, cum res leviter, ac strictim attinguntur, sed ut feriat animos, permoveat, & audientium memoriae penitus infideat.

Cedo illustre quodpiam exemplum Amplificationis hujusmodi?

R. Habes luculentissimum in atrocissima illa Didonis adversus Æneam abeuntem querela: Poterat Dido simpliciter, & nudè Æneam appellare *durum, inhumanum, ferreum*, sed querimoniam illam sic amplificat mirificè Virgilius Æneidos.

Lib: IV.,

(tur,

Talia dicentem jam dudum aversa tuetur:
Huc illuc volvens oculos, totumq; pererrat

Luminibus tacitis, & sic accensa profana:
Nec tibi Diva (a) Parens, generis nec Dardanus (b) author:

Perfide, sed duris genuit te cautibus horrens:

(tigres,

Caucasus, Hireanæq; admorunt ubera

Sic etiam Lib: 21. poterat Æneas exiliter, & jejunè dicere se amissam conjugem Creusam amoribus maximis per noctis

tene-

(a) Venus. (b) Dardanus primus Rex Trojanorum, Jovis Filius.

tenebras appellasse, verum rem ita verbis exaggerat:

Ausus quin etiam voces jactare per umbram, (sam (a)

Implevi clamore vias, mœstusq; Creu-
Nequidquam ingerminans iterumq; ite-
(rumq; vocavi.

Quotuplex est Amplificatio?

ꝛ. Duplex: Alia est verborum, alia rerum: seu quod idem est, alia sit rebus, ac sententiis alia verbis tantum. De utroq; genere seorsim agendum nobis est.

§. I. *De Amplificatione rerum,*

Quot modis fit Amplificatio rerum?

ꝛ. Octo præcipuis. 1. Fit per congeriē definitionum seu per definitiones conglobatas. 2. Per congeriem adjunctorum. 3. Per congeriem, seu per enumerationē partium. 4. Per congeriem causarum, & effectuum. 5. Per congeriem consequentium. 6. Per congeriem similitum, comparisonum, & exemplorum. 7. Per cōtrariorum, dissimilium, & inter se pugnantium conflictionem. 8. Deniq; per incrementum. Singula hæc capita sigillatim persequamur.

§. II. *De Amplificatione per congeriem Definitionum.*

(a) Creusa Priami, & Hecubæ filia, Hecubæ Conjux, Ascanii Mater,

Quid est Definitio?

R. Est brevis, & circumscripta rei explicatio, seu, ut ajunt Philosophi, est oratio, quæ rei naturam breviter explicat.

Quid est Amplificatio per congeriem definitionum. sive à definitionibus conglobatis?

R. Est ea, in qua variæ ejusdem rei definitiones congeruntur, & quasi coacervantur, ut cum ait Cicero: *Historia est testis temporum, lux veritatis, vita memoria, magistra vitæ, nuntia vetustatis* Ex iisdem definitionibus conglobatis, Curia, ac Senatus Romani majestatem sic amplificat. *idem Orator in oratione pro Milone. Curia templum sanctitatis, amplitudini, mentis, consilii publici, caput urbis. ara sociorum, portus omnium gentium, sedes ab universo populo R. concessa uni Ordini.*

Poteris vicissim, ad illarum definitionum conglobatarum imitationem, dicere, quid sit eloquentia, quid Poesis, quid amicitia, quid vita hominis, quid DEUS ipse.

§. III. De Amplificatione per congeriem adjunctorum.

Quid est Amplificatio per congeriem adjunctorum?

R. Est ea, quæ ducitur ab omnibus seu rerum, seu personarum adjunctis, ac circumstantiis simul coacervatis. Cicero 2.

Agra.

Agraria. Ego qualē Calendis Januarii acceperim Rēp: Quirites, intelligo plenā sollicitudinis, plenā timoris, in qua nihil erat malī, nihil aduersi, quod boni non metuerent, improbi expectarent: omnia turbulenta consilia contra hunc Reip: statum & contra vestrum otium partim iniuri, partim nobis Consulibus designatis, inita esse dicebantur: sublata erat de foro fides, non ictu aliquo novæ calamitatis, sed suspitione ac perturbatione iudiciorū, infirmatione rerum iudicatarum, novæ dominationes, extraordinaria nō imperia; sed regna quæri putabantur.

Virgilius sub finem libri primi Georgicorum de Julii Cæsaris interitu lugubriter admodum, & tragicè lamentatur coacervando funestissima prodigia monstraq; quæ vel antecessere, vel mox subsequuta sunt.

Ille etiam extincto miseratus Cæsare
 Romam, (xit,
 Cum caput obscura nitidum ferrugine te-
 Impiaq; æternam timuerunt sæcula, (a)
 noctem.

Vox

(a) Dictatore Julio Cæsare à conjuratis occiso, solis globum diu subpallidum apparuisse, narrant Plutarchus, & Plinius.

Vox quoq; per lucos vulgo exaudita silētes
 Ingēs, & simulacra modis pallentia miris,
 Vifa sub obscurū noctis, pecudesq; locutæ
 infandū; sistunt amnes, terræq; dehiscūt,
 Et mæstum illahrymat templis ebur, æ-
 raq; sudant.

Totum hunc locum, ut eximium ampli-
 ficationis exemplar, & ad excitandam
 commiserationem in primis idoneum,
 tu consulito, si me audis.

§. IV. De Amplificatione per congeriem,
 seu enumerationem partium.

Quid est amplificatio ab enumeratione partiū?

R. EA illa, quæ fit, dum totum aliquod
 in suas partes distribuitur: seu dum rei
 alicujus partes vel omnes, vel præcipuæ
 certè quidem sigillatim enumerantur. Ita
 Cicero funestum Pisonis Consulatum de-
 scribit: *Omnes memoriā consulatus tui, facta,
 mores, faciem deniq;, ac nomen à Rep. dete-
 stantur. Legati qui una fuere, alienati: Tri-
 buni mi itum inimici: Centuriones, & si qui
 ex tanto exercitu reliqui mi ites existunt, non
 dimissi abs te, sed dissipati, te oderūt: tibi pesto:
 exoptūt, te execrantur. Achia exhausta, thes-
 salia vexata, laceratæ, Athenæ Apollonia exi-
 nanita; Ambracia direpta; Bullienses illusi; E-
 girus excisa; Locri exusti. Abamanum gens
 uendi.*

vendita; Macedonia condonata barbaris; Ætholia amissa: Dolopes, finitimiq; montani, oppidis atq; agris exterminati: Cives Rom: qui in iis locis negotiantur, te unum solum suum depopulatorem, vexatorem, prædonem, hostem venisse senserunt.

Ovidius lib: II. Metamorph dilatat sententiam hanc:

Rex Midas omnia, quæcumq; tangit,
in aurum convertit.

Lætus abit, gaudetq; malò Berecynthus heros, (a)

Pollicitiq; fidē, tangendo, singula, tentat,
Vixq; sibi credens, nō alta fronde virentē
Ilice detraxit virgam, virga aurea facta est: (aurò:

Tollit humo saxum, saxum quoq; palluit
Contigit & glebā; contractu gleba potenti
(b) Massa fit: arentes Cereris decerpsit aristas. (pomum:

Aurea Messis erat. Demptū tenet arbore
(c) Hesperidas donasse putes: si potibus altis (tur:

Admovit digitos, postes radiare vident
Ille etiam liquidis palmas ubi laverat undis,

Unda

(a) Midas Phrygiæ Rex, ubi mons Berecynthus. (b) Auri moles. (c) In earum hortis erant aurea peme.

Unda fluens palmis (a) Danaen eludere
possit (partium.

Venetiarum descriptio per enumerationem Venetiarum urbis, in recessu intimo sinu Adriatici, ea regio, ac situs est, ut leniter stagnantes ex alto aquæ, illam omni ex parte circumluant. Ea inclytæ urbi, & ad merces, copiasq; invehendas opportuna receptacula, & contra hostiles incurfus munimenta firmissima sunt. Ex iis porrò æstuarii majores, minoresq; Eurippi totam urbem interkursantes, variis mœandris, ac flexibus ita distinguunt, ut quot in partes pedibus, in totidem ferè mari aditus sit, egregiò sanè artis, vel naturæ miraculò. Inde vicorum, insularum; & pontiũ ingens numerus, ut qui diutiùs ibi versati nõ sunt, viarum, locorumq; modò varietate, modò similitudine sæpè fallantur. Sed contra ejusmodi ambages certum, paratumq; remediũ est maxima multitudo cymbarum, quæ usquequaq; dispersæ, nominatim ad omnia, & publica, & privata loca quemlibet, haud ita magna mercede, trajiciant.

§. V. De Amplificatione per congeriem, causarum, & effectuum

Quid est Amplificatio per congeriem causarum & effectuum?

R.

(a) Jupiter in auream pluviam mutatus, illã delusit converso in pretium Deo. Horat.

R. Est ea, in qua multæ simul unius rei causæ, & effectû multi conglobantur; ut si diceres cum celebri artis magistro. Queris multis modis vexatam esse provinciam? sed ad causas calamitatis attende. Vigebat in ea ambitus, luxuria dominabatur; segnes erant magistratus, populus ipse molli, otiosaq; segnitie disfluēbat. Expecta igitur damna longè graviora. Exhaustentur pecuniæ, jacebit spreta Religio. fures impunè grassantur &c. Ex eodem loco immanissimam Mezentii crudelitatem amplificat Rex Evander apud Virgilium Æneid 8.

Quid memorem infandas eades, quid facta Tyranni

(vent
 Effera, Di capiti ipsius, generiq; refer-
 Mortua quin etiâ jungebat corpora vivis,
 Componens manibusq; manus, atq; ori-
 bus ora, (entes,
 (Tormenti genus!) & sanie, tabôq; flu-
 Cõplexu in misero, longa sic morte ne-
 bat.

§. VI. De Amplificatione per congeriem consequentium.

Quid est Amplificatio per congeriem consequentium?

R. Est ea, in qua plura ponuntur acervatim ex eadem re consequentia. Ex hoc loco Virgilius noctem egregie describit

scribit Æneidos. 4. amplificando res varias, quæ noctem fermè consequuntur.

Nox erat, & placidum carpebant sessa
soporem (quièrant

Corpora per terras, silvæque, & sæva
Æquora, cū medio volvuntur sidera lapsu,
Cū tacet omnis ager, pecudes, pictæq;
volucres, (dumis

Quæq; lacus latè liquidos, quæq; aspera
Rura tenent; somno (a) positæ, sub nocte
filenti,

Lenibant curas, & corda oblita laborum.

§. VII. De Amplificatione per comparationes, similitudines, & exempla.

Quid est Amplificatio per comparationes, similitudines, & exempla?

R. Est ea, quæ sit per unam, vel per multas comparationes, ac similitudines, & per unum exemplum, vel per plura. Fiet Amplificatio per plures comparationes, si dicas vgr. cum Tullio in Pisonè: Ego non te vecordem, non furiosum, nō mente captum, non tragico illo (b) Oreste, aut Athamante dementiorem putem? Vel si dicas cum

Mar-

(a) Positæ, id est, jacentes. Somnò autem lenibat curas, &c. (b) Orestes Agamemnonis filius, furis agitatus fuit ob Clytemnestram Matrem occisam. Athamas Thebanorum Rex, furis etiam agitatus.

Marti
qui su
exemp

Quòd
Ignosce
Carm

line

Laud

Quod

Apic

Quoc

Fit

litudi

siman

hoste

pr

Qua

alt

Con

Cöpr

un

Tum

Ite

(a) C

testis

fuit.

& tor

luo c

Martiali, in improbum quemdam Gaurū
qui sua luculenta vitia magnorum virorū
exemplō solebat excusare.

In Gaurum.

Quòd nimiò gaudes noctē producere vinò,
Ignosco, vitiū, Gauri, (a) Catonis habes.
Carmina, quod scribis Musis, & Apol-
line nullo,

Laudari debes, hoc (b) Ciceronis habes.
Quod vomis, (c) Antoni; quod luxuriaris
Apici: (d)

Quod sur es; vitiū, dic mihi, cujus habes;

Fit Amplificatio per unam tantum simi-
litudinem in hoc Virgilii loco, ubi fortif-
simam Amazonem Camillam de imbelli
hoste nullo labore triumphantem sic ex-
primit Æneid II.

Quam facile accipiter saxo sacer ales ab
alto (lumbam,
Consequitur pennis sublimem in nube co-
Cōpressamq; tenet, pedibusq; exviscerat
uncis, (plumæ:

Tum cruor: & vulsæ labuntur ab æthere
Itemq; in libro septimo, ubi Reginæ
Ama-

(a) Cato Uticensis quàm sæpè merò incaluerit,
testis Horatius. (b) Cicero non bonus Poëta
fuit. (c) Qui frustis vinolentis gremium suū,
& totum tribunal implevit. (d) Apicius bel-
lue celeberrimus.

Amatæ (a) furorem, ac circumcursatio-
nes depingit lepidissima turbinis verbere
à pueris agitati similitudine.

Ceu quondam torto volitans sub verbere
turbo, (circum

Quem pueri magno in gyro, vacua atria
Intenti sudo exercent: ille actus habena.

Curvatis fertur spatiis, stupet in scia tur-
ba, (buxum.

(b) Impubesq; manus mirata volubile
Dant animos plagæ. Non cursu segnior
illo. (feroces

Per medias urbes (c) agitur, populosq;

Addite deniq; pulcherrimam istam ju-
venis (d) Pallantis à Turno occisi cū flo-
sculo decerpto comparationē, quàm Sca-
liger quovis nectare dulciorem non vere-
tur appellare.

Hic juvenem agresti sublimem in stram-
mine ponunt,

Qualem virgineo demessum pollice florē,
Seu mollis violæ, seu languentis hyacin-
thi, (recessit.

Cui neq; fulgor adhuc, necdum sua forma

§. VIII. De Amplificatione per con-
fessionem contrariorum.

Quid

(a) Erat Latini Regis conjux. (b) Impubesq;
id est, Puerorum turba. (c) Regina Amata.
(d) Erat Evandri Regis filius Æneid: II.

Quid est Amplificatio per conflictionem contrariorum, & inter se pugnantium?

R. Est ea, qua plura contraria per antitheses opponuntur, ut illa Ciceronis in Catilinam: Hoc verò quis ferre possit, inertes homines fortissimis insidiari, stultissimos prudentissimis: ebriosos sobriis, dormientes vigilantibus: In idem est illud ejusdem Ciceronis in Pisonem, & Gabinium Consules: Qui latrones igitur, siquidem vos Consules? qui prædones? qui hostes? qui proditores? qui Tyranni nominabuntur? magnum nomen est, magna species, magna majestas Consulis. Non capiunt angustia pectoris tui; non recipit levitas ista, non egestas, non infirmitas ingenii sustinet, non insolentia rerum secundarum tantam personam, tam gravem, tam severam.

Sic etiam Seneca in (a) Thyeste:
 Quem dies vidit veniens superbum,
 Hunc dies vidit fugiens jacentem.
 Tale est etiam incerti authoris, sed tamè antiqui, in Alexandri magni tumulum.
 Sufficit huic tumulus, cui non suffecerat orbis:
 (brevis.
 Res brevis huic ampla est, cui fuit ampla
 Ex hoc eodem loco magni nominis Pœta Santolius Vactorinus admirabiles Sanctorum

(a) Tragedia sic inscripta,

storum virtutes amplificat per conge-
stas antitheses. (b)

Illis summa fuit gloria despici,

Illis divitiæ pauperiem pati,

Illis summa voluptas

Longo supplicio mori.

§. IX. De Amplificatione per incrementum.

Quid est Amplificatio per incrementum?

R. Est ea, quæ oratio velut per gradus videtur augeri, & ascendere, donec ad summum pervenerit. Ita Tullius Verris crudelitatem eo per incrementum deducit, ut verba explanando crimini nō ultra suppeditent: *Facinus est, inquit, vincire Civem Romanum; prope parricidium, necare: quid dicam, in crucem tollere? Nihil addi jam posse videtur ad hanc amentiam, improbitatem, crudelitatemq.*

Vide etiam, quomodo per gradus, & per incrementum assurgat oratio in hac sapientissima Senecæ sententia in Epist. ad Lucillum: *Magna vitæ pars elabitur male agentibus: maxima nihil agentibus: tota aliud agentibus.*

De Amplificatione Verborum.

De hoc toto Capite tamen sumus propediem accuratissime dicturi; postulat tamē ratio instituti nostri, ut curam illud
in

(b) In hymno de Sanctis Monachis.

in antecessum delibemus.

Quomodo fit Amplificatio verborum?

ꝛ. Fit sex præcipuè modis. 1. Per verba translata, seu metaphorica. 2. Per verba superlata. 3. Per verba synonyma. 4. Per verba graviora & illustriora. 5. Per periphrasim, seu circumlocutionem. 6. Per repetitionem.

§. X.

Fit igitur primum Amplificatio verborum per verba metaphorica, quæ nempe mirum in modum valent ad excitandos animos, & ad orationem grandiozem efficiendam.

Quid est Metaphora, seu translatio?

ꝛ. Est quoddam loquendi genus, quò vox aliqua à propria sua significatione transfertur ad aliam, vgr: si dicas: Prata ride-re, parietes gestire gaudio, aliquem esse irã incensum, inflammatum cupiditate, errore lapsum: vocës illæ omnes sunt metaphoricae, quia tribuunt pratis, & parietibus risum, & gaudium, quæ propria sunt hominis solius. Idem planè dicto de cæteris circumlocutionibus, quæ tribuunt homini flammam, & incendium ignis proprium, &c. dicitur igitur Amplificatio per Metaphorã, cum Virgilio dicas de Ænea irato.

Ira

D

(a) Irarumq; omnes effundit habenas.
Vel si dicas de Didone;

(b) Magnoq; irarum fluctuat æstu
Qui habenas, & æstum, quæ propriè
conveniunt equis, ac fluctibus, tribuit Æ-
neæ, & Didoni. Item si de homine im-
pavido, & imperterritito dicas cum Hora-
tio in Odis: (c)

Illi robur, & æs triplex
Circa pectus erat, qui fragilem truci
Commisit pelago ratem
Primus.

§. XI.

2. Fit Amplificatio per verba superlata,
hoc est, quæ veritatem superant, & plus
dicunt, quàm reapse esse possit. Ut cum
ait Tullius de Julio Cæsare, in oratione
pro Marcello. Domuisti gentes imma-
nitate barbaras, multitudine innumera-
biles; locis infinitas, omni copiarum ge-
nere abundantes. Itemq; cum dicit de
Pompejo in oratione pro lege Manilia:
Qui sæpius cū hoste confligit, quàm quis-
quam cum inimico concertavit: plura
bella gessit, quàm alii legerunt, plures Pro-
vincias consecit, quàm alii concupiverunt,
eujus adolescentia ad scientiam rei mili-
taris, non alienis præceptis, sed suis im-

peri-

(a) Lib: 12. (b) Lib: 4. (c) Lib: 1.

peris: nõ offensionibus belli, sed victoriis;
non stipendiis, sed triumphis est erudita.

Hanc amplificandi artem, adhibuit Virgilius Æneidos libro 12. cum de Turni equis dixit per Hyperbolem.

Qui candore nives anteirent, cursibus auras.

Item cum de equo Trojano dixit:
Instar montis equum divina Palladis arte Ædificant.

Sed nusquam magis indulgisse videtur huic schemati, quàm cum Amazonem (a) Camillam laudans librò septimò dixit per verissimam hyperbolem:

Illa vel intactæ segetis per sùma volaret Gramina, nec teneras cursu læsisset aristas:

(tumentis

Vel mare per medium, fluctu suspensa Ferret iter, celeres nec tingeret æquore plantas.

§. XII.

Quomodo fit Amplificatio per verba synonyma?

Fit per congeriem verborum, & sententiarum idem pænè significantium: ut cum ait Cicero pro Ligario: Quid enim, Tubero, tuus ille districtus in acie Pharsalica gladius agebat? cujus latus mucro ille petebat?

D2

qui

(a) Camilla Volscorum Regina bellicosissima, uæ Turno adversus Æneam tulit auxilium.

qui sensus erat armorum, quæ tua mens? oculi? manus, ardor animi. quid cupiebas? quid optabas? Vide, quàm multa sint hic verba idem pænè significantia: gladius, mucro, arma, sensus, mens, animus, cupiebas, optabas. Quæ sanè Synonymorum coacervatio a-crem in primis, & illustrem reddit orationem, ut liquet ex hoc alio ejusdè Ciceronis exemplo in Catilinam: Non feram, non patiar, non finam; & ex duobus hisce Virgilii versibus Æneides libro primo, ubi Ilioneus Æneæ fortis adhuc ignarus sic de illo ad Didonem:

Quæ si fata virum servant; si vescitur aurâ
Ætherea; nec adhuc crudelibus occubat
umbris,

§. XIII.

Quomodo fit Amp'ificatio per verba graviora, & illustriora:

R. Fit, cùm adhibentur verba splendida, quæ rem significantius exprimant. & in quibus plenum quiddam, numerosum, & sonans esse videatur: cujusmodi sunt ista: Polluerat suprà sanctissimas religiones; Senatus gravissimè decreta profregerat. Itemq; illa in Verre: Non enim te furem, sed ereptorem, non adulterum, sed expugnatorem pudicitie; non sacrilegum, sed hostem sacrorum religionumq; non ficiarium, sed crudelissimum
carni-

carificem civium sociorumq; in vestrum iudicium adducimus.

Ejusdē etiam generis sunt magnifica illa Virgillii verba de Didone moritura:

At trepida, & cœpit immanibus effera
Dido, (trementes

Sanguineam volvens aciem, maculisq;

Interfusa genas, & pallida morte futura,

Interiora domūs irrumpit limina, & altos

Conscendit furibunda rogos, enseque
recludit (usus.

Dardanidum, nō hos quæsitum munus in

§. XIV.

Quomodo fit Amplificatio per periphrasim, seu circumlocutionem?

R. Fit, cū longiori verborum ambitu circuituq; dicimus, quod brevius, ac simplicius dici poterat. Ita Cicero pro Milone, cū gravius videretur dicere Clodium a Milone fuisse occisum; maluit illud hac verborum circumlocutione mollire:

In quos incensos irā, vitamq; domini desperantes cum incidisset, hæsit in iis pœnis, quas ab eo servi fideles pro domini vita expetierunt.

Circumlocutione Virgilius utitur *Æn.* 12. cū pro hac una voce *Moritur*, sic ait.

Illi dura quies, oculos & ferreus urget
Somnus: in æternam clauduntur lumina
noctem.

Et in eccloga prima, ubi pro hac una voce jam advesperascit, longiori hac, tritaq; utitur periphrasi:

Et jam summa procul villarum culmina
sumant (umbræ.

Majoresque cadunt altis de montibus

Nota Periphrasim apud Pœtas esse frequentiore, quam apud Oratores.

Quod si non idonea sit, vel si nimis redundet, jam non appellabitur: *Periphrasis*, sed *Perissologia*. (a)

§. XV. De Amplificatione per repetitionem.

Quomodo fit Amplificatio per repetitionem?

1. Fit, cum verbum idem, sive ornatius causa, sive ad motus excitandos iteratur, duplicaturq; vel in principio, vel in fine, vel in medio dictionis. Ut cum ait Tullius: *vidi enim vidi, penitusq; perspexi*. Sed utitur imprimis hoc Amplificationis genere in exordio Orationis pro Roscio Amerino, cum ait: *Accusant ii, qui in fortunas ejus invaserunt. Causam dicit is, cui præter calamitatem nihil reliquerunt. Accusant ii, quibus occidi Patrem Sexti Roscii bono fuit. Causam dicit is, cui modo luctum mors patris attulit, verum etiam egestatem. Accusant ii, qui hunc ipsum jugulare summe cupierunt: Causam dicit*

(a) *Id est Sermonis redundantia.*

dicit is, qui etiam ad hoc ipsum iudicium cum præsidio venit, nè hic ibidem ante oculos vestros trucidetur. Deniq; accusant ii, quos populus poseit; Causam dicit is, qui unus relictus ex illorum nefaria eade restat.

Quantopere verò valeat Repetitio ad addendam vim, pondusq; orationi, & ad affectus ciendos, discere poteris ex sequentibus exemplis. Priora tria sunt ex heroicis Ovidii Epistolis, in quibus, si quid iudico, præ cæteris omnibus illius operibus, elegantia, ingenii, & eloquentia lumen quoddam elucet, in primo sororem

Annam sic compellat infelix Dido:

Anna soror, soror Annae meae male conscia culpæ

In altero Demophoontē (a) ita compellat Phyllis: (verbis:

Credidimus blandis, quorum tibi copia,
Credidimus generi, numinibusq; tuis.

Credidimus lacrymis: an & hæc simulare docentur;

(tur, eunt.

Hæ quoq; habent artes, quaque iubent.

In tertio conjux Herculis Dejanira,

cum illi per imprudentiam mortem intulit

D4

tulis

(a) Demophoon Thesei ex Phædra filius, à Phyllide Lycurgi Regis filia hospite, & lecto susceptus, data prius futuri conjugii fide.

culisset. in has iusti doloris voces erupit
identidem;

Impia quid dubitas Dejanira mori;
Hei mihi quid feci? quo me furor egit
amantem?

Impia quid dubitas Dejanira mori?
Illita (a) Nesejo mihi tibi texta veneno,
Impia quid dubitas Dejanira mori?

*Quibusnam potissimum figuris varianda
erit, & distinguenda Amplificatio:*

ꝛ. Præcipua, quæ Amplificationem
ornant, Schemata sunt: Hypotyposis &
exclamatio, de quibus supra dictum à no-
bis est. Quibus addito tria alia, nempe
Prosopœjiam, Apostrophen, interroga-
tionem, cæterasq; id genus vehementio-
res figuras, de quibus agendum nobis erit
in Libro de Elocutione.

§. XVI.

Quid sit in Amplificatione vitandum?

Duo sunt in primis vitia, ac veluti
scopuli quidam duo, in quos incurrere so-
lent Tyrones, cum orationem amplifi-
cant. Primus scopulus est illorum, qui
minutissima quæq; singulatim, exiliter,
& perexigue consectantur; quod certe est
in oratione vitium vel maximum. Ut
enim

(a) Centauri Nesi veste, quâ indutus Hercu-
les in furorem versus est.

enim rectè monet Cicero, in Amplificationibus nihil est nimis tenuiter enucleandum, quia hic locus grandia potius, quàm exilia, minutaq; requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonitum in illam insarciunt. Hoc vulgare vitium fugies, si nihil prorsus dicas, quod vim, & pondus non addat orationi, & sensum non ageat. *Quid est enim tam furiosum, (inquit Tullius lib: i de Oratore) quàm verborum vel optimorum sonitus inanis, nulla subiecta sententia?* Et ut sapientissimè præcipit Horatius in Arte Poëtica, si sint tibi provisæ, paratæq;, & ad manum, ut ita dicam, sententiæ; voces ipsæ ultro sese offerent, & ad exprimenda animi sensa nullo labore succurrent: (tur.

Verbaq; provisam rem non provisam sequen-

Quanquam, ut dicam id. quod res est, si Tyrone peccandum sit, in alterutram partem, mallem certè, ut, instar Ovidii, peccet potius ubertate quadam, copiaq; verborum, quàm eorundem jejunitate, atq; inopia, quia, ut optimè notat Tullius, nimia hæc & redundans verborum ubertas, & quasi luxuries stylò, atq; exercitatione brevi depascetur.

A P P A R A T U S
SEU PROOEMIUM
R H E T O R I C Æ.

Rhetoricæ Proœmium, sive Apparatus appellamus ea omnia, quæ pertinent universim ad Artē Rhetoricam: Quinque autem sunt, quæ de Rhetorica generatim, & universè, prolusionis more, quæri possunt

1. Quæ sit natura, & finis Rhetoricæ.
2. Quæ sit illius materia.
3. Quæ sint illius partes.
4. Quæ sit dignitas, vis, & utilitas Rhetoricæ.
5. Quibus rebus, ac subsidiis possit facile comparari.

§. I. De natura, & fine Rhetoricæ.

Quid est Rhetorica?

1. Est ars, seu disciplina bene dicendi; hoc est ornate, graviter, & copiose loquendi, Ita Quintilianus lib: 2.

Unde nomen suum traxit Rhetorica?

A voce Græca *Reo*, dico, loquor, unde *Ritor* *Rhetor*, *Orator*, & *Ars Oratoria*.

Quare vocatur Ars?

1. Quia certis quibusdam, & nunquam fallentibus præceptis continetur.

Quare dicitur Ars bene dicendi?

1. Quia docet, quomodo optimis sententiis verbisque lectissimis dici possit.

Undenam

Undenam orta est ars illa bene dicendi?

R. Notatio naturæ, & animadversio peperit artem: Cùm enim aliqui nativa quadam facultate, nullo artis subsidio bene dixissent, alii contra insulse omnino, & male; extitit aliquis, qui discrimen illud observaret attentius; qui causas illius indagaret sedulo, atq; ita rem sensim, ad artem ac præcepta revocaret, & quasi viam traderet, quæ ad eloquentiam tuto ferret. Unde liquet, non esse eloquentiã natam ex artificio; sed potius artificium ex eloquentia natum, atq; profectum.

Quò differunt inter se Rhetor, & Orator?

R. Hòc differunt, quod Rhetor sit, quæ bene dicendi præcepta tradit, Orator vero sit is, qui accommodate ad persuadendũ dicere potest: tamen erretur persæpè in nomine, & aliud pro alio indiscriminatim accipiatur.

Quisnam est finis ultimus Artis Oratoricæ?

R. Est persuadere dictione: hoc est, discreta oratione quempiam impellere ad aliquid vel credendum, vel agendum, vel omittendum.

Quodnam est Officium Oratoris?

R. Est dicere appositè ad persuadendũ; quod fit docendo, delectando, & movendo. Docemus argumentis, & argumentatione:

tione: delectamus ornatu, illustri, & apto dicendi genere; flectimus amplificatione & affectibus. Docere, necessitatis est, delectare, suavitatis; movere verò, seu flectere victoriæ, atq; hic demum est verissimus eloquentiæ triumphus.

Unde erit ille summus, & perfectus Orator, cum appositè dixerit ad persuadendum, hoc est ad docendum, delectandum, & movendum; re ipsa tamen, sive auditoris vitiò, sive quacunq; demum alia de causa, non persuaserit.

§. II. *De Materia Rhetoricæ.*

Quenam est materia cujusq; artis in genere?

R. Ea est, circa quam versatur Ars; ut Medicinæ materia sunt morbi, quia in iis curandis Medicina versatur.

Quanam est speciatim materia Rhetoricæ?

R. Nihil omnino est in rerum natura, de quo ornatè, eleganter, & copiosè disputare non possit Orator. Ut observat Cic: 2. de Orat: *Benè dicendi Ars non habet definitam aliquam regionem, cujus terminis septa teneatur.* Unde ajo cum Aristotele; Rhetoricæ materiam esse quamlibet quæstionem ad dicendum propositam.

Quotplex est quæstio: quæ Oratori ad dicendum proponi potest?

R. Duplex, Alia est infinita, seu uni, versa-

versalis; alia finita, seu singularis. Quæstio infinita, quæ vocatur etiam *Theſis*, ea est, quæ nullis alligatur temporis, loci & personæ circumstantiis: ut, si quæretur generatim atq; universè: *Sitne bellum gerendum, vel pax facienda?*

Quæstio finita, quæ etiam vocatur: *Hypothesis*, & *causa sive controversia*: ea est, quæ universalem quæstionem restringit, ac revocat ad certas quasdam personæ, temporis, loci, rei; circumstantias: ut, si quæretur, *Sitne hoc annò nobis pax facienda: iis, quæ ab hostibus feruntur, legibus, ac conditionibus?*

Quæstio autem, sive finita sive infinita dividitur quadrifariam; primò in quæstionem cognitionis. Quæstio cognitionis ea est, quæ instituitur solius scientiæ gratiâ: ut, *Quæ sit causa defectus solis . . . sitne terra major, quàm luna?* Quæstio actionis est, cujus finis est aliquid efficere; ut, *An liceat vim vè repellere . . an sit inimicis ignoscendū?*

Præterea quæstio vel est principalis, vel incidens. Principalis ea dicitur, quæ præcipuè venit in controversiâ. Incidens vocatur, quæ tractatur propter aliud.

Quot sunt universim genera quæstionum, sive causarum, in quibus, versari potest Orator?

Tria, Genus judiciale, genus delib-
rati.

rativum, & genus exornativum, seu demonstrativum, quod à Græcis vocatur Epidiæticum.

Quid spectatur in genere judiciali?

R. Accusatio, & defensio.

Quid spectatur in genere deliberativo?

R. Suasio, & dissuasio.

Quid in exornativo?

R. Laus & vituperium. Unde generis judicialis finis est æquitas; Deliberativi utilitas; Demonstrativi honestas. Judiciale genus versatur circa tempus præteritum; Deliberativum circa tempus futurum; Demonstrativum verò circa præteritum simul, & præsens.

§. III. De Partibus Rhetoricæ.

Quæ, & quot sunt primariæ partes Rhetoricæ?

R. Quatuor: Inventio, Dispositio, Elocutio, & Pronuntiatio, quæ eodemmodum sunt præcipuæ quatuor Oratoris partes: 1. Argumenta invenire. 2. Inventa disponere. 3. Disposita verbis exornare. 4. Exornata pronuntiare. Sunt, qui pro quinta parte memoriam statuant; sed nos cum Aristotele illam ad pronuntiationem revocamus.

Quid est inventio?

R. Est excogitatio rerum verarum, aut verisimilium, quæ valeant tum ad faciendam

dam

R.
distrR.
tiaruR.
quan§.
QuæR.
Tull

inqu

nita

quo

vel

cun

enti

ta o

tam

judi

uni

C
pos

Qui

dis

Rhetoricæ.

dam fidem, tum ad motus excitandos.

Quid est dispositio?

R. Est rerum inventarum in ordinem distributio.

Quid est elocutio?

R. Est idoneorum verborum, & sententiarum ad res inventas accommodatio.

Quid est pronuntiatio?

R. Est vocis, ac corporis ea moderatio, quam res inventæ, ac verba requirunt.

§. I. *De dignitate, & utilitate Rhetoricæ.*
Quænam est Rhetoricæ dignitas, vis, & utilitas?

R. Nihil addi potest ad hæc illustra Tullii verba. lib: 1. de Oratore: Quid est, inquit, aut tam admirabile, quam ex infinita multitudine existere unum, qui id, quod omnibus naturâ sit datum, vel solo, vel cum paucis facere possit? aut tam jucundum cognitu, audituq; , quam sapientibus sententiis gravibusq; verbis ornata oratio, & perpolita? aut tam potens, tamq; magnificum, quam populi motus, judicium religiones, Senatus gravitatem unius oratione converti?

Quid majus, quid splendidius dicere posset eloquentia, si pro se ipsa loqueretur?

De subsidiis Rhetoricæ.

Quibus potissimum subsidiis omnes illæ, quas diximus, Rhetoricæ partes cõperari poterunt?

R. Quatuor: Natura, Arte, Exercitatione, & Imitatione.

Quid natura confert ad eloquentiam?

R. Ex parte animi confert celeres motus, ad excogitandum acutos, ad ornandum uberes, ad memoriam firmos, ac diuturnos. Ex parte verò corporis confert latera firma, canoram vocem, solutã linguam, aptamq; oris, & totius corporis conformitatem.

Quid facit ars ad eloquentiam?

R. Excolit, quæ dedit natura; supplet, quæ illi defunt, quæ verò redundant, luxuriantq; castigat, atq; cõdecet, verbo: certissimam, veluti digitò, monstrat viam, quã ad eloquentiam tutò perveniatur.

Quid affert Exercitatio?

R. Conservat, & auget, quæ ars expolivit, aut emendavit in natura. Multi enim naturæ vitium exercitatione sustulere, us olim Demosthenes, aliq; sexcenti.

Quid est exercitatio?

R. Est assiduus usus, & Consuetudo dicendi, vel scribendi; quod quidem valdè facit ad eloquentiæ laudem adipiscendam. Ut enim ait Cicero: *Stylus est optimus dicendi effector & magister. Triplex est autè exercitationis genus: nempe Scriptionis, actionis, & memoriæ.*

DE

DE IMITATIONE.

Quanam est Imitationis utilitas?

R. Facit imitatio, ut optimo cuiq; authori similes in dicendo evadamus, & quæ sunt in eo summa, diligenter persequamur. Et quoniam imitatio, si rectè fiat, multum affert ad eloquentiam, & pauci admodum imitari sciunt, ut par est; idè de imitandi ratione fufus aliquid, & uberius disputandum nobis esse existimavimus.

Quanam igitur est vera, rectaq; imitandi via, & ratio? R. Multiplex.

I. Cave, vulgare quoddam ac mediocre tibi proponas exemplar. *Mox daturus progeniem vitiosorem*, sed deligatur imitando summus aliquis, & excellens author, in què tota mente intuearis. Is autè erit, in Pœtis fermè Virgilius, qui cæteros omnes Pœtas longe post se reliquit, & ut ipse loquitur de Turno *toto vertice supra est*. In oratoria verò arte deligatur unus Cicero, de quo, quàm tritum, ac pervulgatū, tam verum est illud Quintiliani dictum: *Ille sciat se profecisse, cui Cicero valde placere coeperit; & in quem bellissimè cadit magnifica illa Senecæ (a) de illo vox: Ingenium, quod solum populus R. par imperio suo habuit: & ut non minus splendide de eodè Tullio*

(a) *Controv: Lib: 2.*

lio dictum fuit à Vellejo Paterculo: *Vir ingenio maximus, qui effecit, ne quorum arma viceramus, eorum ingenii vincemur.*

2. Non optimos solum auctores imitaberis, verum etiam, quæ in illis optima sunt, ac præstantissima: Si v.g. scribenda tibi sit oratio latina, habebis præ oculis loca illa eximia, in quibus sese ipse videtur quodammodo vicisse, e jusmodi sunt illius pleræq; perorationes. Illas inter scribendum lectitabis identidem, ut illarum assidua lectio Tulliani styli germanum tibi saporem, & gustum aspergat.

Ut verò semper habeas in promptu selectissima, quæ subinde possis imitari, luculentissimorum auctorum loca; copiosum summaq; curâ elaboratum illorum indicem tibi ad nostræ Rhetoricæ amplioris calcem exhibemus.

3. Illustria hæc, quæ dixi, loca neque pueriliter imitaberis, neq; serviiliter, putidèq;, ut solent homines illi, quos jure optimo ridet Horatius, dum ait: *O imitatores servum pecus; & ut à benè multis fieri video, qui cum picarum aut pättacorū more easdem omnino voces reddiderint, tam demum magaos se veterum imitatores arbitrantur.* Tu verò quæcumq; imitaberis, sic facies tua, ut eruditis, & e-

munctæ

munctæ naris hominibus appareat imitatio; sed tamen res omnino alia, tibiq; propria facta jam esse videatur.

Tua autem facies hæc veterum Scriptorum loca, tibiq; illa quasi jure tuo poteris vindicare.

Primò, si vim, ac pondus sententiæ retineas: verba verò vel omnia, vel magna ex parte saltem immutes. Dixerat olim Tullius: *Virtus est una altis defixa radicibus, quæ nulla unquam vi labefactari potest.* Hanc egregiam Tullii sententiam, vide, quàm scienter, mutatis omnino verbis, exprimat Horatius, cum dicit de homine probo, & in colenda virtute cōstanti.

(a) Si fractus illabatur oibis.

Impavidum serient ruinæ.

Sic etiam: cum dixisset idem Cicero Philippicâ nonâ: *Vellem, Diè immortales fecissent, ut vivo potiùs seruo Sulpitio gratias ageremus, quam mortuo honores quæreremus.* Hanc eandem sententiam, mutatis omnino verbis, ingeniosè admodum expressit Ovidius lib: 13. *Metamorphoseos*, ubi Ulysses de Achillis mortui armis certantem eum Ajace, & pro se ita loquentem inducit:

Si mea cum vestris valuissent vota (b)

Pelasgi,

Non

(a) Ode 3. lib: 3. (b) Sic appellati vetustissimi Græciæ populi.

Non foret ambiguus tanti certaminis
hæres:

Tuq; tuis armis, nos te potiremur achille.

Secundo, si eadem sermè servando verba, transferas illa ad alium sensum vel similem, vel contrarium: v.g. dixit Tullio in Antonium: *O audaciam immanem! Tu ingredi illam domum ausus es? tu illud sanctissimum limen intrare? tu illarum ædium Diis Penatibus os importunissimum ostendere? Poteris verba hæc paululum immutata in Judam, hortos ad Christum prodendum subeuntem. opportunè transferre.*

Sic etiam Catilinaræ primæ exordiū ad aliud argumentum nullo labore ita cōvertent vel ipsi meherele tyrunculi: Quousq; tandem homo nequam atq; improbe, intemperanter abutere divinâ patientiâ? Quamdiu illam eludet vita ista tua omni scelerum genere cooperta? Quē ad finē sese inveterata tua jactabit impietas? Nihilne te impendentis mortis pericula, nihil inferorum pœnæ, nihil in te Divinæ justitiæ gladius, nihil terror cōscientiæ, nihil severissimi judicis Tribunal, nihil illius os, vultusq; movebunt? Patere tua flagitia non sentis. &c.

Tertio, rectè imitaberis, si figuras, si periodos, si transitiones, si cōmisuras, in-

cilaq;

eiſaſq; & totum orationis ductum, ac ſilū
 potiùs imiteris, quàm verba ipſa, vel ipſas
 ſentētiās. Dixit v.g. Cicero Philippicā II.
Non placet Antonio conſulatus meus, at pla-
cuit P. Servio, ut eum primum nomine ex
ilius temporis conſularibus, qui primus mor-
tuus eſt: Placuit Quinto Lucio Catulo, cujus
ſemper in hac Republica vivet authoritas: Pla-
cuit duobus Lucullis, M. Craſſo, Q. Hortenſio,
C. Curioni. Maximè verò Conſulatum meum
Cn. Pompejus probavit. Hanc figurā trans-
 ferre poteris eleganter in eos, quibus nō
 placent humaniores literæ; quas omniū
 ordinum, ac ætatum viri ſapientiſſimi in
 detreſis habuerunt.

Quartò laudem habebit imitatio, ſi pro-
 poſitum exemplar vel in pauca contrahas,
 vel amplificando ſuſius, uberiusq; dilates.
 Ita cūm Virgilius dixiſſet i. Georgicorū.

Prima Ceres ferrò mortales vertere
 Inſtituit. (terram

Hunc eundem locum imitando, ſuſius
 more ſuo, amplificavit Ovidius V. Me-
 tamorph.

Prima Ceres uncò glebā dimovit aratrò:
 Prima dedit fruges, alimentaſq; mitia
 terris: (munus.

Prima dedit leges: Cereris ſunt omnia
 Contra verò cūm à Tullo ſuſius, ac u-
 berius

berius dictum fuisset de Cæsare, in oratione pro Marcello.

Bellicas laudes solent quidam extenuare verbis, easq; detrahere ducibus, cōmunicare cū militibus; nè propria sint Imperatorum. Et certè in armis militum virtus, locorum opportunitas, auxilia sociorum, classes, commeatus. multum juvant. Maximam verò partem quasi jure suo fortuna sibi vendicat; & quidquid est prosperè gestum, id planè omne ducit suū. At verò hujus gloriæ, C. Cæsar, quam es paulò ante adeptus, socium habes neminè. Totum hoc, quantumcunq; est, quod certè est maximum, totum est, inquam tuū. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum domina Fortuna in istius se gloriæ societatem nō offert: tibi cedit, tuam esse totam ac propriam fatetur.

Totam hanc ornatissimam laudationem in duos versiculos ita collegit Pœta egregius.

Gloria vincendi juncta est cum milite,
Cæsar, parcendi gloria tota tua est.

Quintò, laudabitur imitatio, si, quæ ab Oratoribus scripta fuere, solerter transferas in orationem adstrictam. Ita facile credi-

ered
to,

Qua

Cic

ille

niun

form

liber

Se

Græ

etian

multi

ex V

nè A

suiff

dicti

dilig

Hon

(b)

nan

vexi

(c)

(a)

culò

scrip

dati

us

crediderim cum M. (a) Antonio Mureto, perfectissimo talium rerum æstimatore, Virgilianum illum versum.

Quamquam animus meminisse horret luctuq; refugit:

Ciceronem imitatum fuisse. Ita enim ille Philippicâ XIV. scripserat in Antonium: *Refugit animus, P. C. eaq; dicere reformidat; quæ Lucius Antonius in Parmensiu liberis, & conjugibus gesserit.*

Sextò, bonus imitator eris, si vel ex Græcis Latina facias, vel ex Latinis, aut etiam Græcis vernacula. Ita Tullius tam multa singulari quodam artificio expressit ex Demosthene, quem mirabatur, & quoniam Athenas quidem ipsas magis Atticas fuisse, urbano quodam, & liberali jocò dictitabat. Sic etiam Virgilius, acer, & diligens Græcorum imitator, in Æneide Homerum est imitatus, & in Bucolicis (b) Theocritum. Sic Terentius ex Menandro, & ex Aristophane tam multa invehit in Latium. Ita Horatius Pindari (c) Callimachiq; vestigia persecutus est

in

(a) Fuit orator, & criticus celeberrimus, seculò 16. (b) Theocritus Pœta Syracusanus scripsit Græcè idyllia in genere bucolico laudatissima. (c) Callimachus nobilis Pœta Græcus vixit post Alexandri tempora.

in suis Odis, & nominatim in tertia
quarti libri.

Quem tu Melpomene semel
Nascentem placido lumine videris, &c.
Quam quidē tantis laudibus ornavit sum-
mus ille Vir Julius Cæsar Scaliger, ut
mallet à te similem scriptam fuisse, *Quam
esse totius Tarraconēsis Rex*. Sic enim (per
ludum opinor) distitare consueverat.

Atq;., ut hūc elementis tandem ali-
quando finem imponamus, laudem ma-
ximam habitura est imitatio, si quos imi-
taris, eos non dicam, adæquare, sed vin-
cere etiā omni ope coneris: ut ait Quin-
tilianus lib. 10. *Conandum est aliquid supra
eos, quos imitaris*; & ut etiam admonet ve-
tus proverbium; *Invenire, rem admodū
difficilem esse: persacilem verò, inven-
tis addere.*

Ita Virgilius cum exiliter admodum
ac jejunè de Hectore dictum fuisset à ve-
teri Pœta Ennio; (a)

O lux Trojæ, germane Hector,
Quid ita cū tuo lacerato corpore miser?
Versus eisdem, vel potius eandem
sententiam . x plumbea fecit auream Æ-
neid.

(a) Ennius Pœta antiquissimus vixit tem-
pore secundi belli Punici, centum, & amplius
ante Ciceronem annis,

neid: Libro secundo.

O lux Dardaniæ, spes o fidissima Teucrû
 Quæ tantæ tenuere moræ? Quibus, He-
 ctor, ab oris

Expectate venis? ut te post multa tuorû
 Funera, post varios hominumq; urbisq;
 labores

(renos
 Desessi aspiciamus? quæ causa indigna se-
 Fœdavit vultus? Aut cur hæc vulnera
 cerno?

Hunc eundem Ennii, Virgiliiq; de He-
 ctore locum apertissime imitari conatus
 est Seneca in Troade, ubi viduam il-
 lius Andromachen ita loquentem inducit:
 Cû subito nostros Hæctor âte oculos stetit:
 Non qualis ultro bella in Argivos ferens,
 Grajas petebat facibus Idæis rates:
 Nec cæde vasta, quali in Danaos furens,
 Vera ex Achille spolia simulata tulit.
 Non ille vultus, flâmeum incendens jubar;
 Sed fessus, ac dejectus, & fletu gravis,
 Similisq; nostro, squalidâ obtectus comâ.
 Quæ imitatio, quamquam non infelix;
 tu vide tamen, quantum à Virgiliana di-
 fferet. Verùm quantò inferior Virgilio vi-
 detur in hoc loco Seneca, tantò sanè jure
 videbitur Ennio superior in hac altera e-
 jusdem imitatione in eadem Troade.

E

Co-

Columnen patriæ, mora fatorum,
 Tu præsidium Phrygibus fessis,
 Tu mutus eras, humerisq; tuis
 Stetit illa decem fulta per annos:
 Tecum cecidit, summusq; dies
 Hectoris idem patriæq; fuit.

Hanc Ennianam imitationem aliquando mirantibus amicis festivè admodum respondit Virgilius, *se ex Ennii stereogrammas, aurumq; colligere.* Cùm verò affectio illi verteretur, ut ab invidis, & obtrusatoribus, cumq; illi malevolentia livore suffusi, palam jaçtarent in vulgus, illud pleraq; ab Homero sumpsisse, hoc unum responsò calumniatoribus os obstruerent illosq; penitus elingues reddere consueverat Virgilius: Cur non ipsi quoq; eadem furta tentarent? Verùm intellecturos, quod Homero vel unum eripere versum, illud ad rem suam accommodare.

Ratio tamen quædã est tyronibus præsertim adhibenda, nè, dum propositum sibi exemplar conantur vincere, & dum illo paulatim, sed in melius aberrare tagunt, prava quadam imitatione ab ætate præterita præterius deficient & in pejus aberrèt, quod Lucano præsertim contigisse videntur.

Cùm

Cum enim mirificè, sed sobriè tempe-
statem ita descripſiſſet Virgilius Ænei-
dos primò :

Incubuere mari, totumq; à ſedibus imis
Una Eurusq; Notusq; ruunt, Creberq;
procellis

Afrius, & vaſtos volvunt ad littora flucto
Eripiunt ſubito nubes, cœlumq;, diemq;
Teucrorum ex oculis, ponto nox incubat
atra.

Intonuère poli, & crebris micat ignibus
Præſentèq; viris intentant omnia mortè.

Hunc Virgiliti locum cum ſibi, vel imi-
tandum vel ſuperandum propoſuiſſet Lu-
canus immodico quodam calore raptus,
ſuòq; nimium velificatus ingeniò & laxa-
tis illi velut habenis, ſic aberravit in pejo:
Ah, quoties fruſtra pulſatos æquore mōtes
Obruit illa dies! quā celta cacumina peſſū
Tellus victa dedit! nō ullo littore ſurgunt
Tam validi fluctus, alioq; ex orbe voluti,
A magno venère mari, mundūq; cœercēs,
Monſtriferos agit unda ſinus.

ARTIS RHETORICÆ

Liber Primus.

DE ELOCUTIONE.

Quid eſt Elocutio?

ꝛ. Elocutio, inquit Tullius; eſt ido-

E2

neo-

neorum verborum, & sententiarum ad res inventas accommodatio.

Cur tandem, & quorsum ab Elocutione, contrā, quā fieri solet, exordimur?

R. Tametsi ex quatuor Rhetoricæ partibus ordine naturæ, prima fit inventio; quia tamen plusculum difficultatis habet, idcirco eam Elocutioni postponendā esse cū erudito Vossio, aliisq; artis Rhetoricæ Magistris benè multis, iudicavimus.

Cum enim verborum delectus origo sit eloquentiæ, ut ait Julius Cæsar in suo de analogia, seu de ratione (a) loquendi libro, quem, Ciceroni nominatim nuncupavit; & cum verborum cura, quæ ad Elocutionem pertinet, sit longe facilior, quàm cura rerum, quæ spectat ad inventionem: liquet profecto nos Tyronum cōmodis, utilitatiq; servire, dum Aristotelis ordine nonnihil immutato, ab Elocutione ducimus initium, & in primo artis oratoriæ quasi limine, vestibuloq; paulisper hæremus, priusquàm in intima illius penetralia pedem (b) ausimus inferre.

Ut huic eidem Tyronum utilitati cōsulatur, nostrum huc de Elocutione liberum trifariam dividimus. Agendū nobis

(a) Cicero in Bruto. (b) pro audeamus

bis est primò de Figuris, in quibus nullo
fermè negotio se solent exercere vel ipsi
Tyrunculi. Secundò dicitur de Periodo,
in qua videtur plusculū esse negotii. Ter-
tiò tractabimus de Stylo; à facilioribus, ut
par est, ad difficiliora sensim progrediēdo.

C A P U T I.

De Figuris, seu Schematibus.

Figura, ut diximus in Elementis, est
ornamentum quoddam Orationis, seu
loquendi modus illustrior: & à communi
cōsuetudine remotus; cujusmodi sunt hæc
Ciceronis verba in Catilinam, *Vivis, &
vivis non ad deponendam, sed ad confirmandā
audaciam.* Itemq; illa Didonis morientis
(a) verba.

----- Moriemur inultæ?

Sed moriamur, ait. Sic sic juvat ire
sub umbras,

Aut hæc ejusdem Didonis: (das

Littora littoribus contaria, fluctibus, un-

Imprecor, arma armis pugnent, ipsiq; ne-

Quot sunt genera figurarum? (potes.

R. Duo: Aliæ enim versantur in sen-

tentiis, & sensu ipso, aliæ in verbis tan-

tum Quia verò res prius animò menteq;

concipiendæ sunt quàm verbis exornen-

tur; idè de Figuris sententiarum, quæ

E3

ad

(a) Æneid: 4.

ad mentem pertinent, ante dicendum nobis est, quàm de figuris verborum.

§. I. De Figuris Sententiarum.

Inter Figuras Sententiarum aliæ videntur aptiores ad movendum, aliæ ad docendum, aliæ ad delectandum. Initium faciamus ab his; quæ ad movendum, seu ad animos flectendos præcipuè valent.

§. II. De Figuris ad movendum idoneis.

De Exclamatione.

Cur ex omnibus figuris Exclamationem primam ordine collocamus?

R. Primam collocamus, quod vehementiores animi motus exclamando soleamus exprimere.

Quid est Exclamatio?

R. Est vocis elatio, seu contentio, qua, interjectione vel adhibita, vel subaudita, vehementiorem animi affectum significamus, rei quæ magnitudinem exprimimus. Ita Tullius oratione. I. in Catilinam: per summam indignationem sic exclamat: *O tempora! o mores! Senatus hæc intelligit, Consul videt: hic tamen vivit. Vivit? Imò verò etiam in Senatum venit.* Et oratione I. in Antonium: *O miserum me! consumptis enim lacrymis, infixus tamen animo hæret dolor.*

Exclamatio adjunctam fermè habet aliquam ex hisce interjectionibus, *o! heu! hæ!*

hæ! vah! prob Superi! prob Superum, atque
 hominum fidem! Persæpè tamen subaudi-
 tur interjectio, ut si dicas, Miserum me!
 vel Hoccine Sæculum! Veteres pro interje-
 ctione, o, sæpè adhibebant voces istas (a)
 Edepol! Hercle! Mehercule! Jupiter! Me Ca-
 stor! Medius fidius! Catullus: Chartis.

Doctis, Jupiter! & laboriosis.

Heu, & Eheu triste aliquid, & molestum
 indicat. Ita (b) Cicero: O domus antiqua,
 eheu quam dispari domino dominaris! Vir-
 gilius verò Æneidos 4.

..... Tu nunc Carthaginis altæ
 Fundamenta locas, pulchramq; uxoribus
 urbem

(rum
 Extruis; heu regni, rerumq; oblite tua-

Prob adhibetur sæpè ad obtestandum.

Ita Terentius! Prob Deum! atq; hominum
 fidem, quid est, si non hæc contumelia est?

Mirum in modum facit exclamatio ad
 significandam indignationem, dolorèq;
 ex re atroci conceptum, ut Tullius pro
 Cœlio: Prob Dii immortales! cur interdum
 in hominum sceleribus maximis aut connivitis,
 aut præsentis fraudis pœnam in diè reservatis?

Servit etiam misericordiæ. Ita pro

E4

Sylla:

(a) Quasi dicas per ædem Pollacis... Ita
 me Hercules, me Jupiter, me Jovis filius ju-
 vet. (b) De Officiis.

Sylla: *O miserum, & infelicem diem illum, quo Consul omnibus centuriis P. Sylla renunciatus est! O fallacem, o volucrem fortunam! O cœcam cupiditatem! præposseram gratulationem! quàm cito illa omnia ex lætitia, & voluptate ad luctum, & lacrymam redierunt! Et pro Milone: O terram illam beatam, quæ hunc virum exceperit; hanc ingratham, si eiecerit: miseram, si amiserit! Sic etiam perfidus ille Sinon Trojanorum misericordiam exclamando captat. (a)*

Heu, quæ nunc tellus, inquit, quæ me æquora possunt (niq; restat.

Accipere? aut quid jam misero mihi de-

Aliquando etiam lætitiã, animiq; hilaritatem exprimit Exclamatio, vg. Cicero ad Atticum (b) *O suaves epistolas tuas, unq; tempore mihi dâtas duas? quibus Evangelia, quæ reddam, nescio; deberi quidem planè fateor. Evangelia verò (si quæris) erant merces allati jucundi nuntii; vel etiam sacrificia, & supplicationes, quæ pro læto nuntio decerni olim à Romanis consueverant. Unde non immerito Christianis Evangelium appellatum est saluterum illud nuntium à Christo veracissimo Patris Nuntio nobis allatum.*

Deniq; exclamatio servit interdum I-
roniæ,

(a) *Æneid: 2. (b) Lib: 2. Ep: 8.*

roniæ; ita (a) Tullius: *O præclarum custodem ovium, ut ajunt, lupum! & in Pilonem: O stultos Camillos, Curios, Fabricios, Scipiones, Marcellos, Maximos! O amentem Paulū, rusticum Marium: nullius in patres istorū amborum Consulū, qui triumpharunt!*

Quibus potissimum in locis utendum est Exclamatione?

R. Adhibenda est præsertim in Amplificatione, in Perorationibus, & ubi res magnas auditori persuaseris. Exclamare enim in rebus minutis frigidum esset, ac puerile.

§. III. De Dubitatione.

Quid est Dubitatio?

R. Dubitatio est (b) Schema, quo Orator fluctuans, animiq; pendens dubitat aliquādiu, quid sibi agendum, dicendūve sit. Ita Scipio apud Livium (c) milites alloquitur quasi dubitans: *Apud vos quemadmodum loquar, nec consilium, nec oratio suppeditat, quos nē quo nomine quidem appellare debeam. Scio. Cives? qui à patria vestra descivistis. An milites? qui imperium, auspiciūq; abnuistis. Sacramenti religionem rupistis. Hostes? corpora, ora, vestitum, habitum civium agnosco; facta dicta, consilia, animos hostium video.*

Ilu-

(a) Philip: 3. (b) *Habitus, figura.* (c) *Decade 3.*

Illustrare omnino Dubitationis exemplū
 suppeditat nobis Virgilius, cum Didonē
 ita dubitantem inducit. (a)

En quid agam? rursusne procos irrisa
 priores (supplex,

Experiar? Nomadumq; petam connubia:

Quos ego sum toties jam dedignata ma-
 ritos (crum

Iliacas igitur classes, atque ultima Teu-
 Jussa sequar

An Tyriis, omniq; manu stipata meorū

Insequar? Et quos Sidonia vix urbe re-
 velli, (jubebo?

Rursus agam pelago, & ventis dare vela:

Deinde sequitur electio, quæ fit ni-
 mirum, cum is, qui dubitat, subito con-
 siliū capit, quasi oborta sibi nova qua-
 dam luce:

Quin morere, ut merita es, ferroq;
 ave te dolorem.

Est item apud Ciceronem egregium
 illud ejusdem Schematis exemplum in
 Oratore: Utrum difficilius, aut majus esset
 negare tibi, sæpius idem roganti, an efficere
 id, quod rogares, diu, multumq;, Brute, du-
 bitavi. Nam & negare ei, quem unice dilige-
 rem, cuiq; me charissimum esse sentirem præfer-
 tim: & justa petenti, & præclara cupienti, durū

admo-

admodum mihi videbatur, & suscipere tantam rem, quantam non modo facultate consequi difficile esset, sed etiam cogitatione complecti vix arbitraber esse ejus, qui vereretur, reprehensionem doctorum, atq; prudentium.

Habes etiam breve, sed luculentum Dubitationis exemplum in illis Tiberii verbis apud Tacitum in Annalibus: Quid scribam, P. C. aut quomodo scribā, aut quid omnino non scribam hoc tempore? Dii me, Deaq; pejus perdant, quam perire quotidie sentio, si scio.

§. IV. De Obsecratione.

Quid est Obsecratio?

Obsecratio, ut nomen ipsum per se satis indicat, fit, cum alieujus sive Dei, sive hominis opem imploramus. Hoc Schemate mirum in modum utitur Tullius pro Rege Dejotaro: Quamobrem hoc nos primum metu, C. Cæsar, per fidem, constantiam, & clementiam tuam libera, ne reside-
re in te ullam partem iracundiæ suspicemur. Per dexteram te istam oro, quam Regi Dejotaro hospes hospiti porrexisti: per istam, inquam, dexteram non tam in bello & præliis, quam in promissis, & fide firmiorem: Tu illius domū inire, tu vetus hospitium renovare voluisti: te ejus Dii penates acceperunt: te amicū, & placatum Dejotari Regis aræ, sociq; viderunt.

Vehe-

Vehemens est etiam, atq; flexanima
 (a) Palinuri ad Æneam obtestatio apud
 Virgilium Æneid: 6.

Quod te per cœli jucundū lumen, & auras,
 Per genitorem oro, per spē surgentis Juli,
 Eripe me his, invicte, malis. Aut tu mi-
 hi terram (Velinos:

Injice, namq; potes, portusq; require
 Aut tu, si qua via est. si quam tibi
 Diva creatrix

Ostendit (neq; enim, credo, finē nu-
 mine divūm

Flumina tanta paras stygiamq; innare
 paludem) (undas.

Da dextrā misero; & tecum me tolle per
 Hæc figura, præ cæteris, vehemens est,
 & in perorationibus potissimum solet ad-
 hiberi.

§. V. De Imprecatione:

Quid est Imprecatio?

R. Est execratio quædam, quâ malum
 imprecamur alicui, vel etiam nobismet
 ipsi. Tale est illud Ciceronis pro Dejo-
 taro: *Dii te perdant, fugitive. Ita non modo
 nequam, & improbus, sed etiam fatuus, & a-
 mens es. Et in Antonium: Quin tu abi in
 malam*

(a) Palinurus Æneæ navis gubernator,
 qui somnō oppressus, unâ cum gubernaculo in
 mare delapsus est.

malam rem, malumq; cruciatum. Tale est etiam illud Didonis: (a)

Sed mihi vel tellus, optem, prius ima dehiscat,

(ad umbras;
Vel Pater Omnipotēs adigat me fulmine
Pallentes umbras Erebi, noctēq; profundā
Ante, pudor, quā te violem, aut tua jura resolvam.

§. VI. De Interrogatione, & Subjectione.

Quid est Interrogatio?

R. Est, cū interrogamus aliquem, nō tam ad rem dubiam quærendam, quā ad urgendum, instandumque; & ad vehementiorem affectum exprimendum. Ita Cicero Catilinam urget hisce verbis: *Patere tua consilia non sentis? Constrictam jam horum omnium conscientiā teneri conjurationē tuam non vides? Quid proxima, quid superiore nocte egeris, ubi fueris, quos convocaveris, quid consilii cōperis, quem nostrum ignorare arbitraris?*

Quibus sanè interrogationibūs Catilinā multò acrius pungit Cicero, quā si frigide diceret: Patent, Catilina, tua consilia, conjuratio tua omnium conscientiā, constricta tenetur; quid egeris, nemo ignorat. Similiter poterat dicere Virgilius:

Ipse ego te vidi Damonis, pessime, Caprum

(a) *Æneid: 4.*

prum

(cisca)

Excipere insidiis, multum latrante Ly-
Sed plus spiritus, nervorumq; habet hæc
interrogatio. (a)

Non ego te vidi, Damonis, pessime, Ca-
prum. Excipere insidiis?

Quod si interrogationi subjiciatur respon-
sio, Subjectio vocabitur. Sic Tullius pro
lege Manilia: *Quid tam novum, quam ado-
lescentulum privatum, exercitum difficili Rei-
publicæ tempore conficere? Confecit: huic præ-
esse? præfuit: rem optimè ductu suo gerere?
gessit. Quid tam præter consuetudinem, quam
homini adolescenti, cujus à Senatorio gradu
ætas longè abesset, imperium, atq; exercitum
dari, Siciliam permitti, atque Africam, bel-
lumq; in ea administrandum? Fuit in iis Pro-
vinciis singulari innocentia, æquitate, virtute:
bellum in Africa maximum confecit, victorem
exercitum deportavit.*

§. VII. De Præteritione, & Reticentia.
Quid est Præteritio?

Præteritio, quæ Ciceroni videtur in
amore, & in deliciis fuisse, fit, cum simu-
lamus nos vel nescire, vel nolle dicere
id, quod vel maxime dicimus. Ita Tulli-
us suam Pompejum magnificè laudat per
præteritionem.:

Itaq;

(a) Eccl: 9.

Itaq; non sum prædicaturus; Qui ritēs, quā-
tas ille res domi, militiæque, terræ marique,
quantaq; felicitate gesserit; ut ejus semper vo-
luntatibus non modo cives assenserint, socii
obtemperarint, hostes obedierint, sed etiam
venti tempestatesq; obsecundarint, hoc brevif-
simè dicam....

Habes etiam luculentam ejusdem Tul-
lii præteritionem in Vatiniū: Atq; illud
tenebrosissimum tempus incuntis ætatis tuæ
patiar latere. Licet impune per me, parietes
in adolescentia perfoderis, vicinos compilaris,
matrem verberaris. Habet hoc præmium tua
indignitas, ut adolescentiæ turpitudine obscu-
ritate & sordibus tuis tegatur.

Præteritioni vicina est, & affinis Re-
ticientia, aposiopesis Græcè dicta, quæ fit,
cum orationem abrumpimus subito, &
reticens aliquid, ut majora auditoribus
cogitanda relinquamus, quia nimirum,
quæ latent, graviora putantur. Tale est
illud (a) Juvenalis:

Majorum primus quisquis fuit ille tuorū,
Aut pastor fuit, aut illud, quod dicere nolo

Illustre omnino hujusce Schematis e-
xemplum nobis suppeditat Virgilius Æne-
id: 1. ubi Neptunus ventos tumultuantes
se increpietat:

Jam

(a) Set: 1.

Jam Cœlum, terramq; meo finè numine,
venti

Misere, & tantas audetis tollere moles?
Quos ego . . . sed motos præstat compo-
nere fluctus.

Post mihi non simili pœnâ cōmissa luetis,
Apostrophi utimur ob pudorem, ut Vir-
gilius in ecloga 3.

Novimus, & qui te . . .

§. VIII. De *Expolitione*.

Quid est Expolitio?

Expolitio, sive Commoratio, & E-
xornatio (nam tria hæc vocabula unum,
atq; idem sonāt) est figura ad motus ex-
citandos valde insignis

Fit autem, cum eandem sententiam va-
riis modis versamus, ut altius in auditorū
animis defigatur. Ita Cicero pro Sextio:
An mihi ipsi, ut quidā putant, fuit mors
æquò animò oppetenda? quid tum? mor-
temne fugiebam? an erat res ulla, quam
mihi magis optandam putarem? tam erā
rudis? tam ignarus rerum, tam expertus
consilii aut ingenii, nihil audieram, nihil
videram, nihil ipse legendo, quærendoq;
cogoveram, nesciebam vitæ brevē esse
curtum, gloriæ sempiternum? quū esset
omnibus definita mors, optandum esse. ut
vita, quæ necessitati deberetur, patriæ
poti-

potius donata, quàm reservata naturæ videretur? Nesciebam inter sapientissimos homines hanc contentionem fuisse; ut alii dicerent animos hominum, sensusq; morte restringi; alii autem tum maximè mentes sapientium, ac fortium virorum, quū è corpore excessissent, sentire, ac vigere? quorum alterum fugiendum non esse, carere sensu; alterum etiam optandum, meliori esse sensu.

§. IX. De Epiphonema e.

Quid est Epiphonema?

R. Est exclamatio sententiosa, quæ fieri solet post rem aliquam insignem vel narratam vel probatam. Ut cum Virgilius, post narratos classis Trojanz labores, sic exclamat sententiosè: (a)

Tantæ molis erat Romanam condere gentem!

Sic etiam Lucretius Lib: 1. Post commemoratum exemplum Agamemnonis, filiam suam Iphigeniam immolantis, hac gravi sententia claudit narrationem:

Tantū Religio potuit suadere malorū. Simile est illud Ciceronis in libro de Senectute: *Senectutem ut adipiscantur, omnes optant; eandem accusant adeptam: tanta est*

(a) *Æneid: 1.*

est inconstantia, stultitia, atq; perversitas. Sic etiam Virgilius postquam apum, in melle conficiendo; industriam, laboresq; descripsit, hoc addit Epiphonema:

Tantus amor florum, & generandi gloria mellis

Itemq; hoc 2. Georgicorum

Adeo à teneris cosuescere, multum est.

Et alio in loco, de crudeli, atq; impio

Polymnestore loquens, (a)

Fas omne abrumpit; Polydorum obtruncat, & auró (gis

Vi potitur. Quid nō mortalia pectora cor-
Auri sacra fames?

C A P U T II.

De Figuris ad delectandum magis idoneis.

§. I. De Apostrophe.

Quid est Apostrophe?

R. Est Schema, quo sermonem ad aliā personam, vel quasi personam convertimus, quam infinita oratio requirat. Ita Cicero pro Milone: Vos, vos appello, fortissimi viri, qui multum pro Republica sanguinē effudistis; vos in viri & in civis invitū appello periculo, Centuriones, vosq; milites, vobis non modo inspestantibus, sed etiam armatis, & huic iudicio presidentibus, hæc tanta virtus ex urbe expelletur?

Apo-

(a) *Æneid.* 3.

Apostrophe fit aliquando ad Superos ad invocandum. Ita Tullius i. in Catilinam: *Tum tu Jupiter, qui iisdem, quibus hæc urbs, auspiciis à Romulo es constitutus, quem statorem hujus urbis, atq; Imperii verè nominamus, hunc, & hujus socios suis oris, cæterisq; terris, à tectis urbis, à mœnibus, à vita, fortunisq; omnium civium arcebis, & omnes inimicos bonorum, hostes patriæ. latrones Ita iæ, scelerum fœdere inter se, ac nefaria societate conjunctos, æternis suppliciis vivos, mortuosq; mactabis.*

Nec tantum ad personas fit Apostrophe, sed etiam ad res inanimas, sensuq; carentes, aut aliquando etiam ad belluas. Ejusmodi est apud Virgiliûm notissima illa Mezentii Apostrophe ad equum suû, nomine Rhæbum:

Rhæbe, diu (res si qua diu mortalibus ul'a est) Viximus.

Ita Cicero pro Milone: *Vos enim jam Albani tumuli, atq; luei, vos, inquam, imp' oro, atq; obtestor, vosq; Albanorum obruta aræ, sacrorum populi Romani sociæ, & æquales. Pœtis porro nihil familiarius est, quàm illa ad res sensu carentes Apostrophe. Ita*

Dido moriens Æneid: 4.

Dulces exuviæ, dum fata, Deusq; sinebant,

(vite curis
Accipite hanc animam, meq; his exsol-

Quanam sunt Apostrophes Regulæ?

R. Tres: 1. Raro est usurpanda. Si enim crebrius adhibeatur, inepta erit, & frigidiuscula.

2. Tametsi multis videatur; Apostrophen in ipso dicendi principio nequaquam adhiberi posse interdum tamen Orationem inchoat egregie, ut docet initium primæ Catilinaris: *Quousq; tandem abutere Catilina, patientia nostra?*

3. Fas est Pœtis, solius metri causâ, Apostrophen adhibere. Ita Ovidius lib:

3. Tristium:

Nunc ego jactandas optarè sumere pēnas:
Sive tuas. (a) Perceus; Dedale, sive tuas.

§. II. De Hypotyposi.

Quid est Hypotyposis?

R. Est figura, quæ res ita graphicè describitur, ut nō tam audiri, vel legi, quàm ante oculos versari videatur. Splendidū imprimis, ac illustre illius exemplū habes in septima Verrina, ubi Tullius Verris inhumanitatem oculis ita subjicit: *Ipse inflammatus sceleris, & furore in forum venit. Ardebant oculi; toto ex ore crudelitas eminebat, expectabant omnes, quo tandē progressurus, aut quidnam acturus esset; cum repente*

(a) Perseus Jovis filius, talaribus à Mercurio donatus, Andromedam liberavit.

pente (b) *Hominem corripit, atq; in foro medio nudari, ac deligari, & virgas expediri jubet. Clamat ille miser se civem esse Romanum.*

Nihilò inferior est Virgiliana illa de Mezentii equo Hypotyposis, quàm merito mirantur omnes: (c)

Tollit se arrectum quadrupes, & calcibus
auras (secutus.

Verberat, effusumq; equitem super ipse
Implicat, ejectoq; incūbit cernuus armo,

Hypotyposim creberrimè solent usurpare Pœtæ, ac præsertim Virgilius, qui res adeò vivis, & spirantibus, ut ita dicam, coloribus describit, ut pæne sub oculos cadant. Ita Cyclopes depingit *Æneid: 8.*

Ferrum exercebant vasto Cyclopes in
antro (Pyraemon.

Brontesq; Steporesq; & nudus membra

..... Alii ventosis follibus auras

Accipiunt, redduntq; alii stridētia tingunt
Æra lacu. Gemit impositis incudibus an-
trum.

Illi sese, multa vi, brachia totunt

In numerum, versantq; tenaci forcipe
massam.

§. III. *Prosopopæja.*

Quid

(b) *Gavium Civem Romanum.*

(c) *Æneid: 10.*

Quid est Profopopæja ?

R. Profopopæja est fictio personæ, seu Schema, quò personæ mortuæ, vel absentis, aut etiam rei sensu carenti sermonem tribuimus: per quamdam licentiam oratoriam; vg: cùm inducimus loquentem Urbem, Provinciam, Angelum, Beatũ, parietem, aliaq; id genus. Talis est apud Lucanum celebris illa Profopopæja patriæ, quæ Julio Cæsari juxta fluvium Rubiconem apparens, illum à civili bello dehortatur. (a)

Jam gelidas Cæsar cursu superaverat Alpes. (rum

Ingentesq; animò motus, bellumq; futu-
Cæperat, ut ventum est parvi Rubiconis
ad undas,

Ingēs viā Duci Patriæ trepidātis imago.
Clara per obscurā, vultu mæfissima nocte.
Turrigero canos effundens vertice crines.
Cæsarie lacera, nudisq; adstare lacertis.
Et gemitu permissa loqui: Quo tendi-
tis ultra?

Quo fertis mea signa viri? Si jure venitis
Si cives, hucusq; licet.

Sic etiam Tullius in prima Catilinaris
ita loquentem patriam inducit. Quæ (pa-
tria) tecum, Catilina, sic agit, & quodammo-
do

(a) Lib; 1. Pharsalia.

de tacita loquitur: Nullum jam tot annos facinus extitit, nisi per te: nullum flagitium sine te. Tibi uni multorum necesse, tibi vexatio, direptioq; sociorum impunita fuit, ac libera. Tu non solum ad negligendas leges, & quæstiones, verum etiam ad evertendas perfringendasq; valuisti. Superiora illa, quamquam ferenda non fuerunt, tamē ut potui, tuli: Nunc verò me totum esse in metu, propter te unum, quidquid increpauerit, Catilinam timeri, nullū videri contra me consilium iniri posse, quod tuos scelere abhorreat, non est ferendum. Quamobrem discede, atq; hunc mihi timorem eripe; Si verus, nè opprimar: si falsus, ut tandem aliquando timere desinam. Hæc si tecum, ut dixi, patria loquatur, &c.

Venustissimum est, & Aurea Augusti ætate dignissimum Epitaphium hoc, in quo viventem maritum per Protopopæjam sic alloquitur uxor mortua:

*Immatura perii; sed tu felicior annos
Vive tuos, conjux optime, vive meos.*

§. IV. De Ethopæja.

Quid est Ethopæja?

R. Ethopæja est expressio morum, seu Schema, quò alicujus studia, mores, indolem, ingenium verbis exprimimus. Ita Sallustius (a) Catilinam omnibus artis colo-

(a) In bello Catilinario.

coloribus egregiè pingit in illa *Ethopæja*, tantopere omnium consensione laudata.

Ethopæja Catilinæ.

Lucius Catilina Nobili Genere natus, fuit magna vi, & animi, & corporis, sed ingenio ma.ò pravoq;. Huic ab adolescentia, bella intestinata, cædes, rapinæ, discordia civilis grata fuere; ibiq; juventutem suam exercuit. Corpus patiens inedia, algoris, vigiliæ, supra quam cuiq; credibile est. Animus audax subdolos, varius, cujuslibet rei simulator ac dissimulator, alieni appetens, sui profusus. Ardens in cupiditatibus satis eloquentiæ, sapientiæ parum. Vastus animus, immoderata, incredibilia, nimis alta semper cupiebat.

Sic etiam *Plautus senis avari, sordidq; mores mirabiliter exprimit, (a)* dum illum inducit hæc servo suo mandata dantem.

Senex Avarus.

Cave, quæq; alienum in ædē intromiseris
Si quispiam ignē quærat, extingui volo,
Nè causæ quid sit, quod te quisq; quæritet.
Tum aquam effugisse dicito: si quis petet
Cultrum, securim, pistillum mortarium,
Quæ utenda vasa semper vicini rogitant:
Fures venisse atq; abstulisse dicito.

Mulierum mores graphicè pingit *Terentius,*

! (a) *In Aulularia.*

rentius, dum ait: *Novi ingenium mulierum: nolunt, ubi velis: ubi nolis, cupiunt ultro. Et alio loco in Hecub: 2. 2. 11. Nosti mores mulierum; dum moliuntur, dum comuntur, annus est.*

Ethopæja dividitur in Profopographiam, & in Ethopœjam propriè dictam, de qua jam egimus.

Quid est Profopographia?

R. Est expressio vultus, ac corporis totius, seu Schema, quo alicujus vultum, os, lineamenta, incessum, cultum, habitumq; omnem exprimimus. Ita Martialis deformem Zoilum, lepidè pingit:

Crine ruber, niger ore, brevis pede, lumine luscus,

Rem magnam præstas Zoile, si bonus es.

Sic etiam Franciscus Vavassor in suo illo eximio *de ludicra distiore* libro, Socratis habitum, os, figuramq; depingit.

Socrates Æsopo non ab similibus deformitate corporis fuit: utpote simis naribus, exstantibus, & prominentibus oculis, recalva fronte, pilosis humeris, obeso ventre, repandis cruribus; quem propterea rectè Alcibiades cum Sileno, & Satyris etiam, formâ, & specie contulit. Ac licuit semper animadvertere, luscos, gibbosos, ventriosos, claudos, similesq; eorum, eo

ferè dicatiores esse hominibus cæteris, quo sunt vitiis corporis insigniores, materiamq; præbent ad jocandum majorè: sive quod laceßiti propter suam sæditatè, affuescant vicissim adversarios repungere, atq; ita exercitiores in eo ipso genere fiant: sive quod priores occupent, nè feriuntur, aut ut feriantur levius.

Feliciter admodum miscentur Protopographia, & Ethopœja propriè dicta, & ex tali mixtura Schema gratissimum efflorescit, ut liquet exemplo sequenti, ubi M. Galphurnium sic pingit Tullius: Consul ipse parvò animò, & pravò: tantùm cavillator genere illo moroso, quod etiã sine dicacitate ridetur; facie magis, quàm facetiis ridiculus, à quo nihil speres boni Reipublicæ, quia non vult; nihil metuas mali, quia non audeat.

C A P U T IV.

De Figuris ad docendum idoneis.

§. I. De Antithesi.

Quid est Antithesis?

R. Antithesis sive oppositio est Schema, quò verba verbis, sententiæ sententiis opponuntur; cujus rei splendidum in primis, & illustrare exemplum habes in 2. Catilinaria: Ex hac parte pudor pugnat, illinc petulantia, hinc pudicitia, illinc

Au-

suprum: hinc fides, illinc fraudatio, hinc pietas, illinc scelus? hinc honestas, illinc turpitude; hinc continentia, illinc libido. Deniq; æquitas, temperantia, fortitudo; prudentia, virtutes omnes certant cum iniquitate, cum luxuria, cum ignavia, cū temeritate, cum vitiis omnibus; postremo copia cum egestate, bona ratio cum perdita; mens sana cum amentia: bona deniq; spes cum omnium rerum desperatione confligit.

Sic Martialis in amicum quemdam morosum, sibiq; imparem, facete ludit per Antitheses, (a)

Difficilis, facilis, jucundus, acerbus es idē:
Nec tecum possum vivere, nec sine te.

Ita Ovidius (b)

Frigida pugnabant calidis, humentia ficcis,
(pondus:

Mollia cum duris, sine pondere habentia

Sic etiam Justinus (c) Agathoclem,

Syracusi, ob essis bellum nihilominus in

Africam transferent in laudat per An-

titheses: Mira prorsus audaci, ut quibus in

solo urbis suæ par non erat, eorum urbi bellū

inferret? Et qui sua tueri non poterat, impu-

F2

(a) Lib: 12. (b) 1. Metam. (c) Aga-

thocles Siciliae Tyrannus, patre figurio natus,

lib: 22.

gnaret aliena, victusq; victoribus insultaret.
Ejusdem etiam generis est memorabile
illud dictum Augusti, jam ætate valde
profecti, ad nobiles quosdam juvenes,
qui fortè tumultuabantur: *Audite juvenes
senem, quem juvenem senes audivère.*

Hoc etiam modò Horatius in Odis:
*Privatus illi census erat brevis, commune ma-
gnum; & post illum (a) Seneca.*

Curæ leves loquuntur, ingentes stupent.

§. II. De Sustentatione?

Quid est Sustentatio?

R. Est figura, quâ Orator, ad sibi cõ-
ciliandam attentionem, & ad excitandos,
erigendosq; auditorum animos, illos te-
net aliquandiu suspensos, incertosq;, quid
dicturus sit; ut cum Tullius ait contra
Verrem: *Etiamnum mihi expectare videmini,
judices, quid deinde factum sit . . . expectate
facinus, quam vultis improbum, vincam tamen
expectationem omnium.*

Habes falsum, & facetũ sustentationis
exemplum in Martialis Libro 6.

In Lupercum.

*Quod cõvivaris sine me tã sæpè Lupercæ
Inveni, noceam qua ratione tibi.*

Iraſcar, licet usq; voces, mittasq; roges

Quid facies? inquis, quid faciam? veni

§. III.

(a) *In Hyppolito.*

§. III. De Communicatione.

Quid est Communicatio?

R. Est figura, quâ orator, causæ suæ confidens, deliberat cum iis ipsis, apud quos, vel contra quos dicturus est, illos nimirum consulens, quid acutus sit. Gregium hujusmodi exemplum habes in Verrina 2. ubi Cicero summam causæ fiducia ita demonstrat: *Nunc ego vos consulo, quid mihi faciendum putetis. Id enim consilii profecto taciti dabit, quod ego mihi necessario capiendum intelligo. Et pro Cæcilia: Quæro si te hodie domum tuam redeuntibus homines armati, non modo limine tectus, ædium tuarum, sed primo aditu, vestibuloque prohiberent, quid acturus sis?*

§. IV. De Correctione.

Quid est Correctio?

R. Correctio, seu Retractatio, est Schema, quò Orator sententiam aut vocem à se prolata retractat, ac velut corrigat. Ita Cicero pro Cælio: *O tu titidi! Sultitiamne dicam, an impudentiam singularem?* Ex prima Catilinaria: *Quamquam quid loquor? Te ut ulla res frangat? Tu ut unquam te corrigas? Tu ullam fugam meditare? Tu ut ullum exilium cogites? Utinam tibi istam mentem Dii immortales donarent.*

Sic etiam Terentius in comœdia,

quæ inscribitur (a) *Heautontimorumenos*, miserum senem Menedemum sic loquentem inducit:

*Filium unicum adolescentulum
Habeo, Ab! quid dixi habere me? Imo habui, Chreme;*

Nunc habeam, nec nò, incertum est.

C A P U T V.

De Figuris Verborum.

Figuræ verborum aliæ sunt tropi, aliæ nò sunt tropi. Figuræ, quæ sunt tropi, fiunt tantum in verbis translatis, hoc est à sensu sibi proprio in alienum sensum traductis, ut, cum dicimus: *Lætæ segetes. Prata vident. Geminos, duo fulmina belli, Scipiadas.* &c. Figuræ verò, quæ non sunt tropi, fiunt etiam in verbis propriis; ut cum ait Tullius: *O tempora! o mores!* Et aliò locò: *Abiit, excessit, evasit, erupit.*

§. I. De Tropis.

Quid est Tropus?

R. Tropus est verbi, vel Orationis è propria significatione in aliequam immutatio, cum virtute, ac dignitate; ut cum dicitur: *Mulus pro Stupido;* vel *Laterem lavare,* pro, *Frustra laborem suscipere,* inftar laterem lavantis. Ista porro immutatio, sive

(a) *Vox composita, quæ Græcè sonat, se ipsum puniens.*

five conversio fit cum virtute, hoc est ad addendum orationi pondus, majoremq; illi venustatem, ac dignitatem concilian- dam. Porro Tropus sic appellatur à voce Græca Τροπος, *Verto*, ut ad verbum *inver- sionem* sonet.

Hæc autem inversio, fit multiplex, va- riaq; ratione, sed quatuor potissimum mo- dis; unde existunt primarii quatuor, no- bilissimiq; Tropi, nempe Metaphra, Metonymia, Synecdoche, & Ironia, de quibus sigillatim tractandum est.

§. II. De Metaphora.

Quid est Metaphora?

R. Metaphora, seu Translatio est tro- pus quò vox aliqua à propria significatio- ne ad alienam transfertur ob similitudinē: Ut cum ait Tullius ad Cæsarem: *Parietes hujus curiæ tibi gratias agere gessiunt*. Vox illa: *Gessere*, quæ est hominis propria, transfertur ad parietem; cuius non est propria; sed cum quo tamen habet hõc locò quandam similitudinē, & affinitatē.

Hunc porro usum, ac modum verba transferendi, necessitas genuit, cum sci- licet verba propria deessent; postea verò delectatio jucunditasq; celebravit. Quæ- admodum enim vestis, depellendi s' igroris causâ primum reperta, postea etiam ad-

hiberi cœpta ad ornatum corporis, & dignitatem; sic verbi translatio, folius inopiæ causâ primùm instituta, deinde etiã fuit ad delectationem, & ad ornatum orationis frequentata.

Undenam potissimam ducuntur Metaphoræ?

1. Ex omnibus omnino rebus duci possunt, à divinis, & cœlestibus. ab elemētis, meteoris, lapidibus, metallis, plantis, bestiis, hominibus, eorumq; operibus; adeo, ut non minus latè pateat Metaphora, quam similitudo, quæ à re qualibet duci potest.

Metaphora ducitur: 1. à divinis, ut apud Ciceronē: *Deus ille noster Plato*. Itēq; apud Martialem magnificentissima illa Romæ laudatio (a)

Terrarum Dea, gentiumquē Roma,
Cui par est nihil, & nihil secundum.

2. Sumitur ab Elementis, ut cum dicitur à Tullio: *Nullius tantum est flumen ingenii, nulla scribendi, aut dicendi tanta vis, tantaq; copia, quæ non dicam exornare; sed enarrare, Cæsar, res tuas gestas possit*.

3. Metaphora sumitur è stirpibus, plantis, & arboribus. Ita Cicero: *Virtus est una altissimis defixa radicibus, quæ nulla unquam vi labefactari potest*.

4. Su.

(a) Lib: 2.

4. Sumitur à rebus arte, manuq; factis.

Ita (b) Appion ille, contra quem Josephus scripsit, vocabatur *Cymbalum mundi*. Longinus verò Rhetor eximius, appellabatur *Viva Bibliotheca, & Museum ambulans*; quod etiam de Origene dictum accepimus. Imperator autem Helvius Pertinax *Fortunæ Pila* fuit vulgo nuncupatus, quod nēpè variis fortunæ casibus fuisset exercitus. Deniq; Augustus homines illos, qui solerti promptoq; erant ingenio ad res ex tempore conficiendas, lepidè agebat: *Argentum habere in numerato*, Metaphora à pecuniis ducta.

5. Metaphora ducitur ab homine; ut cum ait apud Virgilium Palinurus:

Mene: Salis placidi vultum, fluctusq; quietos, ignorare jubes?

Reliquos Metaphorarum fontes, qui innumerabiles sunt, & cuilibet obvii, persequi figillatim, hominis esset, otio intēperanter abutentis. Quatuor tamen præcipua capita Quintilianus enumerat ad quæ omnes Metaphoræ commodè possunt revocari.

Primò fit Metaphora, cum à re quapiam animata ad rem aliam animatam ver-

E5

bum

(b) Appion Grammaticus Alexandrinus vixit tempore Tiberii.

burā transferimus: ut cū ait Titus Livius: *Scipeonem à Catene solitum allatrari;* quæ vox *Allatrare;* cū propria sit solius canis, tribuitur tamen homini non inconcinne. Sic etiam Christus ipse Herodem, ob mores vulpinos, hoc est ob caliditatē, atq; versutiam, vulpem appellavit, Lucæ cap: 13. *Ite, & dicite vulpi illi.*

Secundò fit Metaphora, cum inanima pro aliis inanimis ponuntur; ut *Habena* pro *Gubernaculo;* *Frenum* pro *Lege;* *Vinculū* pro *Communitate;* vel, si dicas cum Tullio: *Hic orationis vela contrahamus.*

Tertio, cum inanima transferuntur ad animata; ut cū ipsa civitatis lumina extincta dicuntur in morte præstantium virorum, & cū ait Catullus:

O! qui flos es juvenulorum!

Quarto, deniq; præcipuam quandam venustatem habet, cum rebus inanimis, sensuq; carentibus sensum quemdam, animosq; ac veluti vitam damus: ut cū ait Virgilius:

----- Pontem indignatus (a) Araxes.

Sic etiam Cicero pro Ligario. *Quid enim Tubero, Tuus ille disfidus in acie Pharsalica gladius agebat? cūjus latus mucro ille petebat? qui sensus erat armorum tuorum?*

§. III.

(a) *Araxes Armenia fluvius.*

§. III. Quid vitandum in Metaphora.

Quænam Metaphoræ dicuntur vitiosæ?

§. Vitiosæ dicuntur Metaphoræ illæ, quæ humiliores sunt, sordidæq; , & à re quapiam abjecta deformiq; desumptæ. Talis est ista, quam damnant Tullius, & Quintilianus: *Stercus curiæ Glauciæ*: itemquè ista; *Saxa, mundi verrucæ*, id est *rupes*. Horatius quoq; ob eandem causâ notavit versum illum eujusdam M. Furi Bibaculi: (a)

Jupiter hibernas cana nive cõspuit Alpes.

Quid enim sordidius ac tûrpius, quàm Metaphoram à sputo mutuari? Hòc eodè humilitatis, & ut ita dicam, ignobilitatis vitiò laborare videtur celebris illa (b) Tertulliani Metaphora, qua diluviũ appellat: *Naturæ generale lixivium*.

2. Vitiosæ dicuntur Metaphoræ, quæ duriores sunt vel longius accersitæ, vel quæ rem nimis amplificant; ut si dicas *Syrtim Patrimonii, Charybdim honorũ*; quod profecto duriusculum est, & à Tullio jure damnatum. Quod si verearis, ne durior paulò, & audacior videatur Metaphora, poteris illam mollire, ac mitigare illis aut similibus vocabulis: *Ut ita dicam...*

(a) *Sat: 5. lib: 2.* (b) *Tertullianus scriptor Ecclesiasticus, acris & vehementis ingenii, floruit initio tertii sæculi.*

quasi... pœnè... Si ita loqui fas est, &c.: ut si dicas, *Mortuo M. Catone pupillum relictum esse Senatam*, poterit audacior videri hæc translatio: si verò dixeris cū *Tullio: Pupillum, ut ita dicam, relictum esse Senatam*, duriuscula Metaphora hōc velut appositō condimentō mitescet.. Nam ut sapienter admodum monet idem Tullius: *Verecunda debet esse translatio*, ut deducta esse in alienum locum, non irruisse, atq; ut precario, non vi venisse videatur.

3. Vitium est in Metaphora, si nimis Pœtica sit; vg. si Orator dicat cū *Virgilio: Volucres pennis remigare*; aut, si cū *Horatio dicat de Euro.*

Per Siculas equitavit undas.

Neq; enim quæcumq; Pœtis licent, ea omnia Oratoribus licere existimandū est..

4. Metaphorarum vitium est immoderata quædam illarum coacervatio. Et si enim nullus est florentior tropus, & qui plus luminis afferat orationi, non tamen frequentari nimium debet; nam ut modicus illius usus maximopere delectat, ita immodicus non parum affert satietatis, atq; fastidii, & in ænigma transit, aut in allegoriam.

5. Deniq; vitiosa est Metaphora, quæ sibi non constat, res nimirum omnino
dissi.

dissimiles inter se conjungendo. Quippe, ut docet Fabius: *Id in primis est custodiendū, ut quo ex genere caperis translationis, hoc definas. Multi enim cū initium à tempestate sumpserint; incendiō aut ruinā finiunt, quæ est inconsequentia rerum fœdissima.* Quamquam, ut loquar ingenuè, huic de perpetua, sibiq; consentanea translatione. Rhetorum præcepto non adeo severè à sūmis viris obtemperari video. Scimus enim diversas omnino Metaphoras eleganter sæpe fuisse conjunctas à Virgilio, ab Horatio, à Catullo, &c. sic triplex est Metaphora in duob; hisce versibus Horatii: (a) Nemo adeo ferus est, ut non mitescere possit.

(aurem.

Si modò culturæ patientem commodet.

Prima est de feris, quæ propriè mansuescunt & cicurantur. Altera est de fructibus, qui acerbi sunt, & propriè mitescunt. Tertia est ab agris, quorum propria est cultura:

§. IV. De Allegoria.

Quid est Allegoria?

R. Allegoria est Metaphorarum continuatio, seu figura, quā aliud verbis dicitur, aliud re ipsa intelligitur, unde non absurde vocatur *Diversiloquium*, quod nimis mirum.

(a) *Epist.... lib. 1.*

mirum aliud dicatur, aliud sentiatur.

Hujusmodi est insignis illa Ciceronis in Pisonem Allegoria: Neq; tam sui timidus, ut, qui in maximis turbinibus, ac fluctibus, Republicæ navem gubernasse, salvamq; in portu collocassem, frontis tuæ nubeculam, aut collegæ tui contaminatū spiritum perhorrescerem. Alios ego vidi ventos; alias prospexi animō procellas, aliis impendentibus tempestatibus non cessi; sed unū me pro omnium salute obtuli. Illustris est, & omnibus nota illa Horatii Ode Allegorica de bello civili, lib: 1.

O! navis, referent in mare te novi
Fluctus. O quid agis? fortiter occupa

Portum. None vides, ut

Nudum remigiō latus?

Et malus celeri saucius Africō,

Antennæq; gemant? ac sine funibus

Vix durare Carinæ

Possint imperiosius

Æquor? Non tibi sunt integra lintea &c.

In hac eximia Allegoria navim pro Republica; fluctus pro civili bello; portū pro pace, concordiaq; remigium pro Militibus; nautas pro Magistratibus; malū pro præcipuis Ducibus uturpat Horatius; & ab initio ad finem egregie sibi constat, quod in Allegoria præcipuum est.

§. V. De Metonymia.

Quid est Metonymia?

Metonymia, quæ etiam vocatur Hypallage, seu Transnominatio, est troporum omnium vastissimus atq; usitatissimus. Fit autem quatuor potissimū modis. 1. cum causa, vel quasi causa ponitur pro effectu, & cum rerum inventor usurpatur pro rebus ipsis, quas invenit; ut Mars pro bello, Ceres pro frugibus; Vulcanus pro igne, Cicero, aut Virgilius pro scriptis illorum; Dux exercitus pro exercitu ipso. Sic dicimus, vario Marte pugnatum est, hoc est vario belli eventu; & Virgilius. *Onerantq; canistris dona laborata Cereris; id est panis, & Georgicorū lib. 2.*
Bacchus amat colles; Aquilonem, & frigora taxi.

Sic etiam dicimus, ab Hannibale apud Cannas cæsa fuisse sexagita Romanorum millia; hoc est ab Hannibalis exercitu. Fit item hoc primo modo Metonymia, cum possessor usurpatur pro re possessa: ut cum ait Virgilius *Aneid. 2.*

Jam proximus ardet.

Ucalegon.

Hoc est domus Ucalegontis.

2. Fit Metonymia, cum sumuntur effecta pro causis, at scelus pro scelerato ipso:

ipſo: Ita Comicus. *Ubi eſt ſcelus ille, qui me perdidit?* Ita Virgilius 2. *Æneid:*

Accipe nunc Danaum inſidias, & crimine ab uno

Diſce omnes.

Ubi *Crimen* ponitur pro perfido Sinone criminis auctore, & hic eſt germanus illius loci ſenſus: ex uno Sinone diſce Græcos omnes eſſe perfidos. Ita Cicero 1. in *Verr:* *Quas res luxuries in flagitiis, crudelitas in ſuppliciis, avaritia in rapinis, ſuperbia in contumeliis efficere potuiſſet, eas omnes ſeſe hoc uno Prætorè per triennium pertuliſſe.* Fit etiam, cùm id, quod proprium eſt effectui, tribuitur cauſæ, & hoc Pœtis valdè familiare eſt: Ita timor dicitur fugax; mors dicitur pallida, morbi dicuntur pallentes, quia fuga eſt effectus timoris, & pallor eſt effectus morborum, & mortis: Sic Horatius: *Pallida mors æquo pulſat pede pauperum tabernas, Regūq; Turres.* Sic Virgilius: (nectus.)

Pallentes habitant morbi, triūſq; ſe-

3. Fit Metonymia cùm res, quæ continet, uſurpatur pro re contenta, ut Roma pro Romanis; Cœlum pro Cœleſtibus, terra pro terræ incolis. Huc pertinet illud Ciceronis pro lege Manilia. *Teſtis eſt Italia, quam ille ipſe victor Sylla cujus virtute,*

tute, & consilio confessus est fuisse liberatam. Testis est Sicilia, quam multis undiq; cinctum periculis, non terrore belli, sed celeritate consilii explicavit? Testis est Africa, quæ magnis oppressa hostium copiis, eorum impiorum sanguine redundavit. Testis est Gallia, per quam legionibus nostris in Hispaniam iter, Gallorum interneccione, patefactum est. Ubi Ita iñ pro Italis. Siciliam pro Siculis, &c. usurpavit.

4. Cùm signum usurpatur pro re significata, ut toga pro pace, fasces pro magistratu. Ita Cicero in Pisonem.

Cedant arma togæ, concedat laurea linguæ,

Huc refer, cum hæc vox nomen ponitur pro re ipsa. Ita Livius lib: 1. Ad singula oppida circumferendo arma, nomen omne Latinum domuit.

§. VI. De Synecdoche.

Quid est Synecdoche?

R. Synecdoche est tropus apud Oratores æq; ac Pœtas valde usitatus, & trit. Fit autem modis quatuor.

1. Cùm pars ponitur pro toto, vg. mucro pro ense; tectum pro domo; puppis, vel carina pro navi integra; ita Virgilius Æneid: 2.

Nō anni domuere decē, non mille carinæ.

Est autem carina una pars navis. Sic etiam

etiam hominis anima sæpe usurpatur pro homine ipso. Ita Tullius: (a) *Vas meæ carissimæ animæ sapissimè ad me scribite.* Eodem refert vulgares illas locutiones, quibûs: *Unus* accipitur pro *Pluribus*, ut cum dicit Virgilius: *Hostis habet muros.*

2. Fit Synecdoche, cum totum usurpatur pro parte: ut in hoc decantato Viogilii versu. (b)

Aut (c) *Ararim* *Parthus* bibit, aut *Germania* (d) *Tigrim*.

Et rursum *Æneid*: 12.

.... *Fontemq; Ignemq; seiebant.*

Ubi fons accipitur pro parte fontis. Huc pertinet etiam, cum *Pures* usurpantur pro *Uno*; ut cum ait Tullius *Nos populo imposuimus, & Oratores visi sumus; licet de se tantum loquatur.*

3. Synecdoche fit, cum materia, ex qua facta res est; accipitur pro re ipsa, vg. *ferrum* pro *gladio*, *pinus* pro *navi*, *argentum* pro *pecunia*, quæ fit ex *argento*.

4. Deniq; fit Synecdoche, cum vel species sumitur pro genere, vel genus pro specie, ut *Eurus*, vel *Aquilo*, pro quolibet vento; *Sabellicus sus* pro quolibet sue;

Myrto-

(a) *Eptst*: 17. lib: (b) *Eclog*: 1. (c) *Araris* fluvius est *Gallia*. (d) *Tigris* *Asia* fluvius insignis, sic dictus à *velocitate*-

Myrtoum vel Carpathium mare, pro mari quocumq; Sic Maro.

Dentesq; (a) Sabellicus exacuit sus. Ita Juvenalis pro quolibet homine frugi, Curium appellat:

Qui (b) Curios simulant, & (c) Bacchanalia vivunt.

Contra vero genus usurpabitur pro specie, si dicatur cum Virgiliu *Ales* pro *Aquila*.

----- Prædamq; ex unguibus ales
Projecit fluvio.

§. VII. De Ironia.

Quid est Ironia?

ꝑ. Ironia, quæ Socrati adeo fuit in deliciis; et signa a qua aliud præter dicimus, quam verba ipsa significare videntur. Quando v.g. quæmpiam simulata laudatione, false ac ingeniose perstringimus; nimiram aliud aperte dicendo, aliud verò innuendo: unde rectè vocatur à Quintiliano: *Diversioquium, dissimulatio, & illusio*, ut sonat Græca ipsa Ironiæ vox.

Intelligitur autem ironia, vel ex ipsa re, quæ dicitur, vel ipsa pronuntiatione certè

(a) Sabelli seu Săbini, populi Italiæ. (b) M. Curius Vir frugalis, & optimus Civis. (c) Bacchanalia Bacchi festa, in quibus Romani crapulæ, & libidini indulgebant.

certè quidem; ut si dicas: *O præclarum ovium custodem lupum!* Ita Juvenalis impiam æq; ac solidam Ægyptiorum superstitionem, qui non quadrupedes solùm colebant, uti canem, simiam, solem, bovemq; sed plantas; uti porrum, & cepe, divinis prosequerantur honoribus, falsè cavillatur hæc facetâ, & eleganti ironia atyræ 14.

Oppida tota (a) canem venerantur,
nemo Dianam;

Porrum & cepe nefas violare, aut frangere morfu. (in hortis

O! sanctas gentes, quibus hæc nascuntur
Numina!

Eximia est Ciceronis Ironia in Miloniana; *Sed stulti sumus*, inquit, *qui Drusum, qui Africanum, Pompejum, nasmatiosos cum Pubio Clodio conferre audeamus. Tolerabina fuerunt illæ: Clodii mortem æquò animo ferre nemo potest, lugeat Senatus; mæret Equester ordo; tota civitas confecta senio est. squalent municipia; affliguntur Coloniae; agri deniq; ipsi tam beneficium, tam salutarem, tam mansuetum civem dederant.*

Ironiæ exemplum exquisitius apud veteres nullum habemus, quod sciama, quam lepidam illam Apocolocyntosim, in qua Seneca Claudium Imperatorem, qui vul-

gò (a) bardus, & imbellis hebebatur, facetissimè ludit. Est autem Apocolocyn-
tosis Satyra quædam (b) Menippæa, quâ
fatuum Claudii caput multo urbanitatis
sale defricatur. *Apocolocynosis* porro vo-
catur, quasi dicas *Metamorphosim* in cu-
curbitam: ad significandam hominis in-
sultitatem; est enim *colocynti* Græcè *cucur-
bita*. In hac igitur eleganti Ironia Pœ-
tas in funere Claudii ita jocosè cantantes
inducit Seneca Philosophus.

Fundite fletu	Edite planctus,
Fingite luctus,	Reionet tristi
Clamore forum:	Cecidit pulchrè
Cordatus homo,	Quò non alius
Fuit in toto	Fortior orbe . . .
	Desflete virum,
Quò non (c) alius	Potuit citius
Dicere causas,	Una tantum
Parte audita,	Sæpè, & neutra.
Quis nunc iudex	Totò lites
Audiet annò,	Tibi jam cedit.
Sed relicta,	Qui (d) dat populo
	Jura

(a) Bardus idem ferme ac stultus. (b)
*Menippus Cynicus Philosophus, mordacibus
Satyris notus, unde Satyra Menippæa.* (c)
Claudius erat homo infamissimus. (d) *Minos
Rex olim Cretæ, magnus erat aleator, & de
alea librum scripsit.*

Jura silenti,	Cretæa tenens
Oppida centum.	Cædite mœtis
Pectora palmis.	O Caufidici!
Venale genus,	Vosq; Pœtæ
Lugete novi;	Vosq; in primis,
Qui concusso	Magna parâstis
Lucra fritillo.	

De Regulis Ironiæ.

Quenam sunt Ironiæ Regulæ?

R. Duæ: 1. Enim, quæ ambigua voce continentur Ironiæ, eæ præcipuum quædam leporem, ac venustatem habent. Acuta quippe, jocosaq; videri solent, quæ dieuntur ex ambiguo. Ita Neronem Matricidam, qui sese ab Æneâ oriundû gloriabatur, non infacetè lusit Pœta Romanus, teste Svetonio.

Quis neget Æneæ magna de Rirpe Neronem? (trem.

Sustulit hic matrem (a) sustulit ille pater. Ita (b) Plagierium ridet Martialis librò secundò; (na Paulus:

Carmina Paulus emit, recitat sua Carmina. Nam quod emas, possis dicere jure tuû.

Sic etiam in virum, & uxorem eidem patibulo suspensos extimè lusit (c) Pœta recens; Ecce

(a) Matrem Agrippinam interfecit Nero. (b) Plagiarius est, qui aliena scripta pro suis venditat. (c) Joannes Commirius è S. J.

Ecce jugò nexi pendent vir, & uxor eodē:
Hoc merito possis dicere conjugium.

2. Ironia fieri solet adhibendo voces illas: Scilicet, nimirum, si Superis places, nempè; illas, inquam, adhibendo cum amara quadam, & falsa vocis inflexione. Ita Terentius: *Id populus curat scilicet*, & apud Virgilium Dido *Æn: 4.*

Scilicet is Superis labor est; ea cura quietos sollicitat.

§. VIII. De Sarcasmo,

Quid est Sarcasmus, seu Subsannatio?

R. Sarcasmus, qui ad Ironiam pertinet, est amarulenta quædam irrisio, & truculentum genus Ironiæ, quæ fit cum magna quadam acerbitate, & contumelia, qua quispiam hosti crudeliter insultat: ut apud Virgilium Trojano à se interfecto per Sarcasum insultat victor Turnus. *En, agros, & quã bello, Trojane, petisti, Hesperiam metire jacens. Hæc præmia, qui me* (dunt.

Ferrò ausi tentare, ferunt: sic mœnia con-
Potestnè Ironia inter Sententiarum figuras numerari, ut quibusdam placet?

R. Nequaquam. Liqueat enim perspicuò Ironiam semper esse Tropum, cum semper voces à propria significatione traducat ad alienam.

Falsamne, Et mendacem orationem effici?
Ironia?

R. Nequaquam: quia neq; fallendi est animus Oratori, dum utitur Ironiâ; neq; est iusta causa, cur fallatur auditor, si paulum modò intelligat, quod dicitur: quemadmodum falli nō solet, cū homo callidus, & varisipellis per Metaphoram *Vulpes* appellatur.

Suntne alii Tropi, præter istos, de quibus egimus?

R. Sunt aliqui alii, sed qui ad superiores hosce quatuor omnino revocantur: ut Metalepsis ad Metonymiam; Antonomastia, & Syllepsis, ad Synecdochen.

C A P U T V.

De Figuris verborum propriè dictis, seu quæ non sunt Tropi.

Quid sunt figuræ verborum propriè dictæ?

R. Hæ sunt, quæ sic in verbis continentur, ut mutat s illis, figura tollatur; vg: hæc sententia: *Amantes sunt amentes*; est figura verborum, quia perierit figura, si pro *Amentes* dicas *Stulti*, aut aliud simile. Sed est figura sententiarum, si quis patriam inducat loquentem, aut si utaris similitudine, quia quæcumq; demum hic usurpes verba, aut quocumq; ea colles ordine, manet Schema.

Quot

Quot modis fiunt figuræ verborum?

R. Fiunt tribus potissimum modis: 1. Per adjectionem: 2. Per detractiōem: 3. Per similitudinem.

§. I. Figuræ per Adjectionem.

Quanam verborum Figuræ fiunt per Adjectionem?

R. Octo præcipuæ; nimirum Repetitio, Conversio, Complexio, Conduplicatio, Gradatio, Synonymia, Traductio, Polysyntheton.

Quid est Repetitio?

R. Est figura, in qua ab eodem vocabulo sæpius inchoatur oratio, ut 1. Catilinaria: *Nihilne te nocturnum præsidium palatii, nihil urbis vigiliae, nihil timor populi, nihil consensus bonorum omnium, nihil hic munitissimus habendi Senatûs locus, nihil horum ora, vultusq; moverunt?*

Quid in repetitione cavendum est?

R. Valet mirum in modum in exaggerandis virtutibus, ac vitiis, estq; Schema planè venustum. Sed quia statim incurrit in oculos, propterea non est diutius continuandum; sed satis est, ut aliorum Schematum admixtione temperetur.

Quid est Conversio?

R. Est Figura Repetitioni prorsus contraria, in qua sæpius eodē vocabulō clau-

G

ditur

ditur oratio, ut in Antonium Cicero: *Doletis tres exercitus P. C. idterfectos; interfecit Antonius. Dyrideratis clarissimos cives? eos quoq; vobis eripuit Antonius. Auctoritas hujus ordinis afflictâ est? affixit Antonius.*

Quid est Complexio?

R. Est figura, quæ Repetitionem simul, & Conversionem complectitur, cum nimirum ab eodem verbo, vel ab iisdem verbis incipiat, atq; claudatur. Ita (a) Tullius: *Quis legem tulit? Nullus. Quis Majorem partem populi suffragiis privavit? Nullus. Quis comitiis præfuit? Nullus.* Sic etiâ Martialis invidum quemdam per complexionem insectatur. Lib: 9.

Rumpitur invidiâ quidâ, charissime Juli,
Quod me Roma legit; rumpitur invidiâ.
Rumpitur invidiâ, quod turba semper
in omni

Monstratur digito; rumpitur invidiâ.

Rumpitur invidiâ, tribuit quod Cæsar
uterq;

Jus (b) mihi natorum; rumpitur invidiâ.

Rum-

(a) Pro lege Agraria. (b) Magna illis præmia erant censuuta, qui tres, aut plures habebant liberos, vgr. in spectaculis honoratior locus, &c. Hoc jus Martiali concessum fuit, tametsi nullos haberet liberos.

Rumpitur invidiâ, quod rus mihi dulce
sub urbe est, (diâ.

Parvaq; in urbe domus, rumpitur invi-

Rumpitur invidiâ, quod sum jucundus
amicis, (di â.

Quod conviva frequens, rumpitur invi-

Rumpitur invidiâ, quod amamur, quod-
què probamur;

Rumpatur, quisquis rumpitur invidiâ.

Verùm figura hæc, quia maximè ferit
oculos, uti præcedentes; idcirco parè ad-
modum & in loco est adhibenda.

Quid est Conduplicatio?

R. Est ejusdem vocabuli, vel plurium
iteraatio, sive initiò orationis, sive in
fine, sive alibi, ut eùm ait Maro:

Nuus, nunc iusurgite remimis

Hectorei focii:

Et librò nonò, eùm ait Nisus:

(a) Me me; adsum qui feci, in me con-
vertite ferrum.

O Rutall, mea fraus omnis.

Quid est Gradatio?

R. Gradatio sive *Klimax*. est Figura,
quâ per quosdam gradus vel ascenditur
ad summum, vel descenditur ad infimum.

Quale est iud Ciceronis in Catilinam:

Nihil agis, nihil moliris, nihil cogitas, quod

Gz

ego

(a) Subaudi Occidite.

ego non modò non audiam, sed etiam non videam, planèq; sentiam. Magnum est enim, quidquid agat Catilina, scire Ciceronè: majus, quidquid moliat: longè maximū quidquid etiam cogitet. Lepidum est illud ejusdem Ciceronis ad Atticum: Si dormis, expergiscere; si stas, ingredi; si ingrederis, curre; si curris, advola. Ejusmodi est etiam ille Virgilii locus in eclogis: Torva læna lupum sequitur, lupus ipse capellam, (pella.

Florentem cithysum sequitur lasciva ca-

Quid est Synonymia?

R. Est verborum idem ferme significantium coacervatio, ad rei magnitudinem demonstrandam, ut in Miloniana, An verò vos soli ignoratis; vos hospites in hac urbe versamini; vestrae peregrinantur aures; neq; in hoc pervagato civitatis sermone versantur; Hoc Schema Pœtæ est valdè usitatum.

Ita Plautus:

Quicumq; ubiq; sunt, qui fuere, quiq; futuri sunt, (cones,

Stulti, solidi, fatui, fungi, blenni, bucculus. Solus ego omnes longè anteeo stultitiâ, & moribus indoctus:

Quid est Traductio?

R. Traductio, seu Polyptoton, ut ajunt Græci, est variata casibus aut generibus,

aut

aut modis, aut temporibus, ejusdem vocabuli repetitio; ut cum ait Tullius pro Archia: *Plexi sunt omnes libri; plenæ sapientum voces, plena exemplorum vetustas.* Vel cum ait Ovidius.

Spectatum ornatae veniunt, spectentur ut ipsæ.

Quid est Polysyntheton?

R. Polysyntheton, seu, ut alii malunt Polysyndeton, est Schema conjunctionibus abundans, ut, *Et justitiâ, Et liberalitate, Et fertitudine cæteros omnes Imperatores superavit.* Itemq; apud Virgilium (a) *Ascaniumq; patremq; meum; juxtaq; Creusam,* (cognom.)

Alterum in alterius mediatum sanguine

§. II. De Figuris per Detractionem.

Quot sunt Figure, quæ fiunt per Detractionem?

R. Tres: Reticentia, Adjunctio, & Disjunctio.

Quid est Reticentia?

R. Est figura, quæ fit, quando verbum aliquod subauditur, ut cum ait Tullius in Verrinis: *Huncce è hominem; hancce impudentiam; hancce audaciam:* Supple, *feremus.* Et apud Virgilium (b)

At vero Rutulis impar ea pugna videri
Jam dudû, & vario misceri pectora motu.

G3

Ubi

(a) Lib: 2. (b) Æn: 12.

Ubi profecto vides intelligi cœpit & cœperunt. Itemq; librò 1. Sed vos qui tandē: subauditur, estis. Eodem pertinet illud **Massei**. Ex eo tempore tyro vanis agitari terroribus, dies noctesq; stetibus jungere, nullam capere partem quietis; supple, cœpit.

Quomodo fit Adjunctio?

ꝑ. Fit adjunctio, quando uni verbo plurima nomina substantiva respondent. Ita Cic: Vicit pudorem libido, timorem audacia, rationem amentia. Sic etiam Virgilius **Æneid: 3.**

(a) Trojgena interpret Divum, qui nomina Phœbi. ē dera sentis,
Qui tripodas (b) Clerii leuros, qui si
Et volucrum lingvas, & præpetis o-
mania pennæ.

Quomodo fit Disjunctio?

ꝑ. Disjunctio, seu dissolutio fit, quando conjunctiones, & particule tolluntur, ut incitator oratio; ita Tullius: Hæc studia literarum adolescentiam alunt, senectutem oblectant, secundas res ornant, adversis perfugium, ac solatium præbent, delectant domi, non impediunt foris, pernoctant nobiscum, peregrinantur, rusticantur.

§. III.

(a) Helenus Priami filius, Rex idem, & Phœbi Sacerdos. (b) Apollo dictus Clarius ab urbe Claro, Apollinis oraculo nobili,

§. III. De Figuris per similitudinem.

Quot sunt Figuræ per similitudinem?

R. Tres: in primis numerantur, nēpe paronomasia, similiter cadens, & similiter desinens.

Quid est Paronomasia?

R. Paronomasia, seu annominatio, est figura, quā voces pæne similes, ac colludentes usurpantur in sensu dissimili. ut cum ait Tullius ad Atticum: *Consul ipse parvū animō, & pravō; facie magis quā facetiis ridiculus.* Et alibi: *Ex aratore factus orator.* Ita Martialis, qui in hoc genere frequens est.

Litigat, & podagrā Diodorus, Flacce, laborat; ē gra est.

Sed nil patrono porrigit; hæc *χαι* chira-
Sic etiam ludit Ausonius in illo celebri
Epigrammate de Venere.

Orta *χαι* *χαι* solō, suscepta solō, patre edita
Cælo, ē nus.

Æneadum genitrix hic habito alma Ve-
Græcis quoq; admodum usitata est Pa-
ronomasia, ut apud Herodotum Lib: 1.
Pathemata, mathemata. quæ nocent, decent.

Ejusdemq; generis erat illud, quod Apol-
lodo-

G 1

χαι Quæ nimirum manus ipsi constringit,
nè quid patrono largiatur. *χαι* Venerem ma-
ris spuma notam fabulantur Poetæ.

Iodorus pictor præclarus inscripserat operi suo.

*Momesetæti matton minesetæ, Id est,
Facilius erit videre, quam imitari.*

Delectat in primis, & ferit hoc Schema, si parce, ac in loco adhibeatur, & sententiarum gravitate sustentetur. Si verò frigidæ allusiones, ut non raro fit, veniatur orator, ineptus nimium erit, & putidus.

Quid est Similiter cadens?

R. Est vocabulorum per eosdem casus, & per eadem tempora expressorum consensus quidam, & quasi concentus, ut cum ait Cicero: *Quid tam commune, quam spiritus vivis, terra mortuis, mare fluctuantibus, cælitus eiectis*: Ubi vides quatuor nomina in casu activo plurali posita. Eiusdem generis sunt tritici illi Imperatoris Hadriani versiculi, quos moriens hæc fecit.

Animula vagula, blandula.

Hospes, comesq; corporis,

Quæ nunc abibis in loca

Pallidula, rigida, nudula,

Nec, ut soles, dabis jocos.

Quid est similiter desinens?

R. Fit, cum orationis vel membra, vel articuli eodem modo terminantur; ut apud Quintilianum, *Eiusdem non est, & facere*

hæc Apud Ælium Spartanum in vite Hadriani.

cere fortiter, & vivere turpiter. Ita Cicero Pompejum laudans: Bellum extrema hyeme apparavit, ineunte vere suscepit, media aestate confecit (ca)

§. IV. Appendix de Transitione.

Quid est Transitiō?

R. Transitiō, quam alii figuram esse volunt, alii cum Fabio negant, est orationis quidam nexus, quō fit, ut aptē copulata inter se illius membra concinnē cohæreant, & unum quasi corpus efficiant.

Quot sunt Transitiōnis genera?

R. Duo: Transitiō enim vel est perfecta, vel imperfecta: Transitiō perfecta est, quā breviter monemur, quid dictum sit, & quid dicendum restet, cujusmodi est illa pro lege Manilia: *Quoniam de genere belli dixi, nunc de magnitudine pauca dicam.*

Transitiō imperfecta ea est, quā alterū tantum eorum exprimitur; ut in hoc Ciceronis pro Roscio: *Age nunc illa videamus, judices, quæ consecutura sunt. Utriusq; indifferinatim generis selecta ex Tullio, præsertim afferemus exempla. Quoniam videmus in inventendis hujusmodi Transitiōnibus solere Tyrones non mediocriter laborare.*

Transitiōnū Ciceronianarum exempla selecta.

G5

1. Sa-

(ca) Pro lege Manilia.

1. Satis mihi multa verba fecisse videor qua-
 re hoc bellum esset genere ipso necessarium,
 magnitudine periculosum. Restat, ut de impe-
 ratore ad id bellum deligendo, ac tantis rebo
 præficiendo dicendum esse videatur. 2. Satis
 multa de turpitudine, dicam deinceps, quod
 proposui, de periculo. 3. Ubi epistolæ respon-
 di, venio ad alteram... 4. Sed nimis multa de
 nugis: ad majora veniamus... 5. Verum ubi
 rerum testimonia adsunt, nihil opus est verbis.
 6. Sed hæc vetera: illud recens, Cæsarem meo
 consilio interfectum. 7. Sed ne forte ex multis
 rebus gestis M. Antonii, rem unam pulcherrimam
 transliat oratio, ad hæc Lupercalia ve-
 niamus. Non dissimulat, Patres conscripti,
 apparet esse commotum, sudat: pallet. 8. Sed
 arrogantiam hominis, insolentiâq; cognoscite.
 9. At etiam ausus es: quid autem est, quod
 tu non audeas? 10. Sed jam satis multa de
 causa: extra cuiusam etiam nimis fortasse mul-
 ta. Quid restat, nisi ut orem, obtestarq; vos
 Iudices, ut misericordiam tribuatis fortissimo
 viro? 11. Quæstura illius demonstrata, reliqua
 attendite. 12. Atq; ut inde oratio mea profi-
 cisca-

hæc Lupercalia Festa Solemnia in Pa-
 nos honorem mense Februarii celebrari
 solita à Lupereis illius Sacerdotibus, qui
 nudi per urbem curſitabant. Luperci sic vo-
 cabatur, quod Pan lupos arceret ab ovibus,

ciscatur, unde hæc omnis causa dicitur. 13. Atq; ut facilius intelligere possitis Judices, quæ facta sunt, indigniora esse quam hæc sunt, quæ diximus: initio res quemadmodum gesta sit, vobis exponam. 14. Sed hæc robustioris improbitatis scelera omittamus, loquamur potius de iniquissimo genere levitatis. 15. Id quò facilius facere possitis, dabo operam, ut à principio res quemadmodum gesta sit, cognoscatis. 16. Sed finis sit: neq; enim præ lacrymis jam loqui possum; & hic se lacrymis defendi negat. 17. Sed quoniam emerisse jam è vadis, & scopulos prætervehta videtur oratio mea, perfacile, mihi reliquus cursus ostenditur. 18. Accipite nunc aliud ejus facinus nobile, & multis locis sæpè commemoratum, & ejusmodi, ut in uno omnia maleficia inesse videantur. Invenietis id facinus natum à cupiditate, auctū per stuprum, crudelitate perfectum, & concussum. 19. Plura de illo Archipirata dixi, quam volui, & tamen ea, quæ certissima sunt hujus criminis argumenta, prætermisi. 20. Age verò nò semper forum, subsellia, rostra, curiamq; meditemur. 21. Ad ejus tribunal, qui ad se jamdudum vocat, & quodammodo absorbet orationem meam, contentò studio, cursuq; veniamus. 22. Atq; hæc oblationis, illa necessitatis. 23. Hæc mihi ferè in mentem veniebant, quæ dicenda putarem de natura Deorū.

24. Quibus rebus expositis, satis docuisse videor, homines naturâ quantô omnes antecirent animantes. 25. Longa est oratio, multæq; rationes, quibus doceri potest. 26. Sed quid ego longinqua commemoro? 27. Intellego, quam scopulosô difficultiq; loco verser. 28. Sed quid ego his argumentis utor, quasi res dubia, aut obscura sit? 29. Magna sunt hæc, vel potius maxima. Jam verò quanto majus videbitur. 30. Multa hujusmodi proferre possim, sed genus ipsum videtis. 31. Volo in hac re multo videri. 32. Sed quid ego hæc, aut tam levia, aut tam minima recordor? 33. Itaq; fateamur ne esse est, nihil difficilius esse. 34. Quid loquar, quanta ratio in bestis appareat? 35. Jam verò ista etiam notiora, quanto se opere custodiant bestia. 36. Multa præterenda sunt, & tamen multa dicuntur. 37. Vereor, ut hæc, quod dicam; perinde intelligi auditu possit, atq; ego ipse cogitans sentio. 38. Sinite me illa minora, ac quotidiana prætermittere. 39. Illud tamen, quamquam ad exitum festinet oratio, prætermittere nullo modo possum. 40. Verum hæc missa facio; illud quero. 41. **2a** De exordio satis dictum est: deinceps ad narrationem transeamus. 42. Quod ad definitiones hæc us; reliqua videamus. 43. Nunc reliquo-

2a Ex Cicerone ad Herennium, vel potius ex Cornifitio,

liquorum Oratorum ceteras persequamur. 44. Tempus est ad ceteras partes orationis proficisci. Deinceps igitur de dispositione dicimus. 45. De *hæ* statutis diebus dixi: nunc de annalibus dicam. 46. Hæc de vero: quod sequitur de pecore. 47. De multitudine quorundam, quod satis est, admodum. de obscuritate pauca dicam. 48. Sed *hæ* ut omisso principio, rem ipsam aggrediamur. 49. *hæ* Hactenus de principe: quod sequitur de monstre. 50. *hæ* Jam quantum illud est, quod in occupationibus summis nunquam intermittis studia doctrinæ? 51. Utinam verò mihi satis esset ad dicendum vel facultatis, vel temporis. 52. Hic hic, Auditores, animos ad insignis facti memoriam sempiternam erigite. 53. Sed hæc utcumq; ferenda: hoc verò quis ferat. 54. Audistis gravissima, audite nunc graviora. 55. Sed hæc privatim, nunc quæ publicè gesta sunt, videamus. 56. Verum hæc missa facio; illud quam... 57. Nihil jam dico de isto scelere. 58. Postularet hic locus, ut dicerem de...

Variis hisce, quas attuli, Transitionibus addito breviores hæc formulæ, particulasq; connectentes.

His adde, accedit his; hæc accedit, quòd, Huc pertinet; Eodem pertinet; Jam verò

quid

hæ Ex Varrone. *hæ* Ex Seneca. *hæ* Suetonius de Caligula. *hæ* Ex aliis.

quid dicam; Age vero explicemus nunc;
His simillimum est. Postularet hic locus,
ut dicerem; Restat, ut dicam, Nunc vero
supereſt; Exquo debet intelligi: Quid quod
ausus eſt etiam? Omitto domesticas tuas
fordes: Nam illud quid attinet cōmemo-
rare? Ita est, quemadmodum dixi.

C A P U T VI.

De Periodo.

Quid eſt Periodus?

R. Periodus eſt ſententia brevis, & abſo-
luta, quæ certis partibus, ſive membris à
ſe invicem pendentibus, & quodam ve-
luti vinculo connexis numeroſè compre-
henditur. Nomen traxit à voce Græca,
Periodos, quæ ſignificat ambitum, atq;
circuirum.

*Quid ſibi vult celebris illa Ariſtotelis defini-
tio lib: 3. Rhetoricæ, ubi ait, Periodum eſſe
orationem, quæ habeat principium, & finem,
& magnitudinem, quæ uno quaſi aspectu per-
luſtrari facile poſſit?*

R. Hanc Definitionem in noſtram per-
bellè quadrare. Principium enim illud,
de quo loquitur Ariſtoteles: nihil aliud
eſt, niſi primum Periodi membrū, quod
ita ſuſpenſum ferri debet, ut aliud quid-
piam ſubſequi omninò debeat, unde etiā
vocatur principium, Medium verò, ac

ſuis

finis sunt reliqua periodi membra, quæ brevi quodam, contractoq; verborum ambitu debent illa circumscribere. Unde verè dicitur, illam uno conspectu facile cerni debere, unoq; spiritu pronuntiari.

§. I. De partibus Periodi.

Quanam sunt Periodi Partes?

ꝛ. Periodus constat certis quibusdam partibus, quarum majores appellantur *Membra*, Græcè *Cola*: minores verò appellantur *Incisa*, Græcè *Commata*.

Quid est membrum Periodi?

ꝛ. Membrum, sive Colon est pars Periodi continens sensum aliquem, sed suspensum, ac imperfectum; v.g. (a) *Antequam de Republica Patres conscripti; dicam ea, quæ dicenda hoc tempore arbitror: ecce tibi Periodi membrum, neq; enim hic sensus orationis conquiescit; Habebis periodum absolutam, si ad primum illud membrum accedat hoc alterum: Exponem vobis breviter consilium, & professionis, & reversionis meæ.*

Quid est Incisum?

ꝛ. Incisum, sive Comma est pars membri, quemadmodū enim in Periodo membrum, sic in membro continetur incisum; v.g. (b) *Nihil est, mihi crede, virtute formosius,*

(a) *Philipp: 1.* (b) *Cic:*

fus, nihil pulchrius, nihil amabilius; ex tribus hęc incisis membrum unum efficitur. Itaq; dicere incisum, est crebris id genus, & articulis suam orationem distinguere.

Quandonam potissimum usurpanda sunt crebra ista Incisa?

R. Incisa mirum in modum valere, cum adversario vehementius & acrius infiat orator. Ità Cicero per Incisa, Pisonem increpat, illumq; cæsum, ac punctum, ut ita loquar, objugat, & ferit: Nō enim nos color iste servilis, non pilosæ genæ, non dentes putridi deceperunt, oculi, supercilia, frons, vultus deniq; totus, quī sermo quidam tacitus mentis est, hic in fraudem homines impulit, hic eos, quibus erat ignotus, decepit, fessellit, in fraudem induxit. Pauci tua ista lutulenta vitia noveramus: pauci tarditatem ingenii, stuporem, debilitatemq; linguæ.

§. II. De variis Periodorum generibus.

Quot sunt genera Periodorum?

R. Tria: Alia est periodus bimembris, sive dicolos, alia trimembris, sive tricolos; alia quadrimembris, sive tetracos. Plura enim, vel pauciora membra, aut vix, aut nullo modo patitur germana, sinceraq; Periodus. Singula porro hæc membra,

bra, si vel paria sint vel non valdè disparia, multò gratior, & venustior erit oratio

Periodus bimembris.

Ergo & mihi meæ pristinæ vitæ consuetudinem C. Cæsar, interclusum aperuisti, (a) & his omnibus ad benè de Republica sperandum, quasi signum aliquod sustulisti.

Trimembris exemplum eximium esse potest illa Ciceronis Periodus numeris, ut mihi videtur, omnibus absoluta, in exordio Manilianæ;

Nam cum antea per ætatem hujus auctoritatem loci contingere non audeo: em: statuerenq; nihil huc nisi perfectum ingenio elaboratum industria afferri oportere. Omne meum tempus amicorum temporibus transmittendum putavi.

Periodi quadrimembris, quæ, & quadrata dici solet, absolutissimum exemplū habes in orat: pro A. Cæcinnæ: Si quantum in agro, locisq; desertis audacia potest, * tantum in foro; atq; judiciis impudentia valeret, * non minùs in causa cederet A. Cæcinnæ Sex: Æbutii impudentiæ, * quantum in vi faciendâ cessit audaciæ.

§. III.

(a) Cic: pro Marcello.

§. III. De legibus, ac regulis Periodi.

Quænam sunt Periodi leges?

R. Tres præcipuæ: Prima est, ut illius membra nexibus quibusdam inter se quam aptissimè cohæreant: alioqui enim jam non esset Periodus, sed oratio dissipata, dissolutaq; & ut ajunt, *Arexa sine calce.* 2. Regula hæc est, ut sensus non sit nisi in omnium membrorum fine perfectus. 3. Ut pleniore verborum ambitu, & circulo Periodus concludatur.

Possitne fieri Periodus, quæ contineret mēbra vel minus quàm duo, vel plura quàm quatuor?

R. Possit fieri Periodum unius membri, atq; hæc est illa, quæ vocatur ab Aristotele periodus **simp'lex*, sive *monocolos*. Possit etiam omnino usq; ad quinque, sicut sex, vel plura etiam mēbra produci. Verùm perfecta, de qua hic tantum sermo est, Periodus, nec ultra quatuor membra procurrat, nec infra duo contrahitur. Atq; hæc est unanimes sentētia Demetrii Phalerii, hæc Hermogenis, ac Terentiani quoq; Mauri, cum ait:

Quatu-

hæc Hermogenes Tarsensis anno ætatis 15. Rhetor nobilissimus, rerum omnium obliu sciatur ante annum 24. Et in extrema inscitia consenscit.

Quatuor è membris plenum formare videbis

§ catur.

Rhetora circuitum, five ambitus ille vo-

Atq; in primis nobiscum ita sentit ipse Tullius, cum ait in oratore: Constat ille ambitus & plena comprehensio è quatuor fere partibus, quæ membra dicuntur, ut & aures impleat & ne brevior sit, quam satis sit, nec longior.

Quod si, ut aliquando contingit, ultra quatuor procedatur, ac nihilo tamen minus orbe quodam, circuituq; conclusa feratur oratio, vocabitur *Ambitus* five *Oratio periodica*. Ità Cicero pro (a) Archia Poëta:

Si quid est in me ingenii, iudices, quod sentio, quam sit exiguum; aut si qua exercitatio dicendi, in qua me non inficior mediobriter esse versatum; aut si hujusce rei ratio aliqua, ab optima um artium studiis, & disciplina profecta, à qua ego confiteor nullum ætatis meæ tempus abhorruisse; earum omnium vel in primis hic (b) A. Licinius fructum à me repetere propè suo jure debet.

§. IV.

(a) Archia Poëta Antiochenus, Ciceronis olim præceptor, ob ingenium, & eloquentiam civitate donatus à Romanis. (b) Aulus,

§. IV. De artificio Periodi amplificandæ.
Quænam est prima ratio amplificanda periodi?

R. Tyrones nullo negotio Periodos fundent; si habeant ad manum, & in proprio particulas, vel locutiones quasdam cōficiendis periodis mirum in modum idoneas: cujusmodi sunt voces illæ omnes, quæ necessariam quandam habent cum aliis subsequētib; affinitatem, v.g. *Etsi*, *quamvis*, *quamquam*, *quemadmodum*, *sicut*, *cum*, *quoties*, *quantum*, *qualis*, *quo*, non minùs: quibus respondent, *Tamen*, *verumtamen*, *nihilominus*, *ità*, *toties*, *tantum*, *talis*, *eo*, *quàm*.

In quavis enim Periodo partes, duæ sunt, Protasis nimirum, & Apodosis. Est autem Protasis prima Periodi pars, ex que secunda pendet, & in qua oratio crescit quodammodo, & attollitur. Apodosis verò est altera periodi pars, in qua oratio perfecta conquiescit. Illæ porrò, de quibus loquimur, particule suspensæq; locutiones mirum in modum idoneæ sunt ad Protasim cum Apodosi connectendam, ut videre est in allatis exemplis, illo præsertim pro Cæcinna supra §. II.

Quænam est secunda, & tertia ratio amplificanda Periodi?

R. Periodus pulcherrimè dilatatur, cum
 brevis

brevis quædam sententia in suas quasi partes distribuitur. Ita Tullius pauca hæc verba (*Omnes legent Clodium*) amplificat per enumerationem partium, cum ait ironice nimirum Clodium deseri à Senatu, ab Equestris ordine, à Municipiis, à Colonis, ab agris denique ipsis.

§. Facile dilatatur periodus per definitiones, quas vocant conglobatas, per circumlocutionem, & per interpretationem, quæ fit, cum res eadem aliis elegantioribus verbis exprimitur. Vide, quæ supra in Elementis diximus de Amplificatione.

§. V. De numero, & cæteris virtutibus Periodi.

Quid est numerus Periodicus?

R. Numerus Periodi, de quo hic agitur, non est numerus arithmeticus: sed est numerus ille in harmonia, & concentu positus, de quo Virgilius in Ecloga 4.

--- Numeros memini, si verba teneret
Et rursus in Ecloga 6.

Tum

à Municipia erant civitates, quæ muneribus & honoribus populi Romani fungebantur. à Colonia oppida, quæ populus ex urbe Roma deducebatur ad incolendum, Colonia fiebant etiam privilegio, sine soli mutatione.

Tum verò in numerum Faunosq; , se-
rasq; videres.

Ludere

Numerus autem Oratorius est harmo-
nia quædam non exquisita, neq; canora;
qualis est pœmatibus, & canticis; sed ita
dissimulata, latensq; , ut tamen sentiatur,
& aures mirifica quadam voluptate per-
mulceat.

Atq; ut exemplo res illustretur, suavis
admodum est, auribusq; pergratus ver-
borum numerus in hac Tullii sententia
pro Marcello: *Nulla est tanta vis, tantaquæ
copia, quæ non ferrò, ac viribus debilitari,
frangiq; possit.* Peribit funditus omnis ve-
nustas, si inversò numerò dicas: *Nulla est
vis tanta, & copia tanta, quæ non possit de-
bilitari; frangiq; viribus, ac ferrò.* Quid itè
suavius hac altera Ciceronis sententia in
Philippica 2. *Te miror Antoni, quorum fa-
cta imitere, eorum exitus non perhorrescere?*
Quæ quidem verba tam aptè mihi viden-
tur constructa, ut præclari cujusdam nu-
meri absolutissimum exemplar esse pos-
sint. Abibit verò decor omnis, si sublato
tam eleganti numero, dixeris: *Te miror,
Antoni, non perhorrescere exitus eorum, quo-
rum imiteris facta.* Tanti nimirum est cer-
ta quadam moderatione numerorum ex-
plere

plere sententias: ideoq; ut optimè notat Quintilianus: *Neq; Demofthenes fulmina vibrasse diceretur, nisi numeris vibrata fuissent.*

§. VI. Regulæ sex, quibus reddi potest numerosa Periodus.

Quæ de varia collocatione pedum, ac mensurarum, & de optima ratione miscendi inter sese Dactylos, Spondæos, Anapæstos, Jambos, Creticos, Molossos, Choræos, & Dichoræos tradunt Aristoteles, Tullius, Quintilianus, cæteri q; artis magistri, sunt egregia illa quidem, & Oratori perfectò nunquam satis cõmendanda. Verumtamen, ut apertè, & ingenuè loquar, animadverti jamdudum difficilioribus hisce, & salebrosis, ut ita dicam, præceptionibus valdè defatigari tyronum animos, & aliorum industriam retardari solere potius, quàm adjuvari.

Quapropter, ut animorum satietati, fastidioq; occurratur, operæ pretium me facturum existimavi, si ex laboriosis illis præceptionibus quemdam quàm succum exprimerem, & faciliores aliquot, brevesq; regulas ad omnium captum, & quotidianum usum accommodatas hoc loco proponerem.

Quenam est prima regula Periodi numerosæ reddendæ?

R. Nu-

R. Numerosa fiet Periodus, si syllabæ breves, ac longæ sic temperentur, alternenturq; quodammodo, ut neq; copia brevium incitator, ac celerior feratur oratio, neq; longarum multitudine retardata languescat. Concinnam hanc brevium, & longarum syllabarum temperationem vides in illis Tulli verbis ad Cæsarem: *Domuiffi gentes immanitate barbaras, multitudine innumerabiles, locis infinitas, omni copiarum genere abundantes, &c*

Aliquando tamen, ex arte, & industria; syllabæ breves, vel longæ, sinè illa, quam dixi, mixtura coacervantur, ad rei, de qua agitur, vel celeritatem, vel tarditatem exprimendam, & oculis quodammodo subjiciendam. Ità Virgilius *Æneid: 5.* remigantium naturarum impetum, naviumq; velocitatem, Dactylorum crebritate depingit.

Haud mora profiluere suis, ferit æthera
Inde ubi clara dedit sonitum tuba, sinib9
Nauticus.

Itemquè celeritatem equorum in hoc versu etiam pueris noto.

----- It clamor, & agmine facto:
Quadrupedante putrem sonitu quatit ungula campum (a)

Tardi-

(a) *Æneid: 8.*

Tarditatem contra egregiè imitatur hic
versus lib: I.

Luctantes ventos, tempestatesq; sonoras.

Quænam est secunda regula numerosam
efficiendi Periodum?

R. Voces unius, duarum, aut plurium
syllabarum si commisceantur, nascetur in-
dè oratio valdè numerosa; vg. *Vivis, &
vivis, non ad deponendam, sed ad confirman-
dam audaciam.* Contrà verò crebriori mo-
nosyllabarum iteratione quasi exilit, atq;
subsultat oratio, vg. *Hac in re nos hic non
ferret.*

Quænam est tertia Regula?

R. Cadet numerosè Periodus, si magnifi-
cis & bene sonantibus verbis terminetur;
ut in hisce exemplis ex Cicerone defum-
ptis: *Quos amissimus cives, eos nō Mar-
tis vis perculit, sed ira victoriæ.* Nam qui
locus quietis, ac tranquillitatis plenissimo
fore videbatur, in eo maximæ moles mo-
lestiarum, & turbulentissimæ tempesta-
tes extiterunt.

Quænam est quarta Regula?

R. Nulla res magis facit ad numerum or-
ratorum, quam verborum splendor, non
solum in periodi clausula, sed etiam in
toto illius quasi contextu. Ita Tullius in
Pisonem: Obrepisti ad honores errore

hominum, commendatione fumosarum imaginum, quarum simile habes nihil præter colorem. Et in eloquentissima illa peroratione pro Fontejo: Nolite pati, Judices aras *2a* Deorum immortalium, Vestæq; Matris, quotidianis Virginis lumentationibus, de vestro judicio cōmoveri. Et in 4. Catil: Id est initum consilium, ut interfecistis omnibus, nemo nè ad deplorandum quidem populi R. nomen, & ad lamentandam tanti imperii calamitatem relinquatur.

Cedo quintam Regulam?

R. Ut leniter, æquabiliterq; fluat Periodus, fugiendus est asperior literarum, & vocabulorum concursus, quod est in oratione vitium vel maximum. Incurritur autem in illud vitium multis modis.

1. Cùm durius, ac crebrius concurrunt inter se consonantes, quæ fridorem efficiunt, ut *Ars studiorum.... Rex Xerxes.*

2. Cùm verbi prioris ultimæ syllaba fiunt primæ sequentis, ut vel ipsi Cicero ni aliquando excidit, cùm ait: *Res mihi invisæ visæ sunt.* Itemq; cùm dixit in carmine: *O fortunatam natam me Consul Romam!*

3. Cum

2a Fonteji soror una ex Virginibus Vestalibus quæ sempiternum Vestæ ignem custodiebant.

3. Cum eadem litera, vel etiam, quod pejus est, eadem syllaba crebrius iteratur; quale est illud Ennii Pœtæ:

Africa terribili tremit horrida terra tumultu.

Itemq; illud adeo tritum & tulusi.

O Tite tute (a) Tati tibi tanta tyranne

4. Cùm similiter cadentibus, ac desinentibus frequenter utimur, ut *Amatrices, adjutrices, præstigiatrices* fuerunt.

Tria tamen sunt, quæ Tyrones etiam atq; etiam cavere debent. Primum, nè, dum numerosè loqui volunt, infarciant, ut persæpè fit, inania quædam complementa: & ramenta numerorum quasi rimas explere vellent. Alterum est, nè, dū oratorium numerum quærunt, incidant in metricum, & periodi finis, sit finis alicujus versûs præsertim Heroici, vel elegiaci: quod non semel Ciceroni ipsi excidisse Hieronymus Lagomarsinus è Soc: JESU præclarè docet.

Tertium est, nè, dū numero inserviunt diligentius, & aurium voluptati morigerantur, omnis interea retardetur impetus, visq; orationis, & animus ab iis, quæ

H2

po.

(a) Virg: Lib: 8.

potiora sunt, penitus avertatur. Quapropter hæc, aliâq; hujusmodi innumera vitia, ut ingens crimen expavescenda sunt; ac nescio, hæc in re negligentiane, an nimia sollicitudo sit pejor?

Quænam est ultima numerosæ periodi regula?
 v. Caput illud est, non in periodo solum, sed etiam in omni oratione, ut Latina constructio quàm maximè distet à vernacula; hoc est; ut verba per inversam, quæ vocant, constructionem ita trajiciantur; ut quod re ipsa prius est, fiat artificiosa quadam verborum collocatione posterius.

Et quoniam trajecta illa constructio ita est propria Latinæ linguæ, ut omnis illius vis, atq; elegantia, ac quasi natura, & indoles in eo potissimum sita esse videatur; visum est aliquot illustria illius exempla hoc loco ad imitandum proponere.

Exempla selecta constructionis trajectæ.

1. Quos amissimus cives, eos Martis vis perculit, non ira victoriæ. Cic:
2. Habet magnum dolorem, unde cum honore discesseris, eodem cum ignominia reverti. Cic:
3. Frater tuus quanti me faciat, semperq; fecerit, esse hominem, qui ignoret, arbitror neminem. Cic:
4. Quod cuiq; temporis datum est ad viven-

vivendum, eo benè utatur.

5. Mea lenitas si cui solutior visa est; huc spectabat, ut id, quod latebat, erumperet. *Cic:*

6. Quam quisq; novit artem, in hac se exercent.

7. Fac quæso, qui ego sum, esse te.

8. Quæ res in civitate duæ perimã possunt, hæ contra nos ambæ faciunt in hoc tempore, summa gratia, & eloquentia. *Cic:*

9. Fere quæ quisq; locum ad pugnandã ceperat, eum, amissa anima, corpore tegebat. *Salust:*

10. Id sibi negotii credidit solum dari, populo ut placerent, quas fecissent fabulas. *Terent:*

11. Quas credis esse has, non sunt veræ nuptiæ. *Terent:*

12. Quam rem vitio dent, quæso, animum advertite.

§. VII. Quomodo parari possit facultas numerosè dicendi.

Quæ de Periodis, numerisq;, post Aristotelem, Ciceronem, & Fabium accuratè præcepimus hætenus, nō eo dicta sunt à nobis, quo Tyro in dinumerandis pedibus, syllabisq; dimetiendis cōfenscat: quod sanè nec magni, nec felici

cis foret ingenii. Verùm hæc aptè, numerosèq; dicendi facultas non est profectò tanti laboris, quanti prima fronte videtur esse. Nihil est enim tam flexibile, & quod tam facile sequatur, quocumq; ducas, quàm oratio; atq; ut molliſſimam eoràm ad nostrum arbitrium formamus, ac fingimus, sic plane dictionis genus ad omnem rationem, & ad aurium voluptatè, motumq; animorum facilè mutatur, ac vertitur.

Qua ratione, viâq; numerosè scribendi facultas parabitur?

R. Duplici potissimum, si Tyro numerosas aliquot, & volubiles Tullii sententias non legere modò, sed elata etiam voce pronuntiare affluescat: cujusmodi sunt illæ, quas supra attulimus, vel illæ, quas affert Quintilianus: *Omnes prope Civitates virtute, gloria, dignitate superabat.* Itemq; *istâ: Patris dictum sapiens temeritas filii comprobavit:* qui numerus ita placuit populo, inquit idem Tullius, ut hac audita peridi clausula, clamorem ingentè sustulerit.

2. Parabitur numerosè dicendi facultas, si numerum illum, & quasi concentū imitatione, ac stylò coneris exprimere, quod quidem exercitatione, atq; usu, qui est optimus dicendi magister, non ità difficul-

ficulter consequeris. Ut enim qui in sole ambulat, sensim coloratur, inquit Tullius: ita cum istos libros lego, sentio orationem meam illorum quasi cantu colorari. Sed de Periodo satis hæctenus dictum. Nunc ad majora veniamus.

C A P U T VII.

De Stylo oratorio.

OMnem hanc de Stylo doctrinam hausimus in primis ex aureolo illo libello Demetrii (a) cui vulgò Phalerei cognomen tribuitur, & ex egregia Longini (b) cōmentatione de Stylo magnifico: Quod utrumq; opusculum Tyrones, si me audiant, nocturna, ut cum Horatio loquar, diurnaq; manu versabunt. Verùm quæ illi præcepta, quamvis egregia, confuse tamen, ac permixte tradunt, ea nos faciliori, ac commodiori ordine digesta sic disposuimus, ut ad omnium captum, & cōmunē intelligentiam sint accommodata.

H4

Quid

(a) Demetrius Phalereus facundiâ nobilis, annos decem præfuit Athenis, & statuis 360. æreis fuit honoratus; postea verò ejectus, fugit in Ægyptum ad Pto. omæum Lagū. (b) Longinus Zenobiæ Palmyreorum Reginæ magister, & Consiliarius, ab Imperatore Aureliano necatus, quod audaces Zenobiæ ad ipsum Aurelianum literas scripsisset.

Quid est Stylus?

R. Stylus si primam vocis vim, & originem spectes, est acus, seu instrumentum, quo in ceratis tabulis scribebatur antiquitus. Hinc factum est, ut Stylus pro ipsa scriptura, seu dictione, & sermonis cōformatione usurparetur.

Quot sunt Styloꝝ genera?

R. Stylus, seu orationis Character triplex est. 1. Magnificus, sive sublimis. 2. Humilis, sive tenuis, qui etiam infimus dicitur. 3. Mediocris, sive æquabilis.

§. 1. De Stylo sublimi.

Quid est Stylus sublimis?

R. Stylus sublimis ille est, qui constat verbis splendidis, magnificisq; sententiis, quiq; sua nobilitate rapit quodammodo extra se audientium animos, & admirationem extorquet etiam ab invitis: quale est illud morientis Didonis. (a)
 Exoriare aliquis nostris ex ossibus ultor,
 Qui face Dardanios, ferroq; sequare colonos.

Id genus sunt etiam verba illa ejusdem Didonis in Æneam (b)

Nec tibi diva parens, generis nec Dardanus author,
 (rens
 Perfide: sed duris genuit te cautibus hor-
 Cauca-

(a) Lib: 4. (b) Æneid. 4.

Caucasus, Hyrcanæq; admorunt ubera
tigres (tiam:

Vel, ut ait Ovidius in eandem senten-
Te lapis, & montes innataq; rupibus altis
Robora; te sævæ progenuere feræ.

Laudatur plurimum in hoc genere cele-
bris illa Alexandri magni responsio, cum
suam illi filiam, cum decem talentorum
millibus, & Asiæ media parte, Persarum
Rex Darius obtulisset. Ego verò, inquit
(a) Parmenio, acciperem, si Alexander esset:
Et ego, inquit Alexander: si Parmenio esset.

Tale illud ejusdem Alexandri ad Darii
legatos: Nunciate Dario, gratiarum acti-
onem apud hostem supervacaneam esse:
me, quæ fecerim clemēter, & liberaliter,
nō amicitiaē ejus tribuisse, sed naturæ meæ.
Bellum cū captivis, & fæminis gerere nō
soleo. Armatus sit oportet, quē oderim.

Eodem pertinent egregia illa ejusdē
Alexandri verba ad suos milites: Nondū
(b) fæminam æquavimus gloriæ, & jam nos
laudis satietas tenet.

Magnificæ locutionis exempla passim
apud Tullium reperies, ut cum ait: Fa-
H5 sces

(a) Parmenio unus è fortissimis Alexandri
Ducibus, & amicis, postea ab illo occisus. (b)
Semiramis Nini Assyriorum Regis uxor. E-
gyptum, Ethiopiam, Indiam, &c. subegit.

sces liſtorios, januæ Poſſidonii ſubmiſit Pompejus, cui ſe Oriens, Occidenſq; ſubmiſerat. Habes etiam in paucis hiſce Ovidii verbis, aliisq; ſimilibus non paucis.

Jam ſeges eſt, ubi Troja fuit....

§. II. De Arte comparandi Sty'i ſublimis.

Quonam pacto conciliari poterit?

ꝛ. Duobus potiffimum modis. 1. Si nobiliſſima quæq; rei, de qua loqueris, adjuncta, ſeu circumſtantias conſideres, illamq; inſpicias, qua parte illuſtrior eſt atq; ſpecioſior, cætera verò fileas; atq; diſſimules: ut olim Apelles, teſte Plinio, imaginem amici ſui Antigoni latere tantum altero oſtendit, ut amiſſi oculi deformitas lateret. Sic etiam Homerus tempeſtatem admodum magnifice pingit, illuſtriſſima illius adjuncta mira quadam arte ſeligendo. Eadem arte Neptunum curru invecum, perambulantem maria, ſoloq; nutu fluctus iratos pacantem deſcribit Virgilius Æneid: 1.

Sic ait, & dictò citius tumida æquora placat;

Collectasq; fugat nubes, ſolemq; redu-

Atq; rotis ſūmas levibus perlabitur undas.

2. Metaphoræ, præſertim ex rebus illuſtribus deſumptæ, mirum in modum ſaciunt

ciunt ad Styli granditatem, atq; magnificentiam: ut cum Virgilius (a) ait de Augusto Cæsare.

----- Cæsar dum magnus ad altum
Fulminat Euphratem bello.

Et cum ait Cicero pro Marcello: *Nul-
lius est tantum flumen ingenii, nulla dicendi,
aut scribendi tanta vis, tantaq; copia, quæ,
non dicam exornare, sed enarrare Cæsar, res
tuas gestus possit.* Aut cum ait Horatius:
Curas laqueata circumtecta volantes.

3. Styli magnificentiam facile conse-
queris, si legas assiduè authores eos, qui
grandiloqui, ut ita dicam, fuere, cū am-
pla sententiarum gravitate, & majestate
verborum; cujusmodi sunt Cicero Catili-
naria secunda, secunda Philippica in Ver-
rem, in Pisonem, pro Milone, præcipuè
sub finem: Virgilius, præsertim Æneid:
lib: 2. 4 & 6. Lucanus, Cornelius in Gal-
licis Tragœdiis, &c.

§. III. De Stylo simplici.

Quid est Stylus simplex?

&. Stylus simplex, qui etiam nuncupatur
tenuis, & infimus, ille est, qui in rebus
tenuioribus, & exilibus cujusmodi sunt e-
pistolæ, dialogi, præceptiones, & sermo
familiaris, solet usurpari.

Quænam

(a) Georg: 4.

Quænam sunt dotes Styli simplicis ?

R. Præcipuæ illius dotes sunt: perspicuitas, nitor, atq; munditia. Verecundus, ac parcus in illo debet esse troporum, ac Schematum usus; vehementiores verò figuras, cujusmodi sunt Apostrophe, Protopopœja, aliæq; id genus, omnino repudiât. Selectissima Styli simplicis exempla passim invenies in Phædri fabellis, & in Virgiliti Bucolicis, ut cū ait Ecloga 1. Urbem, quam dicunt Romam, Melibœe, putavi

(pè solemus

Stultus ego huic nostræ similem, quo sæ-
Pastores ovium teneros depellere foetus,
Sic canibus catulos similes, sic matribus hædos

(lebam.

Noram, sic parvis componere magna so-

§. IV. De Stylo mediocri.

Quid est Stylus mediocris ?

R. Hic est, qui medium quemdam locum obtinet sublimem inter, & infimum. Hoc dicendi genus neq; majestatem verborum habet, aut gravitatem illam sententiarū, quæ in sublimi est; neq; est subtili, ac pressa oratione limatum, quemadmodum genus infimum, ac simplex: sed, ut ait Tullius: Est stylus quidam interjectus, intermedius, & quasi temperatus, nec acumine inferioris, nec fulmine utens superioris, vicinus

ambo-

amborū; in neutro excellēs, utriusq; particeps.

Vocatur autem ab eodem Tullio: Stylus floridus, atq; politus, quod nimirum in hunc præcipuè mediocrem Stylum omnis verborum venustas, omnes sermonis deliciae soleant illigari. Absolutum hujusce Styli mediocris exemplum habes in Virgilio Georgicis: vg. cum ait lib: 1.

Sæpe etiam steriles incendere profuit agros,
(flammis;

Atq; levem stipulam crepitantibus urere
Sive inde occultas vires, & pabula terræ
Pingvia concipiunt, sive illis omne per ignem
(humor,

Excoquitur vitium, atq; exsudat inutilis
Seu plures calor ille vias, & cæca relaxat
Spiramenta, novas veniat qua succus in herbas;
(antes

Seu durat magis. & venas adstringit hinc
Nè tenues pluviae, rapidive potentia solis
(urat.

Acrior, aut Boreæ penetrabile frigus ad-

§. V. De usu triplicis Styli, seu Characteris.

Quandonam utendum Stylo simplici, aut mediocri, aut sublimi?

R. Cum tria sunt Oratoris officia, docere, delectare, & movere; Stylo simplici utetur ad docendum, mediocri ad delectan-

standum, magnifico verò ad movendum,
& ad affectus concitandos.

Præterea Stylus simplex, seu infimus
convenit comœdiis, magnificus aptus est
tragœdiis; mediocris verò in historia est
adhibendus; quamquam Cæsar simplicem
potius, quàm mediocrem Stylum usurpa-
vit; quod nempe Commentarios potius
scripserit, quàm Historiam; ut notat Tul-
lius in Libro de Claris Oratoribus.

Item Bucolicis, & Eclogis accommo-
datus est Stylus simplex; Georgicis con-
venit Stylus mediocris, Epico, verò pœ-
mati, cujusmodi est Maronis Æneid, a-
ptus est Stylus magnificus: quod triplex
discrimen in Virgilio licet animadver-
tere: Quamquam hæc omnia genera nõ
rarò miscet in ipsa Æneide, & simplicẽ
Stylum adhibet in libro quinto, ubi de
ludis agit, & medioerem in libro pri-
mo. Idem planè dicit de Comœdiis,
quæ altiùs affurgunt aliquando, ut mo-
net Horatius in arte Pœtica.

Interdũ tamen, & vocem comœdia tollit,
Iratuſq; Chremes tumido delitigat ore.

Quinam Stylus cæteris duobus est ante-
ponendus?

R. Stylum illum esse cæteris antepo-
nendum, non qui sublimis sit, aut cujus-
libet

libet alterius generis; sed qui ad rem, de qua agitur, maximè sit aptus: ita, ut quemadmodum loquitur Tullius: *Magna graviter, mediocria temperat, humilia subtiliter efferat.*

§. VI. De Stylo vitioso.

Quænam sunt præcipua vitia in Stylo vitanda?

R. Vitiosum esse Stylum: 1. Tumidum, & inflatum. 2. Puerilem, ac frigidum. 3. Fluctuantem, & dissolutum. 4. Deniq; siccum, & exsanguem.

Quid est Stylus tumidus, & inflatus?

R. Ille est, qui verbis, ac sententiis supra modum intumescit. Id genus sunt illi Imperatoris (a) Neronis inepti versiculi, quorum tumorem jure ridet Persius Satyra 1.

Torva (b) Mimalloneis implerunt cornua bombis,

Et raptum vitulo caput ablatura superbo Bassaris, & lincem Mænas flexura corymbis.

(nat echo.

(c) Evion ingeminat: reparabilis adso-

Quid est Stylus frigidus?

R. Sty-

(a) Nero malus Pœta, Bacchas scripsit, & saltavit. (b) Bacchæ mulieres dicebantur Mimalloneæ, vel Bassarides vel Mænades, hoc est, Insanæ. (c) Evæan, Bacchantium, furentium voces.

R. Stylus frigidus, ac puerilis (sunt enim valdè affinia hæc duo vitia) ille est, qui puerilia quædam ornamenta, frigidos lepores, ineptas allusiones, affectatas, ac luxuriantes descriptiones, frivolaquæ hujusmodi crepundia putidiùs aucupatur: cujusmodi sunt istæ sententiæ, quæ meritò repudiantur à magistris artis. *Centaurus seipsum equitans. Aurò magis aurea, &c.*

Poteſt autem vitium illud esse vel in verbis vel in sententiis. Erit in verbis, si sint vel molliora, quale est illud Mæcenatis: *Fœmina cirro crispat, & laboris columbatur, incipitq; suspirans ut cervice luxa feratur:* vel si sint indecore translata, qualia sunt ista, quæ damnat (a) Cornificius: *Montes belli fabricatus est, Campos sustulit pacis:* vel si juncta fuerint more dithyramborum, ut in illo Publii (b) Syri de ciconia.

Pietatis cultrix; gracilipes, (c) crotalaria

Avis exul hyemis;

Erit

(a) Auctor libri ad Herennium. (b) Publius Syrus minorum scriptor elegantissimus, vixit ante Virgilium, tempore Julii Cæsaris.

(c) Quasi Crotalum voce imitans.

Erit vitium in sententiis, si nimis tumidæ sint, & hyperbolicæ, qualis est ista lippis, ac tonsoribus nota, quam referunt Plutarchus, & Cassius: *Minimè mirandum est, si Dianæ Ephesicæ templum conflagraverit, qua nocte natus est Alexander. Quippe Dea in ipso Olympicæ matris Alexandri partu, obstetricandi laboribus, & curis districta, ignem non valuit restringere.*

Sic etiam nimis frigide ac pueriliter dictum fuit à Plauto, de sene avaro, in *Aulularia* :

Suam rem periisse, seq; eradicari:

Quin Divum, atq; hominum clamat continuo fidem,

De suo tigillo f mus si quæ exit foras.

Quid est Stylus fluctuans, ac dissolutus?

Ille est, qui sine articulis, sine numero, sine arte fluctuat huc illuc, neq; sibi ullo pacto cohæret; quod sanè vitium Tyronibus est valdè familiare. Hujusmodi autem affert Cornificius: Socii nostri cum beligerare nobiscum vellent, profectò ratiocinati essent etiam atq; etiam, quod possent facere, siquidem sua sponte facerent, & non haberent hinc adjuutores multos, & malos homines, & audaces. Solent enim diu cogitare omnes, qui magna negotia volent gerere.

Quid

Quid est Stylus ficius, & ex sanguis sive aridus?

R. Ille est, qui nihil ferme habet neque ornamentum, neque sicuti. Hoc styli genus vulgò (a) Frontoni tribuitur.

§. VII. De Stylo Laconico, & Asiatico.

Quid est Stylus Laconicus?

R. Est Stylus argutus, perbrevis, & acutus, quo multa paucis dicuntur. Nomen porrò traxit à Laconibus, qui etiam Spartani dicebantur ac Lacedæmonii, quibus Stylus ille erat in deliciis, & quibus prolixia loquacitate nihil erat odiosius.

Profer selecta aliqua exempla Styli Laconici?

R. 1. Hosti aliquando per atroces, ac longiores literas ferrum flammamque minitanti, hac una syllaba Græca responderunt Spartani, si: hoc est, *Si potest, si per nos tibi licet.*

2. Philippo Regi Mæcedonum injuriam nescio quid flagitanti responderunt hac unica litera: non.

3. Ejusdem generis est responsum Cleomenis Spartanorum Ducis ad Sannios: *Eorum, quæ dixistis, prima non memini, media non intelligo, ultima non probo.*

His adde Laconicam illam epistolam Archidami ad Eleos bellum parantes:

Archi-

(a) Fronto Marci Antonini Magister, qui illi statum à Senatu decerni curavit.

Archidamus Eleis: Bonum est quiescere.

Itemq; illam (a) Philostrati literam ad amicum: *Mitto ad te ficus bibernas. Mirare in illis, vel quod jam sunt, vel quod adhuc sunt.*

Laconicam illam brevilloquentiam mirifice expressit Cæsar in laureatis suis ad Senatum literis, victo Pharnace Ponti Rege, Matridatis filio: *Veni, Vidi, Vici.*

Porro brevitatis illa loquendi imperiosū quiddam habet, itemq; aptissima est minantibus, mirificèq; prodest ad animos perterrefaciendos. Nam ut in tenebris magis timentur omnia, quam in luce; sic illæ oratiunculæ quasi tenebræ terribiliora reddunt ea, quæ proponuntur, inquit Muretus in variis lectionibus. Idq; ut opinor, secuti sunt Lacædæmonii, cum ad Philippum, interposita, nescio qua, offensione; bellum minaciter intendentem ita scripserunt: *Lacædæmonii Philippo: Dionysius Corinthi.* Multò enim fortior, & ut Lucretii verbò utar, penetrabilior illa brevitatis fuit, quam si ita dixissent: *Memento Dionysium Tyrannum tui prorsus similem, regnò fuisse pulsum ob ambitionē,*

ac

(a) *Philostratus Philosophus, qui Apollonii Thyanaei vitam Græcè scripsit, sed elegantius quàm veriùs.*

ac turbulentum ingenium, & nunc privatam vitam agere Corinthi. Videto, ne tibi quoq; contingat idem, dum aliorum libertatem studeas opprimere.

Neq; dissimile illud Demetrii ad Locrenses: *Faxo, cicadæ apud vos humi canant: cum significare vellet totam illorum regionem à se devastatam iri.*

Quid est Stylus Asiaticus?

R. Ille est, qui summi quodam orationis ambitu circumscribitur, multisq; verbis pauca dicit. Asiatici nomen traxit ab Asiæ populis, qui diffusorem illum Stylum habebant in deliciis. Illius exemplum quotidie vides in verbosis illis hominibus, qui multis pauca dicunt. Hunc porro Stylum Asiaticum fugies, si sapias. Quid enim tam insulsum est, quam verborum vel optimorum sonitus inanis, nullam subjectam sententiam.

Qua ratione Stylus comparari potest?

Stylus, qui aliud nihil est, quam certa quedam scribendi ratio cujusq; propria, ex duobus maximè rebus coalescit: 1. Ex sententia: 2. Ex sententiæ conformatione, seu quod idem est, ex verbis, quibus ornatur, & quodammodo vestitur sententia.

De sententia id generatim, & universè dici potest, in ea spectandum esse primum

ut

ut fit vera; deinde, ut fit perspicua; possimò ut argumento idonea, & ad rem, de qua agitur, accommodata. In conformatione verò sententiæ, quâ unâ maximè Stylus continetur, quatuor sunt observanda: 1. Verborum proprietas: 2. Eorundè elegantia: 3. Nexus. 4. Collocatio.

Quomodo cognosci, & comparari poterit verborum proprietas, & elegantia?

R. Ad verborum proprietatè, & elegantiam penitus cognoscendam, adjumenti multum afferent. 1. Aureus (a) Hadriani Cardinalis: Liber, de sermone Latino, & modis Latinè loquendi. 2. Libellus à Scoto editus de verbis Ciceronianis. 3. Alius à Manutio scriptus, quem *Elegantia latine locutionis* appellat. 4. Liber à Laurentio Vallia elaboratus, *De latini sermonis elegantia*. 5. *Delectus latinitatis* Muræti, & *Flos Latinitatis* Pomey. 6. Non omitendus Liber ab Henrico Stephano editus, *De Latinitate falso suspecta*, item: opus posthumum Vavassoris, *de vi, & usu quorundam verborum*.

Præcipuè verò, & supra cætera omnia adhibendus erit laudatissimus Nizolii apparatus in Ciceronem, cū Francisci Sylvii

(a) Hadrianus Cardinalis floruit initio
Sæc: 10.

vii Progymnasmatum ad illius calcem editis.

Sunt autem Sylvii Progymnasmata, tercentæ observationes eximix, de incorrupta Latini sermonis integritate, quas ego Tyronibus pernecessarias semper existimavi.

Quò pacto intelligi poterit, & edisci verborum nexus, & apta eorundem collocatio?

R. Verborum nexus, & Ciceroniana collocatio continetur particulis quibusdã, seu commissuris, quæ vim habent hujusmodi, ut nihil sit abruptum in Stylo, nihil hians, & absolum, nihil dissolutum, & fluctuans; hoc est, quod sine nervis, articulisq; fluctuet huc illuc: sed ut omnes sententiæ, singulæq; earum partes certò inter se modò, numeròq; cohæreant.

Valdè profuerit in eam rem legere aureum Horatii Turfellini libellum. *De Particulis Latine locutionis.* Habebit etiam utilitatem aliquam *Flos latinitatis* in tertia parte, quæ est *de Particulis*; sed Turfellino longe, multumq; inferior.

Deniq; ad verborum collocationem Ciceronianam facilius noscendam, consulenda erunt Sylvii Progymnasmata, de quibus supra dictum. Vide etiam, quæ paulò ante diximus de regulis, quibus reddi poterit numerosa periodus.

Quibus

Quibus rebus comparari facile poterit
Stylus optimus?

R. Duabus maximè rebus: 1. mò, diligenti bonorum librorum lectione. 2. assidua eorundem imitatione. Diximus in Elementis de imitatione; nunc verò superest, ut de lectione, & de Librorum delectu videamus.

De Scriptorum Latinorum delectu.

Quæcumq; diximus hætenus, & post-hac dicturi sumus, vel nullam, vel perexiguam habebunt utilitatem, nisi exquisitissimum quemdam delectum in Latinis authoribus legendis, & imitandis adhibeamus.

Sunt autem Scriptorum Latinorum ætates quatuor, nempe ut hominum apud Pœtas. Sed Pœtis, ut verbis ipsorum utar.

Aurea prima fata est ætas

Subiitq; argentea proles.

Aurò deterior, fulvo pretiosior ære.

Tertia post illam successit aliena proles

----- De duro est ultima ferro.

Latinæ verò linguæ ætates ordine cōtrario procedunt. Nam à ferrea, deinde ab ænea ad argenteam, & mox ad auream ventum est.

Quenam nuncupanda est ferrea Lingua Latina ætas?

R.

v. Ad ferream ætatem refer Leges duodecim tabellarum, & Columnam rostratam C. Duilli, quæ hodieq; visitar Romæ; itemq; Saliarum hymnos Numæ Pompilii, vix tandem à Sacerdotibus suis intellectos, cujusmodi est vg. raucedulum illud fragmentum, quod à Varrone citatur: *Omnia dapetilia commisse Jani cusiones Duonus Ceruses Deivos Janas venet* (a) Porro *dapetilia comisse* significat, si quæris, opipara comedisse, *Jani vero Cusiones* sunt cariones seu Sacerdotes *Jani*, *Duonus Ceruses* est bonus creator: *Deivos* adhibetur pro *Divos*, ut nemo nõ videt, & *Venet* pro *venit*.

Eodem refer vetustissimum illum versum de Saliorum exultationibus,

Præful ut amptruat, & volgu, redamptruat olli.

Hoc est, cum Saliorum antistes, & magister saltans, atq; tripudians motum aliquem edidit, eundem omnino motum de compacto refert Saliorum chorus omnino.

Et volgu, redamptruat olli.

Amptruare enim erat olim motum aliquem saltando

(a) *Lautissima* erant Saliorum cæcæ, unde *Horatius*: Nunc salaribus ornare pulvinar deorum, *Tempus* erat, dapibus sodales.

saltando edere. Porro ferream illam Latinæ Linguae ætatem jure poteris illius quasi pueritiam appellare.

Quanam est aenea Linguae Latinae ætas?

R. Aenea ætas incipit à Livio Andronico, qui omnium primus Latinos versus scripsit. Ad eandem ætatem pertinet.

Ennius ingenio maximus, arte rudis:

Ut de illo scribit Naso; itemq; Cæcilius: *Malus Latinitatis author*, inquit Tullius. Totum porrò tempus illud, quo florere, Andronicus, Ennius, Nævius, Cæcilius, Pacuvius, &c. quasi crescentem Latinæ Linguae ætatem poteris nuncupare.

Quanam est ætas argentea?

R. Ad ætatem argenteam pertinent Plautus in suis Comædiis, & Cato de re rustica. Terentium verò ad auream ætatem omnino referendum esse judicamus: quam nonnullis, ob illius *Archaismos* secogvisum fuerit; sed immeritò. Hanc verò argenteam ætatem quasi adolescentiam Latinæ Linguae possumus appellare.

Quanam demum est aurea Latinae Linguae ætas?

R. Auream ætatem appello tempus illud annorum ferme centum, quod vulgò Augusti ætas dicitur, estq; magni Ciceronis ortum inter, & ejusdem Imperato-

ris Augusti mortem interjectum. Hac aurea ætate floruerunt inter Oratores, ac Rhetores, Cicero, & Cornificius author, ut verisimillimū est, quatuor librorū ad Herennium, qui vulgò adscribuntur Ciceroni, Inter Historicos Julius Cæsar: A. Hirtius, qui scripsit Cōmentarios de bello Alexandrino, de bello Africano, & de bello Hispaniensi; Salustius, (a) Vellejus vulgò dictus Paterculus, Cornelius Nepos, & Quintus Curtius. Inter Poëtas Virgilius, Horatius, Catullus, Tibullus, Propertius, Phædrus, Ovidius, Lucretius, & Publius Syrus, quorum postremi duo cæteros ætatis aureæ Poëtas aliquantum ætate antecessere. Inter Medicos, Philosophos, reiq; rusticæ, aut Architectonicæ Scriptores, Varro, Columella, Cornelius Celsus, & Vitruvius, Aureum verò illud tempus quasi virilem latinæ linguæ ætatem vocare jure poterimus.

Eos igitur maximè legere, & imitari oportet, qui hac aurea ætate vixerunt, ac ante omnes Tullium, *Celestem in dicendo Virum*, ut eum Fabius appellat, quippè ut ait idem Fabius, *apud posteros id consecutus*

(a) Vellejus Paterculus fuit prætor in Africa. Hinc errore Librariorum dictus Paterculus pro Pater ejus.

cutus est, ut Cicero jam non hominis nomen, sed eloquentia habeatur. Hunc igitur spectemus; hoc propositum sit exemplum. Ille se profecisse sciat, cui Cicero valde placuerit.

Quantâ verò curâ ac religione sermonis proprietatem observaverit Cicero, satis magno argumento erit, quod dicam. Fuit, cum existimaret, inhiberere remos, idè esse, ac retinere; & ut auriga equos inhibet, ut cursum sistat; sic etiam remos inhiberi, dum sustinentur. Postea verò ex nautis didicit inhiberi remos, cum remiges aliò navigantes modò, navim ad puppim convertunt. Quod edoctus, minime cessandû putavit, donec Atticus, & Varro monerentur, ut in primo de Oratore libro, quem jam transmiserat, locus ille emendaretur. Quod ita esse indicant hæc Tullii verba ad Atticum: (a) *Inhibere illud tuum, quod mihi arriserat, vehementer displicet; est enim verbum totum nauticum: quamquam id quidem sciebam; sed arbitrabar sustineri remos, cum inhibere essent remiges jussi. Id non esse ejusmodi, didici heri, cum ad villam nostram navis appelleretur: non enim sustinent, sed aliò modò remigant. Id ab (b) epochis remotissimum est. Quare facies, ut ita sit in libro, quemadmodum fuit. Dices idem Varro, nisi forte mutavit.*

I2

(a) *Epist. 21. ib: 13.* (b) *Retentione.*

Quod si de vocula una ita laboravit Tullius, nihil mirum, si viro, ut omnium eloquentissimo, ita etiam proprietatis a deo amanti, omnium doctissimo Varro mitteret libros suos de Lingua Latina, si item omnium fortissimus Julius Cæsar, nec vel eloquentia, vel doctrinâ illi minor futurus, si totum his se Audiis tradidisset, eidem dicaret libros suos de Analogia. Qua de re sic Tullius in Bruto: In maximis occupationibus ad me ipsum de ratione Latine loquendi accuratissime scripsit Cæsar.

Quisnam Ciceroni proximus est incorrupta Latini sermonis integritate, & elegantia?

¶. Primum post Ciceronem datus locum Cæsari, atq; Terentio. Sanè quàm præclare de utroq; scripsit. Ac de Terentio quidem sic loquitur ad Atticum: Secutus sum, non dico Cæcilium (malus enim author Latinitatis est,) sed Terentium, cujus fabellæ propter elegantiam putabantur, à C. Lælio scribi.

De Cæsare verò sic idem in Bruto. Etiam Commentarios quosdam scripsit rerum suarum valde quidem probandos; nudi enim sunt, recti & venusti, omni ornatu orationis tanquam veste detracta, sed dum voluit alio habere, parata unde sumerent, qui velent scribere historiam; ineptis gratum fortasse fecit qui

qui volunt illa (a) *calamistris* inurere, sanos quidem homines à scribendo deterruit.

Quinam latinitatis authores, post tres hos, legendi sunt?

¶ Cum Fabio, ut quisq; erit Ciceroni similis. Quales sunt Phædrus, Cornelius Nepos, Livius, Curtius, & alii, quos recensuimus, qui vel Ciceronis ævò vivere, vel non ita magnò distant intervallò.

Degustari etiam poterunt, sed parèe, & serò recentiores nonnulli, qui Ciceronem diligenter sunt imitati: & quomodò sit imitandus ipsi exemplo esse poterunt. Quales sunt Muretus, Manutius in epistolis illis, quas ante senium scripsit, nã cœtere frigidam sapiunt etatem, Sadoletus, Berabus, Massæus pictus, atq; polito, Bunellus, Tarfellinus, Longollius, Perpinianus, Vavassor, Pacuvius.

Post obitum Augusti, incorrupta illa, quam dixi, latini sermonis integritas seorsim adulterari cœpta est, & quasi ex auro in argentum iterum commutari, ut ex Senecæ, Fabiiq;, & aliorum querimoniis:

I3

liquet.

(a) *Calamistrus* est ferrum illud teres, quo candente capilli intorquentur. incininosq; crispantur. *Inurere* verò *calamistris* metaphoricè dicitur pro *vanis*, atq; *immodicum ornatum adhibere*.

liquet. In decreſcente illa ætate ſunt inter Oratores, ac Rhetores, Fabius Quintilianus, Plinius Junior, &c. Inter Hiſtoricos Suetonius, Tacitus, Juſtinus &c. Inter Pœtas, Lucanus, Perſius, Juvenalis, Statius, Martialis. Inter Philoſophos verò Seneca, Plinius Veronenſis. Inter Grammaticos deniq; Aſconius, Agellius, &c.

Deniq; à temporibus Severi auſpicari licet æneam ætatem, quæ tandem in ſerream deſiit, poſtquam variarum gentium irruptione, ipſi Romani facti ſunt barbari, & in hac ætate decrepita ſunt Symmachus, Capella, Sidonius, Apollinaris; quos omnes tu vitabis ſummoperè, ſi ſapis.

Finis Libri primi.

ARTIS RHETORICÆ
LIBER SECUNDUS.
DE INVENTIONE.

EGimus hætenus de Figuris, ac Tropis, de Periodo, & de Stylo, poſtulat nunc inſtituti noſtri ratio, ut agamus de Inventione, ſine qua, teſte Tullio, frivola erit, & puerilis omnis locutio.

Quid eſt Inventio?

R. Eſt excogitatio argumentorum, quæ valeant tum ad fidem faciendam, tum ad

MOTUS.

motus excitandos. Primum igitur agendum nobis erit de argumentis, deinde de motibus, seu affectibus excitandis.

De Argumentis, & locis Oratoriis.

Quid est Argumentum?

R. Est probabile inventum ad faciendam fidem; ut, si probare velis, expetendam esse Rhetoricam, invenies, quod sit ars benè dicendi.

Undenam sumuntur Argumenta, sive rationes ad aliquid probandum?

R. Sumuntur ex locis oratoriis, quos Tullius appellat: *Argumentorum sedes, in quibus latent, & ex quibus sunt depromenda.* Quae propter, si vis Orator esse, in promptu tibi esse debent loci illi, & ut ita loquar, ad manum; ut in illis uberri- mam Argumentorum segetem facillè possis invenire.

Quot sunt genera Locorum?

R. Duo: Alii enim petuntur ab ipsa re, & ideo vocantur: *Intrinsici, seu Injiti;* alii sunt extra ipsam rem, de qua quaestio est; unde etiam vocantur *Extrinsici, seu Remo- ti.* De utroq; illo genere: ac de primo praesertim, quod majus quoddam momē- tum habet ad eloquentiam, accuratissimè nobis est hōc locō tractandum.

Quot sunt Loci Oratorii Intrinseci?

¶. Sexdecim: Definitio, Enumeratio partium, Notatio, Conjugata, Forma, Similitudo, Dissimilitudo, Cōparatio, Repugnancia, Adjuncta, Antecedentia, Cōsequentia, Causa, Effecta, Comparatio.

§. I. Definitio.

Quid est Definitio?

¶. Est brevis, & circumscripta rei explicatio, inquit Tullius; vel, ut Philosophi malunt, Definitio est Oratio, quæ rei naturam explicat.

Quomodo fit vestra Definitio?

¶. 1. Accipito aliquid rei, quæ definitur, commune cum aliis: deinde addito aliquid illi unicè proprium, ac peculiare, & tum demum habebis optimam definitionem: vg. *Rhetorica est ars bene dicendi*: quòd sit ars, hoc illi commune est cum aliis artibus; quòd verò sit ars bene dicendi, hoc est illi omnino proprium. Quod si manca sit, & mutila tua definitio, jure, ac merito poterit tibi contingere, quòd olim Platoni contigit. Definierat aliquando Plato hominem, *Animal bipes, & implume*. Diogenes Cincius homo dicax, & Academicorum irrisor,

gallum implumem, ac nudum, in medijs
Platonis scholam projiciens, *En, inquit,
hominem Platonis.*

*Estne eadem definiendi ratio Logicis, &
Oratoribus?*

1. Longè diversa. Logici enim jeju-
nè, breviter, ac sicce rem definiunt per
genus, & differentiam. *vg. Homo est ani-
mal rationale: Orator verò liberius, & or-
natius hominem ita definit per locos
Rhetoricos: Homo est eximium opus à DEO
efformatum, rationis particeps, ad DEI Ima-
ginem conditum, atq; ad immortalitatem na-
tum.* Hoc autem Oratorium definiendi
genus, si recte appellare velimus. *Descri-
ptio* potius appellari debet, quam *accu-
rata Definitio.*

*Quot modis fieri solet Descriptio, seu O-
ratoria Definitio?*

1. Sex potissimum modis fieri solet.
1. Per partes, ex quibus res ipsa con-
stat; ut si dicas: *Ars Oratoria est ars, que
constat inventionē, dispositionē, elocutionē, &
pronuntiationē.*

2. Fit per effectus, ut cum dicitur: *Pec-
catum est pestis animæ, conscientie labes, vitæ
perniciēs, naturæ dedecus, orbis ruina, odi-
um DEI, &c.*

3. Definitio fit per negationem, & af-
firma-

firmationem; cum nempe primum dicitur, quid non sit res, ut deinde melius intelligatur quid sit: & hæc definiendi ratio, Ciceroni per familiaris fuit. Ita Pisonem probat, non fuisse Consularem. Tu in littoribus, in toga, & prætexta esse consulatum putas? Quæ ornamenta in Sex. Clodio, te consule, esse voluisti. Hujus tu Clodianæ canis insignibus consulatum declarari putas? Animò consularem esse oportet, consiliò, fide, gravitate, vigilantia, toto deniq; munere consulatus. Et pro domo sua. An tu Populum Romi esse illum putas, qui constat ex iis, qui mercede conducuntur, qui compelluntur, ut vim afferant magistratibus? obsideant senatum? optent quotidie cædem, incendia, rapinas?... O speciem dignitatemq; populi Romi quam nationes exteræ, quam gentes ultimæ pertimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Romi: illa forma, quam in campo vidisti tum, cum etiam tibi contra Senatûs, totiusq; Italiæ auctoritatem, & studium, dicendi potestas fuit.

4. Definitio fit ab adjunctis. Ita Chemicam artem non minus verè, quam lepide defines: *Chimia est ars sine arte, cujus principium est mentiri, medium laborare, finis mendicare.*

mendicare. Ita Virgilius famam describit ab adjunctis. (a)

Fama malum, quò non aliud velocius ullū
 Mobilitate viget, viresq; acquirit cundo.
 Parva metu primo, mox sese tollit in auras,
 (condit,

Ingrediturq; solo & caput inter nubila

Monstrum horrendum, ingens, cui quot
 sunt corpore plumæ, (ctu)

Tot vigilēs oculi subter (mirabile di-

Tot linguæ, totidem ora sonant, tot sub-
 rigit aures.

Tā ficti, praviq; tenax, quàm nuntia veri.

5. Definitio fit venuste per similitudinem atq; Metaphoras, ut, si dicas cum (b) Petrarca: Pulchritudinem esse blandū hostem, dulcem raptorem, tortorem fraudulentum, laqueum pedibus, oculis velum. &c. Observa tamen, Metaphoricis id genus definitionibus caute admodum utendum esse, & cum mica salis, ut ait Catullus.

§. II. Enumeratio partium.

Quid est Enumeratio partium?

(a) *Æneid:* 4. (b) De remediis utriusq; fortunæ, Petrarca Patria Florentinus, Aretii natus, ingenio, eloquentiâ, & Pœtica facultate, sui sæculi facile princeps, floruit sæculo 14.

8. **Est oratio**, qua totum in suas partes distribuitur: unde locus ille vocatur etiam *Distributio*: ut si distribuas, ac divides vitam humanam in pueritiam, adolescentiam, virilem ætatem, & senectutem.

Quæ sunt Regulæ, ac Leges Enumerationis partium?

9. **Tres præcipuæ**: 1. *Regula hæc est*: affirmatis omniibus partibus, affirmatur totum. Ita Tullius probat Pompejum esse summum Imperatorem, omnes, & singulas optimi Imperatoris virtutes sic enumerando: *Ego enim existimo, in summo Imperatore quatuor has res inesse oportere: scientiam rei militaris, virtutem, auctoritatē, felicitatem.* Pergit deinde, & quatuor hæc in suo Pompejo summa esse sic probat. *Quis igitur hoc homine scientior unquam aut fuit, aut esse debuit, qui è ludo, atq; pueritiæ disciplina, bellò maximo, atq; acerrimis hostibus, ad patris exercitum, atq; in militiæ disciplinam profectus est? Deinde de ejus justitia: Cujus legiones sic in Asiam pervenerunt, ut non modo manus tanti exercitus, sed nè vestigium quidem cuiquam pacato nocuisse dicatur.* Et de temperantia sic loquitur: *Non avaritia ab instituto cursu ad prædā revocavit, non libido ad voluptatem, non amenitas ad delectationem, non nobilitas urbis ad cog-*
gnitio-

gnitionem; non deniq; labor ipse ad quietē, &c.

Ita etiam (a) Lactantius Dominice mortis acerbitatem, singularum partium cruciату, piè æq; ac eleganter probat:

Compressos specularē oculos, & luce carentes,

Afflictosq; genas, arentem suspicē linguā
Belle venenatam, & pallentes funere vultus,

(tos)

Cernes manus clavis fixas, tractosq; lacer-
Atq; ingens lateri vulnus: Cerne inde

eruoem (entos.)

Purpureum, fossosq; pedes, artusq; cru-
Flecte genu, lignumq; Crucis venerabile
adora.

Sic Juvonalis Sat: 3. per Partium enumerationem ridet quemdam, qui se omnia scire profitebatur:

Grammaticus, Rhetor, Geometres, Pi-
stor, (b) Aliptes,

Augur, (c) Schœnobates, Medicus, Ma-
gus; omnia novit: (ibit.)

Græculus esuriens: in Cœlum, jufferis,
Quenam est secunda Regula?

Regula hæc est, ut negatis omnibus,
& fin.

(a) Lactantius Firmianus; eloquentia, & eruditione clarus, Crispi Constantini magni filii, præceptor. (b) Aliptes, qui Athletas ungit. (c) Schœnobates funambulus.

& singulis partibus, negetur totum. Sic probat Tullius Antonium non esse Consulem: *Negat hoc (a) D. Brutus Imperator: negat Gallia, negat cuncta Italia, negat Senatus, negatis vos. Qui igitur illum Consulem, nisi latrones, putant?*

Cedo ultimam regulam enumerationis partium?

¶. Ut negatis partibus, recte negetur totum, nulla tibi erit prætermittenda pars, quò ad ejus fieri poterit. Ita Martialis vetulam quamdam probat esse edentulam:

(dentes,

Si memini, fuerant tibi quatuor, Ælia,

Exspuit una duos tussis, & una duos.

Jam secuta potes totis tussire diebus:

Nil istie, quod agat, tertia tussis habet.

§. III. *Notatio Nominis, & Conjugata.*

AD unum, & idem caput duos hinc locos propter affinitatem revocamus. Quamvis porrò uterq; ille locus, propter levitatem, non adeò valere videatur ad persuadendum; quia tamen non parùm valet ad delectandum, & ad orationem lepore aliquo, ac sale condiendam, idcirco ab oratoribus interdum summis adhibetur.

Quid est Notatio?

¶. Notatio, seu Etymologia, est locus, qui

(a) Dec. Brutus.

qui verborum originem, & significacionē inquirat, ut *Senatus* nomen traxit à *Senibus*: *Consul* vocatur is, qui *consult* patriæ: ergo *Piso* nihil minus quàm *consul* est: & *Ovidius* in *Fastis* *Victimā* sic appellari dicit à *vincendo*, & *hostiam* ab *hoste*.

Victima, quæ dextra cecidit *victrice*, vocatur.

Hostibus à *domitis* *hostia* nomen habet.

Quandonam potissimum utendum est Notatione nominis?

R. Quando in nomine aliquo laudem, vel dedecus, aut locum aliquem, nō scurrilem, ac *mimicum*, sed *liberalem*, & *urbanum* invenit *Orator*. Sic in nomine (a) *Verris* *jocosè* lusit *Cicero*, quasi ita dictus fuisset, quod omnia *verberet*; hoc est omnia raperet homo *furacissimus*: *Quantu*, inquit *domum*, quod *fanum* *adisti*, quod non *eversum*, atq; *extersum* *reliqueris*? Sic etiam *Chryfogonum* in *avaritiæ* *suspitionem* vocavit ab *ipius* nomine, quod *aureum* significat, aut quasi *auro* *genitum*.

Ad notationem nominis pertinent *Anagrammata*, cujusmodi sunt illa: *Amor*, *Roma*, *Maro*: *Logica*, *Caligo*: *Ursulo*, *Laurus*;

(a) *Verres* homo *libidinosus*, & *avarus*. cū in *Sicilia* *triennium* *prætor* fuisset, *reperundarum* *accusatus* fuit à *Siculis*.

Laurus; Prudentia, tarde puni. Maria Virgo, Mira Virago: Divus Alexius, diu exul à suis: Quid est veritas, est vir, qui adest: Maria Magdalena, grandia mala mea: Sacramentum Eucharistiæ, Chara Ceres mutata in JESUM &c

Quamquam, ut ingenuè dicam, quod sentio, perpusilli ingenii est, frivolis hujusmodi magis immorari, quæ scilicet laborantis magis sunt, quam elegantis ingenii partus. Et si me audis, vana hæc crepundia relinques Judæis, qui multi sunt in observandis exilibus literulis, & apud quos nata opinor Anagrammata, & ab illis ad nos usq; infelici contagione, derivata.

Quid sunt Conjugata?

R. Sunt eæ, quæ ab uno orta vocabulo variè conjungantur, seu commutantur, ut Sapiens, sapientia, sapienter; Imperium, Imperator, impero. Ex hoc Conjugatorum loco Cæsar em ingeniosè admodum ita laudat (a) Tullius: Ceteros quidem omnes victores bellorum civilium, jam arte æquitate, & misericordiâ viceras: hodierno vèrò die te ipsum vicisti... Nam cum ipsius victoriæ conditione jure omnes vidi occidisse: clementiæ tuæ judiciò conservati sumus.

Regiè.

(a) Pro Marcello.

*Resti igitur unus invidius es, à quo ipfius etiã
victoriæ conditio, visq; devicta est.*

Ex hac verborum Conjugatione sic
argumentatur Ovidius;

Aurea nunc verè sunt sæcula, plurimus
aurò

Venit honos: aurò conciliatur amor,
In hoc idem genus faceret lufit Martialis
Epig: lib: 2.

Hostem cùm fugeret, se (a) Fannius ipse
peremit, (mori?

Hic (rogo) non furor est, nè moriare,

Ad eundem locum pertinet illud in
Pisonem: Cùm enim esset omnis causa illa
mea consularis, & senatoria, auxiliò mihi o-
pur erat, & Consulis, & Senatus.

Et illud (b) Terentianum elegans in
primis in hoc eodem genere: Homo sum,
meo mani nihil à me alienum puto.

Eodem quoq; pertinet, venustissimum
illud Epigramma inscriptum Ludovici
N. Statuæ in hortulo Simplicium Colle-
gii Parisiensis S. J.

Vitales inter succos, herbasq; salubres.
Quam benè fiat populi vita salusq; sui.

§. IV.

(a) Fannius Cæpio proscripfit, quòd in Au-
gustum cõjurasset, cùm fugeret percussores, se
ipse interemit. Sic mori, vinei est, inquit de
illo Seneca. (b) In Heautontimoumeno.

§. IV Genus & Species, seu Formæ.

Quid est Genus?

R. Genus apud Rhetores dicitur illud; quod est commune multis; & quod multa sub se complectitur; ut virtus sub se continet iustitiam, temperantiam, fortit. nem.udentiam.

Facio argumentum à genere?

R. Præsto est, Temperantia est virtus, ergo est amanda.

Qua potissimum ratione tractatur ille locus?

R. Tractatur imprimis, cum à specie fit transitus ad genus, seu, ut vulgo loquuntur, cum hypothesis revocatur ad thesım. Hujusce loci luculentam habes exemplū in Oratione pro Archia Pœta, ubi Cicero cum laudandum Archiam Magistrū suscepisset (quod est Hypothesis) rem ad thesım revocavit, hoc est, Pœsım, & studia humanitatis generatim, & universè laudavit, ut latiore orationi suæ cāpam aperiret. Adverte igitur, quò artificio ab hypothesis transit ad thesım.

Laus Archiæ Pœtæ à genere.

Si igitur sanctum apud vos humanissimos homines hoc Pœtæ nomen, quod nulla unquam barbaries violavit, saxa, & solitudines voci respondent; bestie sæpè immanes cantu flectuntur, atq; consiunt; nos instituti rebus optimis

non Pœtarum voce moveamur? (a) Homerum
Colophonii civem esse dicunt suum, Chii suum
vendicant, Salaminii repetunt, Sæyrnœi vero
suum esse confirmant. Itaq; etiam delubrum
ejus in oppido dedicaverunt. Permulti alii
preterea pugnant inter se, atq; contendunt.
Ergo illi alienum, quia Pœta fuit, post mor-
tem etiam expetunt; Nos hunc vivum, qui &
voluntate, & legibus noster est, repudiabimus?

Quod vitium in genere tractando vitan-
dum est?

R. Hôc locô solent intemperantius ab-
uti Tyrones, dum thesim longius trahunt,
quod nempe res sit communior, faciliorq;
& multorum trita vestigiis; v.g. si de Ju-
stitia, vel de Charitate sermo sit, illi se
se in virtutis laudes universim, ac gene-
ratim effundunt, & miseram crambê, ut
ajunt, tædium affectis auribus, ac fastidi-
um usq; ad satiætatem ingerunt.

Tu igitur, si sapias, hoc vulgare vitium
fugies:

(orbem (b)

Nec circa vile, patulumquè moraberis
Nè in te jure cedat lepidum illud Mar-
tialis dictum:

Jam

(a) Homerus Pœtarum Græcorum Prin-
ceps, quem suum esse Civem septem oppida
certatim asserunt.

(b) In Arte Pœtica.

Jam dic, Posthume, (a) de tribus capellis,
*Ubinam præcipuè locum habet argumentum
 à genere?*

R. Locum habet præcipuum in orati-
 onis exordio, ubi præmitti solet aliquod
 universale principium, à quo ad hypothe-
 sim, hoc est ad singularem propo-
 sitionem descenditur.

Quid est species seu forma?

R. Ex his, quæ dicta sunt de genere, fa-
 cile intelliges speciem esse id, quod mi-
 nus late patet; seu esse rem particularem,
 quæ sub universali continetur. Vocatur
 autem apud Rhetores *Hypothesis*, vg. *Vir-
 tute est amanda, est Genus sive Thesis:
 Temperantia hic & nunc est in convivio ser-
 vanda, est Species sive Hypothesis.*

§. V. *Similitudo, & Dissimilitudo.*

Quid est Similitudo?

R. Similitudo est rerum cæteroqui dispa-
 rium collatio atq; convenientia in ali-
 qua re: vg. est similitudo inter avarum,
 & hydropem; quia licet avarus, & hy-
 drops sint duæ res longè diversissimæ
 in eo tamen conveniunt, quod neuter
 satiari possit. Item homo iratus dicitur
 esse similis Leoni rugienti; quia homo
 iratus,

(a) *Ineptus causidicus, qui ad alia omni-
 abibat, quam causa postularet.*

iratus, & Leo rugiens sunt duæ res valde inter se se dispares, quæ tamen in aliqua re conveniunt, nempe in furore. Sic etiam umbra, & gloria sunt res diverrissimæ: in hoc tamen conveniunt, quod umbra corpus, gloria virtutem comitetur. Unde ait Cicero: *Gloria est umbra virtutis.*

Quomodo fit argumentum à similitudine?

R. Facies in hunc serè modum eum Tullio: *Quidam morbo, aut sensus stupore, cibi suavitatem non sentiunt; sic libidinosi, avari, facinorosi, veræ laudis gustum non habent.* Sic etiam argumentari poteris à simili eum Ovidio: (a)

Scilicet ut fulvū spectatur in ignibus aurū, Tempore sic duro est inspicienda fides.

Quid est discriminis inter similitudinem, & comparisonem?

R. Similitudinem propriè pertinere ad id, quod *qualitatem* vocant; comparisonem verò pertinere ad *quantitatem*. Fit enim comparatio vel à pari, vel à majori ad minus, vel à minori ad majus, ut dicatur postea: in similitudine verò nulla fit mentio neq; paris, neq; majoris, neq; minoris.

Quomodo

(a) *Trist: lib; 1.*

Quomodo facile poterit inveniri argumen-
tum à simili?

R. Quæres statim, quænam res sit si-
milis cujusdam naturæ cum ea, quam
explicandam sumis. Ità si agatur de con-
stantia, quæres, quid vel maximè resistit,
& occurreret tibi *rupes, adamas*, dicesq; cum
Virgilio de Rege Latino: (a)

Ille, velut pelagi rupes immota, resistit.
Vel ut idem Virgilius de Didone. (b)

Nec magis incepto vultus sermone mo-
vetur, (cautes.

Quam si dura alex, aut fiet Marpesia

Quid est Dissimilitudo?

R. Est Oratio, quæ ex re dissimili dis-
simile colligit; ut cum ait Tullius: *Si
barbarorum est, in diem vivere, nostra consilia
sempiternum tempus spectare debent.* Et lib:
2. de Oratore: *Artes reliquæ ab eloquentia
differunt, quod hæc non habeat definitam ali-
quam regionem, cujus terminis septa teneatur,
cæteræ verò suis se certis quibusdam finibus
contineant.* Hunc locū à dissimili, lepèdissi-
me tractat Catullus, cum ait carmine 5.

Soles occidere, & redire possunt:

Nobis, cum semel occidit brevis lux,
Nox est perpetua una dormienda.

Ad

(a) Lib: 7. (b) Æns: 6.

Ad hunc eundem locum pertinet hæc
Horatiana sententia:

Damna tamen celeres reparant Cœle-
stia lunæ, Nos ubi decidimus:

Quo pius Æneas, quo (a) Tullus di-
ves, & Ancus.

Pulvis, & umbra sumus.

§. VI. *Contraria & repugnantia.*

Quid sunt Contraria, seu opposita?

R. Sunt ea, quæ in eodem subjecto esse
non possunt; vel, si fuerint in eodem,
necessario inter se pugnant.

Quot sunt Contrariorum genera?

R. Quatuor omnino numerantur, ni-
mirum Adversa, Relata, Privantia, &
Contradicientia.

Quid sunt Adversa?

R. Sunt ea, quæ in eodem plurimum
inter se differunt, ut *virtus, & vitium;*
bellum, & pax; sapientia, & stultitia. Ci-
cero Philip: 2. Attende paulisper, cogi-
tationemq; sobrii hominis, punctum tē-
poris suspice.... Nego quidquam esse me-
dium. Confiteor, eos, nisi liberatores po-
puli Rom: conservatoresq; Reip: sint,
plus quàm *ficarios, plus quàm homicidas,*
plus etiam quàm *parricidas* esse: siquidē
est

(a) Tullius, cognomentō *Hofilius tertius Ro-*
manorum Rex. Illi successit Ancus Marius.

est atrocius Patriæ parentem; quàm suū
occidere. Tu homo sapiens & considera-
te, quid dicis? Si parricidæ? cur honoris
causa à te sunt, & in hoc ordine, & apud
Populum Rom: semper appellati: cur M.
Brutus, te referente, legibus est solutus,
si ab urbe plus, quàm decem dies absuisset?
cur provinciæ Cassio, & Bruto datæ &c.
Non igitur homicidæ. Sequitur ut libe-
ratores tuò iudiciò sint.

Quid sunt Relato?

R. Sunt ea, quæ se invicem ita spe-
stant, ut alterum sine altero esse nō pos-
sit, ut Pater & filius; dux & miles; magister
& discipulus; dominus & servus; qui dat, &
qui accipit: ita Martialis lib: 1. ex hoc
Relatorum loco sacete jocatur in Sosibia-
num quemdam, qui suum patrem Domi-
num inepte omnino vocitabat:

E (a) servo scis te genitum, blandequē
fateris,

Dum dicis Dominum Sosibiane, patrem.

Ex hoc eodem loco Cæsarem ita laudat
Cicero, in oratione pro Marcello: Ex
quo profecto intelligi debet, quanta in dato
beneficio

(a) Sosibianus ex adulterio nobilis Ma-
trone cum servo natus, illius Matronæ Vi-
rum, cujus filius putabatur, Dominum blan-
diendo vocitabat.

beneficio sit laus, cum in accepto tanta sit gloria. Huc deniq; pertinent hæc verba Veneris, arma pro filio suo Aenea poscentis à Vulcano:

Arma rogo genitrix nato.

Quid sunt Privantia?

R. Sunt habitus, & ejus privatio: ut vita & mors, lux & tenebræ; scientia & inscitia; pauperies & divitiæ. Ex privantiis ingeniose argumentatur Martialis in quemdam:

Ebrius es: nec enim faceres id sobrius umquam.

(Pœtæ lib: 5.

Hinc etiam ingeniosum illud ejusdem Semper eris pauper, si pauper es, Æmilianæ,

Dantur opes nullis nunc, nisi divitibus.

Quid sunt Contradicentia?

R. Sunt ea, quorum alterum negat, alterum affirmat idem de eodem: ut Milo insidiatus est Clodio, Milo non est insidiator Clodio.

§. VII. Adjuncta.

Quid sunt Adjuncta?

R. Sunt ea, quæ cum re, de qua agitur, non necessario, sed probabiliter conjuncta sunt.

Quot sunt Adjunctorum genera?

Tria vulgò numerantur: I. Adjuncta rei,

rei, ut locus, tempus &c. 2. animi, ut vitia, virtutes. 3. Adjuncta corporis, ut pulchritudo, deformitas, robur, vestis, habitus: Unô verbô omnia, quæ rem quoquô modô circumstant, sive præcedant, sive comitentur, sive consequantur, appellantur Adjuncta, seu res circumstantes. Unde liquet, quam longè, lateq; pateat locg ille, & quàm uberem dicendi segetem Oratori suppeditet.

Quomodo sumi potest Argumentum ab Adjunctis?

R. Cùm ex loco, tempore, facultate, aliisq; id genus, quæ rem circumstant, persuadendi occasionem idoneam capiat Orator. Sic (a) Hannibal Italiam ingressus, militibus suis eloquenter admodum facit animos ex loco, unde fugere non liceat.

Oratio Hannibalís milites suos ad pugnam adhortantis. Liv; l. 21.
 Dextra, lævaq; duo maria claudunt. Nul-
 lam nè ad effugium quidem navem habemus.
 Circa Padus amnis major, ac violentior
 Rhodanô: à tergo Alpes urgent, vix integris
 vobis, ac viventibus transitæ. Hic vobis
 vincendum, aut moriendum.

Mili-

(a) Hannibal Amilcari filius, Carthaginensium Dux, qui sæpiù s Romanos vicit.

Milites est... Nihil usquam nobis reliquū est, nisi quod armis vindicaverimus. Illis timidis, & ignavis licet esse, qui receptum habent, quos ager suus, quos sua terra, per tuta, ac pacata itinera fugientes, accipient. Vobis necesse est fortibus viri esse; & omnibus inter victoriam, mortemq; certa desperatione abruptis, aut vincere, aut si fortuna dubitabit, in prælio potius quàm in fuga mortem oppetere. Si hoc benè fixum omnibus, destinatumq; in animo est, iterū dicam: vicistis. Nul- lum incitamentum ad vincendam homini Diis immortalibus acrius datum est.

Cicero autem ab adjunctis Antonii levitatem ac turpitudinem exagitat: Sed hæc, quæ robustioris improbitatis sunt, omittamus: loquamur potius de iniquissimo genere levitatis. Tu istis faucibus, istis lateribus, ista gladiatoria totius corporis firmitate, tantum vini in Hippicæ nuptiis exhauseras, ut tibi necesse esset in Populi Rom: conspectu vomere postri- tie. O rem non modo risu foedam, sed etiam auditu! Si inter cœnam, in tuis immanibus illis poculis, hoc tibi accidisset, quis non turpe diceret? In cætu vero Populi Rom: negotium publicum gerens, Magister equitum, cui ructare turpe esset,

is vomens, frustis esculentis visum redolentibus gremium suum, & totum tribunal implevit.

Porro memoriæ juvandæ causâ. præcipua octo Adjunctorum genera hoc vulgari versiculo sunt comprehensa:

Quis, quid, ubi, per (a) quos, quoties, cur, quomodo, quando.

Quis significat personam, & quæ ad illam pertinent, cujusmodi sunt: genus, educatio, indoles, ætas, sexus, patria, cognatio, fama, virtus, ingenium, &c.

Qui negotium designat, five rem, de qua agitur: *Ubi* locum demonstrat: *Per quos* indicat adjuutores, & socios, quorum operâ facta res est. *Quoties* docet, quàm sæpe res facta fuerit. *Cur* causam, & finem designat. *Quomodo* modum, ac seriem ostendit rei gestæ. Deniq; *Quando* denotat tempus, quo gesta res est.

§. VIII. *Antecedentia, & Consequentia.*

Quid sunt Antecedentia?

R. Sunt ea, quibus positis, necesse est alia consequi; ut ortus est sol; ergo dies est. Tunarus es homo, ergo dubio procul morieris. Ille gravissimi sceleris reus, ergo gravissime plectetur à justo Judice.

Quid

(a) *Alii dicunt, quibus auxiliis, seminis commodè.*

Quid sunt Consequentia?

R. Sunt ea, quæ rem necessario consequuntur. Sic autem argumentum duces à consequentibus: *Est copia fructuum; ergo & florum fuit. Cicatricem gerit, ergo plagam accepit.* Cicatrix enim & fructus, plagam & flores consequuntur. Quia verò locus ab Antecedentibus, & Consequentibus nō maximopere differt ab Adjunctis, idē diutius in illo immorari non est operæ pretium.

§. IX. Causæ.

Quid est Causa?

R. Est id unde aliquid est, vel id, vī cuius aliquid fit, ut vulnus est causa mortis, cruditas est causa morbi, &c.

Quotuplex est Causa?

R. Quadruplex numeratur à Philosophis: efficiens, materialis, formalis, & finalis.

Quid est Causa Materialis?

R. Ea est, ex qua aliquid fit, aut componitur, ut marmor est materia seu causa materialis statuæ, lapides sunt materia domus, corpus est hominis quasi materia.

Quid est Causa Formalis?

R. Est ratio rei ac nota, per quam res est id, quod est, & à rebus aliis distinguitur, unde anima est forma hominis, quia

per animam fit rationalis, & à cæteris animantibus distinguitur.

Quid est Causa Finalis?

R. Est id, cujus gratiâ aliquid fit; ut finis belli est victoria, & pax; cum propter victoriam, & pacem bellum suscipiatur. Beata in Cælo vita, est causa finalis hominis, quandoquidem homo agit omnia, vel agere debet certè quidem, ut beatam in Cælo vitam tandem aliquando consequatur.

Quomodo argumentari debemus à Causa efficienti?

R. Sic argumentaberis cum Tullio; *Intemperantia effectum corpus tradit senectuti, ergo diligenter vitanda est.* Ab hoc loco senectutem contra vituperatores ita defendit idem Tullius. *Caret epulis, ajunt, ex truditq; mensis, & frequentibus poculis, caret ergo vinolentiâ, crudelitate, & insomniis.* Ita Ovidius Ægypthi adulterium culpatur à causa efficiente, nempe ab otio:

Quæritur, (a) Ægypthus, quare fit factus adulter?

In promptu causa est, desidiosus erat. Sic etiam & felicem inter mortales vitæ elegant-

(a) Ægypthus Thyestis filius, supratâ Clytemnestrâ, ejus maritum Agamemnonem interfecit, & ipse ab Oreste illius filio fuit occisus.

eleganter commendat Martialis lib: 10. à
causis præcipuis quæ illam efficiunt.

Vitam quæ faciunt beatiorem,
Jucundissime Martialis, hæc sunt:
Res non parta labore; sed relicta;
Non ingratus ager; focus perennis,
Lis nunquam; (a) toga rara; mens quieta
Vires ingenuæ: salubre corpus;
Prudens simplicitas; pares amici;
Convictus facilis; sine arte mensa;
Nox non ebria, sed soluta curis,
Non tristis thorus; attamen pudicus:
Somnus qui faciat breves tenebras:
Quod sis, esse velis, nihilq; malis,
Summum nec metuas diem, nec optes.

Quomodo argumentaberis à materia?

r. Ita ferme dices: corpus hominis est
mortale; ergo æquum est, ut illi domine-
tur animus immortalis. Ita Ovidius
Solis regiam commendat à materia. Me-
tamorph: lib: 2.

(mnis,
Regia solis erat sublimibus alta colu-
Clara micante aurò, flammamq; imitante

(b) Pyropo.

K4

Cujus

(a) Rara, urbana officia, salutationes, obse-
quia, ad quæ obeunda togis utebantur. (b)
Pyropus non est gemma, aut carbunculus, ut
vulgo malè creditur, sed genus æris ductiliss,
cui admista est quarta pars auri.

Cujus ebur nitidū, fastigia summa tegebat
 Argenti bifores radiabant lumine valvæ,
 Materiam superabat opus.

Quomodo sumitur Argumentum à causa
 Formali?

¶. Sic dices: animus hominis est im-
 mortalis; ergo mors non est timenda.
 Excellens est animi natura; ergo volu-
 ptatibus servire non debet. Ita Cicero:
 Si considerare volumus, quæ sit in hominis na-
 turæ excellentia & dignitas, intelligemus quæ
 sit turpe diffuere luxuriâ, & delicate ac molli-
 ter vivere; quamq; honestum parcè, continen-
 ter, severe, sobrie.

Quomodo deniq; Argumentandum est à
 causa finali?

¶. Ita probabis cum Fullia infidias
 Miloni struxisse Clodium, quod nempe
 multas ex illius interitu sibi polliceretur
 utilitates: Quoniam igitur pacto probari po-
 test, infidias Miloni fecisse Clodium? Satis est
 quidem in illa tam audaci, tam nefaria belua,
 dicere magnam ei causam, magnam spem in
 Milonis morte propositam, magnas utilitates
 fuisse. Itaq; illud Cassianum: Cui bono fue-
 rit, in his personis valeat, & si boni nullò e-
 molumentò impelluntur in fraudem, improbi
 sæpe parvò. Atqui Milone interfecto, Clodius
 hoc assequeretur, non modo ut Prætor esset,

non.

non eo Consule, quo sceleris nihil facere posset: sed etiam ut his Consulibus prætor esset, quibus si non adjuvantibus, at conniventibus certe, sperasset se posse Rempubicam eludere in illis suis cogitatis furoribus, &c.

Deniq; ex quatuor illis causis simul junctis, commendare poteris celeberrimū Templum Hierosolymitanū; Causa efficiens erit Salomon, sapientissimus idē, atq; ditissimus: & alii peritissimi artifices, qui in illo laborarunt. Causa materialis, erunt pretiosi lapides, ligna cedrina, aureæ laminæ, &c. Causa formalis, erit ipsa structura, & pulchritudo Templi. Finalis erit Summi DEI cultus, in cuius honorem fuit exstructum.

§. X. Effecta.

Quid sunt Effecta?

Effecta seu effectus sunt ea, quæ oriuntur ex causis: Hunc locum mirificè tractat Tullius librō de Senectute, ubi funeros voluptatis effectus ita describit:

Voluptatis incommoda ab effectis.

Accipite optimi adolescentes veterē orationem (a) Archite Terentini, magni imprimis, & præclari viri, quæ mihi tra-

K5

dita

(a) Architas Philosophus Pythagoricus, vixit tempore Platonis.

ditā est, cūm essem adolescens, (a) Tarenti cum Quinto Maximo, Nullā capitāliorem pestem, quā voluptatem corporis, hominibus dicebat à natura datam, cūjus voluptatis avidæ libidines temerè, & effrenatè ad potiundum incitarentur.

Hinc patriæ proditioes, hinc rerum publicarum everfiones, hinc cum hostibꝫ clandestina colloquia, nasci dicebat; nullū deniqꝫ scelus, nullum magnum facinus, esse, ad quod suscipiendum, non libido voluptatis impelleret. Stupra verò, & adulteria, & omne late flagitium, nullis aliis illecebris excitari, nisi voluptate. Cumqꝫ homini sive natura, sive quis Deus, nihil mente præstabilius dedisset, huic divino muneri, ac dono nihil tam esse inimicum, quā voluptatem. Nec enim libidine dominante, temperantiæ locum esse omnino, nec in voluptatis regno virtutem posse consistere... Quocirca nihil esse tam detestabile, tamqꝫ pestiferum, quā voluptatem.

§. XI. Comparatio.

Quid est Comparatio?

§. Est (b) oratio, qua duo, vel plura in tertio aliquo conferuntur, quod illis commune

(a) Tarentum urbs magna Græciæ, à Tarenti Neptuni filio condita. (b) Cic: in Topicis.

munis est: ut, Catoni licuit sequi bellum civile; igitur & Ciceroni licebit. Commune est enim ambobus sequi bellum civile.

Quot sunt Comparationum genera?

R. Tria: Primum est à majori ad minus. Secundum est à minori ad majus. Tertium est à pari.

Quomodo argumentamur à Comparatione majoris ad minus?

R. Cum contendimus, ut id, quod valet in majori, valeat etiam in minori; ut cum ait Cicero in Antonium: *Quid faceres domi tuæ, cum alienæ tam sis insolens?* Sic etiam Terentius: *Quem ferret, si parentem non fert suum?*

Ex hoc eodem locò probat Ovidius leniri posse Augustum, quod vel ipsi Dii leniantur.

Cur ergo posse negè leniri Cæsaris iras, Cum videam mites hostibus esse Deos.

Quomodo fit Argumentum à Comparatione minoris ad majus?

R. Quando contendimus, ut quod valet in minori, valeat etiam in majori, ut Cicero pro Lege Manilia: *Majores nostri sæpi, mercatoribus ac naviculariis injuriis tractatis, bella gesserunt, vos tot Civium Romanorum millibus unò nuntio, atq; unò tempore necatis, quo tandem animo esse debetis?*

Huc:

Huc pertinet etiam Horatianum illud
Epiſt: 2.

Ut jungulent homines, ſurgunt de nocte latrones:

Ut te ipſum ſerves; non expergifceris;
Quomodo fit argumentum à Comparatione parium?

R. Fit, cùm contendimus id, quod valet in una re valere etiam debere in alia pari, ut, lex eſt; qui occiderit patrem, inſutus in culeum dejiciatur in profluentem: ergo, & qui matrem occiderit, eodem ſupplicio dignus eſt: Ita Cicero licere ſibi Syllam defendere, qui fuerat ante ab Hortenſio deſenſus, probat Orat: pro L. Syll: Si cōjuratio quæ patefacta per me eſt, tam pater Hortenſio, quàm mihi. Quem qui nō videas honore hoc, auctoritate, virtute, conſilio præditum nō dubitāſſe, quin innocentem Syllam deſenderet: quæro, cur, qui aditus ad cauſam Hortenſio patuerit, mihi intercluſus eſſe debuerit: Quæro illud etiam, ſi me, qui defendo, reprehendendum putas eſſe, quid tandem exiſtimes de his ſummis Viris, & clariffimis Civibus, quorum ſtudio, & dignitate celebrari hoc iudicium, & ornari cauſam; deſendi huius innocentis vides.

C. A.

C A P U T II.

De Locis Extrinsicis, seu Remotis.

Quinam sunt Loci Extrinsici?

R. Loci extrinseci, qui etiam vocantur *remoti*, & *assumpti*, sunt ii, qui nullo modo pendent ab arte, ingenioq; extra rem ipsam positi sunt, quapropter ab Aristotele rectè vocantur: *Argumenta inartificialia*, seu *arte carentia*, nō quod artis omnis sint expertia; cum potius illorum tractatio summum requirat artificium, sed quod non eruantur ex rebus ipsis, & ex causæ visceribus; quippe quæ foris eruuntur, & auctoritate sola nituntur, itaque sunt inartificialia, quo attinet ad Inventionem; non verò quo spectat ad usum, atq; tractationem.

Quot sunt Loci Extrinsici?

R. Sex assignantur à Quintiliano; *Leges*, seu *Præjudicia*, *Fama*, *Tabulæ*, *Jusjurandum*, *Tormenta*, *Testes*.

Quomodo argumentandum est à Legibus, ac Præjudiciis?

R. 1. Dices, præjudicia, ac leges esse vincula Reipublicæ, Regnorum fundamenta, justitiæ nervos, omnis æquitatis fontē libertatis asilum, sapientissimorum Virorum oracula. 2. Commendabis eos, à quibus latæ sunt leges, 3. Recentibus

damna.

damna, quæ consequentur, si leges impune violentur, iuvabit interdum afferre ipsa legis verba, conceptamq; ac solemne formulam; v.g. *Si quis hominem, dolo malo, morti (a) duit, parricida esto.*

Si lex tibi adversetur, illam ita refutabis, & infringes. Dices 1. Vel antiquatâ fuisse legem, & amplius non valere. Ita Cicero pro Rabirio: *Tunc mihi etiam legis (b) Portiæ mentionem facies?* 2. Vel legem legi oppones. 3. Vel dices standum esse non legis literæ, quæ nimirum occidit, sed ipsius legis aitoris menti. 4. Dices maioris cuiuspiam utilitatis gratiâ, licere interdum à legibus discedere. Sic olim cum Virgilius moriens, testamentò iussisset suum Pœma comburi, supremæ huic illius voluntati (quamquam id leges jubent) noluit tamen obtêpera e Imperator Augustus, ut ipsemet testatur hinc versiculis: *Frangatur potius legum veneranda potestas*

(res
Quam tot congestos noctesq; diesq; labor-
Hauserit una dies.

Quid est Fama, seu Rumor?

R. Fama, ut hic accipitur, est sermo vulgi,

(a) Vox obsoleta pro det. (b) Lex Porciæ à M. Porcio lata contra eos, qui Civem Romanum necabant, eut virgis cœdebant.

gi, sine ullo authore, ac capite dispersus; seu, ut ait Quintilianus, est *Sermo multitudinis, qui habet auctoritatem, nisi irrepperit malitia, vel nimia quædam, ut sit, credulitas.*

Quomodo tractandus est locus à Fama?

R. Si tibi, causæq; tuæ saveat fama, dices: magnam esse vim, atq; auctoritatē Famae, cui optimus quisq; tam impensè studet. Dices populi vocem, esse quoddā quasi oraculum, quod vix unquam fallere possit. Usurpabis imprimis aureum illud Plinii dictum ad Trajanum: *Singuli decipere, ac decipi possunt, nemo omnes, neminem omnes fesellerunt.*

Contra verò, si tibi, causæq; tuæ rumor adversetur, erit amplificanda verbis Famae levitas, atq; inconstantia, quæ sæpè viris integerrimis maculas amat aspergere. Dices, ex opinione magis quam ex veritate res affirmari solere. Usurpabis auream Senecæ, opinor, sententiã: *Pessimè argumentum turba est.*

Dices cum Juvenali Sat: 1.

Dat veniã corvis, vexat censura colūbas.

Addere deniq; poteris de fama cum Virgilio Æneid: 4. & cum Tertuliano etiam, in Apologetico, quod nimirū sit: *Tā ficti, praviq; tenax, quàm nuntia veri.*

Ita Tullius pro Planeo iudices obsecrat,

nè diffeminatis rumoribus fidem habeant: Illud unum vos magnopere oro, atq; obsecro, cum hujus, quem defendo, cum communis periculi causa, ne fictis auditionibus, ne diffeminato, disperfoq; sermone fortunam innocentium subiciendas putetis.... Nihil est tam voluere, quam maledictum, nihil facilius emittitur; nihil citius excipitur, nihil latius dissipatur.

Quid sunt Tabulae?

R. Nomine Tabularum intelliguntur omnia testimonia scripto exarata, quibus pacta conventa, contractus, codicilli, stipulationes, testamenta, & alia id genus continentur.

Quid est Jusjurandum?

R. Est affirmatio, vel negatio rei alicujus, ritu religioso facta, & Deo Optimo Maximo in testem appellato. Sic olim Scipio apud Livium lib: 23. *Si sciens falso, ut me jupiter Opt: Max: domum, amiliam, rem; meam pessimo (a) letho afficiat. Quod si sortè juramenti fidem velis infirmare, dices cum eloquentissimo illo (b) Massiliæ Sacerdote Salviano: Plures invenias, qui sapius pejerent, quam qui omnino non jurarent.*

(a) Letho ita lapides antiqui. (b) Salvianus Scriptor eloquentissimus Treviris natus, floruit Massiliæ sæculo quinto.

rent. Et rursus idem Salvianus lib: 4. *Sz pejeret Francus, quid novi facit? Qui perjurum ipsum, sermonis genus putat esse, non criminis.*

Quid sunt Tormenta, sive Quæstio?

R. Sunt cruciatus, vi quorum veritas extorquetur à reïs. Valet autem plurimum locus ille ad faciendam fidem, si post quæstionem reus in facti confessione perseveret. Facit item maximopere ad probandam ejus, qui accusatur, innocentiam, si tormentis adduci non potuit, ut crimen facteretur.

Quomodo infirmari poterit locus ille?

R. Dices periculosam esse, fallacemque confessionem, quæ tormentorum vi exprimitur; quandoquidem compertum est, bene multos innocentes vi tormentorum, ac metu doloris, ad falsa dicenda per sepe fuisse adactos; poterisq; hoc loco usurpare sapientissimam illam Viri clarissimi Hugonis (a) Grotii sententiam **MENTIETUR** qui ferre poterit; **MENTIETUR**, qui ferre non poterit. Ita etiam Cicero pro Sylla:

Quæstiones, inquit, servorum, ac tormenta nobis accusator miniatur, in quibus

(a) Hugo Grotius Batavus, Vir summe, & exquisitissime literaturæ, obiit Annò 1645.

bus quamquam nihil periculi suspicamur, tamen illa tormenta gubernat dolor, moderatur natura cujusq; cum animi tum corporis, regit quæsitio, flectit libido, corrumpit spes, infirmat metus, ut in tantis rerum angustiis, nihil veritati loci relinquatur.

Quid sunt Testes?

R. Sunt, qui de re, quæ vocatur in controversiam, voce, vel scripto testimoniū ferunt. Accedit huic testificationi majus pondus, atq; auctoritas: 1. Si testes sint oculati. 2. Si sint jurati. 3. Si viri probi atq; integerrimi. 4. Si sint viri illustres, ac primarii. 5. Si nulla nec spe, nec cupiditate impulsī testimonium dicant.

Porrò Testimonium potest esse vel humanum, vel divinum. Humanum est illud, de quo supra dictum est. Ad divinū referebantur olim oracula, seu voces Dei ipsius; Auspicia, seu Auguria, quæ erant testimonia ex avium volatu, cantu, passuq; duci solita; Vaticinationes, quæ erant responsa Vatum; responsa denique Sacerdotum, & Haruspicum, qui vel interpretabantur somnia, vel ex extorum inspectione, futura conjiciebant; unde vocabantur *Conjectores*. Ad divinum, humanumq;

numq; testimonium spectat vulgaris illa,
sed egregia Lucani sententia de Cæsare,
ac Pompejo.

.... Quis iustius induit arma.

Scire nefas, magno se Iudice quisq; tue-
tur.

(toni.

Victrix causa Diis placuit; sed victa Ca-

Quomodo infirmatur locus à testibus?

1. Infirmabitur locus ille, si dicas, Te-
stes esse homines vel infames, vel leves,
ac futiles, vel servos, domesticos, amicos,
aut quomodocunq; suspectos. 2. Si ostē-
das illos non secum ipsis cohærere, sed
pugnantia loqui. 3. Si graviores Testes
illis opponas. 4. Si conjecturis, & argu-
mentis, illorum testimonii futilitatē de-
monstres. 5. Deniq; si dicas, testes illos
esse homines infimæ sortis, atq; egentis-
simos, qui facile subornari potuerint.

C A P U T III.

*De secunda Inventionis parte, seu de
motibus excitandis.*

ORatoris munus, ac partes sunt primū
ut persvadeat, doceatq; audientium
animos: deinde ut eosdem moveat, in-
flammet ac flectat. Diximus in prima
hujusce libri parte de argumentis ad do-
cendum, & ad fidem faciendam idoneis.
Postulat nunc instituti nostri ratio, ut
motuum,

motuum, siue affectuum concitandorum fontes aperiamus; dicamusq; , qua ratione faces, ac stimuli sint auditorum animis subjiçendi, quod est in Oratore præcipuum. Siquidem homines affectu magis, quàm ratione ducuntur, & quod approbant bonum, non semper amplectuntur, exemplo Medæ illius Ovidianæ (a)

... Video meliora, proboque:

Deteriora sequor ...

Sed antequam affectus omnes sigillatim persequamur, pauca quædam, ut sit, de illorum natura, numeroq; præmittamus.

Quid est affectus?

R. Est animi sentientis, ex opinione boni, vel mali nata, commotio. Vel ut clariùs dicam: est quidã animi impetus, quo impellimur vehementius ad aliquid vel appetendum, vel averſandum.

Quot sunt Affectus?

R. Sunt, qui cum Stoicis: quatuor tantũ statuunt affectus: duos circa bonum, nẽpe *Spem*, & *gaudium*: & duos circa malũ, scilicet *tristitiam*, & *metum*. Quatuor hosce motus eleganter expressit Virgilius *Æneid*: 6. cùm ait: *Hinc metuunt, cupiuntque,*
do.ent,

(a) *Me amor: lib: 7.*

dolent, gaudentq;. Eosdem (a) Bœtius
hæc quatuor versiculis est complexus.

Gaudia pelle,

Pelle timorem:

Spemq; fugato:

Nec dolor adfit.

Philosophi verò longè plures statuunt af-
fectus, de quibus ita dicemus, ut primò
illorum definitionem asseramus, deinde,
quomodo sint excitandi, quàm accuratissi-
mè præcipiamus.

§. I. De Amore, & Odio.

Quid est Amor?

1. Est affectus, quo alicui bene volumus,
eiq; benefacimus; non nostrâ, sed illius
causâ. Ubi vides tres omnino esse ger-
mani amoris conditiones, ac dotes. 1.

Est, ut ei, quem amamus, optemus bo-
na, vel saltem, quæ bona esse arbitra-
mur. 2. Conditio est, ut quæ bona judi-
camus, non optemus illi duntaxat, sed
etiam pro virili parte procuremus, ut e-
nim ait Julius Scaliger: (ctum,

Tu si animo fortè velis (b) cui benefa-
Addas operam: sola, cadaver est volûtas.

3. Conditio est, ut ita simus animati,
(non

(a) Severinus Bœtius, ingenio, eruditione, &
Poesi nabilis, capite truncatus à Rege Theo-
dorico Annò 626. (b) Cui pro alicui.

non propter propriam utilitatem, sed illius causâ, quem diligimus. Nam, ut ait Cicero, si ad fructum nostrum referemus, nō ad illius commoda, quem diligimus, non erit ista amicitia sed mercatura quædam utilitatum suarum.

Quò differt Amor ab Amicitia?

R. Differt, quod fit verus amor, etsi qui amat, non redametur; in amicitia verò requiritur amor mutuus. Unde Aristoteles rogatus, quid esset amicus, pulchre respondit: (a) *Anima una in duobus habitans corporibus*:

Quò pacto conciliandus est amor?

R. Amoris conciliandi causæ, ac viæ præcipuæ sunt. 1. Excellens quædam, & rara virtus. Ita Ilioneus Trojanorum Orator, præclaram Æneæ virtutem collaudando, Didonem illi conciliare conatur. *Æneid: 1.*

Rex erat Æneas nobis, quo justior alter
Nec pietate fuit, nec bellō major, & armis.

2. Utilitas, & collata beneficia. Ita Cicero Miloni benevolos mirificè facit iudices ab ejus in patriam beneficentia: *Hiccinè Vir Patriæ natus, usquam nisi in patria morietur? &c.* Sic etiam ventorū rex

Æolus,

(a) *De Naturæ Deorum.*

Æolus, cōmemoratis Junonis erga se beneficiis suum erga illam gratum, ac memorem animum testatur: (a)

Tu mihi quocumq; hoc regni, tu sceptrā Jovemq; (vūm, Conciliās, tu das epulis accumbere Dinimborumq; facis, tempestatemq; potentem.

2. Nulla re magis comparatur amor, quā amore mutuo, ut monet pervulgata illa Senecæ vox: *Si vis amari, ama.* 4. Deniq; conciliatur amor, oris ac corporis dignitate, si sit cum virtute conjuncta: unde rex Evander apud Virgil: lib. 8. . . . Sed cunctis altior ibat.

Anchises. Mihi mens Juvenili ardebat amore (dextrā.

Compellare virum, & dextrā conjungere
Quid est Odium?

3. Est affectus animi aversantis id, quod malum esse putatur.

Quanam arte concitandum erit Odium?

4. Ex iis, quæ de amore diximus, facile cuivis patebant Odii fontes, quod erit à contrariis capitibus excitandum, nimirū ab insignibus vitiis, ab improbitate, superbiaq; ab illacis injuriis. Cujus rei mirificum habes exemplum apud Corneliū

(a) *Æneid: 1.*

lium Tacitum in Agricolæ vita, ubi magnanimus ille Galgacus suorum Brittanorum animos adversus Romanos hæc eximia oratione irritare conatur.

Galgaci oratio contra Romanos apud Tacitum.

Raptores orbis, postquam cuncta vastatibus desuere terræ, & mare scrutantur. Si locuples hostis est, avari: si pauper, ambitiosi, quos non Oriens, non Occidens satiaverit. Soli omnium opes, atq; inopiam pari affectu concupiscunt. Auferre, trucidare, rapere: falsis nominibus Imperium: atq; ubi solitudinem faciunt, Pacem appellant. Liberos cuiq; ac propinquos suos naturæ charissimos esse volunt. Hi per defectum alibi servituri auferuntur. Coniuges, sororesq; etsi hostilem libidinem effugiant; nomine amicorum, atq; hospitem pelluntur. Bona, fortunasq; in tributum egerunt, in annonam frumentum Corpora ipsa, ac manus silvis, ac paludibus emuniendis, verbera inter ac contumelias conterunt. Nata servituti mancipia semel veneunt, atq; ultro à dominis aluntur. Britannia servitutem suam quotidie emit, quotidie pascit, &c.

§. II. De Metu, Spe, & Audacia.

Quid est Metus, sive Timor?

1. Est perturbatio nata ex opinione mali impendentis.

Quænam sunt artes, & industria concitandi metus?

1. Tres sunt potissimum. Prima est, si denuntietur malum aliquod magnum, ac grave, ut bellum, pestilentia, pauperies, infamia, infelix æternitas. 2. Si offendatur mali vicinitas, imminensq; periculum: neq; enim solent homines metuere vel ipsam mortem, si longe remotâ arbitrentur; at illius horrore concutiuntur, ubi urget morbus, pestilentia, vel naufragium; (a)

Præsentemq; viris intentant omnia mortem.

Hac arte mirabiliter suo more utitur Tullius in 2. Catilin: ubi funesta Catilinæ consilia, & impendentes urbi calamitates ita describit: Videor mihi hanc urbem videre, lucem orbis terrarum, atq; arcem omnium gentium, subito uno incendio concidentem. Cerno animo sepultâ patriam, miseros, atq; insepultos acervos civium. Versatur mihi ante oculos aspectus

a) Æneid: 1.

Stus (b) Cethegi in vestra cæde bacehan-
tis. Quapropter de summa salute vestra,
Populiq; R. de vestris conjugibus ac libe-
ris, de fanis, ac templis, de libertate, ac
salute Italiæ, deq; universa Republica de-
cernite diligenter, ut instituisis, ac for-
titer.

Eadem arte Æneas Anchisem patrem
humeris gestans, apud Virgilium lib: 2.
timorem suum sic exponit ab immi-
nentis calamitatis magnitudine:

Succedoq; oneri: dextræ se parvus Iulus
Implicuit, sequiturq; patrem non passibus
æquis:

Pone subit conjux. Ferimur per opaca
locorum (vebant

Et me, quem dudum nō ulla injecta mo-
Tela, neq; adverso glomerati ex agmine

Graji, (omnes.

Nunc omnes terrent auræ, sonus excitat
Suspensum; & pariter comitiq;, oneriq;
timentem.

3. Concitandi metus industria, & ars hæc
est, si proponatur malum, non publicum
duntaxat, & commune, sed privatum, &
proprium. Solent enim nos privata mul-
tò magis tangere, & aciori doloris senti-
ferire,

(b) Cethegus unus è Principibus conjura-
tionis Catilinarie.

ferire, quàm publica: et si homines vulgò
videri malint publicò potius dolore mo-
veri, quàm suo.

Hoc probe intellexerat olim nòbilis
ille Græcus histrio, nomine Polus, qui
Athenis acturus fabulam Sophoclis, cum
representandus esset dolor Electræ ge-
stantis cineres Orestis, clanculum eruit
è sepulchro cineres, ossaq; filii, quem a-
maverat unicè, urnamq; detulit in scenâ,
& cum lugere videretur aliena mala, de-
flebat sua. Ita A. Gellius lib: 7.

Quid est Spes?

R. Est gaudium ex opinione imminen-
tis boni.

*Quænam sunt incitamenta, animum ad
Spem erigendi?*

R. Hæc duo numerantur: 1. Honestas,
& magnitudo boni: 2. Præsidia certa ad
illud comparandum, qualia sunt opes,
vires, industria, prudentia, amicitia, ad-
versariorum imbecillitas, & favor divi-
nus. Hinc Tullius Romanos ad certam
victoriæ spem excitat sanè luculenter. 2.
Catil: Instruite nunc, Quirites, contra has
potam præclaras Catilinæ copias, vestra præsidia,
vestrosq; exercitus; & primum gladiatorum illi
confecto, & saucio, Consules, Imperatoresq;
vestros opponite, deinde contra illam naustra-

gorum electam, ac debilitatam manum, florem
totius Italiæ & robur educite. Hinc etiam
Æneas suorum animos mirum in modū
erigit, & bene sperare jubet. Æneid: i.
O! passi graviora, dabit Deus his quoq;
finem.

Vos, & (a) Scyllæam rabiem, penitusq;
sonantes (saxa

(b) Accessis scopulos vos & Cyclopeia
Experti revocate animos, mœstumque
timorem (juvabit;

Mittite; forsā, & hæc olim meminisse
Per varios casus, per tot discrimina re-
rum (quietas

Tendimus in Latium; sedes ubi sata
Ostendunt; illic fas regna resurgere Tro-
jæ, (dis.

Durare, & vosmet rebus servare secun-
Ad spem pertinet Audacia, seu confi-
dentia; quæ est affectus quidam animi
adversus futurum malum, quamvis ar-
duum ac difficile, quod tamen vinci pos-
sit, consurgentis.

Quomodo concitatur audacia?

R. Iisdem ferme artibus, quibus Spes.
Ita magnanimus Hannibal, trajectō Rho-
danō, Italiam rectā petens, suos milites
hor-

(a) Siciliam aut Æthnam. (b) Accessis
pro Accessis is per syncopen.

hortatur, apud Livium de ead. 3. Ut ob-
 structarum nivibus Alpium difficultates
 superent, Romanorumque vires conte-
 mnant: Quid aliud Alpes esse creditis, quam
 montium altitudines? Fingite altiores Pirene-
 is; An terras, aliquas cælum contingere, & in-
 expugnabiles humano generi esse creditis? &
 aliò locò: Cum eo nimirum hoste res est nobis,
 qui nec bonam, nec malam ferre fortunam po-
 test; seu vicit, ferociter inflat victis; seu vi-
 ctus est, instaurat cum victis certamen.

Hæ eadem ratione, audax Turnus suorū
 Latinorum animos ad pugnam accendit.

Æneid: 10.

(esto

In manibus Mars ipse, viri. Nūc conjugis
 Quisq; suæ, tectiq; memor, nunc magna
 referto.

(ad undam,

Facta patrum, laudesq; Ultra occurramus.

Dum trepidi egressisq; labant vestigia

Audentes fortuna juvat.

(prima:

Multum etiam addit fiducia persuasio
 de favore divino: Hinc illa Tolumnii

Auguris audacia, Æneid: 12.

Tum verò augurium Rutuli clamore
 salutant,

(us augur,

Expediuntq; manus, primusq; Tolumni.

Hoc erat, hoc votis, inquit, quod sæpe
 petivi.

(ferrum

Accipio, agnoscoq; Deos me, me, duce

Corripite, o miseri....

§. III. De Misericordia.

Quid est Misericordia?

R. Est dolor animi, & ægritudo quædam ex malo alterius, præsertim immerito laborantis. In hoc excitando commiserationis affectu, triumphare solet magni Orationis industria. Siquidem, ut vulgò dicitur: *Lachrymæ auditorum, sunt laus Orationis vel maxima.*

Quænam sunt artes ad misericordiam concitandam idoneæ?

R. Variæ ac multiplices sunt artes. Prima est; si qui malum patitur, eo plane indignus esse dicatur. Unde ad concitandam misericordiam valet hoc Virgillii (a)

Nec te tua plurima Panthæ, (xit.
Labentem pietas, nec Apollinis insula te-
2. Est; si de patria, vel de nobis privatum bene meritus fuisse ostendatur. Hoc artificio mirè usus est senior Horatius apud Liviam; ut ob filium interfectam sororem, parricidii reum, ab imminente morte liberaret.

Oratio P. Horatii ad Populum pro filio parricidii reo. Livius lib: I.
Hunc cene, quem modo decoratum, ovantemq;
victoria

(a) *Æneid: I.*

victoriā incedentem vidistis, Quirites, eum sub furca victum, inter verbera; & cruciatus videre potestis? Quod vix Albanorum oculi tam deforme spectaculum ferre possent. I lictor, colliga manus, quæ paulo ante armatæ Imperium populo Romano pepererunt. I caput obnube liberatoris hujus urbis: arbori infelici suspende; verbera; vel intra Pomærium, modo inter illa pila, & spolia hostium, vel extra Pomærium, modo inter sepulchra Curiatorum. Quo enim ducere hunc juvenem potestis, ubi non sua decora eum à tantâ fœditate supplicii vindicent.

3. Ars est, si calamitatis magnitudo, vel diuturnitas, cæteræq; hujusmodi circumstantiæ luculenter exponantur.

4. Ars hæc est, si triſtia quædam recentis miseriæ signa, monimenta; ob oculos auditorum ponantur, cruentæ vestes, vel ipsum mortui cadaver, aut imago. -- Nam, -- ut -- monet -- Horatius Segnius irritant animos demissa per aures Quam quæ sunt oculis subjecta fidelibus...

Sic M. Antonius, qui postea Triumvir fuit, prolata Julii Cæsaris veste purgionibus, ac gladiis perforata, sanguineq; eruentata, Romanam plebem ita accendit, ut ad conjuratorum ædes inflamas e vestigio provolaverit. Sic Clotildis

Clodovei filia durè & inclementer habita: à marito Almarico Visigothorum Rege, cum sudarium, suo imbutum sanguine ad fratres suos Francorum Reges misisset, (a) immane illud bellum excitavit, quo res Visigothorum penitus attritæ, deletæq; fuerunt. Sic olim summus ille Orator Antonius, cum defenderet Aquilium, in causa peroranda, tunicam ejus diloricavit, ac discidit è pectore, & adversas senis cicatrices iudicibus ostēdit..

Sic etiam Æneam flectere Dido conatur apud Ovidium in Heroide, hac lamētabili sui imagine, ac p̄ctura.

Aspicias utinam, quæ sit scribētis imago!
Scribimus, & gremio Troicus ensis adest..
Perq; genas lacrymæ strictum labuntur
in ensē, (erit..

Qui jam, pro lacrymīs, sanguine tinctus:

§. IV. De Ira, & Indignatione..

Quid est Ira?

R. Dicere possum cum Horatio: *Ira brevis furor est.* Sed malo cum Aristotele, sic illam definire: *Ira est sua, propter contemptum, ulciscendi cupiditas cum dolore conjuncta.* Unde non maximopere differt ab odio, quod est *Ira quædam inveterata.*

Quomodo excitatur, & incenditur Ira?

R.

(a) Gregorius Turonensis, lib: 3. cap: 10..

R. Accenditur commemoratione illatæ injuriæ, si præsertim injuria fit cum contemptu conjuncta; Hinc nimirum apud Virgilium Æneidos i. tantopere effervesceit Junonis ira contra Trojanos, ob spretam à Paride Trojano formam suâ, & Hebem filiam Ganymedi Trojano postpositam:

----- Manet alta mente repositum
Judicium Paridis, spretæq; injuria for-
mæ;

(honores.
Et genus invisum, & rapti Ganymedis
Et rursus in eodem libro suam iram sic
excuscat eadem Juno:

At ego, quæ Divum incedo Regina, Jo-
visq;

(nos
Et soror, & conjux una cū gente tot an-
Bella gero, & quisquam numen Junonis
adoret?

(rem?
Præterea? aut supplex aris imponat hono-

Quò verò, quis est gloriæ appetentior,
vel dignitate illustrior, hoc ob sui contē-
ptum, vehementius solet irasci. Cujus
rei memorabile in primis est exemplum
Narfetis Eunuchi, rei militaris gloriâ
præstantissimi. Is enim post res sortiter
gestas adversus Totilam Gothorum Re-
gem, cū invidiâ quorundam à Justino
Imperatore Italiæ præfectura fuisset exu-

tus, atq; etiam ab Imperatrice Sophia, impotentis animi fœmina, virulentò hujusmodi fuisset impetitus convitiò: *Narse-tem Eunuchum ad pensa; lasasq; cum fœminis esse relegandum:* illud adedò acerbè tulit, ut se tetam brevè orfurum dixerit, quam Imperator; & Conjax; dum viverent, nulla vi, industriaq; retexere possent. Ac pulò post, evocatis in Italiam Longobardis, Imperatori magnam Italiæ partem ademit.

Quid est Indignatio??

R. Est dolor percèptus, ob secundas res, bonaq; alterius, qui hac felicitate judicatur indignus; ut apud Maronè *Eclòg: 1.* Impius hæc tam culta novalia miles habebit??

Barbarus, has segetes??

Hujusmodi etiam illud Eclògæ 8.

Mopso Nisa datur: quid non speremus amantes?? (sequenti

Iungentur jam (a) gryphès equis, ævoq; Cum canibus timidæ venient ad pocula damæ.

Quomodo ab invidia differt Indignatio??

R. Hòc differt, quòd indignatio sit tantum in indignos, eò, quòd fruuntur bonò, ut

(a) Gryphus genus ferarum omnino fœbulosum cum alis, & capite aquilæ, & reliquo corpore canino, vulgò Grifo.

ut vel ex ipso nomine liquet. Unde indignatione præsertim suscipitur ab his, qui sunt viri probi, & honoris cupidi; quia boni ferunt indignè malos florere: & honoris studiosi indignantur, immerentes anteferri sibi. Invidia verò est erga bonos, & sua felicitate dignos.

Quomodo concitatur indignatio?

R. Excitatur duplici modo. 1. Si vitæ prioris sordes, & vilitas cum præsentis temporis opibus, potentia, & arrogantia præsertim conferantur. 2. Si hominis, in quem indignamur, vitia cum viri, cui antefertur, virtutibus comparentur. Ex primo capite Tullius indignationem ita movet in Vatinius: *Atq; illud tenebricosissimum tempus ineuntis ætatis tuæ patior latere . . .* Deinde commemorat, ut homo vilis, & obscurus, paulatim ad honores accesserit; tandemq; illa subjungit: *Te cognati respuunt, (a) tribules execrantur, vicini metuunt, affines erubescunt, strumæ deniq; ab ore improbo demigrarunt, & aliis jam se locis collocarunt.* Quasi nempe adeo sit impurus, ut vel ipsæ strumæ, sædum hominem avertentur.

Similiter Horatius indignationem concitavit adversus Menam Pompeji magni libertum, in hac Oda ceterò notanda:

(a) Ex eadem Tribu.

Li-

Licet superbus (a) ambules pecuniâ,
Fortuna non mutat genus.

Videsne, sacram (b) metienti te viam,
Cum bis ter ulnarum toga.

Ut ora vertat huc; & huc euntium
Liberrima indignatio?

Secus flagellis hic (c) triumphalibus,
Præconis ad fastidium;

Arat Falerni mille fundi jugera,
Et (d) Appiam mannis terit.

Sedilibusq; magnus in primis eques,
O thone contempto, sedet.

Ex secundo capite vehementer indignatur
Ajax, apud Ovidium, quod Ulysses
secū aufit de Achillis iarmis contendere.

..... Agimus, prohi Jupiter!! inquit,
Ante rates causam, & mecum confertur
Ulysses!!

(norem
Præmia magna peti fateor: sed demit ho-
Amulus Ajaci. Non est tenuisse superbū,
Sit

(a) Menas, cum ab hero Pompeji defecisset,
ad Augustum, ab illo Tribunus militum fuit
creatus. (b) Via sacra sic dicta, quod ad
Jovis templum & Capitolium recta duceret.
(c) Judicia de servis, ac furibus, exercebant
tres iudices, qui triumviri capitales diceban-
tur. (d) Via Appia Româ Brundisium usq;
pertingebat; nomen traxerat à Claudio Appio
Cæco, qui eam muniverat.

Sit licet hoc ingens, quidquid speravit
Ulysses.

§. V. De Mansuetudine.

Quid est Mansuetudo?

R. Mansuetudo, seu lenitas, ac clemencia, est motus oppositus iræ; neq; aliter definitur, quam iræ remissio, atq; mitigatio.

Quænam est ars conciliandæ clementiæ?

R. Mitigabitur ira, & conciliabitur mansuetudo, primo ingenua quadam culpæ confessione, ac dolore. Ita Cicero, Cæsarem, iratissimum licet, tamen Ligario placavit: *Ad iudicem sic agi solet; sed ego ad patrem loquor: erravi, temere feci, pœnitet, ad clementiam tuam confugio; delicti veniam peto; ut ignoscas, oro; si nemo impetravit, arroganter, si plurimi, tu idem ser opem qui spē dedisti.*

2. Facit ad placandam iram humilitas, & supplicis animi demissio, præsertim apud hostem magnanimum: ut enim pulchre ait Ovidius lib: 3. Tristium.

Corpora magnanimo satis est prostrasse:
Leoni.

Pugna suum finem, dum jacet hostis, habet. (libri 6.)

Addere poteris cum Virgilio tritum illud
..... Romæ: memento.

Parcere subjectis, & debellare superbos.
3. Ad

3. Ad delinendam iram, maxime sunt adhibendi, qui minùs habent roboris, & quos de vi inferenda cogitare, nulla est suspicio, eujusmodi sunt pueri, fœminæ, senes, sacrorum intistites. Ita legimus; in sacris paginis Davidis iram ab Abigail, iram (a) Artaxerxis ab Esthere fuisse repente mitigatam. Romana quoq; historia testatur, Sabinarum interventu, Romulû inter, & ratium, fœdus iuitum fuisse. Itē Voluniana, & Veturia Martium Coriolanum, patriæ funestum bellum inferentem, à noxiò proposito dimoverunt.

4. Facit plurimum ad iram molliendâ, si scias, & captes, molles aditus, & comoda sandi tempora; quale est tempus convivii, ludi, fausti alicujus successus, victoriæ, festivitatis, ac lætitiæ publicæ; quo tempore solent homines ad mansuetudinem esse propensiores.

5. Si prudenter ostendas, quantum præstet mansuetudo cupiditati, vindictæ; ut rectè monet Juvenalis hisce versibus aureis Sat: 13.

Quippe minuti.

(voluptis

Semper & infirmi est animi; exiguique

Ultio; continuo sic collige, quod vindicta

Nemo

(a) Artaxerxes in sacris codicibus dicitur
Agerus.

Nemo magis gaudet, quam foemina.

6. Deniq; valet plurimum ad clementiam, si dicas, qui peccavit; non dedit opera, non dolò malò peccasse, nec id egisse, ut eum contemneret, quem habet iratum; sed vel incautum, vel errore humano deceptum, vel necessitate adactum, peccavisse. Vide, qua dexteritate locum hunc tractet Tullius ad Cæsarem M. Marcellum placandum: Atq; hoc C. Cæsaris iudicium P. C. quam latè pateat, attendite. Omnes enim, qui ad illa arma fatò, fuimus, nescio quò, Reipublicæ misero, funestoq; compulsi, etsi aliquà culpà tenemur erroris humani, scelere certè liberati sumus. Nam cum M. Marcellum, deprecantibus vobis, Reipublicæ conseroavit, memet mihi, & item Reipublicæ, nullo deprecante, reliquos amplissimos Viros, & sibi ipsis, & patriæ reddidit; quorum, & frequentiam, & dignitatem hoc ipso in consessu videtis. Nò illos hostes induxit in curiam, sed iudicavit à plevisq; ignoratione potius, & falso atq; inani metu, quam cupiditate, aut crudelitate, civili bellum esse susceptum.

§. VI. De Emulatione.

Quid est Emulatio?

R. Est dolor ex aliena felicitate susceptus; non quod illi contigerit, sed quod nos illa cercamus. Hinc liquet Emulationem esse in

se in laude ponendam, & ad perdiscendū bonas artes, plurimum valere. Sunt enim: Æmulationi obnoxia, quæ maxime præclara, ut virtus, honores, doctrina, gloria, &c.

Quid interest Æmulationem inter, & Invidiam?

R. Æmulationem bonam, esse laudabilem, & honestam, quia nos excitat, ut ipsi quoq; bona consequamur; contra vero invidia vitiosa est, turpisq; quia id agit. ne alter bonis potiatur, ut ait Horatius: Invidus alterius rebus marcescit opimis.

Quomodo excitari potest Æmulatio?

R. Excitatur majorum exemplō, nominis gloriā, & propositis illustrum virorū egregiis facinoribus. Ita Andromache Æneid: 3.

Quid puer Ascanius? superatne, & vescitur aurā?

Ecquid in antiquam virtutem; animosq; viriles

Et puer Æneas, & avunculus excitat Hector?

Ita magnus ille Alexander cum ad Achilles tumulum aditisset, ejus gloriam & felicitatem æmulatus, O fortunate, inquit, adolescens; qui tuæ virtutis Homerum præconem inveneris! Et ille Historicorum Princeps

Thucy.

Thucydides, adhuc adolescentulus, cum forte suam historiam Herodotus legeret, ita gloriæ stimulis agebatur, ut lacrymas tenere non posset. Quò animadversò, Herodotus ejus patri dixit: *Nè tu sanè beatus es, qui filium habeas sic avidum gloriæ, & laudis appetentem.*

Concluditur doctrina de Affectibus generali præcepto.

Hactenus de affectibus dictum est; in quibus illud generatim est observandū, quòd apud Ciceronem (a) monet Antonius: Ut omnes motus, quos Orator adhibere volet judici, in ipso oratore impressi, atq; iniusti esse videantur. Neq; enim facile est perficere, ut irascatur, cui tu velis, iudex, & tu ipse id lentè ferre videare, neq; ut viderit eum, quem tu velis, nisi te ipsum flagrantem odio ante viderit; ad misericordiam adducetur, nisi ei tu signa doloris tui, verbis, sententiis, voce, vultu, collatione deniq; ostenderit. Ut enim nulla materies tam facilis ad exardescendum est, quæ nisi admoto igni, ignem concipere possit; sic nulla est mens, tam ad comprehendendam vim oratoris parata, quæ possit incendi, nisi inflammato ipse ad eam & ardens accesseris.

Opti.

(a) *Lib: 2. Orat.*

Optime igitur monet Horatius in arte
Pœtica :

..... Si vis me flere, dolendum est
Primum ipsa tibi, tunc tua me infortunia
lædent.

Finis Libri Secundi.

ARTIS RHETORICÆ
LIBER TERTIUS
DE DISPOSITIONE.

Quid est Dispositio?

R. Dispositio definitur à Cicerone: *Re-
rum inventarum in ordinem distributio.*

Quanam est Dispositionis utilitas?

R. Non minus necessaria est Dispositio
ad fidem faciendam, & ad motus excitan-
dos quàm instructio exercitus ad pugnam,
ac victoriam; quàm in humano corpore
conformatio membrorum; ad gratiam, &
venustatem; quàm in ædificio lapidum,
cæmentiq; apta compositio; ad ædiū o-
portunitatem, & elegantiam. Unde me-
ritò præcipit Horatius in arte Pœtica:

Singula quæq; locum teneant sortita
decenter.

Sanè ordo ubi adest, res audiuntur li-
bentius, audita intelliguntur facilius, &
intellecta diutius inhærent. Si verò negli-
gatur dispositio, sit nimirum monstrum
illud.

illud ex variis animantibus conflatum, quod artis initiò scite pingit idem Horat. Fit, quod eòdem locò reprehenditur.

Velut ægri somnia, vanæ fingentur species, ut nec pes, nec caput uni reddatur formæ.

Quin nullum mihi videtur certius argumentum, cum ita ineondita est oratio, ita perturbata, nihil ut sit primum, nihil secundum. Contrà verò nullum majus indicium artis, & industriæ, quam ordo. Quamobrem cum hætenus actum sit de Elocutione, & de Inventione, in quibus opus est imprimis lepore, atq; ingenio; deinceps videndum de Dispositione, in qua una magis elucet Oratoris judicium, atq; prudentia.

Quisnam ordo servandus est in orationis dispositione; seu quænam sunt orationis partes?

R. Orationis partes vulgò quatuor assignantur: Exordium; Narratio; Confirmatio, seu Contentio, & Peroratio.

Hæc artificiosa dispositio videtur omninò naturæ consentanea. Satis enim novimus; vel ipsâ duce naturâ, ubi quidpiam volumus impetrare: i. Conciliandos esse animos eorum, quibuscum agimus, & hoc est Exordii munus: deinde exponendum esse illud, quod petimus, & hoc est

est Narrationis. 3- Afferendas esse rationes, quibus ostendatur illud concedendū nobis esse, & hoc efficit Confirmatio: deniq; preces addendas, aut alios motus adhibendos, quibus impelli vehementius auditorum animi possint, & hoc Peroratione consequimur.

Sunt, qui non quatuor duntaxat, sed sex omnino velint esse partes orationis; nempe Exordium, Divisionem, Narrationem, Confirmationem, Confutationē, & Perorationem, quas etiam ajunt indicari pervagatissimō isthoc versiculō.

Exorsus, narro, seco, firmo, refuto, perero.

Verūm, si rectē res æstimare velimus; Partitio cum Propositione revocatur ad Exordium: Confutatio verò redit ad Confirmationem. Unde liquet, quatuor tantū esse statuendas orationis partes, quarum quædam valent ad faciendam fidem, scilicet Narratio, & Confirmatio: reliquæ verò faciunt ad motus excitandos, videlicet Exordium, & Peroratio. Nunc verò de partibus orationis singulatim videamus.

C A P U T I.

De Exordio.

Quid est Exordium?

R. Exordium definitur à Tullio: *Pars orationis, auditorum animos idoneè comparans edū ad reliquam dictionem.* Unde quod in humano corpore caput est, quòd in ædibus vestibulum, hoc est Exordium in oratione. Atq; adeo præcipuà quadam curâ; diligentiaq; præ cæteris orationis partibus, est elaborandum, naturæ ipsius instar, sed quæ in fingendo, atq; ornando capite, potissimum desudare consuevit. Unde etiã Exordium: *difficillima pars orationis* vocatur à Tullio.

Undenam sumpta est Exordii vox?

R. Est Metaphora à textoribus sumpta, qui proprie telam ordiri dicuntur, cum certa quadam lege fila collocant, & ordine illa componunt.

§. I. De variis Exordiorum generibus.

Quotuplex est Exordium?

R. Duplex: Aliud est iustum, ac legitimum, quod etiam temperatum appellatur: aliud est vehemens, & abruptum, siquæ ex abrupto.

Quid est Exordium iustum, ac legitimum?

R. Illud est, quò auditorum animi artificiosa quadam verborum conciliatione præparantur.

Quid est Exordium ex abrupto?

R. Illud est, quò Orator, quasi quodam abre-

abreptus impetu auditores repentino, & inopinato motu percellit. Tale est celebratissimum illud Ciceronis Exordium in Catilinam: Quousq; tandem abutere, Catilina patientiâ nostrâ, &c.

Quomodo fit Exordium ex abrupto?

1. Fit primò per licentiam, seu per liberiores quendam loquendi modum. Sicut apud Livium lib: 2. Mucius Scævola deprehensus in Porsenæ castris. ita illum alloquitur ex abrupto: Romanus sum civis? C. Mucium vocas. Hostis hostem occidere voluis; nec ad mortem minus animi est, quàm ad necem fuit. Et facere, & pati sortia, Romanum est. Nec unus ego in te hos animos gessi. Longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo. Ferrum hostemq; in vestibulo habes regiæ. Hoc tibi Juventus Romana bellum indicimus. Nullam aciem, nullum prælium timueris: uni tibi, & cum singulis res erit.

2. Fit per indignationem, & increpationem, ut eum apud Livium lib: 2.

Veturia filium (a) Coriolanum sic alloquitur: Sine, priusquàm complexum accipie,

(a) Marcius Coriolanus plebis odio in exilium actus, patriæ bellum intulit.

& cipro, sciam, ad hostem, an ad filium ven-
 erim; captiva, maternè in castris tuis
 sum? In hoc me longa vita, & infelix se-
 necia traxit, ut exulem te, deinde hostem
 viderem! Potuisti populari hanc terram,
 quæ te genuit, atq; aluit! Nō tibi, quāvis
 infestō animō, & minaci perveneras, in-
 gredienti fines ira cecidit! nō cum in con-
 spectu roma fuit, succurrit: intra ista mæ-
 nia domus, ac penates mei sunt, mater,
 conjux, liberiq;? Ergo nisi peperissem,
 in roma non oppugnaretur! nisi filium ha-
 berem, libera in libera patria mortua
 essem!

*Quandonam usurpandum est Exordium ex
 abrupto?*

R. Usurpatur potissimū, vel in sum-
 ma aliqua gratulatione, & læticia; vel in
 summa quapiam offensione, aut indigna-
 tione: quibus scilicet omnibus Orator
 extra se rapi videtur quodammodo.

§. II. *De virtutibus, ac vitis Exordii.*

Quæ sunt Exordii dotes, ac virtutes?

R. Quatuor vulgò recensentur: *Proprietas,*
Cura, Verecundia, brevitās.

In quo posita est proprietas Exordii?

R. In eo posita est, ut Exordium sit cum
 reliqua oratione conjunctum, tamquam
 caput cum corpore. 2. Ut sit ex re quasi
 natum,

natum, & ex ipsis causæ visceribus ita depromptum, ut ex illius natura quodammodo videatur efflorescere. Contra verò vitiosum erit, si sit vulgare, ac commune, hoc est, si causis aliis, & fortasse etiam contrariis, possit accommodari: cujus modi exordia lepidè comparantur ephippio, quod equis bene multis accommodaretur, vel gladio Delphico, qui ad hunc modum factus fuit, ut eodem, & sacras mactarent victimas, & supplicio nocentes afficerent.

2. Vitiosum erit Exordium, si sit cōputabile, hoc est, si leviter mutatum, ab adversario possit usurpari. Si sit procul accersitum, longiusq; petatum, vel si nihil ad rem pertineat. Quæ Exordia similiter se habent, ac

Humano capiti cervicem pictor equinum ungere si velit.

Quale etiam fuit Exordium inepti illius caufidici, qui de lite inter duos vicinos acturus, Exordium petivit ab Adamo, vixq; ad diluvii tempora tandem pervenit.

In quo posita est Exordii cura?

R. In eo posita est, ut Exordium sit plenum dignitatis, sit accuratum, & acutū, sit aptum verbis, & instructum sententiis, & quod periti solent Architecti, vestibula, aditusq;

aditusq; ad causam faciat illustres, inquit
Tullius: Prima quippe Oratoris cōmen-
datio proficiscitur ab Exordio, quod si ne-
gligentius tractatum fuerit, reliqua omnia
fastidiet, & nauseabit auditor. Ut enim
optime monet Fabius, pessimus sane vi-
detur gubernator ille, qui è portu solvens,
statim ad scopulos navem appellit. Cave-
at tamen Orator, ne quod saepe contin-
git, Exordii nimis picti, & nimis artifi-
ciosi splendore, ac concinnitate, præsti-
giarum ac fraudis suspicionem auditori-
bus præbeat.

In quo consistit exordii verecundia?

R. In eo consistit, ut Orator dicere
incipiens, præ se ferat ingenuum illum
pudorem, quem in Oratore summo L.
Crasso, tantopere laudabat Cicero: Fuit
enim, inquit, in L. Crasso pudor quidam, qui
non modo non obesset ejus orationi, sed etiam
probitatis commendatione prodesset. Et ipse
etiam L. Crassus de se sic confitetur l. i.
de Oratore: In principiis dicendi, tota mente
atq; omnibus artibus contremisco. Sciebat
enim summus ille dicendi artifex, & do-
ctor, offendi solere auditorum animos,
si Orator velut exultans, sibiq; præfidēs,
ad dicendum accedat.

In quo posita est brevitās Exordii?

M

3. In

4. In eo posita est, ut Exordium reliquæ orationis magnitudini sit accommodatū, & ut insani verborum circuitione, nō producat̄ longiūs, quam par sit. Neq; enim profectō cubitali Pygmæi corpori caput giganteū, aut humili tugurio valvæ prægrandes, ingensq; vestibulum affigi debet. Quod si fiat, bellissimè sanè quadrabit in enormia id genus proœmia sacetum illud Diogenis dictum ad (a) Myndios, qui suo oppidulo grandes, & magnificas fores affixerant: *Viri Myndi, portas claudite, nē urbs exeat.*

Nolim tamen, orationi nullum jungatur Exordium, ut olim in Areopago fieri solitum accepimus, ubi dicebant Oratores: *Sine Exordio, sine affectibus, sine epilogo,* inquit Julius Pollax: & ut etiam à Xenophonte scætitatum legimus, qui sic exorditur: *Darius, & Parisatis duos habere filios.*

Nolim etiam, orationi, ceteroqui longulæ, brevissimum, ut nonnulli solent, affigatur Exordium: neq; enim ingentē Basilicam decent exiguæ fores; aut giganteo corpori, Pygmæi caput; vel ingenti celoſso, globulus impositus.

§.

(a) Myndus Oppidulum Garie, in Aſia minori,

§. III. De variis Exordiorum fontibus.

Varii sunt fontes, unde derivari solet

Exordium iustum, ac legitimum.

Nos hic præcipuos indicabimus.

1. Exordium recte ducitur ab adjunctis personæ, rei, loci, ac temporis; atq; hic erat fons notus, ac familiaris Tullio, qui hinc ferme solebat exordiri. In oratione pro M. Cælio exorditur à temporis insolentia: quippe die festo, contra, quam fieri soleret, causam dicere cogebatur. Exordium Milonianæ ducitur: 1. à persona adversariorum, qui armati forum obsidebant: 2. à persona Pompeji iudicis: 3. ab insolita iudicii forma. Pro Rege (a) Dejotaro, ducit exordium ab angustiis loci, in quo habita fuit hæc oratio: Moveor etiam ipsius loci insolentiâ (inquit Tullius) quod tantam causam, quanta nulla unquam in disceptatione verba est, (b) dico intra domesticos parietes, dico extra conventum, & eam frequentiam, in qua Oratorum studia niti solent; in tuis oculis, in tuo ore, vultuq; acquiesco.

M₂

Hanc

(a) Hæc oratio privatim habita in ædibus Cæsaris. (b) Dejotarus Gallogræciæ in bello civili Pompeji partes secutus, victorem Cæsarem cum excepiisset hospitio, fuit accusatus, quod ei struxisset insidias.

Hanc enim, C. Cæsar, causam si in foro dicerem, eodem audiente, & disceptante te, quantam mihi alacritatem populi R. concursus afferret? Quis enim civis ei regi non faveret, cujus omnem ætatem in populi Rom: bellis consumptam esse meminisset? Spectarem curiam, intuerer forum, cælum deniq; testarer ipsum.... Quæ quoniam angustiora faciunt parietes, actioq; causæ maximè debilitatur loco, tuum est, Cæsar, qui præ multis sæpè dixisti, quid nunc mihi animi sit, ad te ipsum referre, quò facilius tum æquitas tua, tum audiendi diligentia, minuat hanc perturbationem meam.

2. Ducitur Exordium à rotunda, simpliciq; rei expositione, sine fuce, & calamistris, & sine ullo in speciem artificio. Ita Cicero pro Ligario: *Novum crimen, C. Cæsar, & ante hunc diem inauditum, propinquus meus ad te Q. Tubero detulit: Q. Ligarium in Africa fuisse.*

3. Ducitur Exordium a contrario, cum prima fronte ea videmur dicere, quæ causæ nostræ sunt omnino contraria, & adversariis favent, ut scilicet eos sensim in nostram sententiam nihil minus cogitantes pertrahamus: in quo sanè est artis & industriæ plurimum. Ita Alexander a

pub
ut
ru
ta
g
ru
g
fi
ti
pi
pl
pi
ho
vi
re
fie
pr
lu
On
ch
ric
liq
ver
Sap
mal
cop
pub

puđ Curtium milites suos cohortaturus, ut secum audacter pergant ad extremas Indię partes, primo videtur probare illorum studia, qui reditum in patriam cogitabant: *Magnitudinem rerum, inquit, quas gessistis, milites intuentibus nobis, minime mirum est, & desiderium quietis, & satietatem glorię occurrere, &c.* Deinde mutata sensim velificatione, in contrariam sententiam callidissime descendit.

4. Ducitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Sallustium hoc effato: *Comperitum habeo, milites, verba virtutem non addere; neq; ex ignavo frenuum, neq; fortem exercitum imperatoris oratione fieri.* Ita etiam Cęsar, dum in Senatu pro Catilina loquitur, apud eundem Sallustium, ab insigni effato sic exorditur: *Omnes homines (P.C.) qui de rebus dubiis consultant, ab odio, amentia, ira, atq; misericordia, vacuos esse decet.*

5. Duci potest exordium ab insigni aliqua questione: Ita Tullius suum de Inventione Rhetorica librum auspicator: *Sępę, & multum mecum cogitavi, boninę animalis plus attulerit hominibus, & civitatibus copia dicendi, ac summum eloquentię studium.*

Eodem

Eodem ex fonte suum in (a) Rufinum
carmen ducit Claudianus.

Sæpè mihi dubia traxit sententia mentè,
Curarent superi terras, an nullus inesset
Rector, & incerto fluerent mortalia casu.

Abtulit hunc nobis Rufini pœna tumultū,
Abtulitq; Deos, jam ad culmina rerum
Injustos erevisse queror. Tolluntur in al-
Ut lapsu graviore ruant. (tum,

6. Præclare admodum trahitur Exor-
dium à suspensione, quæ mirificè præpa-
rat auditorum animos, magnæ alicujus
rei expectatione; & illos acuit vehementi
cupiditate sciendi, quid demum sit illud,
quod pollicetur Orator. Ita Cicero Ver-
rinas. Quod erat optandum maximè, ju-
dices, & quod unum ad invidiam veſtri
ordinis, infamiãq; judiciorum sedandã
maximè pertinebat; id non humano con-
ſilio, sed propè divinitus datum, atq; o-
blatum vobis summo Reip: tempore vide-
tur. Inveteravit enim jam opinio pern-
ciosa Reip: vobisq; periculosa, quæ non
modo Romæ, sed, & apud exteras natio-
nes omnium sermone percrebuit, his ju-
diciis, quæ nunc sunt, Pecuniosum ho-
mi-

(a) Rufinus Arcadii tutor, affectat impe-
rium, & à militibus occiditur.

minem, quamvis sit nocens, nullum posse damnari.

Deniq; Exordium ab ipsis causæ visceribus, hoc est ab intimis causæ principiis trahendum est, & in illo solerter jacienda sunt argumentorum, & affectuum omnia semina, quæ deinde retractata fusiùs explicentur. Id verò non difficulter efficies, si ex Fabii Quintiliani præcepto, diligenter intuearis, apud quos, pro quibus, contra quos, quò locò, quo tempore, quò rerum statu dicendum sit tibi; quid auditores, judices sentire credibile sit, quisq; sit orationis tuæ scopus; quid petas; quid consequi velis. Hæc omnia ubi perpecta mature fuerint tibi, ipsa te magistra natura facillè docebit, unde sit tibi capiendum orationis Exordium.

§. IV. De officio, ac munere, Exordii.

Quodnam est officium, ac munus Exordii?

ꝛ. Triplex: ut nempe reddat auditorem benevolum, attentum, & docilem.

Unde reddet auditorem benevolum?

ꝛ. Ex quadruplici capite: 1. à personâ Oratoris ipsius. 2. à personâ adversariorum. 3. à personâ auditorum, vel judicum. 4. ab illius, pro quo dicitur, personâ.

Quomodo reddet auditorem benevolum à personâ Oratoris ipsius?

R. Si Orator modestiam, pudorē, probitatem & ingenuum quemdam candorē ore potius, & re ipsa præferat, quàm verbis ostendet. Poterit tamen intēdū sua merita, suum officium, suas virtutes, sed parce omninò, ac sinē arrogantia cōmendare: quòd mirificè facit. Tullius in oratione pro Archia suo quondam magistro: Si quid est in me ingenii, iudices, quòd sentio, quàm sit exiguum; aut si quæ exercitatio dicendi, in qua me non inficior mediocriter esse versatum; aut si hucusque rei ratio aliqua ab optimarum auctū iudicis, ac discipulū profecta, à qua ego nullum coniteor ætatis meæ tempus ablorruisse, earum omnium rerum vel in primis hic A. Li. inius fructum à me repetere propè suo jure debet. Nam quò ad longissimè potest mens mea respicere spatium præteriti temporis, & pueritiæ memoriā recordari ultimam, inde usq; repetens, hunc video mihi principem, & ad suscipiendam, & ad ingrediendam rationem horum studiorum extitisse. Quòd si hæc vox hujus hortatu, præceptisq; conformata nonnullis aliquando salutis fuit; à quò id accepimus, quò cæteris opitulari, & alios servare possimus, huic profectò ipsi, quantum est situm in nobis, & opem & salutē ferre debemus.

Quo-

Quomodo colligetur benevolentia ab adversariorum persona?

R. 1. Si dicamus, nos nimiam illorum eloquentiam, aut gratiam revereri, unde illa reddatur suspecta iudicibus: quod pulchre admodum facit Cicero pro Quinctio: Quæ res in civitate duæ plurimum possunt, eæ contra nos ambæ faciunt in hoc tempore, summa gratia, & eloquentia, quarum alteram, C. Aquili, vereor; alteram, metuo.

2. Si illos in odium, & invidiam adducere, vitiorum, quibus laborant, commemoratione, conemur; ut pro Dejotaro: Crudelem (a) Castorem, nè dicam sceleratum, & impium: qui nepos avum in discrimen capitatis adduxerit, adolescentiæq; suæ terrorem intulerit ei, cuius senectutem tueri, & tegre debebat.

Quod si adversarius sit vir bonus, notæq; probitatis, ac fidei, Tullium imitaberis, qui cum pro Muræna diceret Catonemq; virum antiquæ virtutis haberet adversarium, non quidem in ejus vita, moribusq; quidquam culpavit; sed tamen, ut illi quomocumq; fidem detraheret, sectam Stoicorum, cui se Cato totum addixerat, irridere cœpit, idq; tam false,

tamq;

(a) Castor Dejotari nepos ex filia.

tamq; facete, ut iudicium risu dissolvatur, & Cato ipse dixerit.

Quam (a) ridiculum habemus Consulem!!

Quomodo captabitur benevolentia à personis, vel auditorum, vel iudicium?

R. I. Si eis considerare videatur Orator, ut pro Roscio Amerino. I. Si suam causam cum eorum utilitate coniungat, ut passim in Philippicis. 3. Si eorum iustitiam, fidem, auctoritatem, & dotes ceteras modestè commendet, ut in Exordio Milonianæ, ubi Tullius Pompejum laudat à sapientia, iustitiâq; cum ait: Sed me recreat, & reficit Cn: Pompeji sapientissimi, & iustissimi viri consilium, qui profecto nec iustitiæ suæ putarat esse, quæ reum sententiis iudicum tradidisset, eandem telis militum dedere: nec sapientiæ, temeritatem concitatæ multitudinis, auctoritate publica amare.

Imò nè ipse quidem Paulus Apostolus hoc sibi negligendum putavit, cum pro se ipso diceret apud Regem Agrippam, Actorum cap: 26. De his omnibus, quibus accusor à Judæis, Rex (b) Agrippa, æstimo me beatum, apud te cum sum defensu.

(a) Plutarchus in vita Cætonis. (b) Agrippa ultimus Judæorum Rex: filius illius Herodis Agrippæ, qui ab Angelo percussus fuit.

fenurus me hodie. maximè te scientè omnia, & quæ apud Judæos sunt consuetudines, & quæstiones, propter quod obsecro, patienter me audias.

Quomodo paratur benevolentia à persona agentis, sive illius, cujus causa agitur?

R. Si illius innocentiam, virtutemq; commendes: si illius calamitatem, amicorum inopiam, & sollicitudinem conque-
raris; ut Cicero pro Roscio Amerino.

Semperne laborandum est in exordio, ut capietur auditorum benevolentia?

R. De captanda benevolentia nõ valde laborandum esse in causis illis, quæ per se sunt honestæ, sed tantum in iis, quæ sunt vel paradoxæ, vel humiles. Quatuor enim causarum genera distinguit Divus Augustinus in eximio suo libro de Rhetoricæ principiis: *Honestas, incredibiles, dubias, & humiles*, quæ ab illo vocantur.

In humili quidem argumento se se maxima nonnunquam exercuerunt, & ostentaverunt ingenia; ut olim Polycratès, qui murium patergyricum celebravit; & Lucianus, qui muscam, laudavit. Inter juniores verò Majoragiùs scripsit encomiũ luti. Calceagnius, post Psellum pulicem predicavit. Caliger antherem, Passeratius ipsam *nihil* laudandum suscepit. Umbrã

Janus Douza præconiò celebravit: & no-
stra ætate vir Cl: Daniel Heinſius aſi-
num, pediculumq; laudavit.

In his verò, aliisq; id genus humilibus
cauſis, itemq; in illis, quæ minus gratæ
ſunt auditoribus, opus eſt inſnuatione,
ſeu exquisitiore quadam arte, quâ Orator
ſubdolè, & latenter in auditorum ani-
mos, irrepit.

§. V. *De parandâ Attentione.*

Undenam conciliatur Attentione?

Conciliatur partim promiſſione, par-
tim petitione: promiſſione quidè, ſi pol-
liceamur nos eſſe dicturos de rebus vel
novis, vel magnis, vel utilibus, vel ju-
cundis, ita Horatius Od: 1. l. 3.

Carmina non prius:

Audita, Muſarum Sacerdos:

Virginibus, puerisq; canto.

Sic etiam in primis Cicero pro Rabirio:
Sic enim exiſtimare debetis, Quirites,
poſt hominum memoriam, rem nullam
magis periculoſam, magis ab omnibus vo-
bis providendam, nec à tribunoplebis ſu-
ſceptam, neq; à Conſule deſenſam, neq;
ad populum R. eſſe delatam. Hoc etiam
egregie præſtitit Maro, quando de apib;
diſturus, ita cecinit 4. Georg:

Protinus æræi mellis Cœleſtia dona

Exequar,

Exequar, Hanc etiam *(a)* Mæcnas, aspice partem.

Admiranda tibi levium spectacula rerū
Magnanimosq; duces; totiusq; ex ordine
gentis dicam.

Mores, & studia, & populos, & prælia
In tenui labor, at tenuis non gloria....

Nolim tamen montes, ut ajunt, aureos
in ipso dicendi initio semper polliceatur
Orator: nec sic incipiat, ut *(b)* Mævius
ille; quem ridet Horatius:

Fortunam Priami cantabo, & nobile
bellum.

Multoq; sanè cautiùs mihi videtur face-
re, qui cum Homero simpliciter, & ve-
recundè sic exorditur.

Dic mihi, Musa, virum captæ post
tempora Trojæ,

Qui mores hominum multorum vidit, &
urbes, *(c)* Lucano:

Quam *(d)* magnificentius sic incipias cum
Bella per Emathios plusquam civilia
campos....

Aut si tumidum illud, turgidūq; imiteris
Claudiani præmium: de raptu Proserpinæ.

In-

(a) Mæcnas: apud Augustum gratiosissimus,
& Poëtarum patronus munificus. *(b)* Hic est
ille Mævius; quem carpit Virg: Qui bavium
non odit, tamen tua carmina, Mævi.

Inferni raptoris equos; afflataq; curru
Sidera Tænario, caligantesq; profunda
Junonis thalamos audaci promere cantu,
Mens congesta jubeat.

Quod si satis appareat, rem, de qua agitur, esse abjectam, & exilem, plus efficiet Orator, si rotunde statim, & ingenuè profiteatur, sese in re omnino tenui laborare, quam si grandia nequidquam polliceatur; sed causæ tenuitatem æquitate, vel necessitate, vel aliunde compensare conabitur; ut Cic. Philippicæ, 7. *Parvis de rebus; sed fortasse necessariis consuevimur, P. C. de Appia via & de laj moneta.*

2. Conciliandæ attentionis ratio est, *petitio*; cum scilicet auditores rogamus; ut studiosè, ac diligenter velint attendere, ut Cicero pro Sexto Roscio: *Quapropter vos oro; atq; obsecro judicis; attentè, bonaq; cum venia verba mea audiatis.*

Quamvis autem sub ipsum Exordium postulari soleat attentio, fatius tamen erit interdum; illam in ipso orationis decursu postulare: cum scilicet auditoris animus, initio arrectus, & alacer, languescere incipit, & defatigatæ illius aures incipiunt peregrinari; ut solet. Hoc egregie

Vel de templo Junonis moneta respiciendo, vel de pecunia cudenda.

giæ præstitit Tullius pro Cluentio, dum sic ait: Vos, quæso, ut me attentè audistis, item, quæ reliqua sunt, audiatis. Profecto nihil à me dicetur, quod non dignum hoc conventu, & silentiò, dignum vestris studiis, atq; auribus esse videatur.

Quomodo comparabitur docilitas?

R. Tribus maxime rebùs: 1. Si brevem te fore promittas, fiesq; promissis. Ut enim eleganter, & ingeniose monet Tullius, multò satius est, ut Orator desinat, quàm si deficiat, & Auditor cum desiderio, quàm si cum fastidio, ac satietate recedat. Atq; in Oratores nimis longos, belle omninò quadrant ultima hæc artis Poëticæ verba.

Indoctum, doctumq; fugat recitator acerbus;

Quem verò arripuit, tenet, occiditq; lenon
Non missura cutem, nisi plena cruoris
(a) Hirudo.

2. Comparabitur docilitas, si breviter, dilucide, simpliciterq; proponas, qua de re dicturus sis.

3. Eiet docilis auditor, si tuam orationem

(a) Hirudo, est pisciculus instar exigui serpentis, qui ad sugendum vitiosum sanguinem, cuti solet applicari, nec avelli, nisi sanguine oppletus, potest.

nem in duo, vel tria ad summum capita perspicue partiatis; ut, cum ait Tullius Philippicâ 7. *Cur pacem nolo? quia turpis est; quia periculosa, quia esse non potest. quæ tria dum explico, peto à vobis P. C. ut eadem benignitate, quâ soletis, verba mea audiatis.* Sed quoniam permagni interest ad eloquentiam; queadmodum proponat, & orationem suam partiatur Orator; & quia hic locus est in tota Rhetoricâ longe difficillimus; tyronibus præsertim; de utroq; illo capite accuratiùs nobis esse disputandum arbitramur.

§. VI. De Propositione.

Quanam sunt Propositionis virtutes, ac dotes?

R. Quinq; vulgò assignantur propositionis dotes, 1. est, ut simplex sit, unaq; non verò multiplex, ex illius enim unitate; omnino pendet orationis unitas; semperq; meminisse debet Orator eximii illius, nunquamq; satis inculcandi Horatiani præcepti.

Deniq; sit quodvis simplex duntaxat & unum.

Quid est una, simplexq; propositio?

R. Una simplexq; dicitur illa propositio, quæ constat una, simpliciq; sententiâ, vg. *Pax est conficienda, injuriæ sunt cendonandæ, &c.*

2. Propositionis dos est, ut sit ita clara, ut non modo nullo labore intelligatur, sed etiam ut non possit non intelligi, quemadmodum ista: *Otium est fugiendū.*
 3. dos est, ut omnia totius orationis argumenta, partesq; omnes in illam, velut in scopum, metamq; colliment. 4. dos est, ut tractari copiosè, & ornari facillè possit, & amplam dicendi segetem suppeditet. Rectè enim monet Horatius, ne jejunū dicendi sumas argumentum, & quæ desperas tractata nitescere posse, relinquant. 5. dos est, ut propositio vel ipsa novitate precellat, vel insigni aliqua utilitate placeat, quæ duo vel maximè conciliare solent attentionem, atq; benevolentiam.

Quomodo novitatem habebit Propositio?

R. Si argumentum ita proponatur, ut extrito, vulgariq; fiat inusitatum, & auditorum animos statim erigat, feriatq; v.g. trita est, vulgarisq; hæc propositio: *Homo multorum sibi malorum author est.* nihilq; admodum habet attentionis. Fiet verò nova, & admirabilis, si dicas cum Chrysostomo: *Nemo læditur, nisi à se ipso: vel Nemo miser, nisi qui velit.* Item vulgaris est propositio: *Mali aliquando sunt utiles virtuti: itemq; ista: Mors minus dura accidit miseris, quàm felicibus.* Fiet autem illico

utraq;

utraq; nova, mirificaq; si dicas: *Virtutem plus interdum improbis debere, quam probis. Felicitatis genus esse, infelicem mori.*

Quomodo uti itatem habebit propositio?

¶. Utilitatem habere solent propositiones illæ, quæ contemplativæ non sunt, sed activæ, si dūadus illis Senecæ vocibus nobis uti fas est. Contemplativæ porro dicuntur illæ, quæ in sola cognitione versantur, quemadmodum istæ: *Stultorum infinitus est numerus.* Activæ contra dicuntur propositiones illæ, quarum finis est aliquid efficere: ut: *Ferenda sunt amicorum vitia.*

§. VII. De Divisione.

Cur adhiberi solet in oratione Divisio, sive Partitio?

¶. Tribus potissimum de causis. 1. Quia lumen affert orationi. 2. Quia juvat memoriam Oratoris, & auditorum. 3. Quia levat audiendi fastidium; recreatur enim animus admonitione singularum partiū orationis quemadmodum viatorem reficiunt spatia certis lapidibus, & intervallis distincta: ut ait (a) Rutilius in Itinerario.

Inter-

(a) Rutilius natione Gallus, floruit sæculo quarto. Scripsit Itinerarium versu supra hanc ætatem eleganti.

Intervalla viæ seclis præstare videtur,
 Quî norat inscriptus millia multa lapis.

Quænam sunt leges Divisionis?

R. Quatuor: 1. est, ut Divisio sit plena; hoc est ut partes illius, sive membra omnino complectantur, & adæquent propositionem, quæ dividitur. 2. est, ut membra illa sint opposita, neq; unum in altero continatur. 3. est, ut Divisio habeat partes duas, tresvè ad summum, vix plures. Si enim nimium concisa sit, & ut loquitur Fabius, nimium articulosa, of- fundet orationi tenebras, parietq; obscuritatem illam, contra, quam sicut inducta.

4. lex est, ut sit plana, simp'lex, & quasi obvia; non vero ad artis, & ingenii ostentationem longius accersita.

De Narratione, quæ est secunda orationis pars, susius, & uberius dictum est in secundo capite Elementorum Rhetoricæ.

C A P U T II.

De Confirmatione.

Quid est Confirmatio?

R. Est pars orationis, in qua firmamenta, seu roborâ causæ afferuntur.

Quot sunt partes Confirmationis?

R. Duæ: 1. Est Confirmatio propriè dicta, in qua ea, quæ pro nobis sunt, firmamus,

mamus, ac stabilimus. 2. est Confutatio, in qua contrarias adversariorum rationes refellimus. Hinc liquet, Confirmationē esse præcipuam, ac potissimam Orationis partem, quæ, quasi viscera, vitamq; illi contineat, totamq; persuadendi spem in ea maximè parte sitam esse. Unde, *pisis*, seu *fides* jure nuncupatur ab Aristotele.

§. I. De Confirmatione propriè dicta.

Quomodo tractanda est Confirmatio propriè dicta?

R. Per Argumēta, & per Argumentationes.

Quid est Argumentum?

R. Est argumenti fusior, & artificiosa dilatio.

Quid interest inter Argumenta, & Argumentationes?

R. Hoc interest, quod Argumentatio sit: modus, sive ratio, in qua argumentū tractatur. Argumentum vero sit ipsa argumentationis materia. Unde argumenta ex se jejuna sunt, & imbecilla, nisi accedat artificiosa illorum explicatio.

Unde petuntur Argumenta ad confirmandum idonea?

R. Petuntur à locis tum intrinsicis, tum extrinsicis, de quibus accurate dictum est à nobis lib: 2.

Quo.

Quo ordine collocanda sunt argumenta
in Confirmatione?

R. Firmitiora partim in principio collocanda sunt, quia tunc vel maximè attendit auditor, partim in fine, quia quæ postremò dicuntur, altius inhaerent: imbecilliora verò collocanda sunt in medio, ubi magis latebit eorum infirmitas: quæ admodum imbecilliores milites, qui fugam, audita buccina, circumspiciunt, in medium agmen cogi solent, ut qui per se parum possunt, turba valeant. At si causa duobus tantum argumentis nitatur, quorum alterum validius fit, alterum infirmius, tunc imbecillius subicietur quidem validiori, sed mox ad validius recurretur.

Quot sunt argumentationum species: seu quot modis tractari possunt argumenta?

R. Quatuor sunt præcipuæ species argumentationis *Syllogismus*, seu *Ratiocinatio*, *Enthymema*, *Inductio*, & *Exemplum*. His adde *Sorytem*, & *Epicheirema*.

§. II. De Syllogismo.

Quid est Syllogismus?

R. Duplex distinguitur Syllogismus, seu *ratiocinatio*. Alius est *Philosophicus*, alius *Oratorius*. Syllogismus *Philosophicus* est argumentatio constans tribus propositioni-

positionibus distinctis, & explicatis, quæ sic inter se connectuntur, ut concessis duabus primis, quarum altera *major*, altera *minor*, quia minus latè patet, appellatur; necessariò concedenda sit tertia, quæ *consequentia* dicitur: v.g.

Omnis ars honesta est amplectenda :

Rhetorica est ars honesta :

Ergo Rhetorica est amplectenda.

Syllogismus Oratorius est ratiocinatio constans quinque partibus, vero inter se ordine connexis; unde etiam vocatur, *Syllogismus perfectissimus*.

Quænam sunt partes Syllogismi Oratorii?

R. Quinque numerantur: 1. est: *Propositio*. 2. *Propositionis probatio*. 3. *Assumptio*. 4. *Assumptionis probatio*. 5. *Conclusio*. Habes insigne quoddam Syllogismi Oratorii exemplum in libro 1. de *Inventione*, ubi luculenter demonstrat Cicero, Divinam Providentiã mundum gubernari. Sed quod exiliter, & jejune dixisset Philosophus in hunc fermè modum: *Illud Divina providentiã administratur, sed mundus optimè administratur, igitur mundus Divinã providentiã administratur*. Id ipsum Tullius oratorio more ita pertractat.

Meliùs accurantur, quæ consiliò geruntur, quàm quæ sine consilio administrantur. Et hæc est *Propositio*. Do.

Domus ea, quæ ratione regitur, omnibus instructior est rebus, & apparatus, quàm ea, quæ temere & nullò consiliò administratur. Exercitus is, cui propositus est sapiens, & callidus Imperator, omnibus partibus commodius regitur, quàm is, qui stultitiâ, & temeritate alicujus administratur. Eadem navigii ratio est. Nam navis optime cursum conficit ea, quæ scientissimo gubernatore utitur. Et hæc propositionis probatio.

Nihil autem omnium rerum melius, quàm mundus administratur. Et hæc est assumptio.

Nam, & signorum ortus, & obitus, definitum quemdam ordinem servant, & annuæ commutationes, non modo quadam ex necessitate semper eodem modo sunt, verum ad utilitates quoq; rerum omnium accommodatæ, & diurnæ, nocturnæq; vicissitudines, nulla in re unquam mutatæ, quidquam nocuerunt: Et hæc est assumptionis probatio.

Quæ signa sunt omnia, non mediocri quodam consilio, naturam mundi administrari. Quæ est Complexio five Conclusio.

Semperne constat quand; illis partibus Syllogismus oratorius?

R. Nequaquam. Si enim perspicua sit vel Propositio, vel Assumptio, tunc omittitur illius Probatio: & ita sit Syllogismus quadripartitus. Quod si etiã perspicua videatur utraq;, tunc probatione nihil opus erit: & ita tripartitus fiet Syllogismus.

Quid verò intererit inter Rhetorem, & Philosophum. si uterq; tripartitum Syllogismum adhibeat?

R. Hoc intererit, primò quòd Philosophus ea maximè quærat argumenta, quæ possint scientiam, aut certam opinionem efficere: Rhetori verò sufficiant, ut plurimum, probabilia. Alterum discrimen est, in argumenti tractandi ratione positum. Philosophus enim tres propositiones ordine collocat, quem ordinem, *formam* appellat: Rhetoris verò industria in eo posita est, ut propositiones illas invertat, amplificet, verbis ornet, figuris illuminet, artè deniq; totam diligenter agat. Hinc acute admodum ajebat Zeno Philosophus, *Logicam, seu Dialecticam similem esse pugno; seu manui complicatæ; Rhetoricam verò palmæ, seu manui explicatæ, atq; exporrectæ similem esse.*

Nunquamnè Logicus, & naturalis servatur ordo in Syllogismis oratoriis?

R. Ser-

4. Servatur aliquando, non solum ab O-
ratoribus, verum etiam, quod mirum sa-
pe videatur, ab ipsis Poëtis, ut in illo
Persii exemplo, Satyrâ 5.

An quisquam est (a) alius liber, nisi
ducere vitam

Cui licet, ut voluit? Licet, ut volo, vi-
vere, non fini

Liberior Brutò ?

Qui profecto integer Syllogismus. &
ordinem eum plane servat, qui tradi so-
let à Logicis: Sic enim hoc loco dialecti-
cum prorsus in morè, argumentatur Per-
sius:

Nemo magis liber est, quàm is, cui licet
ducere vitam, ut vult:

Atqui mihi licet ducere vitam, ut volo:

Ergo liber sum, & ipso etiam Brutò liberior.

§. III. De Enthymemate.

Quid est enthymema?

4. Est pars Syllogismi, seu Syllogismus
imperfectus.

Quot partes habet Enthymema?

2. Duas: quarum prima vocatur à Logi-
cis Antecedens. alia Consequens, v.g. Omnes
artes sunt expetendæ, Ergo eloquentia est ex-
petenda. Hinc eâ, quòd Enthymema jure
opti.

(a) Perfectus in Poeta Syllogismus.

optimo curtum vocatur à Juvenali Sat:
6. in mulieres;

Non habeat matrona, ibi quæ juncta
recumbit, (rotato

(a) Dicendi genus, aut curtum sermone
Torqueat Enthymema, nec Historias
sciat omnes.

Vocatur, inquam, curtum, quòd sit
argumentatio quasi mutila; & una pro-
positione veluti truncata; quæ si adda-
tur, fiet integer Syllogismus.

Quomodo fit Enthymema?

R. Fit, omittendo vel propositionem,
vel assumptionem, seu, ut Logici loquū-
tur, omittendo majorem, vel minorem, v.g.
C.odium infidias struxit Miloni, ergo C.odium
jure fuit occisus, vel: Quicumq; a teri struit
infidias, jure ab illo occiditur: ergo C.odium
jure fuit occisus à Milone.

Unde nomen suum traxit Enthymema?

R. A po Tu enthymetiba, quod est, mente
concipere, cogitare, quòd scilicet tertia pro-
positio, quæ verbis non effertur, mente
retineatur.

Quod est optimum Enthymematis genus?

R. Illud est, quod fit à contrariis, ejusmo-
di est apud Salsium illud (b) Micipsæ
(a) Non loquatur ex arte. & secundum præ-
cepta Rhetoricæ. (b) Micipsa patruus Ju-
gurtbæ, & Massinissæ filius.

ad (a) Jugurtham: *Quem alienum fidum invenies, si tui hostis fueris?* Erit etiam acutius, ac validius Enthymema, si fiat per interrogationem. Tale est illud Medea apud Senecam.

Servare potui. Perdere num possim, rogas?

Cur Ethymemate magis gaudere vulgo dicitur Orator, quam Syllogismò?

3. Tribus de causis. 1. Ut occultet artificium, quod scilicet agnitum, causæ magis obest, quam prodest. Hinc etiam cum utitur Syllogismò, partes ejus fere transponit. 2. Ne videatur auditorum ingenii diffidere; quasi necesse sit omnes Syllogismi partes sigillatim exprimi. 3. Quia Enthymema validius percellit adversarios, illosq; punctim, ut ajunt, cæsantq; ferit. Unde, *jaculum, ac telum Oratoris* vocari solet. Vide, quomodo Tullius Enthymemate feriat Antonium: *Pacem vult Antonius? arma ponat: quasi diceret. Non arma ponit Antonius, ergo non vult pacem.*

§. VI. De Inductione.

Quid est Inductio?

4. Est argumentatio, quæ ex multis singularibus enumeratis, aliquid concluditur. Ita Seneca variarum rerum enume-

N 2

ra-

(a) *Jugurtha Numidarū Rex à Pompejo visus*

ratione magnifica, concludit solam in homine virtutem esse laudandam. Navis bona dicitur, non quæ pretiosis coloribus picta est, nec cui argenteum, aut aureum rostrum est; sed quæ stabilis est, firma, velox & consentiens vento. Gladium bonum dices, non cui deauratus est baltheus, nec cui vagina gemmis distinguitur; sed cui ad secandum subtilis est acies. Regula non quàm formosa, sed quàm recta sit, quæritur. Ergo in homine quoque; nihil ad rem pertinet quantum aret, aut quam multis salutetur, sed quam bonus sit.

Inductio non solum Oratoribus familiaris est, sed etiam Pœtis, & imprimis Ovidio, qui illa majorem in modum delectabatur. Unum hic eximium afferemus exemplum, quò infelix ille Pœta, dum exultaret in Scythia; uxoris suæ dolorem consolatur, Tristium lib: 4. probando per inductionem, asperas res gloriæ segetem, & materiam esse.

Materiamque; tuis tristem virtutibus imple:
Ardua per præceps gloria vadit iter.

Hæc tunc quis nosset, felix si Troja fuisset?

Publica virtutis per mala facta via est.

Ars tua (a) Tiphys, jacet, si non sit in æquore fluctus:

Si

(a) Tiphys Argonautarum navis in expeditione Colchica gubernator.

Si valeant homines, (b) ars tua, Phoebe, jacet.

Sic etiam apud Virgilium, Æneas probat per inductionem, viventi sibi iter ad inferos nequaquam interclusum esse debere:

Si potuit manes, arcessere conjugis Orpheus:

Treiciâ frerus citharâ, fidibusque ca-

Si fratrem Pollux alterna morte redemit,

Iq; reditq; viam toties. Quid Thesea, magnum

Quid memorem Alciden? & mi genus ab Jove summo.

Quid observandum est in Inductione?

ꝛ. Duo diligenter cavenda sunt. 1. Ut quæ sumuntur, certissima sint. 2. Ut id, ejus confirmandi causa sit inductio, iis quæ sumuntur, simile sit.

§. V. De Exemplo.

Quid est Exemplum?

ꝛ. Est inductio imperfecta quâ ab uno simili argumentamur ad aliud, cujusmodi exemplum habes in Miloniana, ubi probat Tullius, non esse condemnandum Milonem, quod Clodium occiderit, cum nec Horatius ob sororem necatam fuerit condemnatus. Sed vide, quomodo exemplum illud illustret Cicero: Negant intueri lucē

N3

esse

(b) Apollo medicinae inventor.

esse ei, qui à se hominem esse occisum fateatur. In qua tandem urbe hoc homines fuitissimi disputant? Nempe in ea, quæ primum iudicium de capite vidit M Horatii fortissimi viri, qui nondum libera civitate, tamen populi R. comitibus liberatus est, cum sua manu sororem esse interfectam fateatur. Similiter apud Virgilium Æn. 4. Juno furor percitæ concludit ab exemplo, licere sibi omnino in Æneam, & Trojanos, quod Pallad. li-
cuit in Ajacem, & Argivos:

Pallasne exurere classem
Argivum, atq; ipsos potuit submergere
ponto, (a)

Unius ob noxam, & furias Ajacis Oilei:

• • • • •
Ast ego, quæ Divum incedo regina, Jo-
visquæ (annos)

Et soror, & conjux, una cum gente tot
Bella gero.

§. VI De Dilemmate.

Quid est Dilemma?

¶. Est argumentum constans duobus par-
tibus contrariis, quæ utrinq; adversariū
capiunt. Unde etiam Syllogismus cornu-
tus appellatur, quod nempe illius cornua
sunt.

(a) Obviolatam Cassandram in Palladis tem-
plo ab Ajace Oilei filio. Alter erat Ajax fili-
us Teamonis. Uterq; fortis, & furens.

sunt ita disposita, ut qui unum effugerit, in alterum incurrat. Sic belle omnino probabis Dilemmate, quemvis dolorem æquò animò esse tolerandum: *Nam omnis dolor, aut est vehemens, aut levis: si levis, facile feretur: si vehemens, certè brevis futurus est.* Ita Cic: Philip: 5. probat hoc Dilemmate: non esse mittendos legatos ad Antonium. *Legatos decernitis: si ut deprecentur, contemnet, si ut imperetis, non audiet.*

Hoc eodem argumentandi modo, rectè damnatur Lucretia illa, quæ à Sexto Tarquinio vi oppressa, sibi mortem inculit:

(a) Si fuit ille tibi, Lucretia, gratus ad Immerita ex merita præmia morte capis. Sin potius casto, vis est allata pudori, Quis furor est, hostis crimine velle mori? Frustra igitur laudem captas, Lucretia, namque

Vel furiosa ruis, vel scelerata cadis.

Unde nomen suum traxit Dilemma?

¶. Ab adverbio Græco *dis, bis,* & à voce *Lemma,* sumptio, captio, quod nimirum utrinque capiat adversarium.

Qua ratione solvi potest Dilemma?

¶. Duplici: 1. Si universum Dilemma

N

tor-

(a) Renatus Laurentius in Comia: Tertullus:

torqueas in ipsum authorem, cujusmodi exemplum affert Aristoteles lib. 2. Rhetoricorum: *Sacerdos quidam maximopere dissuadebat filio, ne ad populum verba facere; nam si injusta sua seris, inquebat, habebis Deos iratos: si vero justis, iratos habebis homines.* Hoc Dilemma sic in matrem ipsam corripit ingeniosus adolescens: *Imò inquit, expedit ad populum verba facere. Nam si iustas dixerò, Dii me amabunt; si injusta, homines.*

Hujusmodi fuit etiam celeberrimum illud Dilemma, unde se expedire nunquam potuerunt (a) Areopagitæ, qui licet mortalium sapientissimi vulgò haberentur, ortam tamen ex illo Dilemate litem, prorsus injudicatam reliquerunt. Cùm enim in Protagoræ Rhetoris disciplinâ, se quidam adolescens tradidisset, grandemq; pecuniæ summam, illi ex pactione fuisset pollicitus: ea lege, ut primam omnium, quam esset habiturus, litem obtineret; jam plenè, ac perfectè præceptis intimæ artis eruditus, mercedem omnino negat. Litem intentat illi magister: *Et debes, inquit, omnino mercedem, quoniam res cumq; vertante. Si enim vicerò, debes, ut condemnatus: si viceris,*

(a) Areopagitæ iudices auferri, & incarcupati, qui Athenis in templo Martis iudices erant causarum capitalium.

ceris, debes ex pacto. Imò, inquit, versipellis discipulus quò res cumq: vertant, nihil habebis. Si enim causam vitæro, ex iudicium sententia nihil debeo, si verò causã cado, jam tibi ex pactis debeo nihil.

2. Solvitur Dilemma, si alterutram illius partem infirmare possis, vel si ostendas, aliquid medium inter duas propositiones intercedere. Sic cum servus ab hero forte percussus, illum hoc repentino Dilemmate petisset: *Si sum improbus, cur meã uteris opera? si probus, cur, aut quorsum tandem me percutis?* Hoc Dilemma, sic in se ipsum acute retorfit herus. *Non te percussio, quia probus es; sed ut ex improbo fias aliquando probus.*

§. VII. De Crocodilo, & de argumento insolubili.

HUc referri potest Crocodilus, de quo pauca sunt hoc loco delibanda.

Quid est Crocodilus?

7. Est argumentationis species captiosa, & fallax, quæ incautos, quibusdam quasi vinculis irretitos, inducit in fraudem. Vocatur autem *Crocodilus*, ob hanc, quæ Pœtæ finxere, causam.

Crocodilus oranti mulierculæ, ut filiũ, dum fortè juxta flumen ambularet, abreptum; sibi redderet. respondit redditurũ.

utiq; si ad propositam quæstionem verū diceret. Hæc autem fuit quæstio: *Filium reddam tibi, nec ne?* Ad hæc mulier anxia, fraudemq; suspicata, respondit. *Non reddes; & ob eam causam reddi debere, quod nēpe verum dixisset.* Mentiris, inquit, vaser Crocodilus; si enim reddidero, verum non oris locuta. *Reddere ergo non possum, quin falsa dixeris.*

Huc etiam revocantur propositiones, quas vocant *mentientes*, sive *insolubiles*, quæ se omnino destruunt; ejusmodi est hæc: *Cretensis: cujusdam Pœtæ: Omnes ad unum Cretenses; semper mentiuntur.* Ergo nō mentitur: certe quidam Pœta Cretensis, dum illos semper mentiri assēverat: Unde nō sunt omnes semper mendaces.

§. VIII. De Sorite & Epikeremate.

Quid est Sorites?

R. Est argumentatio, quæ ex multis propositionibus gradatim, minutatim, & velut acervatim congestis aliquid infertur. Unde *Syllogismus acervalis* vocatur à Tullio. Hoc acervali captiosoq; argumentandi genere utebatur olim Themistocles, dum per risum, jocumq; dictitabat filium suum, licet nondum triennem, toti tamē terrarum orbi imperare. Sic enim lepidè agebat: *Mus filius imperat matri, illa mihi,*

ego Atheniensibus, Athenienses Græcia, Græcia Europæ, Europa toti orbi. Ergo filiolus meus imperat toti terrarum orbi.

In hoc disputandi genere frequentes erant (a) Stoici, & illorum princeps Zenon. Sed maximè omnium illo delectatus dicitur (b) Chrysippus, ut Socrates inductione, & ironiâ. Sed hoc genus argumenti sæpe solet esse captiosum & fallax. Cum enim sensum & minutatim multa coacervantur, facile est injicere respondententi laqueos, & periculosam illi telam texere. Retexere igitur oportebit, & eorsum singula considerare, siq; facilius universa frangentur.

Cedo deniq; etymon illius vocis Soritos? r. Habes germanissimum etymon in hac voce Græca: Sophos, cumulus, acervus, unde; soritis; sorites, argumentum acervale.

Quid est Epicherema?

r. Est Enthymema contractum, cujus duæ propositiones in unam conferuntur: ut, Sine causa Dominum servus accusat? In hac enim una propositione continentur hæ duæ. Non debet servus temere es sine causa Do-

(a) Stoici Philosophi, qui summum bonum in virtute ponebant, sic dicti à σοσι: id est, porticus in qua convenire solebant. (b) Chrysippus Stoicus Philosophus, Zenonis Auditor.

In Dominum incusare, ergo servus, & medicus Regis Dejotari non debet illum temere apud Casarem incusare.

De his omnibus argumentationum generibus habes splendidam, atq; uberem tractationem in Acroasibus Cl. Viri Jacobi Facciolati.

C A P U T III.

De Confutatione.

Quid est Confutatio?

1. Est pars orationis, in qua orationes contra nos pugnantes refellimus.

Quomodo fit Confutatio?

1. Fit primò negatione mera, cum scilicet rem allatam ab adversario, falsam omnino esse dicimus; aut illam absurdam, incredibilem, repugnantem esse demonstramus. Ita Cic: pro Quintio, rem negat apertè. *Negamus te bona Quintii, Sexte Navi, possedisse ex dicto prætoris*. Sic etiam pro Roscio perspicue demonstrat parricidii crimen, cuius insimulatur Roscius, ab illius vita, moribusq; prorsus alienum esse, què locum, quia longior est, omitto.

2. Fit Confutatio, cum factum nò negamus, sed excusamus, & jure factum fuisse contendimus. Sic Tullius pro Rabi-

rio.

rio, (a) Saturnini mortem, quæ illi ob-
 ciebatur, aded non expavescit ut scelus,
 ut potius illius authorem exoptet fuisse
 Rabirium: Arguis occisum esse à C. Ra-
 birio L. Saturnium, & id C. Rabirius
 multorum testimoniis, Q. Hortensio co-
 piosissimè defendente, antea falsum esse
 docuit. Ego autem, si mihi esset integrū,
 susciperem hoc crimen, agnoscerem, cō-
 fiterer. Utinam hanc mihi facultatem
 causa concederet, ut possem hoc prædi-
 care, C. Rabirii manu L. Saturnium
 hostem populi R. interfectum.

3. Fit Confutatio: cum adversarios pa-
 ri, vel etiam majori re objecta, vicissim
 laceffimus; ut periti duces solent, qui ho-
 stium vires distrahunt, & alio avertunt.
 Talis est apud Virgil: disputatio pastorū,
 in qua sic prior incipit Damœtas:

(b) Dic, quibus in terris, (& eris mihi
 magnus Apollo) (ulnas?)

Tres pateat Cæli spatium, non amplius
 Mopsus impar respondendo, nova que-
 stione

(a) Saturninus Tribunus plebis seditiosus,
 qui cum res novas moliretur, à servo occisus
 fuit in ipso Capito io. (b) Vide interpretes:
 quorum nonnulli hæc ad Cæli cujusdam sepul-
 crum referunt.

atione conatur irrecire Damœtam (a)

Dic quibus in terris inscripti nomina
Regum (to.

Nascantur flores: & Phyllida solus habe-

4. Confutatio fit per indignationem:
atq; contemptum; cum nempe generosa
quadam fiducia, quæ nobis obijciuntur,
spernere, ac dedignari videmur. Hujus-
modi singulare omnino; nobileq; impri-
mis habes exemplum in 38. Livi libro,
ubi magnus ille Scipio Africanus, post
tot res præclare gestas, invidorum, ut
fit, calumniis appetitus, & in jus ad cau-
sam dicendam vocatus, Silentioq; factò,
Hoc, inquit, die (b) Tribuniplexis, vosq;
Quirites, cum Hannibale, & Carthaginē-
sibus, signis collatis in Africa, bene ac
feliciter pugnavi. Itaq; cum hodie litibus,
& jurgiis supersederi æquum sit, ego hinc
exemplo in Capitolium, ad Jovem opti-
mum maximum, Junonemq; & Minervam
cæterosq; Deos, qui Capitolio, atq; Arcii
præsent, salutandos ibo; iisq; gratias a-
gam,

(a) Numini Augusti, in quorum aversa parte
erant flores; cum inscriptione L. Aquillius
Florus III. vir. Sunt qui de flore hyacintbi
interpretantur cum vulgo. (b) Tribuniplexis
erant Magistratus, Populi defensores, & cu-
stodes.

gam, quod mihi, & hoc ipso die, & sæpè alias egregie Reipublicæ gerendæ mentē facultatemq; dederunt. Vestrum quoq; quibus commodum est, ite mecum Quirites, & orate Deos, ut mei similes Principes habeatis.

Aliquando etiam valdè utile erit in confutatione jocos, sales, & facetias etiã in rebus seriis adhibere, quæ si nec in inimicam scurrilitatem degenerent, nec in atrocius maledictum, nec nimiam dicacitatē; mirum! quantum causæ profint, & animos auditorum exhilarent.

Postremus deniq; refutandi modus fit per compensationem; cum scilicet neq; factum agamus, neq; jure factum contendimus; sed alio quodam præclaro factò abundè compensari ostendimus. Sic Horatius, qui sororem interfecerat, iudicio Populi Romani fuit absolutus, *magis admiratione virtutis, quam jure causæ*, inquit Livius.

C A P U T IV.

De Peroratione.

Quid est Peroratio?

Peroratio, sive Epilogus, est ultima orationis pars, in qua id, quod tota oratione expetebat Orator, majori vehementia evincere, & obtinere contendit.

Ita Quintilianus.

Quot

Quot partibus constat Peroratio?

ꝛ. Duabus: Enumeratione, & Motu, seu Affectuum commotione.

§. I. De Enumeratione.

Quomodo fit enumeratio in Peroratione?

ꝛ. Fit, cum ea, quæ per totam orationem variè sparsa sunt, summam colligimus, & sub uno veluti aspectu ponimus, per Anacephalæosim, seu recapitulationem, quæ est rerum fusè dictarum brevis, & artificiosa repetitio.

Cedo illustre aliquod exemplum Enumerationis per anacephalæosim?

ꝛ. Exemplo esse poterit Epilogus iste in Maniliana, qui tamen partis tantum est, non verò totius Orationis: Quare videte, num dubitandum vobis sit, omnifudiō ad id bellum incumbere, in quo gloria nominis vestri, salus sociorum, vêtigalia maxima fortunæ plurimorum civium cum republica defenduntur. Et rursus eadem Orat: Quare, cum bellum ita necessarium sit, ut negligi non possit; ita magnum, ut accuratissimè sit administrandum; & cum ei Imperatorem præficere possitis, in quo sit eximia belli scientia, singularis virtus, clarissima autoritas, egregia fortuna: dubitabitis. Quirites, quin hoc tantum boni, quod à Diis im-

morta-

mortalibus oblatum, & datum est, in Rem-
publicam conservandam, atq; amplifi-
candam conferatis!

Quid observandum est in Enumeratione,
seu Anacephalæosi?

R. Duo maximopere sunt observanda:

1. Ut cursim, & raptim repetas ea dunta-
xat, in quibus causa potissimum consistit,
& quæ maximè velis auditorum animis
inhærere. Si enim omnia minutatim re-
petas, non erit Peroratio, sed nova quædam
oratio, inquit Fabius.

2. Quæ dispersè, diffusèq; dicta sunt,
ita summatim enumerabis, ut ea cum
novo aliquo pondere dicantur, figurisq;
illuminentur, & ornentur sententiis; ne
scilicet videatur *crambe repetita*, inquit
Satyricus; si nimis jejuna sit nudaq; re-
petitio. Vide, quàm sententiosa sit; quàm
referta rebus & verbis Anacephalæosis il-
la, quæ Ajax apud Ovidium suam contra
Ulysses, & pro se orationem ita concludit.
Nec Clypeus vasis (a) cœlatus imagine
mundi

(nistræ
Conveniet timidæ, natæq; ad furta fi-
Debili-

(a) Orbem terra-

rum in Achillis Clypeo fuisse cœlatum nar-
rat Homerus.

Debilitaturum quid te petis, improbe
munus? (chivi,

Quod tibi si populi donaverit error A-
Cur spolieris, erit, non cur metuaris ab
hoste, (vincis,

Et fuga, quâ solâ cunctos, timidissime,
Tarda futura tibi est, gestamina tanta
trahenti, (passus,

Adde quod iste tuus tam rarò prælia
Integer est Clypeus; nostro, qui tela fe-
rendo, (bendus:

Mille patet plagis, novus est successor ha-
Den q; quid verbis opus est? Specte-
mur agendo:

Arma viri fortis medios mittantur in
hostes: (relatis.

Inde iubete peti, & referentem ornate
§. II. De Affectuum Commotione.

ALtera Perorationis pars, munusq; al-
terum, est affectuum excitatio: quod
quidem ita proprium est illis, ut propte-
rea Peroratio, *Sedes affectuum* à magistris
artis appelletur; quod nempe in eo potif-
simum loco, debeat Orator omnia oratio-
nis vela pandere, omnes eloquentiæ fon-
tes aperire, & auditorum animis quasi fa-
ces stimulosq; subicere.

Quomodo concitari possunt affectus in Per-
oratione?

3. Concitantur per amplificationem, quæ est gravior quædam, ac vehementior affirmatio, ad permovendum valde idonea. Vide quæ supra fuscè præcepimus de Amplificatione.

Quinam præcipue motus ciendi sunt in Peroratione?

3. Varii, pro variis dicendi generibus. In Panegyrico, ciendi sunt motus amoris, admirationis, æmulationis lætitiæ. In vituperatione, excitandum est odium, contemptus. In deliberationibus, spem, confidentiam, timorem, commovebis. In judiciis verò, omnia concurrunt, amor, odium, indignatio, misericordia.

In hac potissimum parte incredibilem quandam admirationem habuit eloquentia Ciceronis, qui dum peroraret, non attendebat modò judices, & auditores; sed ardere ipse quodammodo videbatur, ac præsertim quando concitanda erat erga reos commiseratio; ita, ut non rarò, quemadmodum ipse de se loquitur, planere, & lamentatione forum perorando compleverit. Quapropter si fortè aliquando plures Oratores pro eodem homine licerent, Ciceroni Peroratio relinqui solebat, ut ipse ita testatur librò de Oratore: Quid ego de miserationibus loquar?

Qui-

Quibus eo sum usus pluribus, quod, etiam si plures dicebamus, perorationem tamen mihi omnes relinquebant. in qua ut viderer excellere, non ingenio, sed dolore assequebar.

Satis hoc indicat Peroratio Miloniana, ubi sic ait: Sed finis sit, neq; enim præ lacrymis jam loqui possum, & hic se lacrymis defendi verat... Et in eadem oratione: Me quidē. iudices, examinant, & interimunt hæ voces Milonis, quas audio assidue, & quibus intersum quotidie. Itemq; pro Rabirio *¶* Postumo. Sed jam, quoniam, ut spero fidem, quam potui, tibi præstiti. Postume reddam etiam lacrymas, quas debeo.... Jam indicat tot hominum fletus, quàm sis charus tuis, & me dolor debilitat, includitq; vocem.

Eadem concitandæ commiserationis arte perfidus ille Sinon *Æneid: 2.* suam ad Priamum, & Trojanos veteratoriam orationem ita concludit:

Quod te per superos, & conscia numina veri,
 Per, si qua est, quæ restat adhuc, mortali-
 Intemerata fides, oro: miserere laborū
 Tantorum, miserere animi non digna
 ferentis. Vi-

¶ Postumus sine aspiratione contra etymologiam, ita Aldus, & lapides antiqui.

Vide etiam quàm plena sit affectuum,
 etiam quàmq; , ut ita loquar, flexanima apud
 Ovidium Ulyssis peroratio, quâ Achilles
 arma tandem impetravit, & Ajacem, do-
 lore, ac repulsæ impatientem, ad mor-
 tem adegit :

At vos, o! proceres, vigili date præmia
 vestro, ¶ egi.

Proq; tot annorum curis, quos anxius
 Hunc titulum meritis pensandum red-
 dite nostris, ¶ removi.

Jam labor in fine est, ¶ a obstantia fata
 Altaq; posse capi ¶ b faciendo Perga-
 ma, cepi. ¶ Troùm,

Per spes nunc socias, casuraq; mœnia
 Perq; Deos, oro, quos hosti nuper ademi;
 Per, si quid superest, quod sit sapienter
 agendum.

Este mei memores; aut si mihi non datis
 arma. ¶ nervæ.

Huic date. & ostendit signum fatale Mi-
 Quenam sunt præcipuæ virtutes Perora-
 tionis

¶. Duæ: 1. Ut sit vehemens ad per-
 mo-

¶ a Palladium, hoc est Palladis simulacrum,
 in arce Trojana capiendo. ¶ b Dum feci,
 ut Troja capi posset, eam censendus sum
 cepisse.

movendos animos. 2. Ut sit brevis; quia, ut observat Tullius: Lacrymæ citò arcescunt, & animorum incendia celeriter restringuntur.

Finis Libri Tertii.

ARTIS RHETORICÆ
LIBER QUARTUS.
DE DIVERSIS ORATIONUM
GENERIBUS.

TAmetsi quæ de Inventione, Dispositione. & Elocutione fufus disputata sunt à nobis hætenus, ad quodlibet argumenti genus facile possint accommodari; tamen quo res sit expeditior, & cuilibet magis in promptu, de variis Orationum generibus particulatim tradenda nobis esse præcepta judicavimus. Neq; verò satis censuimus, generatim, atq; universè indicare fontes, unde manat omnis oratio, nisi etiam singula itinera, singulasq; vias indicare sigillatim aggredieremur.

Omnes itaq; quæ haberi possint orationes, ad tria dicendi genera revocantur; nempe ad demonstrativum, deliberativum, & judiciale. Ad genus demonstrativum pertinent. 1. Oratio Panegyrica. 2. Oratio natalitia, seu Genethliacon. 3. Epithalamium, seu oratio nuptialis.

alis. 4. Oratio funebris. 5. Gratiarum actio. 6. Epinicium, & Oratio gratulatoria. Ad genus deliberativum revocantur suasio, dissuasio, hortatio, commendatio; de duobus hisce orationum generibus enucleatè videamus: nam Judiciale minus est nostrà ætate usitatum.

C A P U T I.

De Orationibus, quæ pertinent ad genus demonstrativum.

§. I. De Oratione Panegyrica.

Undenam nomen suum traxit Panegyricus?

¶ Panegyricæ orationes propriè dicebantur illæ, quæ magno apparatu habebantur olim in panegyri (æ) hoc est in publico solemnique Græcorum undique convolantium cætu, sive ad ludos faciendos, sive ad sacra, nundinasve in aliquo emporio celebrandas. Harum porro orationum initium quo splendidius esset, sumi solebat à laude Numinis illius, quod ludis præesse credebatur, ut Olympii Jovis in ludis Olympicis, Apollinis in certamine Pythico. Deinde sequebatur laus gentis, vel urbis, ubi ludi celebrabantur. Denique Principes, vel Magistratus, qui certamini præerant; pugiles, qui decertaverant,

ac

(æ) Agyris, cætus, panegyris, cætus universalis.

ac præsertim victores, qui præmia tulerant, plenâ manu laudabantur.

Hæc erat ratio veterum illarum orationum, quæ habebantur in Panegyri. Sed posterioribus temporibus non illæ solum vocatæ sunt Panegyricæ, quæ solemnibus in ludis dicerentur; sed illæ etiâ, quæ in nobili quopiam confessu, qualis est Senatus, in Principum laudê habebantur.

§. II. De Inventionibus & fontibus Panegyrici.

Quænam series servari solet in Panegyrico?

R. Duplex: Artificialis nempe, & naturalis: Servatur series artificialis, cum indiscriminatim confuso temporis ordine, omnia ad certa quædam capita ex arte revocantur: v.g. si quis veteris, seu majoris Catonis laudes ad tria hæc referat capita, quod fuerit optimus Senator, optimus Orator, optimus Imperator. Simili ratione Tullius in Maniliana, Pompeji laudes refert ad scientiam rei militaris, ad virtutem, ad authoritatem, & ad felicitatem. Sic etiam Q. Curtius Alexandrum M. laudat ex hoc duplici capite, virtute scilicet, & fortuna. Fatendum est, inquit, cum plurimum virtuti debuerit, plus debuisse fortunæ, quam solus omnium mortalium in potestate habuit.

Hic

Hic porro artificialis ordo longe plus habet artis, & ingenii, quam ordo naturalis.

Quonam est series naturalis?

1. Series naturalis ea dicitur, in qua historiae, ac temporis ordo servatur.

Hae autem series dividitur in tria tempora; illud, quod vitam antecessit, illud, quo quis vixit; et si naturae concesserit, illud, quod mortem est consecutum.

Hunc persaepe adhibuerunt Isocrates, & Tullius. Hunc ferme usurpavit Plinius in nobili illo Trajani Panegyrico. Nam illius laudationem orditur ab adoptione, temporis ordinem fere servans, & ad tertium usque consulatum perducit.

Utinam vero serius habita fuisset pulcher prima illa laudatio, ut reliquam etiam optimi Imperatoris vitam haberemus. Cuius in tertio, ut diximus, Trajanum

Consulatu sinit Plinius, nihil prorsus in illo legas de (a) Decebalo victo, unde

Daci nomen retulit Trajanus, quod quarto Consulatu contigit; nihil de tot aliis rebus praecclare ab eo gestis. Quae vero Plinius refert, etiam si non magnum belli

(a) *Decebalus fortis, & industrius Dacorum rex, qui diu fuit Romanorum terror.*

belli ducem ostendunt Trajanum, quia nondum ejus ductu bellum fuerat gestum; tamen signa sunt, ex quibus magnum olim belli ducem fore liquido conjici poterat. Verum qua parte nos destituit Plinius, aliiq; Panegyristæ, sed aliis in Imperatoribus, exemplo esse poterunt: ut, et Latinis Mamertinus, aliique, qui cum eo pariter solent excudi. Nec plane aspernandus Ennodii Ticinensis Episcopi Panegyricus, dictus Theodorico Gothorum regi.

Et Græcis adeundus Julianus, orationibus duabus in laudem Constantii Imper. Juvabunt quoque plurimum Latinorum Poëtarum Panegyrici; ut ille Tibullii ad Messalam librò 4. item seu Ovidii, seu Lucani ad Calpurnium Pisonem. Quibus adde Panegyricos Claudiani, Senodii, & aliorum.

Hinc Naturalis ordo persacilis est se vulgaris, ac plerumque languidus, nisi verborum sententiarumque floribus spargatur, & acutius exciteatur sententia, uti factum a Plinio in suo illo eximio Panegyrico, in quem, tamquam in eximium exemplar, intueri poterimus.

§. III. De tempore, quod ortum antecedit
Quid

Quid laudare poterit Orator in illo primo tempore ?

2. Tria, nempe genus, patriam, & auctoritas, si quæ forte pueri natalem horam præcesserunt.

Quomodo laudari quis poterit à genere ?

2. Si genus sit illustre, laudabis à splendore natalium, majorumque rebus gestis, quæ sunt quædam virtutis quasi femina, in nobilium animis insita. Dices, majorum virtutem in eum, quem laudas, cum sanguine pariter fuisse transmissam, juxta decantatum illud Horatii verbum: Fortes creantur fortibus. Dices filios impressis majorum vestigiis insiftere solere. Hinc illud Claudiani. . . .

. . . . Nobilitas cunctis exordia pandit
Laudibus, atque omnes redeunt in femina causæ. (Æneid 12.

Hinc Maro magnifice laudat Camertem
Cui genus à proavis ingens, clarumque paternæ (armis.

Nomen erat virtutis, & ipse acerrimus.

Quid factum est opus, si is, qui laudatur, obscuro genere natus sit ?

3. Locum habere poterit illud Minucii Felicis in Octavio. Omnes pari sorte nascimur, sola virtute distinguimur. Vel illud Velleji Patereuli: Optimus quisque, nobilissimus

simus. Dices quoque cum Seneca: Non facit nobilem atrium plerum fumosis imaginibus. Nemo in nostram gloriam vixit, nec quod ante nos fuit, nostrum est. Animus facit nobilem, cui ex quacumq; conditione, supra conditionem licet surgere Utupabis tritum illud alterius Senecæ Qui genus laudat suum, aliena laudat, nihil etiam magis per- vulgatum, quam effatum illud Ulyssis, in certamine cum Ajace: (a)

Et genus, & proavos, & quæ non fecimus ipsi.

Vix ea nostra voco. (venalis, Sat. 8. Cui plane simillimum est, quod ait Ju. Malo, pater tibi fit Therfitæ, dum modo tu sis

Æacidæ similis, Vulcaniaque arma espessas (Achilles,

Quam te Therfitæ similem producat A. Majorum primus quisquis fuit ille tuorum, (nolo,

Aut pastor fuit, aut illud, quod dicitur Denique ne generis humilitas quidquam de laudibus deserat, erunt in promptu communia hæc exempla. 1. Augustum patre ayoque argentario natum esse, ut nonnulli

(a) Achilles, qui fuit Æaci nepos et qui arma Vulcano fabricatis mira edidit facinorosi

nonnulli voluere: proavum verouisse
libertinum: avum autem maternū uisse
sistorem Ariciae, quod illi non semel ex
probavit Antonius, teste Svetonio: 2.
Agathoclem Siciliae regem patre figulo
natum: teste Justino: 3. Ptolemaeum pri-
mum Aegypti regem, à quo successores
omnes dicti sunt Ptolemæi, è gregario
milite, nomine Logo fuisse prognatum.

4. Magnum illum Arfacem, primum
Parthorum regem, unde item *Arfacidæ*
dicti sunt, obicuris omnino natalibus
ortum fuisse.

2. Demosthenis patrem, gladiatorum
fabrum fuisse. (10.
Cui alludit Juvenalis, cum ait *Satyrâ*
Dis ille (a) adversis genitus, fatoque
sinistro (pus
Quem pater ardentis massæ fuligine lip-
A carbone, & forcipibus, gladiosque
parante (misit.

Incude, & (b) luteo Vulcanò ad rethora
Erit etiam in promptu magnifica illa
Tullii vox, cum contempnim nobis Ar-
pinas appellaretur. Ego, inquit, *meis major*
ribus virtute mea præ uxi. Denique poterit
ulurpari quoque ingeniosum illud dictu n
(a) *Demosthenes, qui sibi venenò mortem in-*
ferre coactus est, nè in hostium manus incidere.
(b) *A lutea, & fuliginosa fabri officina.*

Iphieratis, qui ex futoris filio, ob summam rei militaris peritiam factus Atheniensium exercitus Imperator, invide cuidam generis ignobilitatem exprobranti false respondit: *Meum genus à me incipit: tuum in te definit. Meorum primus. ego sum; tu tuorum ultimus.*

Quomodo ducitur laus à Patria?

1. Si ea illustris fuerit, virisque insignibus nobilitata, hoc ipsum in laude poni solet. Hunc laudationis fontem, non ignoravit Virgilius, cum ait de Didone: *Multa viri virtus animò, multusque recurset,*

Gentis honos.

Quid factu est opus, si patria sit ignobilis, & obscura, vel etiam infamis?

1. Usurpabis memorabile illud Anacharsis verbum, qui cum natus esset, in Scythia, & à Græco nescio quo, *Barbarus à Scythia cōtemptim appellaretur, perquam ingeniosè respondit. Mibi quidem patria probro est; tu verò patria.*

2. Dices cum Juvenali, tametsi adeo pervulgata esset Abderitarum stupiditas, ut etiam in communi proverbio versa-

retur; unde Martialis: *Abderitanæ pictora plebis habet: tamen Abderitam fuisse Democritum, Physicum illum subtilissimum, naturæque venatorem acerrimum:*

..... Cujus prudentia monstrat,
Summos posse viros, & magna exempla
daturus, (nasci.

Verecun in patria, crassoque sub aere
3. Juvabit etiam illud Claudiani, de laudibus Stiliconis: (a)

LECTOS ex omnibus oris
Evehis, & meritum, nunquam cunabula
quæris,
Et qualis, non unde natus

4. Faciet quoque mirum in modum illa Ausonii sententia de Severo Imperatore, qui natus erat in Africa.

Punica origo illi; sed qui virtute probaret
Non ob stare locum, dum valeat ingenium:
Quomodo laudari quis poterit ab auguriis, & signis, quæ illius ortum antecesserunt?

5. Si quid forte singulare contigerit, quod pueri futura claritas, & amplitudo quomodocunque portendi videatur, id solerter in laude ponendum erit. Hujusmodi est fax illa, quam Hecuba prægnans uterò gestare se somniavit. Ejusmodi est

O.4

stiani

etiam vitis illa, quam in somno vidit
 Akyages, quæ palmitibus Asiam obum-
 bravit; unde Cyri magnitudinem præsa-
 giri ab ariolis responsum est. Id genus est
 etiam illud examen apum, quod in na-
 scentis vel vagientis Ambrosii labris con-
 sedisse dicitur. His adde, quod de mira-
 bili S. Joannis Baptiste ortu narrat
 Sacræ Paginæ. Nec omittenda est orbi-
 cularis illa flamma, quæ nascente Joanne
 Pico Mirandulano, qui postea eruditionis
 quoddam portentum fuit, supra caput
 matris parientis visa est, & mox evanuit.

§. IV. De iis quæ in vita ipsa lauda-
 ri possunt

*Quæ in hominis vita laudem præcipuam
 merentur?*

ry. Tria hæc imprimis, virtutes, sciën-
 tiæ, & artes.

*Quenam virtutes sunt vel maxime cele-
 branda?*

ry. Primum, ut par est, locum obtinet
 religio, pietasque in Deum, in Pa-
 entes, & Patriam. Ex hoc capite suam ipsius
 commendationem exorditur Eneas,
 (Penates)

Sum pius Æneas, raptos qui ex hoste
 Classe vebo mecum.

Secundum

Secundum locum sibi jure vendica ele-
mentia, moderatio, atque justitia. Ex-
primò capite Cæsarem mirifice commen-
dat Tullius pro Marcello: *Animum vincere,*
iracundiam cohibere, victoriam temperare,
adversarium nobilitate, ingenio, tute præstan-
tiam non modo extollere jacentem, sed etiam
amplificare ejus pristinam dignitatem; hæc qui
faciat, non eum summis viris comparo, sed
similimum Deo judico. De hac eadem cle-
mentia sic Antonius Imperator ad Fau-
stinam conjugem *Non enim quidquam est,*
quod imperatorem Romanum melius commen-
dat gentibus, quam clementia. Hæc consecravit
Augustum.

5. Laudabitur liberalitas, atque benefi-
centia, quæ nimirum una reges, ac princi-
pes propius ad Deum possunt accedere.
Comendabitur aurea illa Scytharum lega-
ti ad Alexandrum vox. (a)

Si DEUS es, tribuere hominibus beneficia de-
bes; non sua eripere. Celebrari quoque po-
terit facilitas, ac liberalitas Imperatoris
Titi, qui nihil cuiquam quod concedi fas
esset, abnucebat; *negus, inquit Syeronius*
oportere quemquam a Principe tristis esse.
Cum vero aliquando, inter cenandum,
diem illum beneficio vacuum abfisse me ni-

O5

nisset

(a) Q. Curtius lib. 7.

misset, conversus ad amicos *amici*, inquit, *diem perdidit*. Adeo scilicet Principibus vitam, ad bene merendum de mortalibus, datam existimabat, proindeque summis æque, ac infimis charus adeo fuit, ut *humani generis delicia* merito diceretur.

Usurpari etiam poterit aurea illa Virgilii sententia, *Æneid* 6. sepositum quemdam Elyfios esse locum iis omnibus, qui erga alios fuere benefici:

Quique sui memores alios fecere merendo.

Denique celebrabitur fortitudo in adveniendis periculis, & in laboribus sufferendis; magnitudo animi excelsi, & invicti nihil extimescentis; constantia, fidesque in promissis; prudentia, celeritas in exequendis; in adversis vero æquanimitas, & robur mentis semper imperterritæ.

Quomodo laudari quis potest à scientiis, & artibus?

1. Ex duplici capite. 1. Si liberalium artium disciplinis sit instructus is, qui laudatur. 2. Si saltem literis, & artibus favet, & patrocinetur. Ex hoc posteriori capite Imperatorem Trajanum magnifice celebrat Juvenalis Satyrâ 7.

Et Spes, & ratio audiorum in Cæsare tanto

Solus enim tristes hac tempestate Car-
moenas. Respexit.

§. V. De corporis, & fortunæ laudibus.

Quæ res laudantur in corpore?

1. Laudatur in corpore pulchritudo, ro-
bur, & sanitas, & his similia. Qui hæc
habuerit, laudabitur, quod bene sit illis
usus. Qui non habuerit, quod sapienter
caruerit. Qui amiserit, tulerit moderate.

Cur caduca hæc, & pererumque etiam no-
xia corporis bona laudantur in homine?

1. Laudantur. 1. Quia, licet in se veram
laudem non habeant, quæ debetur uni
virtuti: tamen virtus in eorum usu, at-
que moderatione vel maxime cernitur.

2. Quia formæ dignitas est optimæ
mentis indicium, & simulacrum quod-
dam, ac flos quodammodo virtutis. Un-
de non in scite dictum est ab Eumenio in
Pægyrico Coniuncti M. Naturam ip-
sam magnis mentibus domicilia magna metiri,
& ex vultu hominis, decoreque membrorum
colligi posse, quantus cælestis spiritus intravit
habitor.

3. Quia corporis decus est muta quæ-
quam commendatio, & ut eleganter age-
bat Carceades, Regnum absque satellitiis.

Gratior, & pulchro veniens à corpore
virtus,

Adjuvat

inquit

inquit Maro. Hinc est, quod olim populi bene multi, & in primis Æthiopes, Indique, in dandis Imperijs proceritatem, ac pulchritudinem spectare solebant, ut narrat Aristoteles, graviterque multatus fuit olim è Lacedæmoniis Archidamus rex, quod exiguam duxisset uxorem. Querebantur enim non reges sed regulos, ex hoc conjugis procreatum iri. 4. Quia pulchritudo est veritatis non solum indicium sed etiam adiumentum. 5. Denique, cum vel in ipsis sacris literis prædicetur: David: ut pulcher aspectu & facie decora: Quid sane mirum, si à Cornelio Nepote laudetur Alcibiades, ut ætatis suæ formosissimus? Si ex hoc eodem capite commendetur à Plutarcho Scipio Africanus, & si de Theodosio M. dixerit Pacatus. Virtus tua meruit Imperium! sed virtuti addidit forma suffragium. Illa præstitit, ut oporteret te Principem fieri, hæc, ut deceret. Quod si subterpiculus, forte fuerit vel deformis is, qui laudatur, tunc sane corporis vitam egregiis animi dotibus solenter compensabis.

Confugies ad illud Ovidianum.

(a) Si mihi difficilis formam, natura negavit;

(a) Sapho ad Phaonem.

Inge.

Ingenio formæ dampna rependo meæ,
Dices deformem fuisse Socratem, cæcū
Homerum; Coclitem; seu altero oculo
captum

(temquē
Philippum Alexandri magni patrem, i
Hannibalem. Unde Iuuenis:

Cūm Getula Dūcem portaret bellua
luscum.

Fluxam; & caducam formæ fragilitate n,
que propediem deflorescit, verbis exa-
gerabis, unde Socrates ingeniose agebat,
illam esse brevem tyrannidem. Neque fra-
gilem modò dices, sed etiam rem plerum-
que perniciosam; præcipitem, lubricam,
& periculosa aleæ plenam docebis. Un-
de sative Petrarca vocat illam velum
oculis; pedibus laqueum; viscum alis. Po-
stremo addere poteris cum Petronio.

Raram facit mixturam cum sapientia forma;
& cum Ouidio, primò Factorum.

(perbia formam

Faustus inest pulchris, sequiturque su-
Cum Martiali, lasciviam esse persæpe il-
lius comitem.

Insignis formâ; nequitiâque puer.

Cum vanissimo illo milite apud Plautum

Nimia est miseria pulchrum esse hominem
nimis:

Sed imprimis dices cū Iuvenali Sat: 10.

Sed

Sed vetat optari faciem, Lucretia: qualē
Ipsa habuit; cuperet Rutilæ (a) Virginia
gibbum (hinc artem)

Accipere, atque suam Rutiliæ dare. Fi-
Corporis egregii, miseros, trepidosque
parentes: (formæ:

Semper habet, rara est adeo concordia
Atque pudicitia.

Quanam sunt Fortuna bona?

R. Honores, & divitiæ.

Quomodo commendari quis poterit ab hono-
ribus?

R. Bisariam, si nempe illos promeritus
fuerit, benequē illis fuerit usus. Hinc
acute omnino suum Trajanum laudat
Plinius, quod meruerit honores, ante-
quam iuxta illos adeptus: *Soci inquit,
contigit tibi, ut pater patriæ esses, ante-
quam fieres.* 2. Si & meruerit simul, &
spreverit, quemadmodum magnanimus
ille Frontinus, quem Ruffo iam comparat
Plinius in Epistolis: *Uterque, inquit, ad
gloriam pari cupiditate, diverso itinere con-
tendit. Alter (Ruffus) cum expetit debitos
titulos, alter (Fortunius), cum mavult vi-
deri contempisse.*

Quo-

(a) Virginia virgo formosissima, ne in pote-
statem veniret Appii Claudii Decemviri, à pa-
tre fuit interempta.

Quomodo commendari quis potest à divitiis?

1. Si possideat, non possideatur.
2. si sint honestis laboribus partæ. 3. Si
illis utatur non ad perfruendas voluptates,
sed vel ad usus vitæ honestos, vel ad ju-
vandos amicos, vel ad egenorum ino-
piam sublevandam. ut Trajanus; de quo
ita Plinius; *Nihil magis tuum credis, quàm
quod per amicos habes:* Non verò, quem-
admodum aut luxuriosi, perditique nepo-
tes, aut avari.

Aut qui divitiis soli incubuere reperitis,
Nec partem posuere suis: quæ maxima
turba est, (a)

Quòd si fortunæ bonis caruerit is, quem
laudas, confugies ad tritos illos, com-
munesque locos, blandientis fortunæ mu-
nera potius esse in malis, quam in bonis
numeranda; caduca semper hæc esse, nō
virtutis, & ingenii, sed incertæ sortis, &
temporum munera, infelicitatis genus
esse; semper esse felicem. Usurpabis au-
reum illud verbum: *Nescio quomodo bona
mentis soror est paupertas;* (b) Amplificabis
Horatianum illud: *Aurum irrepertum, &
sic melius fitum, cum terra celat* Dices deni-
que cum Juvenali.

Si fortuna volet, fies de Rhetore Cōsul.

Si

(a) *Æn.* 6. (b) *Petron.*

Si volet hæc eadem sies de Cōsule Rhetor.

§. VI. De tempore illo, quod mortem
subsequitur.

Supereſt nunc tempus ultimum: cuius in primis habenda eſt ratio. Ut enim docet D. Ambroſius: *Ante mortem nulla eſt perfecti laudatio; neque quiſquam in hac viâ poteſt definito præconiò prædicari, cum poſteriora ejus incerta ſint.*

Quoniam res in ultimo tempore laudari poſſunt?

ꝛ. Dæ. 1. Quæ in ipſa morte; 2. Quæ ſub ipſum mortis tempus contingere.

Quid in ipſa morte conſiderare potiſſimum debet Orator?

ꝛ. Duo: genus nimirum, & Cauſam mortis: Genus, ſi quis piè ac fortiter obierit, ut ſapientem, ac probum docet: Cauſa vero laudabitur, ſi nempe vel pro patria pugnans occubuerit: *Dulce enim, ac decorum eſt pro patria mori*, inquit Horatius; vel pro tuenda religione mortem occubuerit, ut Chriſti Martyres ſanctiſſimi: vel denique ſi honeſtis animi, corpori ve laboribus & curis, ſibi ipſo mortem acceleraverit.

Quenam poſt mortem conſiderandi ſunt?

ꝛ. Tria hæc ſpectari ſolent. 1. *Ponpa funebriſ;* & honores habiti mortuo;

ut,

ut, quod Aristoteli statua fuerit erecta cum inscriptione hujusmodi: *Aristoteles Philosophorum optimus*; vel quod uni Demetrio Phalareo statuae trecentae & sexaginta fuerint Athenis positae, vel quod Gorgiae Leontino, non aurata, ut ceteris, sed aurea statua fuerit erecta. 2. Spectatur bonorum mæror, & luctus. Quod refer illa Mopsi apud Maronem Eccl. 5.

Non ulli pascus illis egere diebus
Frigida, Daphni, boves ad flumina; nulla
neque annem

Libavit quadrupes, nec graminis attingit
herbam. (leones
Daphni, tum Pænos etiam ingenuisse
Interitum; montesque feri, (a) silvæ quæ
loquantur.

Sed nihil in hoc genere comparandum cum incredibile insolitoque omnium ordinum luctu, & acerbissima militum comploratione post Alexandri mortem; quod eloquentissime ita describit Curtius lib. 10. *Suprema hæc vox regis fuit. Et paulo post extinguitur. Ac primo ploratus lamentisque, Et planctibus tota regia personabat; mox velut in vasta solitudine omnia trifsi silentio muta torpebant, ad cogitationes quid deinceps futurum esset, dolore converso.*

(a) *Silva cum I, non cum F. ita veteres omnes lapides, 3 libri.*

Nobiles pueri custodia corporis ejus assueti, nec doloris magnitudinem capere, nec se ipsos intra vestibulum regie retinere potuerunt, vagisq; ac furentibus similes totam urbem luctu, ac mœrore compleverant, nullis queribus omis- sis, quos in tali casu dolo suggerit.... Nec poterant victi à victoribus in communi dolore discerni. Persæ justissimum, ac mitissimum dominum, Macedones optimum, ac fortissimum Regem invocantes, certamen quoddam mœoris edebant. Nec mœstoram solum, sed etiam indignantium voces exaudiebantur; tam vividam & in flore ætatis (a) fortunæq; invidiâ Deorum ereptum esse rebus humanis. Vigor ejus, & vultus educantis in prælium miles, obsidentis urbes, evadentis in muros; fortes viros pro concione donantis, occurrebant oculis.

Persæ, comis more suo detonsis in lugubri veste cum conjugibus, ac liberis non ut victorē, & modo hostem, sed ut gentis suæ justissimum Regem, verò desiderio lugebant... Ad Darii quoq; (b) matrem celeriter fama perlata est. Abscissa ergo veste, quâ induta erat, lugubrè sumpsit; laceratisq; crinibus, humi corpus, abjecit.... ad ultimum dolori succumbit, obvolutoq; capite, accidentes genibus suis neptem, nepotemq; averzata, cibò pariter abstinuit, & luce;

(a) Anno ætatis 33. (b) Sisygambin.

luce; quinto, postquam mori statuerat, die ex-
hincta.

3. Deniq; spectantur filii superstitēs,
relictī, unde levāri mortis m̄ror, da-
mnumq; aliquo pacto sarciri possit. Ita
D. Ambrosius in funere (a) Theodosii
magni, Ergo, inquit, tantus Imperator ē
nobis; sed non totus recessit. Reliquit enim
liberos; in quibus eum debemus agnoscere, &
in quibus eum cernimus, & tenemus. Intel-
ligit autem Honorium, & Arcadium,
qui patri in Imperio successere.

§. VII. Animadversiones quædam circa
personarum laudationem.

Quænam observanda sunt in personarum lau-
datione?

R. Triahæc: 1. Ne ad ementitas, fi-
ctitiasq; laudes recurramus, quæ scilicet
non splendorem afferunt orationi, sed in
veris etiam fidem omnino derogare so-
lent; ut olim contigit imprudentibus hi-
sce Pœtis: qui versibus celebrare veriti
non sunt hyacinthinas. (b) Stratonices
comas, quam non deformem modo, sed
calvam prorsus esse nemo non sciebat.
Hoc etiam illustrare poteris exemplo
Lipsii, qui Alexandrum sapienter effia-
xit.

(a) Obiit an. Christi 395. (b) Stratonice Se-
leuci Syria Regis uxor.

xit hæc manu tenentem. Apellem reprehendens, quod eundem fulminantem depinxisset, & ita spoliasset veris, ac propriis insignibus, ut ornaret falsis, quæ nullam apud p̄teros fidem essent habitura.

2. Cavenum est, ne, in meliorum copia, res confectemur viles, & facta leviora. Ut enim scite agebat (a) Phavorino, turpius est exigue frigidèq; laudari, quam graviter vituperari. In magnis tamen viris aliquando etiam res minusculas commendare operæ pretium est. Fecit hoc olim Damis in Apollonio suo Tyanæo; eoq; nomine reprehensus, argutè respondit. *De mensis Deorum* (b) analecta quoq; colligi sedulo debere, ne de illorum ambrosia, quidquam depereat.

3. Deniq; erit hoc observandum diligenter, ut non communes, ac pervagatas, sed proprias cujusq; vel saltem cum paucis communes laudes præcipuè confectemur. Quæ propter planè, ac perspecta perfectè tibi esse debent, quæ propria sunt illius, de quo agitur.

De

(a) Phavorinus insignis Philosophus, Arelate in Galia natus tempore Hadriani, cui fuit infensissimus. (b) Analecta, Conarum quisquiliæ sub mensam cadentes.

De personarū laudatione satis superq̄;
dictum à nobis hætenus. Unde intelligi
facile potest, quomodo debeat institui vi-
tuperatio, quippe tibi omnia prorsus de-
bent inverti.

§. VIII. De oratione natalitia, seu
Genethliaca.

Quid est Oratio Genethliaca?

R. Oratio Genethliaca, quæ etiã Ge-
nethliacum, vel Genethliacus appellatur,
est oratio, quã alicujus dies natalis ce-
lebratur.

*Quas partes, seu capita continet Gene-
thliacus?*

R. Quatuor: 1. Continet laudes pa-
rentum, atq̄; majorum, quæ jure quodã
hæredit nō pertinere videntur ad prole.
2. Spem, quam præbet puer, vitæ ali-
quando cum laude peragendæ. 3. Læti-
tiam, & gratulationem de prole feliciter
parentibus nata. 4. Vota, & preces ad
Deum O. M. ut infanti fauste, feliciter,
prosperèq̄; eveniant omnia, utq̄; in pa-
trix decus, & ornamentū adolescat. Hu-
jusmodi vota pro Domitiani filio, licet
nondum nato, facit Martialis l. 6.

Nascere Dardanio promissū nomen Iulo,
Vera Deum soboles, nascere magne puer,
Cui pater æternas, post sæcula, tradat
habenas, Quippe

Quippe regas orbem cum seniore tene
 Undenam excitari potest spes illa, atq; ex
 pestatio de futura prolis virtute, ac gloria
 2. Ex variis circumstantiis; 1. ex ge-
 nere; 2. ex facie; 3. ex futura educatio-
 ne; 4. ex signis, ex portentis, ex victo-
 riis, prosperisq; aliis eventibus; si quæ for-
 te id genus pueri ortum vel antecesserint,
 vel comitata fuerint, aut subsequuta, qua-
 liade Augusto narrantur, itemq; de Pyr-
 rho Rege, qui maternis uberibus appensus
 dixit: *Lo mai, volo*, quæ vox transit in o-
 men futuræ audaciæ. Si quis parentum
 enixè efflagitantium precibus, ac votis
 concessus à Deo fuerit, habebis uberè ben-
 augurandi campum, ut de Scipione me-
 morat A. Gellius, & ut Ludovico Ma-
 gno contigisse vidit ætas nostra.

Quænam est dispositio Genethliaci?

2. Exordium erit lætitiæ, & gratulatio-
 nis plenum, & ductum ab aliqua temporis
 loci, vel personæ circumstantia. Ita Ma-
 ro eximium illud (a) Salonini, seu alte-
 rius Genethliacum, exorditur ab apo-
 pbe, quæ genitentem quandam lætitiã
 exprimit.

Siceli-

(a) Saloninus sic vocatus, quod natus fu-
 erit, quò annò pater Asinius Pollio Salonas
 Dalmatia civitatem expugnavit.

Sicelides Musæ, paulò majora canamus.

Confirmatio continebit parentum laudes, & varias causas, quæ lata omnia de infante sperare jubeant. Vide, quàm magnificè locum hunc tractet Virgilius, quantaq; non vereatur augurari de puero, ex patris virtute notissima.

Ille Deum vitā accipiet, Divisq; videbit
Permissos heronas; & ipse videbitur illis.
Pacatumq; reget patriis virtutibus orbē.
At simul heroum laudes, & facta parentis,
Jam legere, & quæ fit, poteris cognoscere, virtus;

Molli paulatim flavescet campus arista.
Peroratio deniq; vòta, precesq; pro filii, & parentum incolumitate continebit.
Ita Statius Silverum libro 4.

Magnus te manet ordo sæculorum,
Natis longior, abnepotibusquè,
Annos perpetuū geres juventā,
Quos fertur placidos obisse Nestor,
Quos (a) Tithonia computat senectō,
Et quantos ego Desium poposci.

Quid est Oratio Lustrica?

2. Ea est, quæ à veteribus nonnullis habebatur; quando infanti nomen imponebatur.

(a) Tithonus Laomedontis filius, Memnonis Pater: post longissimam vitam, ab Augora conjugè versus in cicadam.

batur. Vocabatur autem *Lustrica oratio*, quòd dies ille *Lustricus*, seu *lustralis* vulgò diceretur. Verùm quoniam illud orationis genus penitus apud nos videtur obsolevisse, in illo tractando operam, & olem perdemus.

§. IV. De oratione nuptiali sive Epithalamio.

Quid est Epithalamium, seu Oratio nuptialis?

R. Epithalamium, ut vox ipsa satis indicat, est oratio, quæ alicujus nuptiæ celebrantur. Sic autem appellatur à voce Græca *Thalamos*, quæ cubiculum nuptiale significat.

Quot sunt partes Epithalamii?

R. Quatuor: 1. Dicitur generatim, & universè de nuptiarum laudibus, & de bonis matrimonii, quòd scilicet hominum societas primum cœpit, urbes conditæ sunt, genus humanum propagatur, vitæ levantur incommoda, & mutua charitas, atq; benevolentia cognationibus, & affinitatibus serpit, atq; diffunditur.

2. Pars, quæ præcipuam quandam eorum diligentiamquæ desiderat, continet laudes utriusq; conjugis. Ducuntur autem laudes illæ à Parentibus, à Patria, ab honoribus, fortunisq; à corporis, animiq; dotibus, & à cæteris illis capitibus, unde laudari

laudari homines solent, de quibus fuse
diximus supra. Ita (a) Mariam Impera-
toris Honorii novam conjugem laudibus
in Cœlum tollit Claudianus Epithal.
& Salve fidereæ proles augusta (b) Serenæ
Magnorum soboles Regum, parituraque
Reges.

Quæ propior sceptris facies, quis di-
gnior aulâ
Vultus erit? Non labra rosæ, non colla
pruinæ,
Non crines æquant violæ, non lumina
flammæ.

Auroræ vineis digitos, humerosq; dianæ,
Tertiô locô laudatur nuptiarum appa-
ratus, atq; celebritas popularium; & af-
finium prædicatur læticia, & aliqua etiã
inde solent aspergi, qui ad nuptias con-
venere. 4. Deniq; præcipuis, & faustis o-
minibus clauditur oratio, & vota Deo
superisq; pro felici liberorum ortu, mu-
& aq; conjugum concordia nuncupantur.
ita Statius in Epithal. Stellæ & Vio-
lantillæ:

Ja age, præclaros Latio properate ne-
r aq; potes,

P

Qui

(a) Maria Stiliconis filia nup̄t Impera-
tori Honorio. (b) Serena filia fratris Theo-
dosi magni, uxor Stiliconis.

Qui leges, qui castra legant, qui carmina
ludant.

Acceleret partu decimum bona (a) Cyn-
thia mensem;

Sed parcat Lucina, precor, tuq; ipse
Parenti

Parce puer; nè mollem uterum, nè flan-
tia lædas

Pectora: cumq; tuos tacito natura re-
cessu

Formavit vultus, multum de more de-
coris,

Plus de Patre seras.

Pro mutua conjugum concordia sic vo-
ta nuncupat Martialis in Epith: Pru-
dentis, & Claudie l. 4.

Diligat illa senem quondam: sed & ipsa
marito

Tunc quoq; cum fuerit, non videatur
anus.

§. X. De laudatione Funebri.

Quid est Oratio Funeris?

1. Ha est, quæ habetur vel in ipso fune-
re, vel in anniversario funeris die, cu-
jusmodi erant orationes illæ, quas ad
Mausolei sepulchrum quotannis haberi ju-
ditur Artemisia; itemq; quæ Athenis habe-
bantur

(a) Cynthia nomen Diæ à Cyntho mon-
te in Deo insula, ubi nata est.

bantur in laudem eorum, qui in bello pro patria cecidissent, qualis est oratio Periclis apud Thucididem.

Quanam est origo hujusmodi Funebrium orationum?

R. Illarum inventor apud Græcos fuit Solon, unus è septem Sapientibus: apud Romanos verò Valerius Publicola, qui collegam suum Junium Brutum, in pugna contra Tarquinius cæsum, funebri oratione prosecutus est; tantumq; id populi applausu fecit, ut exinde mos ille obtineret, publicè laudandi Duces eos, qui in bello cecidissent, & à Romanis mos ille ad cæteras gentes, & ad ipsos etiã Christianos manaverit. Hujusmodi porro laudationibus mendosam factam esse historiam, author est Tullius, & post illum Livius, quod nempe supra modum res illis augeri solerent, & benè multa assentatorie magis, quàm vere dicerentur, ut ferè sit.

Quot partibus constat oratio Funebris?

R. Orationem funebrem tribus omnino partibus constare debere: nimirum laudatione, consolatione, & paranesi sive adhortatione. Laude mortui; consolatione Parentum, & affinium; Paranesi vero, seu adhortatione ad imperantes, ut in mor-

tui vitam, atq; virtutes, tamquam in exemplar intueantur.

De artificio funebris orationis.

Quodnam esse debet, & undenam ducendum est illius Exordium?

R. Magnam quandam mæroris luctusq; significationem præferre omnino debet. Duci autem poterit. 1. ab exclamatione. Tale est Exordium brevis illius, sed perelegantis orationis Tullianæ in morte Crassi Oratoris clarissimi: O fallacem nostram spem, fragilemq; fortunã, & inanes nostras contentiones, quæ in medio spatio sæpè franguntur, & corrunt. & ante in ipso cursu obruuntur, quã portum conspiciere potuerunt!

2. Duci potest Exordium à descriptione funebris apparatus, vel à mæsto audientium silentio, quæ res utraq; sacrum quendam horrorem audientibus incutiat. Ita nos olim sumus exorã funebrem laudationem II. Ecclesiæ Principis Camilli de Nautville Archiepiscopi, & Proregis Lugd: Quod tristi silentio, tacitãq; mæstitiã defixis, & rerum à me dicendarum expectatione suspensos esse vos videri. Auditores, arguit illud quidem dolorem vestrum, cuius vim acerbissimam in vestris animis altius insedisse satis intelli-

go. At hic vester mæror, hæc expectatio tanta, nè mihi, vobisq; fraudi sit, est omnino, quod verear. Habent hoc nempe magni dolores, ut superbissimus sit illorum sensus, delicatissimumq; fastidium: Habent hoc, ut refricando facile recrudescant, neq; se, nisi cautè admodum, ac molliter interpellari patiantur. Verùm opprimar ante licet officii pondere, quam illud deseram.

3. Duci poterit Exordium à gravi aliquo apopthegmate, de fragili: caducaque rerum humanarum sorte, quæ nobis, ut eum maximè ante oculos obversatur.

4. Duci poterit ab adjunctis, quæ fortè laudandi mortem circumstetere. Hinc Imperatoris Theodosii M. laudationem funebrem orditur D. Ambrosius: Hoc nobis motus terrarū graves, hoc juges pluvix minabantur, & ultra solitum caligo tenebrosior denuntiabat, quod clementissimus Imperator Theodosius recessurus esset è terris. Ista igitur recessum ejus elementa mærebant, Cœlum tenbris obductum, aër perpetua horrens aligine, terra quætebatur motibus, replebatur squarum alluvionibus. Quidni mundus ipse deseret eum principem, continuo esse

se rapiendum, per quem dura mundi ini-
us temperari solerent?

5. Deniq; abruptum exordium ad pro-
vendam commiserationem longè aptius
esse videtur, quàm temperatum; ac lenè.
Vide quomodo M. Antonius Muretus in
funere (a) Caroli noni Galliarum Regis
exordiat ex abrupto: Hoc igitur resta-
bat unum afflictis, ac penè prostratis in-
felicis Galliæ rebus, ut Carolus Rex, quò-
se illa recreabat, ac solabatur unò; de quo
cogitans, in quem intuens, omniù, quas
exceptit, acerbitatum memoriam depone-
bat; cùm honorum animos, ad aliquam
spem quietis erigere cepisset, in ipso in-
cunctis adolescentiæ flore, acerba atque
immatura morte reperetur. O saltem
hominum spes! O incerta vota! O lu-
brica & ancipitia humanæ vitæ curricula!

Quid factò opus est in confirmatione?

3. Tribus illis quæ præmemorata sunt
partibus constabit Confirmatio; scilicet de ni-
mirum consolatione, atq; Parænesi; lau-
de mortui, consolatione propinquorum
ac amicorum, & parænesi ad adstantes.
Quod attinet ad mortui laudes, vide, quod
diximus de Panegyrico, à quo nimirum
hec tantum differt oratio funebris, quod
audien-

(a) Carolus IX. obiit annò 1574.

audientium voluptatem sequatur, & captet Panegyricus; funebris verò laudatio nihil, nisi mærori serviat, atq; tristitiæ; unde vitandum erit diligenter, quidquid lætitiæ, gaudiumq; posset animis ingenerare. Hoc artificium observare poteris in illo Horatii Carmine, ubi (a) Quintilii amici, & affinis sui mortem lamentatur.

Ergo Quintilium perpetuus sopor
Urget? cui pudor, & justitiæ soror
Incorrupta fides, nudaq; veritas,
Quando ullum invenient parem?

Merentium dolorem utcumq; consolabitur. 1. Vitæ ab amico laudabiliter actæ felix recordatio. 2. Honores viveati, mortuoq; habiti, & omnia, quæ virtutem illius testantur, tum publica, tum privata monumenta. 3. Spes minime dubia de immortalis ævo, quo ille inter felices animas in Cælo perfruitur, vel aliquando fruiturus est. 4. Filii, nepotesq; superstites, ad quos paternæ virtutis hæreditas transit.

Quod si fortè pro patria pugnans occu-
P₄ bue-

(a) Quintilius Pœta non contemnendus, Cremonensis dictus à Patria, diversus ab illo Quintilio Varo, qui legiones amisit in Germania.

buerit is, qui laudatur, tunc enim verò poteris vagari liberius in hoc uberrimo dicendi campo, quem tibi aperit Tullius, cum Martiam Legionem, quæ in (a) Prælio Mutinensi fortiter pugnans cecidit, magnificentissimè laudat Philippicæ: 13. Illi impii, quos cecidistis, etiam apud inferos poenas parricidii luent: vos verò, qui extremum spiritum in victoria effudistis, priorum cæcis sedem, & locum consecuti. Brevis autem vobis vita data est, at memoriâ benè redditæ vitæ sempiterna, quæ si non esset longior, quàm hæc vita, quis esset tam amens, qui maximis laboribus, & periculis ad summam laudè, gloriamq; contenderet? Et post pauca: Sed quoniam, Patres conscripti, gloriæ munus optimis, & fortissimis civibus, monumenti honore persolvitur, consequemur eorum proximos: quibus optima hæc est quidem consolatio, parentibus, quod tanta Reip: præsidia genuerunt: liberis, quod habebunt domestica exempla virtutis, conjugibus, quod viris carebunt, quos laudare, quàm lugere præstabit; fratribus, quod in se, ut corporum, sic virtutum similitudinem esse confident.

Deniq;

(a) *In bello contra M. Antonium, in quo Mirtius, & Pansa Consules cæsi.*

Deniq; adstantibus, earum, quas celebrasti, virtutum recordatione stimulos admovere conaberis.

Quaedam esse debet Perorationis artificium?
R. Hæ sunt Perorationis partes. 1. Aeternam apud Superos felicitatem apprecari mortuo. 2. Sempiternam eidem apud Posteriores exoptare, ac polliceri memoriam. 3. Summum illius desiderium in auditorum animis excitare, his vel similibus Horatii verbis de eodem Quintilio:

Quis desiderio sit pudor, aut modus
Tam chari capitis? Præcipe lugubres
Cantus, Melpomene, &c.

§. XI. De oratione Eucharistica.

Quid est oratio Eucharistica, seu Eucharistica?

R. Oratio Eucharistica dicitur ea quæ ob acceptum insigne aliquod beneficium, gratias agimus alicui; cujusmodi est luculenta illa oratio, quæ Aufonius orator, & Pœta Gallus Imperatori Gratiano discipulo quondam suo, gratias egit pro Consulatu ab illo accepto. Traxit autem tum illud Eucharistici nomen a voce Græca Eucharistein gratias agere.

Quot sunt præcipuæ partes Eucharistici?

R. Tres. 1. Significamus lætitiã obor-

tam ex accepto beneficio. 2. Accepti beneficii magnitudinem amplificamus. 3. Gratum, & memorè animum pollicemur.

Quodnam esse debet exordium orationis Eucharisticæ?

R. Exordium versari debet in aperto quodam, candidoq; dicendi genere, & magnam grati animi, foras quodammodo erumpere gestientis significationem continere. Duci autem poterit. 1. A beneficii magnitudine, cui pro eo, ac par est, verbis exornando, te imparè profitearis. Sic Tullius in oratione post reditum habita in Senatu: Si, Patres conscripti, pro vestris immortalibus in me, fratreq; meum, liberosq; nostros meritis, parum vobis cumulatè gratias egero, quæso, obtestorq; ne meæ naturæ potius, quàm magnitudini beneficiorum, id tribuendū putetis. Quæ enim tanta potest existere ubertas ingenii, quæ tanta dicendi copia, quod tam divinum, atq; incredibile genus orationis, quo quisquam possit vestra in nos universa promerita, nō dicā, complecti orando, sed perenumerando?

2. Duci poterit Exordium ab excusatione diuturni silentii post acceptum beneficium. Hoc pacto Tullius exorditur suum

ſuum illud eximium Eucharisticum ad Cæsarem pro impetrato M. Marcelli reditu: Diuturni silentii, P. C. quo eram his temporibus usus, non timore aliquo, sed partim dolore, partim ve ecundia, finem hodiernus dies attulit; idemq; initium, quæ vellem, quæq; sentirem, meo pristino more dicendi.

Quid factu est opus in Eucharistici confirmatione?

R. 1. Amplificanda est, & in bono lumine collocanda beneficii magnitudo. 2. Laudanda est persona, à qua profectum est beneficium.

Quomodo amplificanda est beneficii magnitudo?

R. Amplificabitur quadrifariam. 1. A persona, quæ gratificabitur si hæc, sit in amplissimo dignitatis gradu collocata. Hinc enim augetur beneficii magnitudo. 2. A persona, cui gratificatur, si beneficium sit egenti collatum, si immerenti, si ad plures pertineat. 3. A re, quæ gratificatur, si honesta, si opportuna, si exoptata, si difficilis. 4. A ratione, & modo; si non ægrè, sed libenti animo; si non rogatu alieno, sed sponte, si non redditum sit, sed datum beneficium; si non tardè, sed citò, & opinione citiùs. Ut enim est
in

in veteri proverbio, *Bis dat, qui cito dat;*
 & interdum etiam beneficii locò ducitur,
 si cito negetur. Unde in laudatissimo E-
 pigrammate (a) auctoris incerti, sed ve-
 teris:

Cæsaris ad valvas sedeo, nō nocte, dieq;
 Nec datur ingressus quò ræa facta loquar.
 Ite, Deæ faciles, & vestro numine saltem
 Dicite divini Cæsaris ante pedes:

Si nequeo placidas affari Cæsaris aures,
 Saltè aliquis veniat, qui mihi dicat: Abi.

Quidam in Peroratione servandū est?

R. Accepti beneficii memoriam nunquam
 interiuram, & trabali, ut ita loquar, cla-
 vo figendam esse pollicebe is. Iam Auso-
 nius ait, ubiq; sibi occurrere beneficia
 Gratiani, in templo, in foro, in curia, in
 Palatio, domi. Sic etiam Mamertinus ad
 Imperatorem Julianum: In referenda gra-
 tia hoc tibi pollicor, semperq; præstabo, mi-
 hi, nec in suggerendis consiliis veritatem, nec
 in audiendis periculis animum, nec in labori-
 bus perseverandis industriam defuturam. Sed
 nullum, quod sciam, illustrius exemplū
 afferri potest, quàm Eucharisticum Aeneæ
 ad Didonem, *Æneid: 1.*

O! sola infandos Trojæ miserata labores,

Quæ

(a) Apud Colomensem, & apud Barthi-
 um in Adversariis.

Quæ has reliquias Danaum, terræq; marisque,

Omniū exhaustos jam casibus, omnium egenos,

Urbe, domo socias. Grates persolvere dignas

Non opis est nostræ, Dido: nec quidquid ubique est

Centis Dardaniæ, magnum quæ sparsa per orbem.

Di tibi (si qua pios respectant numina, si quid

Ullquam Iustitiæ est, & mens sibi conscia recti)

Premia digna ferant.

Vide etiam apud Livium lib: 28. orationem Saguntinorum gratias agentium in Senatu Romæ: quod eorum causâ bellum adve-
s Hannibalem suscepisset. Vide in Bello Jugurthino orationem Bocchi regis ad Syllam. Habes quoq; clarissimam illam epistolam, quâ Tullius agit gratias Marcello ob supplicationem sibi ejus opera decretam.

§. XII. De Epinicio, & Gratulatione.

Quid est Epinicius?

R. Est gratulatio ob reportatam victoriam. Sic autem nuncupatur à voce Græca *Nike*, *victoria*.

Quodnam

Quodnam esse debet illius artificium, & dispositio?

R. Exordium, si unquam alias, erit splendidum, floridumq; & hilaritatis plenum, ac leucis. Videtur autem abruptum magis esse debere, quam temperatum.

In confirmatione amplificabitur. 1. Belli necessitas. 2. Belli difficultas. 3. Equitas in suscipiendo, diligentia in apparando, virtus in gerendo, celeritas in conciliando. 4. Enumerabuntur commoda, & utilitates victoriæ, quæ timore populos, direptione urbes, vastitate Provincias, liberaverit. Laudabuntur fortissimi Viri, qui in bello strenuè pugnantes cecidere. Ita Virgilius Euryalum Nilumq; laudibus in Cælum extollit. *Æneid: 9.*

Fortunati ambo: si quid in ea carmina possunt,

Nulla dies unquam memori vos eximet ævò.

Dum domus *Aenæ*: Capitolii immobile saxum

Accolet, imperiumq; pater Romanus habebit.

Sua etiam laus tribuetur præfectis, ducibusq; præcipuis, qui in victoriæ parca aliquam venere. Ita *Rueus* (a) hæc inscri-

(a) *P. Carolus de la Rue S. J.*

scriptionibus, Augusti sæculō dignis, cōsecravit nomen illorum, qui bellum Batavicum una cum Ludovico Magno administraverant.

LUDOVICO PRINCIPI CONDEO.

Tribus ad Senesūm Exercitibus fractis.

HENRICO PRINCIPI TURKENIO.

Servatis Regni finibus, pulsus ultra Rhenum

Germanis, eorum exercitu quater cæso.

FRANCISCO MARESCO CREQU:

deletis incruenta victoria Germanorum copiis, &c.

Peroratio vota continebit pro victoris incolumitate, gloria, felicitate, postquam Deo O. M. victoriarum largitori, & bonorum omnium fonti, grates fuerunt, ut par est, ritè per solutæ.

Quod si non pro victoria, sed pro addepto insigni quoquam honoris, ac dignitatis gradu, fiat alicui gratulatio; significabis. 1. Quantam conceperis animo voluptatem ex illius nova dignitate.

2. Quanta sit etiam publica hilaritas, & lætitia. 3. Honoris, & gradus amplitudinem verbis extolles. 4. Non casu, non prehensione, & ambitu, non precibus, muneribusq; sed meritis, rebusq; gestis fuisse comparatum hunc honorem, quem
multis

multi ambierint, perpauet obtinuerint.

Pertinent etiam ad demonstrativum genus Soteria, Propempticon, Apobaterion, & Epibaterion.

Quid est Soteria?

R. Soteriam vocamus orationis genus quoddam, quo restitutam alicui sanitatem gratulamur, & pro illius incolumitate, & salute, grates agimus Superis.

Quid est Propempticon?

R. Est oratio, quæ discedentem alium fauētis omnibus, vobisq; prosequimur, & ejusmodi luculentum habes exemplum in egregio Horatii Propemptico ad Virgilium, Athenas pro ciscentem:

Sic te Diva potens Cypri,

Sic (a) fratres Helena lucida sidera,

Ventorumque regat pater:

Obstrictis aliis, præter (b) Japyga,

Navis, quæ tibi creditum

Debes Virgilium, sinibus Atticis

Reddas incolumem, precor,

Et serves animæ dimidium mee.

Quid est Apobaterion?

R. Est oratio, quam habemus discedentes ex patria, vel ex alio quodam loco, ubi

(a) Castor, & Pollux. (b) Japyx ventus flans ab Apulia, quæ olim Japygia dicebatur.

ubi cum singulari benevolentiae significatione sumus excepti.

Hujus generis est Aeneae discedentis oratio ad (a) Helenum, & A. cromachen, Aeneid. 3.

Hos ego digrediens lacrimis adfabar
obortis: (& a
Vivite felices, quibus est fortuna per-
Jam sua: nos alia ex aliis in fata vocamur.
Vobis parta quies: nullum maris æquor,
arandum. (retrò

Arva neque Ausoniae semper cedentia
Quærenda. Effigiem Xanthi, Trojan q;
videtis, (opto
Quam vestrae fecere manus: meli' r'ius
Auspiciis, & quæ fuerit minus obvia
Grajis.

Quid est Epibaterion?

R. Est oratio, quæ habetur ab illo, qui post longam peregrinationem, domum incolumis rediit. Vide Scaligerum lib: 3. Poëtices.

C A P U T II.

De orationibus, quæ pertinent ad genus deliberativum.

Quænam est materia generis deliberativi?
R. Illius materia sunt res omnes in manu,

(a) Helenus Priami filius, vaticinio clarus, ex captivo factus Epiri Rex ab ipso Pyrrho.

nu. & arbitrio nostro potest: Ut enim ait (a) Tullius: Tollitur omnis deliberatio, si intelligatur quidquam fieri non posse, aut imponatur necessitas. Neq; enim quisquam deliberat, quæ ratione perpetuo victurus sit, quoniam intelligit sibi moriendi necessitatem incumbere: neq; quisquam deliberat, quomodo volare possit, scit enim sibi alas non adesse.

Quisnam est finis generis deliberativi?

R. Honestas, & utilitas.

Quanam orationes spectant ad genus deliberativum?

R. Pertinent ad genus deliberativum suasio, dissuasio, hortatio, exhortatio, conciliatio, concitatio, comendatio, peritio, & consolatio.

§. I. De Suasione, & Dissuasion.

Quid est Suasio?

R. Est oratio deliberativa, quæ ostendit quid faciendum sit. Dissuasionem verò contrarium suadetur.

Undenam ducuntur argumenta Suasioni, vel Dissuasioni propria?

R. Ducuntur ab honesto, ab utili, necessario, à facili, à jucundo, cum aliqui suadendum est; & è contrariis capitibus cum est aliquid dissuadendum.

Quid est Honestum?

R.

(a) In Partitionibus.

R. Honestum id intelligimus, inquit Ci-
cero, quod tale est, ut detracta omni uti-
litate, per se ipsum laudabile sit. & expe-
tendum. v.g. si quem amoremur, ut
M. Atilii Reguli exemplū, malit ad
mortem vel ad vincula reverti, quàm da-
tam hostibus fidem fallere. Ita Tullius in
Maniliana, probat suscipiendum esse bel-
lum Mithridaticum, ut deleatur ignomi-
nia, quam populo R. Mithydates iniecit,
cum unâ horâ tot civium Romanorum
millia iussit occidi. Ex hoc eodem loco
Cato apud Lucanum lib: 9. animos mi-
rum accendit sola gloriæ commendatio-
ne, ad aggrediendum iter periculosum
ac difficile.

O quibus una salus placuit mea castra
secutis
Indomita cervice mori. componite men-
tes,
Ad magnum virtutis opus, summosque
labores:
Quam orationem claudit pulchrâ illâ
sententiâ
Serpens, sitis ardor, arena,
Dulcia virtuti, gaudes patientia duris:
Latius est, quoties magnò sibi constat
honestum.

Quid vocas Utile?

R. Utile est, quod propter commodum
exeritur; sive adiutam habeat hone-
statem

statem, ut gloria, honor, dignitas; siue non habeat, ut diuitie, valetudo, tranquillitas, malorum depulsio, &c. Ex his locis Catilina conuictos hortatur apud Sallustium, ad nefarium facinus, quod ille maximum, atq; pulcherrimum vocat: *Nobis, inquit, est domi inopia, foris æs alienum; mala res, spes multo asperior. Denique quid reliqui habemus præter miseram animam? Quin igitur expergiscimini? en illa quam sæpe optastis, libertas; præterea diuitiæ, decus, gloria, in oculis sita sunt. Fortuna ea omnia victoribus præmia posuit.*

Curio hæc similiter, apud Lucanum lib: I. specie utilitatis, Iulium Cæsarem ad bellum Civile, sic hortatur:

*Bellantem geminis tenuit te Gallia iugis,
Pars quæta terrarum! facili si prælia
paucæ*

Ge eris eventu, tibi Roma subegerit or-

Quid vocas necessarium?

NECESSARIUM dicitur id omne, sine quo salus, aut dignitas stare non potest. Seu magis cum Scaligero: necessarium dicitur, quod ita utile est, ut sine eo res

(NEC ESSE possit, unde, & nomen de-

riva-

hæc Curio Homo linguæ venalis, ut se ore alieno liberaret, Cæsarem ad Civile bellum impulit.

riatum est. Hujusce porro loci, magna vis est. Multi enim sunt animis adeo se-
gribus ut tum quoq; eum aliquid hone-
stum & utile esse norunt, tamen, si res
sit cum magno labore conjuncta, facile
terreantur. Apud tales, ratio necessitatis
est compendiosa via ad persuadendum.

Ejusmodi est Ciceronis argumentum in
4. Philipp: *Agitur enim, non qua conditio-
ne virtuti, sed viturine sumus, an cum suppli-
cio, igr ominiaq; perituri?* Ab hoc potissi-
mum loco, itemque ab honesto *Aeneā He-
ctor ad fugiendum hortatur; Aeneid: 2.*
*Heu! si ge nate Deā, teq; his, ait, eripe
flammis.*

ē Troja
Hōstis habet muros, ruit alto ā culmine
Sat Patriæ, Priamoq; datum; si Pergama
dextrā ē sent.

Detendi possent, etiam hāc defensa suis.

Quid vocas Facile?

r. Facile illud est, quod sine magno labo-
re, sumptu, aut molestia, brevi tempo-
re fieri potest: quæ sane omnia maximo
sunt ad persuadendum momento. Frustra
enim suadetur illud, quod vix, aut ægrè
admodum fieri posse creditur. Ac pro-
pterea, si quis hæc de re scrupulus hære-
at auditoribus, is ante omnia ex illorū
animis omnino erit eximendus. Ita Ve-

nerem

nerem in suam sententiam conatur alligere astuta Juno, *Æneid: 4.*

Mecum erit iste labor: nunc qua ratione, quod instat,

¶ *Confieri possit, paucis, adverte, do-*
Quid veras Jucundum?

R. Jucundum dicitur, quod honestam habet voluptatem vel animi, vel corporis; sic nuncupatum, inquit Tullius, à *juvando*, quòd nempe juvet vel utrumq; vel alterutrum. Hinc ducitur illud argumentum Tullii: *Hoc, veim, tibi persuadeas, si rationibus meis à te provisum esse intellexero, magnam te ex eo & perpetuam voluptatem esse capturum.*

Quenam in suadendo, vel dissuadendo præcipue spectanda sunt?

R. Tria. 1. Quid sit, de quo deliberetur. 2. Qui sint, qui deliberent. 3. Quis sit, qui suadeat, vel dissuadeat.

Quid spectandum est in re, de qua deliberatur?

R. Quinque illa, de quibus egimus enucleate. An sit honesta, an utilis, an necessaria, an facilis, an jucunda.

Quid spectandum est iis, qui deliberant?

R. Caput artis est, nosse penitus animos eorum,

¶ *Confieri, pro Confici, vox parum usitata.*

orum, qui deliberant, eorumque voluntates, ac naturas festinè adorari, ut possis ambitiosis splendida, avaris utilis, voluptuosis iucunda proponere. & tuò, quod junct, hamò quemque piscari.

Prudentia ergo Oratoris erit, videre, an agat cum Regibus? aut viris principibus? apud quos, ut agebat Parisatis olim verbis byssinis opus est; an cum nobilibus, quos honesta, ac laudabilia tangunt; an cum plebe, bellua multorum capitum, apud quam negotium tractare, longè difficilimum est. Neque verò satis est, dignitatem spectare: sed habenda est etiam ingenii, morum, & ætatis ratio, ut rem facilius possis ad effectus operatos perducere. Iure igitur merito de variis variarum ætatum, conditionum, & gentium moribus agi solet ab artis Magistris, & imprimis ab Aristotele.

§. II. De variis variarum ætatum moribus.

Quam sunt juvenum, virorum, ac senum mores.

R. Ætatis cujusque mores, graphicè admodum ita pingit Horatius in Arte Poëtica:

Imberbis Juvenis tandem, custode remoto,
mine campi.
Gaudet equis, canibusque, & aprici gra-

Cereus in vitium flexi, non tibi asper,
 Uiliū tardus p. vicer, rodigus æris;
 Sublimis, cupidusq; & amata relinquere
 pernix.

Conversis studiis, ætas, animusq; virilis
 Querit opes, & amicitias, inservit honori
 Commisisse cavet, quod mox mutare la-
 boret.

Multa senem circumveniunt incōmoda;
 Querit, & inventis miser abstinet, ac
 timer uti;

Vel quod res omnes timidè, gelideq; mi-
 nistrat;

Dilator p. spe longus, iners, avidusq;
 Difficilis, querulo, laudator temporis acti
 Est puero censor, castigatōq; minorum.

Juventus igitur flagrant cupiditatibus;
 facilè, & vehementer excandescunt; unde
 adolescentia, quidam quasi rationis æstus
 appellatur; honestum utili præferunt, a-
 perti sunt, candidi, & misericordes, suā
 enim innocentia cæteros metuantur. Pro-
 digi sunt, & in sumptus effusi: nondum
 enim egestatem sunt experti: ad risum,
 & dicacitatem sunt propensi.

At de par omnino est senum ratio. Fa-
 cilè succensent illi quidem, sed non æq;
 paent

(a) Tardus ad bene sperandum, ob timi-
 ditatem.

parent iræ; quia, ut scitè Horatius: *Lenit*
et rubescens animos capillus, litium, & rixæ cu-
quepidos protervæ. Parum sperant, quia diu
vixerunt; pauca moliantur, præteritis
gaudent, facetos, ac ridiculos odere, soli-
citi sunt officiorum exactores, ad rem at-
tenti, lenti, difficiles, suspiciosi; sæpe e-
se aut se, aut alios delusos memine-
runt. Præterea queruli sunt, morosique
et, ut ait Tullius: *in fragili corpore, odiosa est*
omnis offensa.

Deniq; verbosi sunt, & loquaces, quia
licere amant. Unde non inscite Corne-
lius Gallius, seu potius Maximianus:
Deficit auditor, non deficit ipse loquendo.
Sola fortes garrulitate senes!
Sed facilè hoc illorum ætati condonan-
tium, ob egregias virtutes, quibus hoc
assitium abunde compensant.

Virilis ætas senectutè inter, & adole-
sceniam interjecta, ac in quodam quasi
confinio posita, utriusq; virtutum, vicio-
rumq; particeps est, & utriusq; indolem,
plur ex vicinia, trahit. Juventus fortis
est, sed intemperans; senectus est tempe-
rans, sed timida; virilis ætas fortis est,
virilq; sobriaq;. Juventus nimis credula est; se-
nectus nimis suspiciosa; virilis ætas, pro-
pria natura, vel confidit, vel diffidit.

Juventus quærit honestum, potius quàm utile; senectus utile magis, quàm honestum, virilis ætas, & honestum simul, & utile.

Puerilis deniq; ætas effervesceit facile; mutatur in horas; magnam habet indolentiam ad virtutem; gloriæ, honorisq; mirum in modum velificatur. Audi Tullium lib: 5. de Finibus. *Quarta sunt puerorum decertantium studia? ut illi offeruntur, vitia cum vicerint! ut se accusari nolunt! quàm cupiunt laudari! quos illi labores non perferunt, ut equalium principes sint!*

§. III. De moribus Nobilium, Divitum, & Plebeiorum.

Quinam sunt Nobilium mores?

R. Nobiles sunt honoris, ac gloriæ vel maxime studiosi, & si Apulejana voce ut fas est, sunt in primis honoripetæ. Solent autem non solum ignobiles aspernari, sed etiam homines novos, qui ex sua gente sunt honores consecuti.

Ita Metellus contemnebat C. Marium illiq;

Consulatum invadebat. Unde sic de Ierat contemptor animus, & superbia, commune nobilitatis malum.

Quinam sunt Divitum mores?

R. Divites, si præsertim divitias sunt pererrimè consecuti, contumeliosi feruntur.

sunt, ac superbi. Nempe facile sibi persuadent præstare se cæteris, quia divitias possident, quibus, vendalia sunt omnia. Præterea solent mollitia, luxuq; diffuere, ut notat Juvenalis Sat: 6.

Prima peregrinos obscæna pecunia mores

Intulit, & turpi fregerunt sæcula luxu
Divitiæ molles.

Hanc, quam memoravimus, novorum divitum arrogantiam, scitè tangit Cicero, cum de T. Roscio ait: Qui in sua re fuisset egentissimus. erat, ut fit, insolens in aliena, & Maro, cum ait de Numano.

Vociferans, tumidusq; novò præcordia regnò.

Qui sunt deniquè Plebejorum mores?

Germanos plebis mores suis coloribus scitè pingunt, Salustius, Horatius, Tacitus, & Seneca, dum ajunt: plebem esse belluam multorum capitum, plumâ, & vento mobiliorem esse... opinione duci magis, quam veritate... ire, quò itur, nò quo eundem est... privatis commodis servire potius, quam publicæ vel honestati, vel cupiditati... cupidam esse rerum novarum... Deniq; pessimi argumentum turbam esse.

De variis Reipublicæ formis.

Neq; enim in deliberatione fatis est

Q2

ata

etatis & conditionis ejusq; indolem, ac studia diligenter spectare. Spectandi præterea sunt Reipublicæ mores, qui scilicet, pro varia (a) politiæ forma, solent maximoperè variare. Aliter igitur agendū apud Gallos, Hispanosq;, & Lusitanos, quibus Rex unus summo cum imperio præest: aliter apud Helvetios, Batavosq; ac Venetos. apud quos vel plebs, vel Optimates dominantur.

Quid est Monarchia?

a. Est unius dominatus, communem utilitatem spectans.

Quid est Aristocratia?

a. Est optimatum imperium, ejusmodi est apud Venetos. Quòd si optimates illi, pauci sunt, & propriæ non verò publicæ serviant utilitati, vocabitur *Oligarchia*.

Quid est Democratia?

a. Est imperium populi, ejusmodi formæ, est apud Helvetios. Quòd si plebs infirma dominetur, vocabitur (b) *Ochlocratia*. Addi potest *Anarchia*, quæ solet in turbulentiſſimis temporibus exurgere cum sine Rege, cæterisq; magistratibus fluctuat labefactatum imperium.

De variis variarum gentium moribus.

Varios

(a) *Reipublica.* (b) *Turba, & dominatio*

Varios præerea gentium mores, ingeniumq; accuratè cognosces, & illorum germanam indolem perspèctissimam habebis, ut possis ad illam sermonem accommodare, ut monet Horatius.

Intererit multum, (a). Davusne loquatur, an heros?

Colonus, an Assyrius, Thebis nutritus, an Argis.

Quenam igitur est variarum Europæ Gentium indoles?

R. Galli sunt humani, hospitales, candidi, urbani, lauti, audaces, bellicosi, mobiles, præcipites, longæ spei impatientes: faciles ad obliviscendas injurias: æq; ac benefacta: acerbis iniitiis, injurioso fine, ut ait Florus, de veteribus Gallis, primo impetu, plusquam viri, secundo non tem; magni peregrinatores: unde jure dictum est: *Nullum bellum sine milite Gallo.*

Germani sunt simplices, aperti, fortes, animarum prodigi, veri amici, veriq; hostes, inquit Scaliger, Belgæ, Bavauiq; medium ferme tenent Gallos inter, atq; Germanos. Hispani sunt constantes, sedati, lenti in consiliis, laboris ac disciplinæ tolerantés: vile ministeriū, utia nisi spes magna affulgeat, aversantes.

Q3:

Itali

a) Davus persona comica, & nomen servii.

Itali sunt cunctatores, ingeniosi, sapientes, mentis excelsæ, ac reconditæ, & ad regendum omnino nati, ut ait Virgilius:
 Tu regere imperiò populos, Romane
 memento.

Hæ tibi erunt artes.

Poloni sunt feroces, bellicosi, & quos arte magis, quam vi possis superare: Moscovitæ contra fraudulentis &c. Longum esset cætera persequi. Plura qui volet, adeat, quæ ingeniose, & eleganter de præcipuis gentibus differuit Joannes Barclajus in icone animorum cap: 3. & 6. proxime sequentibus. Adeat item (a) Calvidii Latii Callipediam, ubi versibus elegantissimis, diversarum Europæ gentiû, mores, & ingenium diligenter expressit.

Quid deniq; spectandum est in illo, qui suadet, vel dissuadet?

R. Tria maxime in illo spectanda sunt, prudentia, probitas, & benevolentia. Prudentia quidem, quia his fidem habere solemus, inquit Tullius librò de Officiis, quos plus intelligere, ac videre, quam nos, arbitramur. 29. Probitas, quia quo quis versutior, & callidior, hoc invidiosior & suspectior detractione opinionis probitatis, ait idem Tullius:
 Et si

(a) Verum nomen Claudius Quilletus Alcedius Gallus, vixit sæculo proximo elapso.

Et si quem, licet peritum, ac prudentem cetero-
roqui, fallacem tamen, & sui potius amantem
credamus, quam nostri, ejus consilium penitus
aversabimur.

3. Spectatur in suadente benevolentia,
quia ut vel maximè prudens, & probus
quis credatur, tamen si odisse nos, vel
alteri parti melius velle existimetur, ne-
quaquam nobis bene consulere velle judi-
cabitur. Tria hæc complexus videtur Ci-
cero, cum lib. 2. ad Atticum ait: Nunc
mibi. & consilium opus est tuis, & amore, & fi-
de. Quare advola, expedita erunt omnia, si
te habebo. Nam consilium ad prudentiam
pertinet, fides ad virtutem, amor ad
benevolentiam.

§. IV. De Hortatione, & Dehor-
tatione.

Quid differt Hortatio à Suasione?

R. Hæc differt, quòd suademus ratio-
ne, & consilio; hortamur vero motu, atq;
impulsu. Unde suasio, proprie pertinet
ad intellectum: Adhortatio vero pertinet
ad affectum. Suasio docet, eòq; plus ha-
bet argumentorum; Adhortatio vero in-
flammat, ac propterea plus habet caloris.
Suasio facit ut scias, quid factò sit opus;
Hortatio facit, ut velis. & ausis, illiusq;
partes sunt, faces, ac stimulos veluti sub-

picere auditorum animis; illosq; ad rem bene gerendam inflammare. Deniq; suasio pertinet ad confirmationem: Exhortatio verò conclusioni reservatur.

Quinam affectus sunt in hortatione concipiendi?

R. Excitabis. 1. Spem, & fiduciam. 2. Amorem, & desiderium rei, quæ suadetur. 3. Æmulationem alienæ gloriæ, quæ est potentissimum ad feriendos animos telum. 4. Laudabis virtutem illorū, quos hortatis, illosq; hortatu nequaquam indigere dices: Ut enim observat Tullius, in excitando, & in acuendo, plurimum valet, si laudes eum, quem cohortaris. Ita socios recordatione virtutis inflammavit Mnestheus apud Virg. Æn. 5. At media socios incédens nave per ipsos Hortatur Mnestheus. Nunc nunc insurgite remis.

Hectorei socii, Trojæ quos sorte seprema Delegi comites; nunc illas promite vires, Nunc animos, quibus in Gætulis Syrtibus usi,

Ionioq; mari, (a) Maleæq; sequacibus Non jam prima peto Mnestheus neq; vincere certo,

Quan-

(a) Maleæ promontorium in mare procurvens, quod periculosam reddit navigationem.

(Quamquā oh!) sed superent, quibus hoc, Neptune, dediſti. (cives,

Extremos pudeat rediſſe. Hoc vincite

Et prohibete neſis.

Illuſtre adhortationis exemplum habes apud Curtium, lib. 7. ubi Alexander trecentos juvenes adhortatur, ut invadant præruptam illam, & undiq; abſciſſam Sogdianorum petram, quæ in triginta ſtadiorum altitudinem eminebat, & quam Arimazes, cum triginta armatorum milibus obtinebat.

Alexandri hortatio ad trecentos milites.

Vobiſcum, o juvenes & mei æquales; urbium invictarum ante munimenta ſuperavi, montium juga perenni nive obruta emenſus ſum: anguſtias Ciliciæ intravi; Indiæ, ſine laſſitudine, vim frigoris ſum perpeſſus, & mei documenta vobis dedi, & veſtri habeo. Petra, quam videtis, unū aditum habet, quem barbari obſident, cætera negligunt, nullæ vigiliæ ſunt, niſi quæ caſtra noſtra ſpectant. Invenietis viam, ſi ſolenter rimati fueritis aditus ferentes ad cacumen. Nihil tam a tē natura conſtituit, quò virtus non poſſit eniti. Experiendo, quæ cæteri deſperaverunt, Aſiam habemus in poteſtate. Evadite in

Q5

cacu.

cacumen, quod cum ceperitis, candidis
 velis, signum mihi dabit: Ego copias
 admotis, hostem in nos à vobis convertā.
 Præmium erit ei, qui primus occupave-
 rit verticem, (a) talenta decem, uno mi-
 nus accipiet, qui proximus ei venerit,
 eademq; ad decem homines servabitur
 proportio. Certum autem habeo, vos, nō
 tam liberalitatem intueri meam, quam
 voluntatem.

Dehortationis verò luculentissimum e-
 xemplum habes, apud Livium, lib: 23. in
 oratione Calavii Civis Campani, quā
 filium suum Perollam, ab Hannibalis cæ-
 de hortatur.

Dehortatio.

Per, ego te, fili, quæ unq; jura liberos
 jungunt parentibus, precor, quæsoq;, nē
 ante oculos patris facere, & pati omnia
 infanda velis. Paucæ horæ sunt, intrā
 quas jurantes, per quidquid Deorum est,
 dextras dextræ jungentes fidem obstrin-
 ximus, ut sacratis de Mensis (b) essemus.
 Digressi à colloquio, ex templo in eū ar-
 mamur. Surgis ab hospitiū menta, ad
 quam tertius Campanorum adhibitus ab
 Han

(a) Talentum Atticum respondet Realibus
 seu julii Romanis 6000. (b) Ita genuina le-
 gio, pro ederemus.

Hannibale es; eam ipsam mensam cruentare vis hospitis sanguine? Hannibalem modo pater filio meo potui placare; filiū Hannibali non possum? Unus aggressus es Hannibalem? Quid illa turba, tot (a) libertorum, fervorumquē? Quid in unum intenti omnium oculi? Quid tot dextræ? torpescentiæ in amentia illa? Vultū ipsiq; Hannibalis, quem armati exercitus tremunt, quem horret populus R, tu sustinebis? Et si auxilia desint, me ipsum ferire, corpus meum opponentem pro corpore Hannibalis, sustinebis? Atqui per meum pectus petendus ille tibi, transigendusq; est. Deterre i hic sine te potius, quam illic vinci. Valeant pre es apud te meæ, sicut pro te hodie valuerunt.

§. V. De Concitatione & Conciliatione.

Quid est Concitatio?

R. Est virulentum quoddam orationis genus, quò multitudinis, præsertim animi, veluti quoddam seditionis flabellò concitantur. Exemplum unum afferam ex Tacito: lib. 1. Annalium, ubi ait fuisse in castris Parcennium quem iam gregarium militem, hominem turbulentum, & procacem, qui commilitonum seditionem

con-

(a) *Melius quàm liberorum, ut v. go legitur.*

conflare conatus est hac artificiosissima concione. Cur paucis centurionibus, paucioribus Tribunis, in modum servorum obedirent; quando aufuros exposcere remedia, nisi novum, & nutantem adhuc principem precibus, vel armis adirent? Satis per tot annos ignaviâ peccatû, quod tricena, aut quadragena stipendia senes, & pleriq; truncato ex vulneribus corpore tollerent. Nè dimissis quidem finem esse militiæ, sed apud vexillum retentos, alio vocabulo eisdem labores perferre; Et paulò post: Denis in diem assibus animam, & corpus æstimari. Hinc vestem, arma, tectoria, hinc sævitiam centurionum, & vacationes munerum redimi; at Hercule verba, & vulnera, duram hyemem, exercitas æstates, bellum atrox, aut sterilem pacem sempiternam.

Concitatiõni opponitur conciliatiõ, quã vel nobis amorem alicujus, vel dissidentes partes in concordiam, gratiamq; reducere conamur. Sic olim Germanicõ Cæsar tumultuantes legiones prudenti oratione sedavit; & Julius Cæsar exercitum compescuit: *Quirites* appellando, pro militibus, qua una voce obortam seditionem repente compressit.

§. VI. De Commendatione.

Quot.

Quot sunt præcipua Commendationis capita?

R. Tria. 1. Causas Commendationis exponemus, idq; modeste, & verecunde; ut quod bene quis de nobis, aut de nostris meritus sit: quod simus cum illo vel sanguine, vel affinitate, vel amicitia conjuncti: quod perspectissima nobis sit illius humanitas, fides, eruditio, virtus, &c. Adde-
dere poterimus, scire nos Horatianum illud Epist. lib: 1.

Qualem commendes, etiam atq; etiam aspice: nè mox.

Incutiant aliena tibi peccata pudorem.

Sed viri integritatem, & præclaras animi dotes nobis exploratissimas esse. 2.

Exponemus negotium, ejus causa commendatur à nobis quispiam. 3. Orabimq;

atq; obtestabimur, vel dicemus, nos pluribus nolle contendere; nè de ejus, quem rogamus, humanitate diffidere videamur.

4. Deniq; tum nostro, tum ejus, quem commendamus, nomino, omne grati, ac memoris animi officium pollicebimur.

Est, & obliquæ commendationis genus, quò simulamus nos commendare nolle, quem interim vel maximè commendamus, ut si dicas, non quidem commendare te alteri Sextium velle; sed orare solum, ut propitiùs hominè noscere ne graveur.

vetur. Sperare enim futurum, ut, cum gratias agere soleant, qui commendarunt, alter tibi gratias agat, per quæ viri tanti notitiam sit consecutus.

§. VII. De Petitione.

Quid est Petitio?

1. Petitio est oratio, quæ aliquid postulamur vel pro nobis, vel pro alio. Posterior hæc vocatur intercessio. Utriusq; artificium paucis complexus est Servius, ubi Junonis ad Æolum orationem enarrat.

Rhetorum, inquit, est in omni petitione hoc observare. 1. Ut facile præstari possit, quod petitur. 2. Ut sit iusta petitio. 3. Ut habeat modum, & adhibeatur in illa moderatio. Hoc est, ut si majora dari non possint, minoribus contenti videamur. 4. Ut sequatur expedita remuneratio. Quatuor hæc observare licet in Junonis petitione. 1. Enim docet rem
facili negotio fieri posse:

Æole (namq; tibi Divum Pater, atque
hominum Rex

Et mulcere dedit fluctus, & tollere ventos.)

2. Justam esse petitionem ostendit, dum inimicam gentem insectatur:

Gens inimica mihi Pyrrhenum navigat
æquor.

3. Adhibet moderationem; dum alterutro contentus est:

Incute vim ventis, submersasque obrue puppes:

Aut age diversas, & disjice corpora pontō.

4. Beneficii præmium pollicetur.

Sunt mihi his septem præstanti corpore Nymphæ,

Quarum, quæ formâ pulcherrima, De-
jopejam

Connubiō jungam stabili, propriamque
dicabo.

Quàm plurima etiam petitionum exempla suppeditabunt epistolæ Ciceronis: quas inter, fideris instar, elucet elegantissima illa ad Lucejum, quæ est 12. libri

5. ad familiares, quâ Lucejum enixè rogat ut quæ in Consulatu suo gesserat Tullius, ea literis quàm primum velit cōsignare. Nam autem sic orditur: *Coram me tecum.....*

§. VIII. De Consolatione.

CONSOLIATOR vel minor est, vel æqualis, vel major. Minori cautiùs, & molliùs erit agendum: Amorem suum in primis testabitur: & ne de suo, plus alterò sapere velle videatur, ea, quæ dictu opus erunt, ea quoque Philosopho, vel alio iunime

prudentiæ viro se aliquando audisse profitebitur. *Æqualis*, pro communis amicitia jure facere se dicet. *Major* aget liberius, aded, ut, si quis immoderatus dolorem fert, audeat etiam increpitare, sed leniter, & amice.

Scitè omnino argumentum illud tractat Scaliger, librò 3. de Arte Pœtica, cap: 123. *Consolator*, inquit, aut est major, aut æqualis. Magnitudinem intelligo aut imperiò, aut dignitate, aut opibus, aut sapientiâ, aut ætate. Aliter enim consolabitur *Nasonem Livia*; aliter *Liviam Naso*. Hoc spectat ad Imperium. *Dignitas* autem etiam sine Imperio esse potest. Veluti si pater filium, *Ciceronem Pompejus*. *Opibus*, ut si è plebe quempiam clientem suum *Crassus*. *Sapientiâ*, quemadmodum *Polybium*, aut matrem *Seneca*. De ætate, opus est exemplis. *Major* interponet auctoritatem; etiam objurgabit. *Sapiens* opponet etiam disputationem. *Sententiæ* huic crebriores. *Minor* ostendet affectum, sese id à sapientibus accepisse. *Æqualis* testabitur amicitiam, jus commune benevolentia.

Si merentis dolor sit aded gravis, & aded recens, ut medicinam videatur respicere; bipartita erit oratio. *Priori* parte af-

te a
qui
co
priv
Ad
bon
cun
quia

A
end
hac
con
a. E
tus,
lam
iga
omr

5
ina
ere
uda
e do
ore
Ac
re v

(a)

te affirmabimus parū idoneos esse nos, qui solemur alium, cū vel ipsi quoque consolatione plurimū egeamus: simulq; privati nostri doloris causas afferemus. Addeamus non nos modò, sed omnes etiā bonos dolere, quod ipsum tamen qualecunq; mærenti solatium debet afferre: quia scilicet,

(a) Levius communia tangunt.

Alterā verò parte afferemus, quæ leniendo dolori sunt idoneæ; qualia sunt tria hæc; & pervulgata: 1. Vitæ communis conditio, quæ multis malis fit obnoxia. 2. Ejus, quem consolamur, doctrina virtus, animi magnitudo. 3. Inutilitas, & damnum, unde dolor augeatur, non corrigatur. 4. Patientiæ vis, quæ mitiget omnia; juxta illud Venuſini Pœtæ:

Durum, sed levius fit patientiâ,

Quidquid corrigere est nefas.

5. Quam sit honestum, in altissimo divinæ voluntatis consilio semper acquiescere: 6. Quam sapiente dignum, quamq; audabile sit, oratione, consilioq; mitigare dolorem illum, qui die ipsa, ac tempore tandem aliquando deservet.

Ad genus judiciale, quod *bellum togatū* vocare possumus, pertinent duæ orationes:

tionum.

(a) *Claudianus.*

tionum species; accusatio nimirum, atq;
defensio; quæ non alia præcepta deside-
rant, quam quæ sunt hæctenus à nobis al-
lata, cum præsertim veterum iudiciorum
ratio fuerit prorsus immutata.

Finis Libri Quarti.

ARTIS RHETORICÆ
LIBER QUINTUS
DE PRONUNTIATIONE.

SUPEREST Pronuntiatio, sive actio; po-
strema quidem oratoricæ facultatis
pars, si ordinem in tractando consideres:
sed tanti tamen momenti; ut primas, se-
cundas, & tertias ei Demosthenes meri-
to, & jure tribuerit.

Quid est Pronuntiatio?

R. Est vocis, gestuumq; pro rerum, ver-
borumq; varietate, apta conformatio.
Quanta porro sit illius vis, & utilitas, do-
cet Tullius, cum ait, infantes, & indis-
ertos homines, actionis, dignitate eloquē-
tiæ sæpè fructum, palmamq; tulisse: di-
sertos verò pæne multos, actionis de-
formitate, infantes fuisse iudicatos. Hinc
Pronuntiatio rectè vocatur ab eodē Tul-
lio, *Quædam corporis eloquentia*; & alibi,
(a) *Sermo corporis* ab eodem etiam appel-
latur.

Quot

(a) *Ad Brutum.*

Quot res sunt ad rectè pronuntiandum necessariae?

§. Tres, memoria, vox, & gestus. Est enim memoria quasi fundamentum actionis, de cuius vi, gratiaq; multum depererat necesse est, si memoriter non pronuntietur oratio, & si orator non possit à commentariis oculos, & vultum avertere:

Viris tamen principibus, & in publica re vehementer occupatis vitio verti nequit, si recitent è commentario; ut olim Augustus, qui nè memoriae subiret aleam, vel in ediscendo sibi tempus abiret; ferè de scripto dicebat; ut authores sunt Suetonius, & Dio. Itemq; Patrum nostrorū memoriā Carolus V. ad Belgii Proceres orationem è scripto recitavit, cum sese regnò Bruxehis abdicaret, illudq; Philippo filio traderet. Datur quoq; eadem vena ægrotis, senibusq; aliis vero nequam.

§. I. De Memoria.

Quid est Memoria?

§. Memoria, ut est eloquentiæ pars; definitur à Tullio, *Forma rerum, ac verborum recordatio*. Est autem duplex memoriæ generis. Alia est artificialis, alia naturalis.

Quid est artificialis Memoria?

§. Artificium memoriæ à veteribus traditum,

dicum, constat locis, & imaginibus. Locum se habent instar chartæ, imagines verò instar Scripturæ. Hanc artem primus apud veteres prodidisse: apud recentiores Raymundus Lullus illustrasse traditur. Eam verò iis, qui memoriâ valent, minimè necessaria est. qui non valent, prorsus inutilis. Tu illam modò exerceto. ediscendis ad verbum, ut ait L. Crassus apud Cic. lib. 1. de orat. quam plurimis & tuis. & alienis; quod facilius fortasse præstabis, si, antequam cubitum eas, attente ea quæ mane volēs ediscere, semel, aut iterum legas. Nisi te hæc exercitatio juverit, nihil sane in arte, quò possis juvari, reperi.

§. II. De Voce.

AD Actionis usum. ac laudem, maximam sine dubio partem vox obtinet, inquit Tullius de Oratore: neq; tam refert, qualia sunt, quæ dicas; quàm, quomodo dicantur.

Quenam igitur circa vocem sunt observanda?

¶ Tres hæc potissimum leges diligenter observabis. Prima lex hæc est, ut dilucide, articulatum, & sincere pronuntietur; ita ut integra verba, syllabæq; omnes profèrantur. Nolim tamen, syllabatim sic pronunties, quasi si literas computando

annumerares: quod esset molestum ac putidum.

Ad eandem legem pertinet etiam, ne volubili quadam, præcipitiquè celebritate dicendi incitata feratur oratio, sed vox respiratione recreetur, & spiritus inter dicendum suspendatur identidem, & auditoribus spatium aliquod cogitandi relinquatur.

Secunda lex hæc esto, ut pro argumenti, motuumquè præsertim varietate, vox etiam oportune varietur; & utcunque se affectum videri volet Orator & audientium animos moveri, ita etiam certum vocis sonum adhibeat. Iracundia postulat vocis genus acutum, incitatum, crebrò incidens: miseratio, & mæror, flexibile, plenum, flebile, interruptum: voluptas effusum, lenè, tenerum, hilaratum: metus, demissum, hæsitans, abjectum, &c.

Præterea mutanda tibi vox erit variis orationis partibus. Aliam enim vocem flagitat Exordium, aliam Narratio, aliam Confirmatio, aliam Peroratio.

In Exordio, nisi forte indignatione constet, voce utendum submissa, ac ve-

recun-

recunda. Nec debet Orator, simul ac dicturus prodit, perfricare frontem, & in verba statim erumpere: Ceteroquæ futurum est, ut seroculum Oratorem iure omnes averfentur: Sed oportet, ut paululum cogitatione quasi defixus moretur: Idque tum, quod auditores hæc Oratoris cura delectat, tum ut interea ipse se colligat, & ad dicendum componat, Ita Ulyffes apud Nafonem paulisper conficit, oculis in terram defixis, priusquam suam eloquentiam torrentis instar effundat: (a)

..... Oculos paulum tellure moratos
Sustulit ad Proceres; expectatôquæ re-
solvit

Ora sonò, nequæ abest facundis gratia
dictis.

Ab Exordio paulatim insurgit vox, ac in narrando quidem, voce utimur aperta, simpliciquæ, qualis fere est in sermone familiari. In Confirmatione, & in argumentatione præsertim, voce utimur acriori. In Peroratione demum, quasi partâ victoriâ, vox solet esse excitator, ut ita ostendat Orator se niti bonitate causæ, magnamquæ fi-
duci.

(a) *Metamor lib: 13.*

duciam in auditorum probitate, prudentiaq; collocare.

§. III. De Monotonia, & Canu.

Grata huic varietati opponitur è diámetro unus ille, insulfusquè vocis tenor; quem Græci *monotoniam* vocant, & qui non modo dicentem enecat, sed etiam audientes examinat, & unde omnis orationis decor, ac venustas deflorescit;

.... Ut citharædus.

Ridetur, e chordâ qui semper oberrat eadem, inquit Horatius.

Huic, quam tantopere commendamus, varietati opponitur etiam cantus, qui nihil aliud est, si quæris, quam clamosa quædam, & uno serme tenore subsultans nœnia.

Qua ratione huic vitio poterit occurrî?

¶ Huic incommodo remedium adhibebitur. 1. Si pueri rebus humilibus, ac quotidianis æquabiliter, & rotundè pronuntiandis affuescant; neque verò statim ad tragicam granditatem procurrant. 2. Si eorum, quæ pronuntiant, germanum sensum penitus animadvertant. 3. Si interdum vernaculâ,

lâ, non inflata, tragicâq; sed simplicia,
& quotidiana pronuntient.

4. Exerceantur aliquandiu in orationibus illis, quæ varios motus, ac vocis inflexiones efflagitent: ut videant, quid submissè, ac leniter; quid festivè, quid atrociter, quid sedatè, quid concitatius dicendum sit. 5. Deniquè ubi illa pronuntiationis quasi tyrocinia posuerint, poterunt citra periculum in rebus grandioribus, tragicisq; versari.

Tertia circa vocem lex hæc est, ut ea pro amplitudine loci, & auditorum multitudine, vel intendatur, vel remittatur; sed tamen nec ascendat ad supremum, nec ad extremum descendat. Nam vox si ima sit, vim non habet; si verò nimium acuta sit, contentaq;, delicatas, ac teretes urbanorum hominum aures offendet.

Scio equidem hoc esse plebeculæ rudioris ingenium, ut vocalissimum quemquè, & valentissimum lateribus ita optimum Oratorem judicet, nullamq; putet egregiam, nisi, quæ (a) pontem indignetur, actionem, in qua scilicet, & clamoræ fauces, & vox ululans, & rigidi

vultus

(a) Pontem indignatus Araxes. Virg:

vultus torvitas, & pedum suppfiones,
& brachiorum remigatio. & totius cor-
poris dissoluta quædam, intemperansq;
jactatio, & illa deniquè inflata rum-
pantur.

Ciceroni verò longè alia mens erat.
Aiebat enim venustissimè clamorosos lu-
jusmodi *latratores* verius quàm orato-
res, similes esse claudorum, qui cùm
ambulare non possint, ad equum con-
fugiunt. Ita illi, in illa (a) *Stentorea*
voce tanquam in jumento, suam omnè
apud imperitos fiduciam reponunt; nec
magis hoc nomine possunt Oratores
dici, quàm bajulus possit dici citha-
rædus.

§. IV. De Gestu.

Vocem subsequi debent Gestus, &
varios animi sensus cum illa simul
aperire. Qua de re colligemus ex ve-
teribus ea tantum, quæ sæculi nostri
moribus sunt accommodata. Multa si-
quidem ex antiquorum gesticulatione
prorsùs obsolevisse videmus.

Quid est Gestus?

R. Ge-

(a) *Stentor* quinquaginta hominum cla-
morem magnitudine vocis adæquabat, Unde
ab Homero vocatus *vocem æream habens.*

R

R. *Gestus*, inquit *Valla*, est actio quadam, & quasi pronuntiatio corporis; seu *mavis* cum *Quintiliano*; *Gestus* est, totius corporis motus, & conformatio.

Quid in *gestu* generatim, & universè cavendum est?

R. 1. Nihil in illo sit effeminatum, & molle; nihilominus exquisitum, aut elegans; nihil, quod affectatam quandam diligentiam, atque redoleat. *Moret enim Fatius* actionem non esse deliciis, nimisque curâ molliendam; & contemptis illis, delicatisque *Oratoribus* sæpe numero solet evenire, quod olim *Sybaritarum* equitatu contigit. Cum enim gens effeminata; & eborearum ad insaniam avida, suos etiam, equos ad numerum, symphoniamque saltare docuisset, cum deinde ex umbraculis in solem, ac pulverem contra *Crotoniata* hostes fuit illis prodeundum, *histriones* illi equi, turbarum, & martis ignari, motibus compositis, saltibusque numerosis repente latucentes, se, & exercitum totum miserè perdidērunt. Ita ut *bratiles* illi *Oratores* ab imis unguiculis ad verticem usque *venustuli*, quando ex domestica exercitatione, in medium agmen, in pulverem, in clamorem,

morem, in castra, atque aciem forensem prodierunt, & se, & causas suas in magnum quoddam discrimen conjiciunt.

2. Nihil in Gestu sit durum, aut a-greste, nè, dum molliem fugimus, in contrarium rusticitatis vitium videamur incidere. Quamquam, si in alterutro peccandum esset, facilius excusaretur rustica quædam simplicitas, quam putidinscula gestus, vocis, & habitus affectatio.

Quid de totius corporis motu præcipiendum?

3. Præcipitur. 1. Ut status corporis sit cælus, & erectus, truncò magis totò, viriliquè quadam laterum inflexione se se Orator moderetur. 2. Ne in morem obri-gescat, quasi si veru deglutisset, ut faceret ajebat Epictetus. 3. Ne crebris, & in-compositis corporis com-motionibus vehementius agitetur, more fudentis Sibyllæ:

--- Cui pectus anhelum

Et rabie fera corda tument....

Vitiosum quippe est, huc illuc cursitare, quod olim exprobratum fuit Domitio Afro, qui *non agere, sed satagere,*
non

non illepide dicebatur. Et cum alius quidam non minus actuosus Orator multum concursisset in dicendo, faceret rogavit eum adversarius Virginius: Quot demum passuum milia declamasset: Cassius quoque Severus adversus circumcurstantes hujusmodi Oratores solebat pōcere lineam, quæ immōdicas illorum excursionēs prohiberet.

Quid in capitis & oris totius conformatione servandum est?

R. Vitiosa est frequentior capitis jactatio, Mænādum instar, de quibus Catullus; carmine de Berecynthia, & Athi: Capita Mænādes vi jaciunt hederigeræ, aut instar famosæ illius Messaline de qua Tacitus II. Annalium: *Ipsa crine fluxo, Thyrsū quatiens juxtaque Silius? hedera vincius gerere coturnos jacere caput.* Non tamen dedecet aliquando, vel annuendo confirmare, vel abnuendo negare; vel capitis in latus inclinatione languorem, & aversione indignationem; aut alio simili motu, dubitationem, & ejusmodi affectus designare. Sed neque capite erimus immobili, rigidoque, quod semibarbarum est ut olim Rufus ille Rhetor, de quo ita

Auso-

Ausonius Epigrammate 50.

Rhetoris hæc Ruffi statua est, si saxeæ,
Rufus.

Cur id ait? semper saxeus ipse fuit.

3. Capite utemur non demisso, & obliquo, vel in cervicem reflexo; sed recto: potius celsoque; quanquam hic quoque modus servandus est, ne audacitæ, ac arrogantia videatur; & capitis demissio potest aliquando tristitiam, luctum, mærorem, pœnitentiam, & iræ divinæ placandæ studium perbelle significare.

Sed in ore, vultuque, & oculis sunt indices. Quapropter pro rerum natura, vultum indues, modo hilarem, modo mæstum, nunc blandum, nunc minacem. Ita Horatius:

Tristia mæstum

Vultum verba decent: iratum plena minarum;

Ludentem lasciva; severum seria dictu.

Frons exporrecta, diffusaque, hilaritatis indicium est: contra verò severitas indicatur fronte corrugata, caperataque, & superciliis vel contractis, vel etiam inæqualibus. Unde Tullius in Pisonem: *A tero ad frontem sublatò, altero ad*

ro: ad mentum depressio supercilio respondit..... & pro Sextio: Tanta erat gravitas in oculo; tanta frontis contractio, ut illo supercilio, tanquam Rhodamantus ile niti videretur: Hinc etiam Petronius Arbiter:

Quid me spectatis, contracta fronte,
Catones?

Et post illum Martialis lib: 1.

Contigeris nostros, Cæsar, si fortè libellos,
bellos,

Terrarum Dominum pone supercili-
um.

Orantem, & aliquid à DEO poscentem indicant oculi in Cælum sublatis, ut res ipsa satis loquitur. Unde Casandra:

Ad Cælum tendens arde: iam lumina
frustra.

Oculos avertere averfantis est, vel fistidentis, vel negantis. Sic misera Didonis umbra, conspecto apud inferos Ænea:

Ille solò fixos oculos averfa tenebat.

Oculi clausi meditantem, & cogitantem animum produunt. Oculos in unum locum defixos habent, qui præ admiratione stupent. Unde Æn: 2.

Dum

Dum stupet, obtutuq; hæret, defixus
in uno.

Præterea demissi oculi modestiam,
pudoremque significant. Sic Androma-
che *Æn.* 3.

Dejecit vultum, & demissa voce lo-
cuta est:

Quid in Brachii moderatione servandum?

R. Brachia nec deorsum incompo-
sita pendeant, nec immodice projici-
antur, nisi in affectu vehementiori. Bra-
chium extensum, ac porrectum, poten-
tiam, authoritatem, & robur arguit.
Contra verò continere, ac cohibere
brachium, est pudoris, ac verecundiæ.
Unde Tullius pro Cælio: *Nobis olim an-
nus erat unus ad cohibendum brachium to-
gâ constitutus, ut exercitatione, ludoq; cam-
pestri tunicati (a) uterentur.*

Quid circa manus, digitosq; præcipitur?

R. Manus, sine quibus trunca esset a-
ctio, ac debilis, vix dici potest, quot motus
habeant, inquit Fabius. . *Fam ceteræ par-
tes loquentem adjuvant: hæc, propè est, ut
dicam, ipsæ loquuntur. An non his po-
scimus? pollicemur? vocamus? dimittimus?
minamur? abominamur? timemus? interroga-*
mus?

(a) Alii legunt *uteremur.*

R. 4.

mus? negamus? Gaudium, tristitiam, dubitationem, confessionem, pœnitentiam, modum, copiam, numerum, tempus, ostendimus? Circa manus autem certæ quædam sunt, ac definitæ leges, quas sequi oportebit.

1. Manus in Exordio non solet extendi. Ast ubi paulum effervesce cœpit oratio, manus pariter exeritur cū illa, pariterq; cum illa deponitur.

2. Pectori manus adimovetur, cum de seipso quis loquitur; at cum alloquitur alium, ad illum, extenditur.

3. Manus sinistra nunquam sola gestum facit, inquit Fabius: dextræ se frequenter accommodat: sive in digitos argumenta digerimus, causamque, ut olim Hortensius consueverat, partimur in digitis (quem morem hodieque nonnulli non infeliciter, imitantur) sive adversas palmas, quasi repellendo, & repudiando objicimus.

4. Solæcismus gestu committitur, cum aliud voce, aliud gestu monstramus: ut Rictor ille, qui Cœlum appellans, tellurem intuebatur, gestuq; monstrabat.

5. Urgemus crebra manuum impressione. Supplicamus manibus etatis, jun-

junctisque. Confirmamus manibus pronis, gravi quodam, & decenti motu depressis.

6. Admirantium est manus tollere. Unde Tullius in Academicis Questionibus: Hortensius autem vehementer admirans, quod quidem perpetuo Lucullo loquente fecerat, ut etiam manus sæpe tolleret. Et ad Cæsarem, Epistolarum libro septimo. Sustulimus manus ego, & Babus. Huc etiam pertinet illud Catulli Carmen 53.

Admirans ait hæc, manusque tollens:
Dii magni, (a) salapufium disertum!

7. Manu extenta facimus nobis audientiam, indiimusque silentium. Hinc Persius in Satiris:

Fert animus calide fecisse silentia
tuba

Majestate manus, ...

Lucanus etiam libro primo de Cæsare;

Tumultum

Composuit vultu, dextraque silentia jussit.

8. Manus ori admota tacentis, & silentium suadentis habitus est. Digito

R5

com

(a) Salapufus nomen compositum ex salis & pufus sive pufio quasi dicitur pufio p'entis salis, & facietiarum, quod de Cævo dictum ob pusillam staturam.

compescere labellum, inquit Juvenalis: quo etiam gestu simulacrum Harpocratis effingebant Ægyptii veteres.

9. Solebat Tullius antequam diceret, barbam demulcere, quod hodieque nonnulli solent. Sunt etiam qui aut frontem fricent, aut lacunar intueantur, sed hæc vitiosa sunt. Vitiosum est quoque, manus vel supra caput attollere, vel infra pectus demittere; præterquam in summis affectibus.

10. Pectus ferire, aut femor, propè scenicum est.

11. Manus optime à sinistro incipit latere, dextroq; deponitur.

12. Hoc esse cavendum, ait Cicero; nè ni niæ sint digitorum argutiæ, nè immédica sit illorum gesticulatio, quod vitio laboravit summus Orator Hortensius: *Cum enim*, inquit Agellius, *manus ejus inter agendum essent argute admodum, & gestuose, maledictis, compellationibusque probrosis jactatus est; multaque in eum quasi in hostionem in ipsis causis, atque judiciis dicta sunt.*

Has autem omnes, quas hætenus diximus, Oratoris virtutes, cura, & labore comparari posse liquet mirabili

Demo.

Demosthenis exemplo, qui cum (a) primam artis suae litteram dicere nequireret. studio, & exercitatione perfecit, ut planissime diceret, & balbutiem, inditis ori calentis, emendavit, exilitatem vocis, ad fluctus maris declamando, illiusque fremitus voce vincendo, sustulit; angustias spiritus, locorum inter declamandum ascensu, tandem aliquando superavit.

A quæ hæc de Pronuntiatione monuisse sufficiat. Reliqua, quæ eodem pertinent, exercitationi reliquimus: cui scilicet plus multo, quam præceptis esse tribuendum existimavimus.

Finis Libri Quinti.

(a) Litteram R.

I N D E X
C A P I T U M.

Elementa Rhetoricæ.

CAPUT I. De Fabula.	pag: 1.
§. I. De variis Fabularum generibus.	2.
§. II. De Fabula Rationali, sive Parabola.	Ibidē.
§. III. De Fabula Morali, sive Apologo.	3.
§. IV. De Fabula Mixta.	5.
§. V. De legibus, & artificio Fabulæ.	6.
§. VI. De utilitate Fabulæ.	7.
CAPUT II. De Narratione.	12.
§. I. De virtutibus Narrationis.	12.
§. II. De Schemat'is, seu Figuris, quibus illuminari potest Narratio.	19.
§. III.	

§. III. Varia Narratio: genera,
& selecta illarum Exempla. 25.

CAPUT III. §. I. De Chria. 38.

§. II. Chria verbalis in hanc
Virgilii sententiam: Breve
& irreparabile tempus om-
nibus est vita. 46.

§. III. Argumenta Chriarum
verbalium ex Horatio. 52.

CAP: IV. De Amplificatione. 54.

§. I. De Amplificatione re-
rum. 57.

§. II. De Amplificatione per
congeriem Definitionum. 57.

§. III. De Amplificatione per
congeriem adjunctorum. 58.

§. IV. De Amplificatione per
congeriem, seu enumera-
tionem partium. 60.

§. V. De Amplificatione per
congeriem causarum, &
effectuum. 62.

§. VI.

§. VI. De Amplificatione per congeriem consequenti- um.	63.
§. VII. De Amplificatione per comparationes, similitudi- nes, & exempla.	64.
§. VIII. De Amplificatione per consuetudinem contra- riorum.	66.
§. IX. De Amplificatione per incrementum.	68.
§. X.	69.
§. XI.	70.
§. XII.	71.
§. XIII.	72.
§. XIV.	73.
§. XV De Amplificatione per repetitionem.	74.
§. XVI. Quod sit in Amplifi- catione vitandum.	76.
Præmium Rhetoricæ:	78.
§. I. De natura, & fine Rhe- toricæ.	78.

§. II. De materia Rhetoricæ.	80.
§. III. De partibus Rhetor:	82.
§. IV. De dignitate, & utili- tate Rhetoricæ.	83.
De Imitatione.	85.

L I B E R I.

De Elocutione.	95.
CAPUT I. De Figuris, seu Schematibus;	97.
§. I. De Figuris Sententia- rum.	98.
§. II. De Figuris ad moven- dum idoneis.	98.
§. III. De Dubitatione.	101.
§. IV. De Obscuratione.	103.
§. V. De Imprecatione.	104.
§. VI. De Interrogatione, & Subjectione.	105.
§. VII. De Præteritione, & Retentione.	106.
§. VIII. De Expolitione.	108.
§. IX.	

§. IX. De Epiphonemata. 109.

CAPUT II. De Figuris ad
delectandum magis ido-
neis. 110.

§. I. De Apostrophe. 110.

§. II. De Hypotyposi. 112.

§. III. De Protopopœja. 113.

§. IV. De Ethopœja. 115.

CAPUT III. De Figuris ad
docendum idoneis. 118.

§. I. De Antithesi. Ibid.

§. II. De Sustentatione. 120.

§. III. De Communicatio-
ne. 121.

§. IV. De Correctione. Ibid.

CAPUT IV. De Figuris ver-
borum. 122.

§. I. De Tropis. Ibid.

§. II. De Metaphora. 123.

§. III. Quid vitandum in
Metaphora. 127.

§. IV. De Allegoria. 129.

§. V.

§. V. De Metonymia.	131.
§. VI. De Synecdoche.	133.
§. VII. De Ironia.	135.
§. VIII. De Sarcasmo.	139.

CAPUT V. De Figuris verborum propriè dictis, seu quæ non sunt Tropi. 140.

§. I. De Figuris per Adjectionem.	141.
-----------------------------------	------

§. II. De Figuris per Detractionem.	145.
-------------------------------------	------

§. III. De Figuris per similitudinem.	147.
---------------------------------------	------

§. IV. Appendix de Transitione.	149.
---------------------------------	------

CAPUT VI. de Periodo. 154.

§. I. De partibus Periodi.	155.
----------------------------	------

§. II. De variis Periodorum generibus.	156.
--	------

§. III. De legibus ac regulis Periodi.	158.
--	------

§. IV.

- §. IV. De artificio Periodi
amplificanda. 160.
- §. V. De numero, & cate-
ris virtutibus Periodi. 161.
- §. VI. Regula sex, quibus
reddi potest numerosa
Periodus. 163.
- §. VII. Quomodo parari
possit facultas numerosè
dicendi. 169.
- CA. VII. De Stylo ora-
torio. 171.
- §. I. De Stylo sublimi. 172.
- §. II. De Arte comparandi
Styli sublimis. 174.
- §. III. De Stylo simplici. 175.
- §. IV. De Stylo mediocri. 176.
- §. V. De usu triplicis Styli,
seu Characteris. 177.
- §. VI. De stylo vtilioso. 179.
- §. VII. De Stylo Laconico,
& Asiatico. 182.

L I B E R II.

De Inventione 194.

CAPUT I. De Locis Intrin-

secis. 196.

§. I. Definitio. Ib id.

§. II. Enumeratio partium. 199.

§. III. Notatio Nominis, &
Conjugata. 202.

§. IV. Genus, & Species,
seu Forma. 206.

§. V. Similitudo, & Dissimi-
litudo. 208.

§. VI. Contraria, & Repu-
gnantia. 211.

§. VII. Adjuucta. 213.

§. VIII. Antecedentia, &
Consequentia. 216.

§. IX. Causæ. 217.

§. X. Effecta. 221.

§. XI. Comparatio. 222.

CAPUT II. De Locis ex-
trinsecis, seu remotis. 225.

CA-

CAPUT III. De secunda Inventionis parte, seu de motibus excitandis.	231.
§. I. De Amore, & Odio.	231.
§. II. De Metu, Spe, & Audacia.	237.
§. III. De Misericordia.	242.
§. IV. De Ira, & Indignat:	244.
§. V. De Mansuetudine.	249.
§. VI. De Æmulatione.	251.

L I B E R III.

De Dispositione. 254.

CAPUT I. De Exordio. 256.

§. I. De variis Exordiorum generibus.	357.
§. II. De virtutibus, ac vitiis Exordii.	259.
§. III. De variis Exordiorum fontibus.	263.
§. IV. De officio, ac munere Exordii.	267.
§. V.	

§. V. De paranda attentione.	272.
§. VI. De Propositione.	276.
§. VII. De Divisione.	278.
CAPUT II. De Confirmatione.	279.
§. I. De Confirmatione propria dicta.	280.
§. II. De Syllogismo.	281.
§. III. De Enthymemate.	285.
§. IV. De Inductione.	287.
§. V. De Exemplo.	289.
§. VI. De Dilemmate.	290.
§. VII. De Crocodillo, & de argumento insolubili.	293.
§. VIII. De Sorite, & Epichremate.	294.
CAPUT III. De Confutatione.	296.
CAPUT IV. De Peroratione.	299.
§. I. De Enumeratione.	300.
§. II.	

§. II. De Affectuum Com-
motione.

302

L I B E R IV.

De Diversis Orationum ge-
neribus.

306

CAPUT I. De Orationi-
bus, quæ pertinent ad
genus demonstrativum.

307

§. I. De oratione Panegy-
rica.

307.

§. II. De Inventionibus, &
fontibus Panegyrici.

308.

§. III. De tempore, quod
ortum antecessit.

310.

§. IV. De his, quæ in vita
ipsa laudari possunt.

316.

§. V. De corporis, & fortu-
næ laudibus.

319.

§. VI. De tempore illo,
quod mortem sublequi-
tur.

324.

§. VII.

- §. VII. Anlmadverſiones
quædam circa perſona-
rum laudationem. 327.
- §. VIII. De oratione natali-
tia, ſeu Genethliaca. 329.
- §. IX. De oratione nuptia-
li, ſive Epithalamio. 332.
- §. X. De laudatione Fune-
bri. 334.
- §. XI. De oratione Euchari-
ſtica. 341.
- §. XII. De Epinicio, & Gra-
tulatione. 345.
- CAPUT II. De orationibus,
quæ pertinent ad genus
deliberativum. 349.
- §. I. De Suaſione & Dif-
ſuaſione. 350.
- §. II. De variis variarum
ætatum moribus. 255.
- §. III. De moribus Nobili-
um,


um, Divitum, & Plebe-	
jorum.	358.
§. IV. De Hortatione, &	
Dehortatione.	363.
§. V. De Consolatione, &	
Conciliatione.	367.
§. VI. De Commendatio-	
ne.	368.
§. VII. De Petitione.	370.
§. VIII. De Consolatione.	371.

L I B E R V.

De Pronuntiatione.	374.
§. I. De Memoria.	375.
§. II. De Voce.	376.
§. III. De Monotonia, &	
Cantu.	379.
§. IV. De Gestu.	381.



Ca. Libri Lucae
Trojanensis





746010 **Bibliotheca 3005.**
P.P. Camaldulensium in Bielany

Depozyt w Bibliotece Jagiellońskiej



09944

E.1.45

